

2

CURSUS THEOLOGICO-MORALIS

Tomus Posterior

Quoad ea, quæ Moralis Theologia disputat
DE SACRAMENTIS, & CENSURIS:
Ad usum Tyronum elucubratus,

Et in Quotidianis Praelectionibus

A P. DOMINICO VIVA
SOCIETATIS JESU

SACRÆ THEOLOGIÆ PROFESSORE

Suis Auditoribus Traditus

*In Palaestra Collegii Neapolitani ejusdem Societatis,
Cupientibus, atque instantibus Theologiæ Moralis Candidatis,*
IN LUCEM PUBLICAM EDITUS,
AC DICATUS

EXCELLENTISSIMO PRINCIPI

D. MARCO ANTONIO
BORGHESIO

SULMONÆ PRINCIPI, ac ROSSANI,
PROREGI JAM NEAPOLITANO, &c.

PARS SEPTIMA
DE SACRAMENTO MATRIMONII.



PATAVII, Ex Typographia Seminarii, MDCCXXIII.

Apud Joannem Manfrè.

SUPERIORUM PERMISSU, ac PRIVILEGIO.





I N D E X

QUÆSTIONUM, ET ARTICULORUM,

Qui in hoc Theologico-Morali Opusculo De MATRIMONII SACRAMENTO

Continentur.

Q U Æ S T I O P R I M A :

De Sponsalibus universim.

Art. I. De Promissione constitutiva Sponsalium.	<i>ibid.</i>
Art. II. De Promissione sibi Sponsorum.	8
Art. III. De Promissione mere interna nubendi facta, sive homini, sive Deo per votum.	12
Art. IV. De Verbis, & aliis signis, & modis, quibus Sponsalia contrahuntur.	15
Art. V. Quinam possint Sponsalia contrahere?	18
Art. VI. De Obligatione, quæ confurgit ex Sponsalibus.	22
Art. VII. De Sponsalium Effectibus.	29

Q U Æ S T I O I I.

De Causis dissolventibus Sponsalia.

Art. I. De mutuo consensu, & de Reclamatione dissolventibus Sponsalia.	34
Art. II. De Crimine dissolvente Sponsalia.	36
Art. III. De Fuga, seu longa absentia Sponsorum, ac de Tempore Matrimonii elapsa.	38
Art. IV. De Susceptione Ordinis Sacri, ac de Poto castitatis, aut Religionis.	39
Art. V. Quomodo matrimonium, vel Sponsalia subsequens dirimant priora?	42
Art. VI. De Morbo, aut simili vitio dissolvente Sponsalia.	44
Art. VII. De Affinitate, seu impedimento inris superveniente; Ac de Poto publica, seu fama de impedimento.	45
Art. VIII. Quanam ignorantia, & dolus dissolvant Sponsalia; Et quinam metus?	47
Art. IX. Quanam probatio, & Iudicis auctoritas requiratur ad dissolvenda Sponsalia?	51

Q U Æ S T I O I I I.

De Matrimonio secundum se, ejusque institutione, & indissolubilitate.

Art. I. Quid sit matrimonium, inquantum contractus, & inquantum est Sacramentum?	<i>ibid.</i>
Art. II. De Institutione Matrimonii.	62
Art. III. De Unitate, & Indissolubilitate Matrimonii.	67

Q U Æ S T I O I V.

De Consensu, qui est causa efficiens vinculi matrimonialis.

Art. I. De Consensu matrimoniali simulato.	<i>ibid.</i>
	Art.

Art. II. De Signis externis expressis consensus matrimonialis.	78
Art. III. De Consensu coacto.	82
Art. IV. De Consensu simpliciter clandestino.	89
Art. V. De Consensu clandestino secundum quid.	99
Art. VI. De Consensu conditionato.	103

Q U Æ S T I O V.

De Impedimentis Matrimonii.

Art. I. De Matrimonii Impedimentis in genere. Quinam possit ea statuere?	111
Art. II. De Impedimentis dirimentibus in specie; ac Primo de Errore.	116
Art. III. De Impedimento conditionis servilis.	121
Art. IV. De Impedimento Potestatis.	124
Art. V. De Impedimento Ordinis.	125
Art. VI. De Impedimento Cognationis.	128
Art. VII. De Impedimento Affinitatis.	134
Art. VIII. De Impedimento Criminis, & Rapinis.	136
Art. IX. De Impedimento disparitatis Cultus.	137
Art. X. De reliquis Impedimentis dirimentibus, præsertim Publicæ Honestatis, & Impotentia.	139
Art. XI. De Impedimentis impedientibus.	143

Q U Æ S T I O VI.

De Dispensatione in Impedimentis matrimonii dirimentibus.

Art. I. Quinam possit in matrimonii impedimentis dispensare?	ibid.
Art. II. De Causis ad dispensationem requisitis.	152
Art. III. De Dispensatione surrepticia, & nulla.	156

Q U Æ S T I O VII.

De Usu, ac Debito conjugali.

Art. I. Quæ ratione alius conjugaliter sit licitus?	ibid.
Art. II. De Obligatione alius conjugaliter.	169
Art. III. De his, quæ impediunt usum matrimonii.	173
Art. IV. Utrum deordinationes morose, tales turpes, & alia hujusmodi licent Conjugalibus?	179

Q U Æ S T I O VIII.

De Divorcio.

Art. I. De Divorcio ex mutuo consensu.	ibid.
Art. II. De Divorcio ob causam adulterii.	184
Art. III. De aliis Causis faciendi divorcium ad tempus.	188

CURSUS THEOLOGICO-MORALIS

Ad usum Tyronum elucubratus.

DE

MATRIMONII SACRAMENTO.

PARS TERTIA.

Prooemium.



Ostremum inter Sacramenta locum obtinet Matrimonium, non quod efficacitate, aut dignitate sit aliis inferius, cum uberem in conjuges gratiam derivet; sed forte quia reliqua ad solam animorum consecrationem instituta sunt, hoc vero ad ipsam hominum propagationem, & ad sanctificationem animorum simul, & corporum. Est tamen præcipuum Christianæ fidei Mysteriorum symbolum, ac repræsentatio; ut propterea ab Apostolo ad Ephes. 5. dicatur: *Sacramentum hoc magnum est in Christo, & Ecclesia*: In primis enim signum est castissimi fœderis, & unionis Dei cum anima, quam sibi per fidem desponsare Oseas Propheta dixit; eique veluti dotis nomine Cœlestia Charismata, atque ipsum donorum, ac bonorum omnium Auctorem Spiritum Sanctum largitur: Est etiam symbolum mystici illius Conjugii, quo Christus Dominus Ecclesiam sanguine suo mundatam, ac divinis dotibus gloriosam sibi sponfam conjunxit: Significat insuper unionem, qua Verbum naturam humanam indissolubili vinculo sibi copulavit: Ac demum Tertull. lib. 1. de Monogam. cap. 1. dixit, Matrimonium Divinæ Trinitatis, & Unitatis adumbrationem esse: Sicut enim in Deo Unitas est in multiplicitate Personarum; sic quodammodo in Matri-

Pars VI

A

mo

2
monio sua unitas, & multiplicitas habetur. Genes. enim 2. dicitur:
Erunt duo in carne una.

Annus integer Tractatui de Matrimonio in nostris Scholis addicitur, quippe quod in usu fidelium frequentissimum, & uberri-
mis scatet doctrinis, quæ faciem præferunt animo per aspera, &
lubrica ambulanti, ne turpissime labatur.

Nos octo quæstionibus materiam universam complectemur, a-
gentes in prima de Sponsalibus universim, quippe quæ viam ster-
nunt ad Matrimonium. In secunda seorsim discutimus causas, ob
quas possint Sponsalia dissolvi. In tertia agemus de Matrimonio
secundum se, ejusque Institutione, Unitate, & Indissolubilitate.
In quarta de causa efficiente Matrimonii, videlicet de consensu,
præsertim ficto, coacto, clandestino, & conditionato. In quinta
de Impedimentis Matrimonii. In sexta de Dispensationibus. In se-
ptima de Usu, & debito conjugali; ubi plurima ad sextum præ-
ceptum spectantia enodabimus. In ultima demum de Divortio.

QUÆ

QUÆSTIO PRIMA.

De Sponsalibus universim.

Explicabimus primo, Quomodo Sponsalia constituentur? Secundo, ad quid obliget ficta Sponsorum promissio? Tertio, Ad quid obliget promissio solum interna, ac votum nubendi. Quarto, de Verbis, ac aliis signis, quibus Sponsalia contrahuntur. Quinto, Quinam possint illa contrahere? Sexto, Quænam ex iis obligatio confurgat? Denique discutiemus de eorum effectibus: In sequenti autem quæstione agemus seorsim de causis, ob quas possunt sponsalia dissolvi: De Sponsalibus vero conditionatis dicemus quæstione quarta agentes de Matrimonio celebrato cum consensu conditionato.

ARTICULUS I.

De Promissione Constitutiva Sponsalium.

- I. Quid sint Sponsalia?*
- II. Quanam promissione constituentur?*
- III. Si promissio sit indeliberata, non obligat; sicut nec votum; Nec potest obligare sub levi promissione Sponsalium.*
- IV. Nec obligat promissio isthac non acceptata.*
- V. Debet pariter signo sensibili manifestari. Sed quando taciturnitas sufficit in repromittente?*
- VI. Sponsalia neque sunt Sacramentum, neque Sacramentale.*
- VII. Ad valorem Sponsalium satis est intentio deliberata virtualis, non vero habitualis.*
- VIII. Requiritur ad eorundem valorem voluntas se obligandi ex iustitia ad Matrimonium inendum, sed non voluntas illud exequendi.*

I. Sponsalia dicuntur ex Ulpiano a spondendo; significant enim stricte sumpta mutuum sponsonem, seu promissionem futuri Matrimonii: Significant etiam munera, quæ sibi mutuo sponsi tradunt; in quo sensu servi Saulis dixerunt Davidi 1. Re-

gum 18. *Non habet Rex Sponsalia necesse*; hoc est non indiget muneribus, quæ dentur filiz suæ a Genero; Ac demum significant ipsum Matrimonium ratum, non consummatum; in quo sensu Beatissima Virgo dicitur Sponsa Joseph; Matth. cum 1. habetur: *Cum esset desponsata Maria Joseph*; Universim tamen qui Matrimonium ratum contraxerunt, communiter dici solent Sponsi de præsentibus, cum solum spondeant usum Matrimonii; qui vero Matrimonium nondum contraxerunt, sed solum promiserunt, dicuntur Sponsi de futuro, & absolute sponsi; spondent enim ipsum Matrimonium; seu potius dicuntur isti promissi relate ad Matrimonium; illi vero dicuntur promissi relate ad usum, seu ad effectum Matrimonii.

II. Quæritur nunc primo; Quænam sit definitio propria sponsalium? Et quanam promissione constituentur?

Respondeo, optime definiri, quod sint, *mutua promissio futuri Matrimonii*. Dicitur, *Promissio*, cum non sufficiat mera voluntas, & propositum nubendi, nisi accedat promissio, quæ inducat obligationem de iustitia ad contrahendum. Dicitur, *Mutua*, quia sponsalia habent vim contractus onerosi, qui parem utrinque obliga-

A 2 tio-

tionem inducat : Quare sicuti non consistit matrimonium sine mutua, seu reciproca traditione dominii in corpora; ita nec consistunt sponsalia sine mutua promissione matrimonii. Dicitur demum, *Futuri matrimonii*; Sicut enim per hoc quod sponsalia sint mutua Promissio, conveniunt cum reliquis contractibus, ita per hoc quod habeant pro objecto immediato promissionis futurum matrimonium, a reliquis contractibus differunt; & sic in definitione habetur verum genus, & differentia. Quod si Titius, & Berta sibi invicem sponsalia promitterent, efficerent quidem contractum obligatorium, non tamen sponsalia; quia matrimonium non est objectum immediatum talis promissionis, sed mediatum: Nam sicut aliud est rem promittere, aliud vero promittere promissionem rei, Verbi gratia aliud est vovere castitatem, aliud vero vovere se facturum votum castitatis; ita aliud est promittere matrimonium, aliud vero promittere promissionem matrimonii, seu sponsalia.

Ex dictis sequitur, tres conditiones essentialiter requiri ad valorem sponsalium. Prima est, ut habeatur promissio voluntaria, & deliberata; Secunda, quod sit mutua, & acceptata; Tertia, quod sit signo sensibili expressa.

III. Requiritur itaque primo promissio voluntaria; quia sponsalia inducunt obligationem, & vis obligandi habetur a voluntate: Debet etiam esse deliberata, quia cum sponsalia obligent sub mortali, requiritur tanta deliberatio, quanta sufficit ad peccatum mortale; Unde fit, quod promissio facta animo simulato non obliget vi promissionis, quamvis possit aliquando ratione damni illati obligare, ut dicimus art. 3. Neque obligat promissio ex animo facta ab eo,

qui ignorabat ex promissione sequi obligationem; aut ab eo, qui nolebat se obligare; qui enim non habet animum se obligandi, non obligatur; cum promissio sit veluti lex privata, quam sibi impositur promittens; & obligat juxta intentionem Legislatoris, seu promittentis. Verum tamen est ex Sanch. lib. 1. disp. 9., & aliis, quod non requiratur in promittente expressa voluntas se obligandi, sed sufficiat tacita, & implicita; quia qui vult antecedens, censetur etiam velle consequens, quod naturaliter sequitur ex antecedente; ergo qui vult promittere, sciens naturam promissionis, vult etiam se obligare, cum obligatio naturaliter sequatur ex promissione; ut dicitur etiam de voto. Præterea sicut votum sine sufficienti deliberatione emissum non obligat, ne sub levi quidem; ita promissio hæc, si sit indeliberata; ut notat Perez sect. 3., & Con. dub. 2. Et ratio est, quia obligatio ex iustitia in materia gravi semper obligat sub mortali, nunquam sub veniali, ut communius docent cum Less. cap. 4 obligatio autem orta ex promissione rigorosa sponsalium est obligatio iustitiæ, & in materia gravi; ergo non potest obligare sub levi, si cum semiplena advertentia fiat talis promissio: Sicuti non obligatur ad restitutionem ullam, ne sub levi quidem, qui graviter damificavit ex semiplena deliberatione; (quamvis sub levi ad restitutionem teneatur, qui leviter damificavit cum plena deliberatione) ut docent communius apud eundem Lessum, & alios. Et ratio est, quia onus restitutionis in materia gravi est grave; quod si damnum non oriatur ex culpa gravi, non potest parere onus grave, ut illud compensetur, eo quod poena gravis culpæ non gravi non sit consentanea; ergo qui cum levi culpa ex semiplena deliberatione

grat.

graviter damnificat, nullatenus ad ullam restitutionem obligatur.

IV. Requiritur secundo, quod promissio sit mutua, & acceptata; nam promissio regulariter non obligat, nisi acceptetur; habet enim hanc tacitam conditionem, videlicet, si alter illam acceptet; ut notat Sanch. lib. 9. disp. 5., Reginald., Perez, alique: Solum in aliquibus casibus, in quibus aliter lex disponit, promissio non acceptata obligat, verbi gratia, si quid promittatur infanti, ex lege *subemus*, *Cod. de Emancipatione liberorum*; tunc enim jus positivum supplet defectum acceptationis; Sic etiam si promissio fiat Civitati, aut Ecclesie, vel ad causas pias, ut notat Less. cap. 18. n. 36.

V. Tertio requiritur, quod sit signo sensibili manifestata; Etenim promissio fit homini, qui non potest illam acceptare, & illius obligationem acquirere, nisi aliquo signo externo sibi manifestetur; In quo differt a voto, quod cum sit promissio facta Deo, qui intuetur cor, non debet exterius manifestari. Ex quo fit, quod si Titius promittat matrimonium Bertæ, & hæc taceat, non fiant sponsalia, quamvis Berta interius consentiat; quia promissio Bertæ secundum se non manifestatur per taciturnitatem.

Neque dicas; *In cap. finali De desponsat. impuberum*, habetur; Valida esse sponsalia contracta a parentibus pro filiis puberibus, vel impuberibus, si isti consentiant, & non contradicant; ergo taciturnitas satis est ad sponsalia celebranda.

Nam respondeo, in tali casu satis esse taciturnitatem propter speciale jus positivum, quod illam accipit pro consensu. Immo Con. dub. 3., & Bonac. contra Sanch. putant ex laud. cap. colligi, etiam valida esse sponsalia a parentibus celebrata pro filiis absentibus, si isti, ubi hoc audie-

rint, non contradicant. Notandum tamen, quod licet hoc sit verum, quando Pater, vel Mater, vel alius habens curam filiorum contrahit pro illis, non est tamen verum, si alius, qui curam filiorum non habet, pro illis contrahat: Et ratio est, quia in illo tantum casu jus accipit taciturnitatem pro consensu; At in hoc alio casu militat regula illa juris in 6. *Qui tacet, neque consentire, neque dissentire videtur*: Est quidem alia regula juris in 6. dicens: *Qui tacet, consentire videtur*; Sed hujus regulæ sensus est, quod tacens consentire videatur in eo, quod est in sui favorem, non vero in eo, quod est in sui præjudicium, & in ordine ad obligationem contrahendam.

VI. Rogabis; Sintne sponsalia Sacramentum, aut Sacramentale?

Respondeo, neque esse Sacramentum, nec ullum ex Sacramentalibus. Etenim non sunt signum ethicæ gratiæ a Christo institutum, (quod requiritur ad rationem Sacramenti novæ legis) sicut est matrimonium. Neque sunt instituta ab Ecclesia, tamquam cæremonia sacra ad impetrandum a Deo aliquem effectum; quod requiritur ad Sacramentale.

Neque obstat, quod D. Th. in 4. dist. 24. quæst. 2. dicat, Sponsalia esse Sacramentalia quædam matrimonii; sicut est exorcismus relate ad baptismum. Nam D. Th. tantum vult innuere, quod eodem modo sponsalia præcedant matrimonium, sicut exorcismus baptismum; non vero, quod sicut exorcismus est cæremonia sacra facta ab Ecclesia cum quibusdam orationibus, & ritibus ante baptismum instituta, ita similiter sponsalia: hæc enim solum approbantur ab Ecclesia; eo modo quo approbantur etiam in jure civili, & jure gentium, tamquam contractus quidam naturalis prævijs ad matrimonium.

VII. Quæritur secundo; Utrum ad valide celebranda sponsalia satis sit animus internus cum deliberatione, seu intentione deliberata virtuali, aut habituali promittendi matrimonium; an requiratur actualis deliberatio, & advertentia?

Ad quæstioni dilucidationem sciendum, quod advertentia, & deliberatio, seu intentio deliberata actualis, seu formalis dicatur illa, quam actu homo habet, quando fit opus; Virtualis vero dicitur, quæ fundatur in actuali, & manet in virtute illius, ita ut licet actualis deliberatio non existat, quando fit opus, censetur tamen moraliter perseverare, & in opus influere: Hæc solet haberi in conficiendis Sacramentis; etenim intentio deliberata actualis sæpe non habetur, quando Sacramentum conficitur; quia tamen ab ea movetur homo ad operandum, dicitur cum intentione virtuali confici Sacramentum: Quare in casu nostro, si quis deliberavit promittere matrimonium Bertæ, & postea, quando promittit, distrahitur ab illa actuali deliberatione, & cogitatione, dicitur cum virtuali deliberatione promittere. Deliberatio demum habitualis dicitur, quæ nullatenus influit in opus, sed habetur in voluntate per modum habitus; sicut enim habitus non influit in actum, nisi quando determinatur a voluntate; ita qui habet deliberationem habitualem, non influit in actum; quamvis influeret, si ad illum adverteret. Inquiritur nunc, quænam ex his deliberationibus requiratur ad valide contrahenda sponsalia?

Dico primo cum communissima contra Hurtad. disp. 1. diff. 9., Ad valorem contractus sponsalium sufficere deliberationem, ac intentionem promittendi Matrimonium virtualem: Sicut eadem pariter deliberatio sufficit ad valorem matrimonii, necnon ad

valide vovendum, & ad valorem aliorum contractuum; Ratio est, quia hic est modus agendi in hominibus, nec requiritur in contractibus humanis modus operandi exquisitissimus, videlicet cum deliberatione actuali; hic enim modus est præter humanam conditionem: Quare Donationes, Testamenta, Professio religiosa, &c., censentur valida præciè per hoc, quod ex præcedenti deliberatione moraliter perseverante fiant. Et ratio a priori est, quia in tali casu habetur formalis voluntas contrahendi sponsalia, orta ex deliberatione actuali moraliter perseverante.

Dico secundo; Ad valorem sponsalium non sufficit deliberatio, ac intentio promittendi Matrimonium habitualis; Sicut nec sufficit habitualis intentio relate ad conficienda Sacramenta. Ratio est, quia per talem deliberationem, seu intentionem actio non censetur esse humana; cum non procedat ab ulla deliberatione influente in ipsam.

Neque dicas primo; satis est intentio habitualis ad applicandum alicui Sacrificium; Nam si hodie applico Sacrificium crastinum pro Petro, quamvis hæc voluntas non sit causa, ut cras sacrificem, tamen si non revocatur, satis est, ut fructus Sacrificii prodest Petro; ergo etiam habitualis voluntas satis est ad valorem sponsalium, & Sacramentorum.

Nam concessio antecedente, nego consequentiam. Disparitas est, quia applicatio Sacrificii est quædam donatio, & dispensatio fructus illius; ad donationem autem satis est voluntas habitualis; nam si ego nunc donem, verbi gratia, Titio donum sub conditione, quod crastina die veniat ea domus in meam potestatem, purificata conditione, statim domus evadit Titii sine ulla alia mea voluntate: Ita accidit, quan-

quando applicatur alteri Sacrificium: Ac nec contractus, nec confectio Sacramenti habentur ab actione humana, si non procedant a deliberatione saltem virtuali: Esto ad suscipiendum aliquod Sacramentum, puta, Extreme Unctionis, satis sit intentio habitualis, & interpretativa, quia scilicet ad recipiendum minus requiritur, quam ad agendum.

Neque dicas secundo: Aliquando conjuges dormiunt, quando per Procuratorem celebratur contractus sponsalitus, aut matrimonialis; ergo ad valorem istorum satis est voluntas habitualis.

Nam negatur consequentia; in casu enim adducto Sponsi, aut Conjuges non habent meram intentionem contrahendi habitualement, sed virtualement; quia voluntas ipsorum præterita, & non revocata est causa, ut hic, & nunc Procuratores ipsorum nomine contrahant, & sic intentio contrahentium virtualiter perseverat, & influit in contractum per voluntatem procuratorum.

VIII. Quæritur tertio; An ad valorem sponsalium spectet non solum voluntas promittendi, & se obligandi ad Matrimonium, sed etiam voluntas exequendi, seu ponendi matrimonium, quod promittitur.

Respondeo, & dico primo, Ad contractum sponsalium essentialiter requiri non solum voluntatem promittendi, sed etiam voluntatem se obligandi, ut habeatur vera promissio distincta a mero proposito; ut ostendunt Lessi, & Con. apud Martinum Perez: Quare si quis haberet animum promittendi, & non se obligandi, ignorando, quod ex natura promissionis sequatur obligatio, vere sponsalia non contraheret; Sicut qui vellet emere, & nolle se obligare ad pretium solvendum, non celebraret contractum emptionis; Quia tamen ad

naturam contractus sequitur obligatio, idcirco qui naturam contractus cognoscit, & non vult se obligare, vere non vult contrahere, quamvis oretenus dicat, id velle; cum impossibile sit habere duas voluntates oppositas contrahendi, & non se obligandi.

Hic autem adverte, per promissionem sponsalium non conferri alteri solum jus ex fidelitate, sed etiam ex iustitia; ut docent communiter cum Vasq., & Perez contra Hurt. Ratio est, quia quoties contractus est mutuu, & onerosus, obligatio, & jus, quod ex eo oritur, est iustitiæ, quæ respicit æqualitatem, & recompensationem rei æquivalentis; quod non respicitur a fidelitate: Si tamen promissio non esset mutua, tunc ex sola fidelitate confurgeret obligatio, dummodo promittatur matrimonium independentem a repromissione; Aliiter obligatio est nulla, quia non obligat promissio facta sub conditione, quæ non purificatur: Quod si quis dubitet, an promiserit matrimonium cum animo se obligandi independentem a repromissione alterius, iudicandum est, quod promiserit de penden- ter ab illa, seu sub conditione, quod alter pariter repromittat matrimonium. Ratio est, quia præsumitur, promississe juxta naturam sponsalium, quæ ferunt promissionem utriusque contrahentis.

Dico secundo; ad valorem sponsalium non est necessaria voluntas exequendi, seu ponendi matrimonium, quod promittitur. Ita communiter cum Sanch., Filiuc., & aliis apud Perez contra Valent. Ratio est, quia ad valorem Sponsalium solum requiritur promissio, & voluntas se obligandi; hæc autem stare potest cum proposito non exequendi id, quod promittitur: Sicuti cum voto castitatis stare potest mala intentio for- ni-

nicandi; & cum voluntate donandi, verbi gratia librum, stare potest voluntas illum comburendi. Ratio a priori est, quia per promissionem datur jus ad rem; potest autem dari jus ad rem, quin detur res ipsa, immo cum voluntate prava non dandi illam.

Neque dicas cum D. Th. 2. 2. quaest. 88. art. 1. Ad votum requiri propositum faciendi, cum promissio ex tali proposito procedat. Nam D. Th. loquitur de voto, & promissione, ut liceat, & honeste, non vero ut solum valide fiant.

ARTICULUS II.

De Promissione facta Sponsalium.

- I. *Promissio facta non sufficit ad valorem sponsalium. Ea tamen in foro externo parit obligationem, non quidem naturalem, sed civilem.*
- II. *Filste promittens ad quid tenetur in foro conscientiae?*
- III. *Quid, si filste promittens Virginem defloravit sub spe matrimonii? Quod si quis consanguineam defloravit vere promittendo absolute matrimonium, num teneatur dispensationem petere, & stare promissis?*
- IV. *Num possit pecunia damnum compensare huiusmodi deflorator, si sit notabiliter dignior? At quid si ea fuerit corrupta, & non disparis conditionis?*
- V. *An possit filste promittens negare coram iudice promissionem, quando non tenetur vs illius ad matrimonium.*
- VI. *Si quis notabiliter dignior filste matrimonium promittit Berie, sed cum iuramento, num illam teneatur ducere ratione iuramenti?*
- VII. *Quid, si tale iuramentum non con-*

firmet, sed solum comitetur promissionem?

VIII. *Et quid, si tam promissio sit facta, quam iuramentum?*

I. **D**iximus, promissionem factam, seu exterius factam sine animo promittendi, aut se obligandi, non sufficere ad valorem sponsalium, cum vere non pariat obligationem: Et enim obligatio sponsalium provenit ex sola voluntate promittendi. Certum tamen est, quod promissio ista facta in foro externo aliquam pariat obligationem, non naturalem, sed civilem, videlicet non ortam a natura, sed a Republica, & a Principe humano.

II. Quæritur propterea primo, Ad quid teneatur in foro conscientiae, qui fiste matrimonium promittit?

Respondeo, & dico; Qui fiste promittit matrimonium seminare non repromittenti, peccat quidem venialiter mentiendo, sed secluso damno, quod sequitur, ne sub veniali quidem tenetur eam ducere. Ita Sanch. disp. 10., Ledesm., Perez contra Vasq. Ratio est, quia neque tenetur ratione promissionis, cum tuerit facta; Neque ratione injuriæ; non enim habetur in casu nostro contractus onerosus, unde inferatur alteri injuria; Neque tenetur ratione damni, cum supponamus, nullum inde sequi damnum; ergo quamvis peccaverit venialiter mentiendo fiste promittens alteri non repromittenti, non per hoc tenetur, ne sub veniali quidem, stare promissis, utpote fictis.

Dico secundo; Fiste promittens matrimonium alteri repromittenti peccat graviter contra iustitiam. Ita communiter. Ratio est, quia in quolibet contractu utrinque oneroso lex iustitiæ præferibit, ut uterque serio contrahat; Aliter altera pars graviter deci-

pe-

peretur, eique gravis injuria fieret, dum dolo induceretur ad se obligandum; quod certe non faceret, si sciret alterum fide promittere. Si tamen ex urgenti causa quis fide promitteret, Verbi gratia, ad vitandum scandalum, vel ob metum mortis, &c., tunc sane non peccaret graviter sic mentiendo, immo nec venialiter, si uteretur æquocatione.

Dico tertio; Fide promittens matrimonium alteri repromittenti non solum peccat mortaliter contra justitiam, sed etiam tenetur contrahere matrimonium; nec satis est, damnum illarum alia via rescire. Ita communiter cum Ledesm. contra Molin., & Perez disp. 2. sect. 2. Ratio est, quia quamvis non teneatur contrahere matrimonium ratione promissionis, utpote fidei, tenetur tamen ratione injuriæ irrogatæ; etenim cum violaverit justitiam fidei consensu, tenetur ponere verum consensum, & veram promissionem matrimonii, ut injustitiam auferat. Nec satis est pecunia, verbi gratia, satisfacere; quia non satisficeret in eadem specie debiti; Sicut enim qui furatus est, verbi gratia, equum, tenetur illum, si potest, restituere, ex leg. 2. ff. si certum petatur; nec satisfacit compensando pecuniam damnum illarum; ita qui peccavit contra justitiam non ponendo veram promissionem matrimonii, tenetur ex justitia illam ponere; quæ posita, tenetur deinde etiam ex justitia contrahere matrimonium promissum.

Neque dicas cum Perez, quod licet peccaverit contra justitiam in intentione, non tamen in executione, cum nullum supponatur damnum irrogasse. Nam contra est, quia maximum damnum est, quod una pars tantum (videlicet quæ vere promissit) obligetur ad matrimonium, ad arbitrium alterius, altera vero pars,

quæ fide promissit, ad matrimonium non obligetur.

III. Inferitur ex dictis primo, quod qui fide matrimonium promissit, & sub ea spe defloravit Virginem, teneatur eam ducere; nec satis est, quod damno deflorationis satisfaciatur constituendo dotem. Ita Sanchez disp. 10. contra Perez, & Bonac Ratio est, quia justitia commutativa exigit non solum, ut reddatur æquale, sed idem numero ex justitia debitum.

Inferitur secundo ex Sanchez. loc. citat. idem dicendum, quamvis promissio non fuerit mutua, sed vir promittat matrimonium Bertæ, si consentiat in deflorationem, & ipsa consentiat. Hic enim est perfectus contractus utrinque onerosus; nam Virgo consentit in deflorationem, ut tu obligeris absolute ad matrimonium; in omnibus autem contractibus utrinque onerosis, in quibus intervenit, facio, ut facias, vel do, ut des, quilibet tenetur ex justitia ponere verum consensum. Dubitatur acriter, Num teneatur petere dispensationem, & ad Matrimonium obligetur, qui sanguineam, aut aliter impeditam defloravit sub spe Matrimonii illud promittens absolute, nulla facta mentione de petenda dispensatione?

Respondeo, Sanchez apud Croix lib. 3. p. 2. n. 317. cum aliis negare; quia cum talis promissio matrimonii absolute facta sit de re illicita, non obligat; unde satis est in tali casu, quod damnum deflorationis aliter compensetur. At Lugo disp. 12. de Just. num. 54. verius docet, quod teneatur; quia promittens matrimonium implicite obligat se ad tollenda impedimenta: Sicuti si Religiosus promittat alteri decem, implicite obligat se ad petendam licentiam a suo Prælate.

IV. Quæritur secundo; Utrum quando vir est notabiliter dignior, si fide promissit matrimonium Bertæ, & sub

B

ca

ea spe illam defloravit, teneatur eam ducere, an possit pecunia satisfacere?

Respondeo cum eodem Sanch., non teneri ad illam ducendam. Ratio est, quia vel Berta cognoverat excessum dignitatis viri, vel non; Si cognoverat, jam ipsa voluit decipi; Credere enim debebat virum adeo disparem fide promissurum; Si vero non noverat, neque teneretur ducere, sed satisfacit dando justum pretium. Ratio est, quia neque teneretur ratione promissionis, ut patet, cum fuerit ficta; neque ratione injustitiæ, seu injuriæ illatæ, non ponendo consensum obligatorium, quia justitia obligat tantum ad ponendum æquale, & non superexcedens; in casu autem nostro consensus obligatorius feminæ, & consensus viri notabiliter dignioris non sunt consensus æquales; pluris enim æstimatur consensus viri notabiliter dignioris, ut patet; ergo talis vir non teneretur ex justitia ponere verum consensum: Sicuti fiste promittens meretrici valde superfluum in sui Corporis pretium, injustus quidem est decipiendo, non tamen ex justitia teneretur habere consensum reddendi, nisi æquale. Quare potest deflorator in casu nostro satisfacere pecuniis pro damno illato.

Hinc infert probabiliter Sanch. contra Palud., & Cordub., & alios apud Croix num. 70., quod fiste promittens matrimonium feminæ corruptæ, quamvis sit par conditionis cum illa, & hæc sub ea spe tradiderit corpus, non teneatur illam ducere, sed possit alia via injuriam compensare; quia illam ducere est longe majus, & superexcedens, quam sit copula, quam offert femina corrupta; Nisi tamen talis femina esset bonæ famæ, infamiamque contraheret ex copula, ob quam non posset alteri æqualis conditionis nubere, tunc enim teneretur illam ducere.

Sed probabiliorē censeo cum Croix sententiam Palud., & aliorum, quod teneatur illam ducere; cum nec detur disparitas inter contrahentes, nec fraus ex parte feminæ intercesserit. Et quamvis copula ab ea oblata sit longe minus, quam illam ducere; at ea non solum obtulit copulam, sed etiam obligavit se ad matrimonium ad arbitrium viri; ergo pariter debet vir ex justitia se obligare ad illam ducendam, ut habeatur in contractu æqualitas.

V. Dubitatur hic; An quando fiste promittens non tenetur ad matrimonium, possit rogatus a Judice negare promissionem?

Respondet Sanch., & Croix de Sponsalibus num. 66. quod possit; ne si fateatur promissionem, (cum defectum intentionis probare nequeat) ad matrimonium cogatur. Ratio autem, cur id possit, est, quia responsio illæ in tali casu non esset restrictio pure mentalis, & consequenter nec mendacium, sed esset ad mentem interrogantis: Judex enim interrogat, num promiserit, ita ut teneatur eam ducere; Quare si neget promississe, non mentitur. Hinc Navar. apud eundem Sanch. dicit, quod rogatus a Judice non protulerit ea verba, Accipio te in meam, possit juramento negare, quod ea dixerit, si fiste ea protulit; Et Covar. cum aliis docet, interrogatum a Judice, num revera acceperit nummos, quos revera non debet restituere, possit jurare, se non recepisse; quia non recepit. ita ut teneatur tunc solvere. Sylvest. etiam V. *Mendacium* quæst. ultim. dicit, Clericum rogatum a Custodibus, num aliqua portet, ob quæ ad gabellam solvendam compellatur, posse juramento negare, intelligendo se nihil portare, ita ut gabellam debeat. Additque Sanch., non solum posse negari promissionem datam, quando est

cer-

certa causa non implendi illam, sed etiam quando est probabilis iudicio prudentium; potest enim jurare, se non promississe. ita ut teneatur, quia innixus opinioni probabilis potest tuta conscientia se non obligatum existimare. Equidem tamen in expositione thesisi 26. proscriptæ ab Innoc. XI. loquendo de restrictione non pure mentali, ac de æquivocatione, admittendam censui in similibus casibus, data causa sufficienti, restrictionem non pure mentalem; ita scilicet ut responsio ad mentem interrogantis verba sit, quamvis circumscriptis circumstantiis videatur falsa: Addiditamen, longe majorem causam requiri ob reverentiam Numini debitam, ut huiusce formæ restrictionibus non pure mentalibus juramentum superaddatur.

VI. Quæritur tertio; An quando vir est notabiliter dignior, & fide promittit scemina matrimonium juramento firmante promissionem, teneatur saltem ratione juramenti illam ducere, si sub ea spe desloravit?

Respondeo, Sot., Cajet., & alios affirmare: Sicut enim qui fide promittit solvere usuras, & jurat, tenetur solvere, non ratione promissionis, sed vi juramenti, ut omnes faterentur; Ita in casu nostro. Et ratio a priori videtur esse, quia juramentum obligat, etiam si non cadat in promissionem; sed in simplicem assertionem faciendi aliquid.

Verum Perez disp. 3. sect. 5., Sanchez. lib. 1. disp. 5., & alii docent oppositum; quia quoties promissio non obligat, nec obligat juramentum in illa promissione fundatum. Quod patet in casu ab omnibus admisso: Si quis enim promittat alteri sub juramento matrimonium, & alter repudiet promissionem semel acceptatam, certe promittens, cum non teneatur amplius ad matrimonium ratione promissionis repudiatur, nec tenetur ra-

tione juramenti confirmantis promissionem. Et ratio a priori est, quia quando principalis obligatio non subsistit, corrumpit etiam obligatio accessoria, ex Regula Cum principalis ff. de Regulis juris: etenim ablato fundamento corrumpit id, quod in eo fundatur; atqui in casu nostro juramentum fundatur in promissione, & per juramentum tantum asseritur ponendum id, ad quod vi promissionis ille tenetur; ergo quando obligatio orta a promissione est nulla, pariter nulla erit obligatio juramenti confirmantis promissionem.

VII. Ad id, quod obijcitur, respondeo, juramentum solvendi usuras non confirmare promissionem, sed illam comitari; & ideo obligat: Nam qui id jurat, non jurat ponere solutionem usurarum, ad quam vi promissionis obligatur, sed simpliciter jurat solvere usuras; ergo ad solutionem obligatur, non vi promissionis, sed juramenti: At in casu nostro qui promissionem matrimonii confirmat juramento, tantum jurat ponere matrimonium, ad quod vi promissionis obligatur; ergo si vi promissionis non obligatur ad matrimonium, nec vi juramenti obligabitur. Si tamen juramentum non esset confirmans promissionem, sed illam comitans, ut est juramentum solvendi usuras, concedo equidem, quod independentem a promissione obligaret: Regulariter tamen in sponsalibus juramentum solet promissionem confirmare; & ideo communitate docent, quod si quis promittat alteri matrimonium sub juramento, illo repudiante promissionem semel acceptatam, nec promissio, nec juramentum obliget.

VIII. Quod si non solum promissio, sed etiam juramentum fictitum, seu præstitum sine animo jurandi; (quavis id non liceat ex propositione 25. damnata ab Innoc. XI.)

B 2 illud

illud ex motivo religionis non obligat, ut communiter etiam Doctores docent; cum non sit verum juramentum; Quicquid sit, An aliquando obligaret ex iustitia, quia contrahentes ex iustitia tenentur parem obligationem subire; unde si quis vere juraret matrimonium cum æquali contrahere, & alter sicte tantum juraret sine ulla causa excusante, certe ad matrimonium non ex religione, sed ex iustitia teneretur.

ARTICULUS III.

De Promissione mere interna nubendi facta sive homini, sive Deo per Votum.

I. Promissio matrimonii facta homini, si sit mere interna, non obligat.

II. In quo differat propositum a promissione mere interna?

III. Votum nubendi solum per accidens potest esse obligatorium.

IV. Quandoenam obligat votum nubendi ad vitandum periculum inconcinentiæ?

V. Quid si quis voueat causa pietatis ducere Bertam pauperem? Num in tali casu voueantur duo per modum plurimum, an per modum unius?

VI. Votum nubendi sine animo consummandi utrinque emissum, per se loquendo, est irritum.

VII. Nequit utrinque emitti votum nubendi, præcise ad finem recipiendi gratiam propriam Sacramenti matrimonii sine animo consummandi.

POTEST quis promittere alteri a se mere interno matrimonio, in quo casu licet certum sit non contrahi sponsalia, dubium tamen est, an aliqua ex tali promissione confurgat obligatio, ut ea distinguatur a mero proposito? Dubium

etiam hic est, an promissio matrimonii facta non homini, sed Deo, hoc est votum nubendi cum Berta, sit validum, & obligatorium? Videtur enim non esse de meliori bono.

Quæritur itaque primo; An promissio mere interna facta homini ullam obligationem inducat?

Respondeo, neque jure civili, neque naturali ullam obligationem inducere: non jure civili, ut omnes concedunt; quia jus civile exigit acceptationem, ut promissio obliget: Neque jure naturali, ut communius docent cum Perez contra Molin. tom. 2. disp. 260. Ratio est, primo quia promissio consistit in locutione, seu affirmatione, qua quis alteri suam fidem offert, ut constat ex communi usu, & intelligentia; hoc autem non habetur in promissione mere interna; Secundo, quia communior sententia cum Sanchez, & Lessl. docet, promissionem, ut obliget, debere esse acceptatam, idque provenire non solum ex jure civili, ut diximus, sed etiam naturali; Tum quia obligatio inter homines, quæ habetur ex promissione, non nascitur nisi mutuo duorum consensu; Tum etiam, quia adhuc promissio facta Deo non obligat, si ab ipso non acceptetur, ut si sit de rebus indifferenteribus, nedum malis; Tum demum a priori, quia cum promissio fiat in favorem promissarii, includit tacitam illam conditionem, si scilicet acceptatur; beneficia enim non conferuntur invitis. Verum quidem est, quod promissiones factæ Civitati, vel ad causas pias non requirant acceptationem, ut obligent; quia hoc jure civili statutum est, ex leg. 3. ff. De pollicitationibus; in favorem enim Civitatis, & causæ piæ decernitur, ut non possit ad libitum revocari talis promissio ante acceptationem; sed decernitur etiam, ut promittens in tali casu non teneatur solvere, antequam petatur a pro-

promissario: Ex quo fit, ut nulla promissio obliget aut ante acceptationem, aut saltem ante petitionem.

II. Dices; si promissio matrimonii mere interna facta homini jure naturali non obligaret, sequeretur, quod non distingueretur a proposito nubendi; sequela non admittitur: ergo nec id, unde sequitur.

Respondeo, nego sequelam; etenim promissio interna habet obligationem radicaliter, & inchoative, seu in actu primo; ita ut si innotescat, & acceptetur, formaliter, & perfecte obliget; secus vero propositum. Ex quo fit, ut talis promissio, nec si juramento firmetur, obliget, ex dictis articulo superiore: Secus vero si fiat votum nubendi, ut mox dicemus; Etenim votum est promissio facta Deo; Juramentum vero est adductio Dei in testem veritatis assertæ; in casu autem nostro asseritur, quod fiat matrimonium, ad quod vi promissionis internæ factæ homini obligamur; ergo cum non teneamur ad matrimonium vi talis promissionis, nec tenemur vi juramenti illam non comitantis, sed confirman-
tis.

III. Quæritur secundo; Utrum obliget votum, seu promissio facta Deo nubendi?

Respondeo, & dico primo, per se loquendo non obligare; cum tale votum non sit de meliori bono; Trident. enim sess. 14. Can. 10. definit, meliorem esse statum Virginitatis, & Cœlibatus, quam matrimonii. In hoc autem differt promissio facta Deo a facta homini; quod hæc respiciat bonum, & commodum promissarii; illa vero non solum respiciat, quod est in se bonum, & honestum, ita ut res indifferens non sit materia voti, sed etiam quod non est impedivum majoris boni; matrimonium autem est impedivum Virginitatis,

quæ est majus bonum; ergo matrimonium non est materia voti. Dixi tamen, per se loquendo; nam per accidens matrimonium ratione circumstantiarum potest esse majus bonum, & sic votum de illo obligaret: Verbi gratia, si ex matrimonio sequeretur maxima Reipublicæ utilitas, Principum concordia, magna conversio infidelium, &c. Eodem modo, si femina deflorata fuit sub promissione matrimonii, ita ut deflorans teneatur ex præcepto justitiæ eam ducere; Etenim in tali casu votum castitatis non acceptaretur a Deo, & votens matrimonium suppleretur impeditus a præcepto justitiæ suscipere statum altiores cœlibatus.

IV. Dico secundo; Votum ducendi uxorem ad vitandum periculum incontinentiæ obligat, dummodo ad vitandam incontinentiam tale votum non solum sit utile, sed sit utilius, quam cœlibatus. Ita Perez disp. 3. sect. 3. ex Suar. Ratio est, quia in tali casu *Melius est nubere, quam uri*, ut dicitur 1. ad Corinth. 5., offerturque Deo victoria incontinentiæ perfectior, quam haberi possit per Cœlibatum.

V. Dico tertio; Votum nubendi cum determinata persona factum causa pietatis, verbi gratia, cum paupere, vel cum meretrice, vel cum deflorata ab alio, ut liberetur ab egestate, a peccato, ab infamia, est simpliciter invalidum; nisi fiat conditionate, videlicet, si ducturus sum Uxorem, non aliam dicam. Ita Sanch. lib. 1. disp. 4., Perez, & alii contra Henr., Filliuc., Suar. tom. 2. de Religione lib. 2. cap. 9. Ratio est, quia quamvis illud votum sit pium, at est impedivum majoris boni, & altioris status perfectionis, qualis est cœlibatus, & status religiosus: Et sane quoties actus bonus est adeo tenuis, ut ejus carentia sit moraliter melior, tunc

tunc nequit esse materia voti, cum votum debeat esse de bono meliori; actus autem nubendi, etiam causa pietatis, non est bonum melius, quam sit ejus carentia, seu coelibatus, qui magis abstrahit hominem a sæcularibus curis, & voluptatibus carnis, ex 1. ad Corinth. 7. Ergo non est materia voti. Nisi tamen, ut diximus, votum fuerit conditionatum, videlicet, si ducturus sum uxorem, voveo non aliam ducturum, quam hanc; tale enim votum procul dubio est validum. Quod si dubitetur, num votum emissum sit conditionatum, an absolutum? dicendum est, fuisse absolutum, ut magis favemus libertati, quæ est in possessione; sic enim nullatenus obligat, cum sit invalidum.

Neque dicas cum Suar. contra Sanch., Votum nubendi cum determinata persona factum causa pietatis, etiam si sit absolutum, obligare, saltem quoad partem materię, perinde ac si esset conditionatum, ita scilicet ut quamvis vovens non teneatur nubere, teneatur tamen, si velit nubere, non aliam ducere, quam personam illam determinatam.

Nam contra est, quia si votum non fuit conditionatum, sed absolutum, omni ex parte est irritum; & tunc obligaret ad partem materię, quando vovens duo voveret, & uxorem ducere, & ducere pauperem; in hoc enim casu prior pars non esset materia voti, unde non teneretur nubere; esset tamen materia voti secunda pars; unde ex suppositione, quod vellet nubere, teneretur ducere pauperem. At in casu nostro votum respicit indivisum matrimonium cum tali persona; ergo simpliciter non obligat: Sicuti si quis voveat peregrinationem Lauretanam, ædificare templum, &c., si sit impotens ponere totum, quod vovit, liber est etiam a ponenda parte, quam potest. Et i-

dem dicas, si per modum unius voveat recitare coronam, officium defunctorum, &c.: Secus vero, quando plura per modum plurium voventur, ut jejunare per totam Quadragesimam, recitare horas Canonicas, &c.; cum enim Ecclesia ad hæc obliget per modum rei dividuæ, qui ea vovit, censetur imposuisse sibi obligationem similem illi, quam ponit Ecclesia suis præceptis; unde si non potest totam Quadragesimam jejunare, tenetur ad partem, quam potest.

Urgebis cum eodem Suar. ex Regula juris 37. in 6. *Utile non debet per inutile vitari*: Ergo licet tale votum sit inutile, & non obliget quoad ducendam uxorem, est tamen, & obligat quoad ducendam illam pauperem in casu, quod vovens velit uxorem ducere.

Respondeo, Regulam illam intelligendam esse, quando potest utile ab inutili separari ex ipsa natura rei, & ex modo promittendi; quando autem quis vovet connubium cum paupere, vel cum meretrice, non est separabile connubium ab ipso opere pio ex modo promittendi; cum promittatur utrumque per modum unius, & non per modum plurium separabilium.

VI. Dico ultimo; Votum nubendi sine animo consummandi per se loquendo est irritum, etiam si utrinque habeatur talis animus. Ita Suar., Sanch., Perez sect. 4. contra Sor. Ratio est, quia quamvis tale votum non irroget alteri injuriam, cum fiat ex utraque parte; neque impediatur castitatem, cum possit vovens ingredi Religionem; impedit tamen statum coelibatus simplicis, qui est melior, quam status matrimonii, quamvis cum animo non consummandi; Ac præterea constituit hominem in gravi periculo manendi in statu conjugali,

gali, petendo a voto dispensationem; unde difficiliorem redderet viam perfectionis; Atqui non solum opponitur meliori bono id, quod excludit perfectionem, sed etiam quod reddit illam difficiliorem; ergo votum de matrimonio solum quoad vinculum, seu de matrimonio rato non est de meliori bono, atque adeo invalidum.

VII. Dixi tamen, per se loquendo; aliquando enim ratione circumstantiarum est validum; ut si homo teneatur matrimonium contrahere propter bonum commune, & pacem alicujus Regni; vel ad legitimandos filios ex concubina genitos, vel ratione nocuenti facti, si aliter satisfieri nequeat, nisi nubendo; vel demum si interveniat specialis revelatio divina, qualem interfuisset in Matrimonio Beatæ Virginis cum S. Joseph, communiter Scholastici docent; in his enim casibus votum non est impeditivum status perfectionis, videlicet cælibatus, sed supponitur, quod homo aliunde sit impeditus, ut non possit in statu cælibatus vivere.

Dices: Quilibet habet jus ante matrimonii consummationem ingrediendi Religionem, invita parte, necnon manendi in Sæculo, si uterque conjux conveniat de non consummando; quod de S. Henrico, & Gunegunda, ac de aliis legitur: Ergo vovere matrimonium ad finem dumtaxat suscipiendi tale Sacramentum, ejusque gratiam, sine animo consummandi, non videtur illicitum.

Respondeo, concessio antecedente, nego consequentiam; nam si quis post matrimonium voveat non consummare, sed Religionem ingredi, nulli facit injuriam, sed utitur jure suo, & consulit salutem animæ suæ; quod majus bonum est, quam sit damnatum, quod patitur pars relicta: Contra vero, si ante matrimonium voveat, illo Sacramento suscepto,

non consummare, irrogat injuriam alteri parti, quæ si sciret talem animum, procul dubio matrimonium non contraheret, ne se exponeret infamiae, dum a viro statim relinquitur: Neque potest utraque pars ad id convenire, ut gratiam talis Sacramenti suscipiant, quia matrimonii Sacramentum non est institutum ad talem finem, ut solum propter gratiam, quam confert, suscipiatur, sed ad procreationem prolis, & remedium concupiscentiæ; Ergo eo fine principali cessante, non expedit illud suscipere; sed augmentum gratiæ per alia Sacramenta, & pia opera comparandum.

ARTICULUS IV.

De Verbis, & aliis signis, & modis, quibus sponsalia contrahuntur.

- I. *Quanam signa externa spectent ad valorem sponsalium?*
- II. *Quid si dubietur, an signa externa expriment consensum in sponsalia, an in matrimonium? Absolutumne, an conditionatum?*
- III. *Quid si Titius uni ex pluribus sororibus indeterminate matrimonium promittat, & promissio ab omnibus acceptetur?*
- IV. *Quandonam taciturnitas sit sufficiens signum constitutum sponsalium?*
- V. *Sex modis sponsalia valide contrahuntur.*

I. **C**Um sponsalia more humano contrahi debeant, atque adeo eorum promissio debeat signo externo manifestari, inquirendum, Quibus verbis, aut aliis signis exprimi debeat, ac soleat illhæc promissio?

Quæritur itaque primo; Quenam signa sensibilia requirantur ad valorem sponsalium?

Re-

Respondeo, requiri, & sufficere omnia illa signa, quæ hic, & nunc, spectatis omnibus circumstantiis, factis expriment parti internum consensum, quin requirantur verba ulla determinata. Quare si partes conveniant aut invicem, aut ex consuetudine loci recepta, ut manuum constrictio, verbi gratia, signum sit interni consensus, sufficienter per tale signum constituerentur sponsalia: Et de facto apud quosdam Indos, teste Con., contrahuntur sponsalia per hæc verba: Ego te sepeliam, si supervixero.

II. Si tamen signa externa sine dubia, semper ita interpretanda sunt, ut minimam obligationem inducant: Quare si certum sit, quod aliqua verba internum consensum expriment, dubium vero sit, num significant consensum in sponsalia, an in matrimonium? ut si dicatur, Accipio te in uxorem in crastinum, dicendum, quod sponsalia, non autem matrimonium constituent; ut quantum fieri potest, faveamus libertati possidenti: Quamvis revera Con., Hurtad., & alii contra Victor., & Sanch. velint, quod huiusmodi verba matrimonium potius significant, quam sponsalia; quia sensus illorum videtur esse, Volo nunc, ut crastina die sis mea uxor; ita ut non promittatur matrimonium, sed tradatur corpus pro crastina die.

Dubium etiam est, An hæc verba, Non aliam præter te ducam, sufficiant ad sponsalia? Negat Sanch., Con., Hent. contra Palud., & plures Canonistas. Ratio est, quia sensus illorum verborum est conditionatus, videlicet, si uxorem ducam, nonnisi te dicam. Verum si huiusmodi propositiones exceptivæ respiciant tempus præsens, aut præteritum, videntur esse absolutæ; si vero respiciant tempus futurum, videntur esse conditionatæ. Hinc si dicatur, Nullus Apostolorum, præter Judam, tradi-

dit Dominum, vel, Nonnisi Petrus currit, videtur absolute significari, quod Judas Dominum tradiderit; vel quod Petrus currat, & nemo alius præter Petrum. Hinc verba illa, Nullam aliam volo in uxorem præter te, videntur sufficere ad matrimonium, quia habent significationem absolutam; cum sensus sit, Te, & non aliam volo in uxorem: Contra vero hæc verba, Nullam aliam ducam præter te, non videntur sufficere ad sponsalia; quia habent significationem conditionatam, denotando, quod, si uxorem sim ducturus, nonnisi Te ducam. Ratio disparitatis ex Perez disp. 4. sect. 4. est, quia propositio exceptiva, quando respicit tempus præsens, vel præteritum, significat objectum determinate: Contra vero quando respicit tempus futurum: Unde qui vovet, nullam aliam Religionem scilicet ingressurum, præterquam Capucinorum, non videtur absolute obligandus ad ingressum ad illam Religionem, sed solum conditionate, si scilicet velit esse religiosus.

Cæterum circa signa dubia relate ad sponsalia in foro interno standum est intentioni contrahentium, cum ab ea pendeat valor illorum; in foro autem externo standum est signorum significationi, juxta circumstantias, & loci consuetudinem.

III. Quæritur secundo; An ex verbis disjunctivis confurgant sponsalia; ut si Titius dicat pluribus feminis; Ducam aliquam ex vobis, quam elegero, & illæ repromittant?

Respondeo, in tali casu non haberi in rigore sponsalia, quæ cum ordinentur ad matrimonium, debent respicere personam determinatam, sicut respicit matrimonium: Præterea debet ex sponsalibus confurgere impedimentum publicæ honestatis; quod certe non confurgeret in casu nostro, si scilicet Titius pluribus fororibus ma-

tri-

rimonium promittat disjunctive. Dico tamen, quod Titius teneretur ex vi contractus initi unam illarum eligere, & ducere. Quod si cum una haberet copulam, censendum, illam elegerit, nisi aliud exprimat; ut uocat Rebel, Con., quia non presumitur illa aliter concedere usum sui corporis, nisi sub spe futuri matrimonii.

IV. Quæritur tertio; An aliquando taciturnitas, tanquam signum externum consensus interni, sponsalia constituat?

Respondeo affirmative, ut diximus articulo primo, numero quinto. Et primo quidem aliqui pro aliis racentibus ex istorum mandato sponsalia contrahunt, ut patet: Si enim sponsalia contrahi possunt per Procuratorem, & Internuncium, pariter contrahi possunt ab aliis de mandato principalium. Secundo, quando parentes contrahunt pro filiis presentibus, horum taciturnitas habetur pro signo externo consensus interui, ex cap. unico de Desponsatione impuberum in 6. Et quod dicitur de parentibus, probabiliter ex Perez, Con., Bonac. contra Sanch., & Rebel. extenditur ad Tutores, Curatores, & alios, qui loco parentum curam habent pupillorum, aut minorum; Nam in his casibus Pupilli, & minores scientes, quid agatur, & non contradicentes, cum facile possint, consentire videntur. Ratio autem, quare Bonif. VIII. in laud. cap. solum meminerit Parentum, non vero Tutorum, & Curatorum, est, quia Parentes regulariter pro cura, & sollicitudine filiorum sunt, & de illis copulandis frequentius agunt. Alii autem non nisi in defectum Parentum.

Oppones: Taciturnitas filii, pro quo spondet Pater, provenire potest ex metu reverentia erga Patrem; ergo non est signum consensus interni.

Part VII.

Respondeo, nego consequentiam; nam etiam verba affirmantia proferri possunt ex metu reverentia, nec perinde sequitur, quod non sint signa consensus interni: Si tamen filius ex metu reverentia aut taceat, aut expresse annuat sine interiori consensu, procul dubio in foro interno sponsalia sunt invalida, & solum sunt valida pro foro externo: Si vero ex metu reverentia aut taceat, aut annuat cum consensu interno, sponsalia sunt etiam pro foro interno valida, ut dicemus quæst. seq. art. 8., & quæst. 4. art. 2. Etenim metus reverentia cadens in constantem virum irritat solum contractum matrimonialem, alios vero contractus non reddit irritos, sed irritandos.

V. Quæritur quarto; Quot modis sponsalia contrahantur?

Respondeo, sex modis posse valide contrahi, ut constat ex hæcenus dictis. Primo quidem publice coram Parrocho, & testibus, ut matrimonium. Secundo privatim, & clandestine, solis consensu contrahentibus; Etenim solum matrimonium clandestinum a Trident. invalidatur, ut declaravit Sacra Congregatio apud Rebel. lib. 4. sect. 3., & communiiter Doctores docent contra nonnullos apud Sanch. lib. 1. disput. 12. Tertio per verba, Verbi gratia, Promitto tibi matrimonium. Quarto per varia signa, verbi gratia, per subarrhationem, seu per annuli donationem, & receptionem, ubi ex consuetudine loci hæc sunt signa sponsalium. Aut si post tractatum inter amicos de matrimonio inter Titium, & Bertam, Titius mittat Bertæ pecuniam, vel jocalia, & illa acceptet; Aut si vir apprehendens feminæ manum dicat, Do tibi fidem de matrimonio contrahendo, & illa manum non retrahat. Quinto per Parentes, Tutores, Curatores, qui pro liberis, pupillis, minoribus, etiam ab-

C seu.

sentibus, contrahunt, ipsis scientibus, & non contradicentibus. Sexto per Procuratorem, seu Internuncium, aut per literas.

ARTICULUS V.

Quinam possint Sponsalia contrahere?

- I. *Jure Canonico ad valorem sponsalium requiritur saltem septennium.*
- II. *Ultima dies temporis requisiti ad sponsalia, ad Matrimonium, ad Testamentum sufficit, si sit incepta; ad Professionem vero debet esse completa.*
- III. *Sponsalia invalida ex defectu ætatis non ratificantur sine notitia nullitatis.*
- IV. *Si malitia suppleat ætatem, probabiliter valida sunt sponsalia ante septennium. At quid pro foro externo?*
- V. *Num possint Parentes, aut Tutores contrahere sponsalia pro filiis, aut pupillis ante septennium?*
- VI. *Habens votum castitatis, si promissit femina matrimonium sub conditione copula, ad quid reuertitur post copulam obtentam?*
- VII. *Num sint valida sponsalia inter notabiliter inæquales?*
- VIII. *Cui offerens pretium excessivum pro re, quam emit, non teneatur solvere, nisi pretium iustum; Nobilis vero offerens prodige matrimonium plebeio, teneatur stare promissis?*

I. **H**Actenus explicavimus rationem formalem essentialiter requisitam ad sponsalia perficienda, agendum nunc de habilitate personarum contrahentium, inquirendo, Quenam ætas in illis requiratur? Et quanam impedimenta contractum invalident, inspecto statu, & conditione

contrahentium?

Quæritur itaque primo; Quenam ætas requiratur in contrahentibus sponsalia?

Respondeo, jure naturæ requiri, ut contrahentes habeant usum rationis; jure vero canonico, ut habeant saltem septennium, quando solet perfectus usus rationis regulariter advenire.

II. Dubium est primo; An valida sint sponsalia, si paulo ante septennium celebrentur, verbi gratia, octo, vel decem dies ante; cum in jure parum, & nihil equiparentur; & ex Aristot. 1. physicor., quod parum distat, nihil distare videatur.

Respondeo cum Sanch., Con., & aliis communiter contra Sor., & Henr., esse invalida, nisi malitia suppleat ætatem, (ut mox dicemus) seu nisi perfectus usus rationis ante septennium habeatur. Ratio est, quia terminus a Jure præscriptus consistit in indivisibili, nec in tali casu parum reputatur pro nihilo: Unde professio religiosa ante decimum sextum annum est invalida; Et idem dicas de anno Novitatus. Sanch. tamen docet, sufficere, quod ultima dies septennii sit incepta, & nondum completa, & hoc favore matrimonii. Etenim non minus est favorabile matrimonium, quam testamentum; sed ad testamentum, in quo requiruntur quatuordecim anni completi, sufficit, si ultima dies sit incepta, ex leg. *Qua ætate de Testamentis*; Ergo etiam sufficit ad matrimonium, & sponsalia: Non tamen in professione religiosa, aut in anno novitatus, quem a momento ad momentum vult computari Trident. sess. 15. cap. 15. Et disparitas est, quia sponsalia, Testamentum, & Matrimonium sunt magis favorabilia, quam Professio religiosa; cum natura magis ad illa, quam ad hanc inclinet.

III. Adverte tamen, quod sponsalia ex defectu ætatis, vel usus rationis in-

invalida possunt postea fieri valida, si expresse, vel tacite a sponsis ratificentur, postquam noverint, quod fuerint nulla; Nam si id nesciant, non revalidantur per ratificationem; sicut nec Professio religiosa, aut votum; Ratificatio enim procederet ex errore; & non presumitur voluntas se obligandi absolute in ratificante, sed conditionate, si scilicet antea fuerint invalida sponsalia contracta; Nisi tamen expresse velit se obligare, etiamsi priora sponsalia fuissent nulla. Ratificantur autem sponsalia, vel consentiendo de novo, vel simul habitando, aut more sponsum osculando, vel mittendo munera.

IV. Dubium est secundo; An valida sint sponsalia ante septennium celebrata, si malitia suppleat ætatem, seu si usus rationis perfectus ante septennium habeatur.

Respondeo cum Sanch. disp. 16., Rebel., Laym., & aliis communis ex D. Th. affirmative contra Hurtad. disp. 1. diff. 4., & alios. Ratio est, quia validum est matrimonium ante ætatem præscriptam contractum, si malitia suppleat ætatem, hoc est si potentia generandi, quam jus requirit ad valorem matrimonii, habeatur in viro ante decimum quartum, & in foemina ante duodecimum annum, ut habetur in *Cap. de Illis, & in cap. ult. de desponsatione impuberum in 6.*; atqui sponsalia præcedunt matrimonium, ut via ad terminum, & ut dispositio ad formam; ergo quamvis in iure solum definiantur, quod matrimonium ante præscriptam ætatem sit validum, si malitia suppleat ætatem; idem tamen etiam dicendum de sponsalibus.

Confirmatur; nam ideo jus præscribit septennium ad valorem sponsalium, quia requirit in contrahentibus plenum usum rationis, qui tali tempore solet haberi; ergo si par u-

sus rationis in aliquo vel naturaliter, vel supernaturaliter habeatur ante septennium, valida erunt pariter ejus sponsalia; Sicut ex opposito erunt invalida, si post septennium aliquis adhuc careret usu rationis; quamvis, adveniente deinde usu rationis, possent illa expresse, vel tacite ratificari, & sic fieri valida, ut notavimus.

Neque dicas primo cum Hurt. Ubi ætas præscribitur a jure, præveniri nequit, ut constat in professione religiosa, quæ invalida est ante ætatem præscriptam, etiamsi eadem plena deliberatio habeatur in aliquo ante decimum sextum annum, ac soleat in aliis post decimum sextum haberi; Ergo etiam in casu nostro.

Nam distinguo antecedens. Quando jus præscribens certum tempus nihil excipit, ut in casu adducto professionis, concedo; quando vero jus expresse, vel tacite excipit, nego antecedens, & consequentiam; Cum enim in jure præscribente ætatem matrimonii, & sponsalia expresse definiatur, matrimonium esse validum ante ætatem præscriptam, si malitia suppleat ætatem, consequenter idem implicite definit in sponsalibus. Præterquamquod ex ipso jure indicante finem legis hoc manifeste colligitur; etenim attendendus potius est finis, qui est anima legis, quam verba, ex *Cap. penult. de Reg. juris in 6.*, Adde, quod si matrimonium, cum sit indissolubile, est validum, quando malitia suppleat ætatem, a fortiori sponsalia inter impuberes, quæ sunt dissolubilia, per hoc scilicet, quod alter, pubertatem adeptus, reclamet.

Neque dicas secundo; Idem judicandum est in foro interno, ac in externo; atqui in foro externo censentur invalida sponsalia ante septennium contracta, etiamsi malitia suppleat ætatem; ergo etiam in foro interno.

Nam distinguo majorem. Quando forum exterius nititur in falsa præsumptione, ut in casu nostro, nego majorem; quando non nititur in falsa præsumptione, concedo majorem, minorem; & nego consequentiam; præsumptio enim cessat, & cedit veritati, quando constat adesse usum rationis.

V. Dubium est tertio; An possint parentes, aut tutores contrahere sponsalia pro filiis, aut pupillis, qui nondum ad septennium pervenerunt?

Respondeo, posse ex gravi necessitate; ut constat ex cap. *Infantes de Desponsat. impuberum* in 6., quamvis debeant deinde ratificari expresso consensu a filiis, quando ad usum rationis pervenerint; qui tamen consensus in foro externo præsumitur adesse, si filii taceant, & non contradicant, cum septennium compleverint.

VI. Porro quod attinet ad impedimenta contrahentium sponsalia, indubitatum est, debere illos carere omni impedimento perpetuo ad matrimonium non solum dirimente, sed etiam impediens; ut est votum simplex castitatis. Et ratio est, quia nemo potest se obligare ad matrimonium, quod licite contrahere non potest; nulla enim promissio rei illicitæ obligat: Si tamen impedimentum esset tantum temporale, licita sunt sponsalia; ut inter impuberes. Quod si quis habens impedimentum perpetuum promittat matrimonium sub conditione, quod obtineatur dispensatio, valida est promissio; sed donec impleatur conditio, non habet vim sponsalium; cum hæc constituantur per promissionem absolutam. Adverto demum, dici impeditos ad valide contrahenda sponsalia, qui sunt cæci simul, ac surdi, & muti, ut notat Sanch. disp. 8. num. 30., quia qui omnibus his defectibus laborant, nequeunt scire naturam, & finem con-

tractus, ac modum contrahendi.

Quæritur nunc secundo; Si habens votum castitatis, vel non nubendi, vel Religionis, &c. (quod impedit matrimonium, & consequenter reddit irrita sponsalia) promittat feminæ honestæ matrimonium sub conditione copulæ, & hæc obtineatur, teneturne ille servare votum, an veto eam ducere?

Respondeo, Sanch. lib. 1. disp. 45., Vasq. & alios exillimare, quod teneatur illam ducere, quia obligatio justitiæ fortior est, quam obligatio voti; cum nemo possit retinere, vel usurpare alienum, ut satisfaciat voto: Unde si Petrus, verbi gratia, voveat dare eleemosynam, & postea alteri inferat damnum, nec possit utrique obligationi satisfacere, tenetur damnum compensare, & non dare eleemosynam, quamvis prius sub voto promissam. Bakhilz tamen Pontius docet, in tali casu debere virum petere dispensationem voti, si aliter non possit damnum compensare. Demum Perez disp. 5. sect. 1. putat, debere simpliciter matrimonium contrahere, quando non potest alia via compensare damnum illatum; Nec teneri petere dispensationem; quia votum simpliciter in tali casu non obligaret quoad redditionem debiti, sed solum quoad petitionem, & quod mortua uxore votum absolute servetur. Addit tamen Perez, quod si possit damnum illatum scemina alia via compensari, puta constituendo illi dotem, &c. possit in tali casu vir ad libitum vel servare votum, vel illam ducere: Potest quidem servare votum contra sententiam Sanch., & Vasq., eo quod non teneatur eam ducere, nec ratione damni illati, cum possit huic alia via satisfacere, nec ratione promissionis, utpote rei illicitæ, posito quod habebat votum castitatis: Ex alia parte potest ad libitum illam ducere, quia

VO-

votum illud non amplius obligat: Et ratio est, quia universim votum non obligat, quando res promissa sit notabiliter gravior, & durior, quam erat tempore, quo fuit factum votum; non enim habuit tunc intentionem se obligandi ad rem illam, nisi prout erat; & si prævideret, eam evasuram longe duriores, non emisisset votum: atqui in casu nostro castitas promissa facta est notabiliter gravior; nam si servaretur castitas, deberet cum magno impendio pecuniæ constitui dos; feminæ corruptæ; ad quod non se obligasset vovens, si id prævideret; ergo non tenetur votum servare, & cum magno incommodo, seu jactura rerum temporalium constituere illi dotem, sed potest illam ducere.

Neque dicas cum Hurr. disp. 1. dist. 21., tunc votum non obligare, quando res promissa evadit durior notabiliter, sed involuntarie; in casu autem nostro per culpam voluntariam castitas promissa evadit notabiliter gravior, ferens secum dispendium rerum temporalium in constituendo dotem: ergo in casu nostro votum obligat.

Nam Suar. lib. 4. de Voto cap. 19. docet, universim verum esse, quod votum non obliget, quando materia voti est adeo mutata, ut si a principio sic extitisset, homo non vovisset, sive cum culpa, sive sine culpa vovens accideret talis mutatio; Etenim culpa solum relinquit onus poenitendi, nec efficit, ut homo teneatur ad id, quod moraliter servare non potest: Quare si gravis difficultas in re promissa adimens potentiam moralem vovens ad eam ponendam oriatur voluntarie ex propria culpa, sive oriatur involuntarie, semper tollit obligationem servandi votum.

VII. Queritur tertio; An notabilis disparitas inter contrahentes sit impedimentum ad valorem sponsalium?

Respondeo, si contrahentes nesciant notabilem hanc status, & conditionis disparitatem, contractum esse irritum; ut est certum: Si vero sint conscii, censeo cum Sanch., Molin., & aliis apud Perez, & Dianam part. 9. tract. 7. resol. 71., sponsalia esse valida, nisi magnum scandalum ex iis oriatur. Probatur, tum ex praxi Ecclesiæ cogentis servare fidem talium sponsalium; tum quia quando contrahens est sui juris, & videt disparitatem, & excessum, & tamen contrahit, censetur liberaliter donare excessum illum.

Confirmatur, quia prodiga promissio, quamvis non vacet culpa, si tamen est acceptata, obligat. Et ratio est, quia ipsa largitio prodiga (quæ est executio promissionis) tum solum est actus illicitus, quando qui prodige largitur, non est obligatus ad talem largitionem; at postquam ad illam vel promissione, vel juramento se obligavit, est adimpletio debiti jam contracti, & consequenter est actus honestus fidelitatis, aut justitiæ, vel Religionis: Ergo pariter in casu nostro, quamvis peccaverit puella nobilis prodige promittendo matrimonium plebejo contra voluntatem parentum; at si non sequatur grave scandalum, teneatur ad matrimonium promissum: Multa enim cum culpa, & imprudenter promittuntur, quæ inde executioni mandanda sunt, ut constat ex communi omnium sententia in casu, quo quis promittit alteri pretium propter malum patrandum, verbi gratia, propter homicidium, vel fornicationem; certe talis promissio est illicita, utpote provocans ad malum; at post peccatum patrum obligat in conscientia, quia tunc adimpletio promissionis est licita, & actus honestus fidelitatis. Quare sicuti dare pretium sicario pro homicidio patrando est actus illicitus, si non præ-

cessit:

cesserit promissio illicita; est vero actus licitus, & debitus, si præcessit illicita promissio. & executio homicidii; ita pariter in casu nostro matrimonium inter notabiliter dispares cum offensione parentum est actus illicitus, si promissio illicita non præcesserit; secus vero, si ea præcessit; unde fit, huiusmodi sponsalia illicita quidem esse, sed valida.

Dixi tamen, nisi magnum scandalum suboriatur, seu timor probabilis pessimi exitus, & odii capitalis inter contrahentes, aut inter consanguineos. Et ratio est, quia virtus iustitiæ non obligat ad actum peccaminosum; atqui actus peccaminosus est contrahere matrimonium cum magno scandalo, quando scilicet notabiliter læditur charitas proximi, & cognatorum amicitia dissolvitur: ergo sponsalia in tali casu non obligant ex iustitia ad contrahendum matrimonium, atque adeo sunt irrita.

VIII. Oppones: Qui prodige promittit meretrici pro usu corporis magnum pretium, non tenetur stare promissis, ut docet Sor. lib. 4. de iust. quæst. 7. Salon., & alii; ergo neque puella nobilis prodige promittens matrimonium plebejo.

Confirmatur, quia, quando in contractu est notabilis inæqualitas pretii, nemo obligatur ad illud solvendum; si enim offeram pro pretio unius panis centum aureos, non teneor solvere, nisi iustum pretium; Ergo neque tenetur ad matrimonium cum plebejo puella nobilis, quamvis illud promiserit.

Respondeo, nego utriusque argumenti consequentias. Disparitas est, quia in utroque casu nemo censetur liberaliter donare excessum, cum velit solum in pretium offerre id, quod offert, quod si vellet liberaliter dare, etiam peccaret, offerendo prodige, non tamen peccaret adimplendo promissum,

sed ad illud, ut diximus, tenetur: At in casu nostro matrimonium, quod promittitur prodige, cum non offeratur in pretium, censetur liberaliter offerri, donando excessum; ergo quamvis peccet puella nobilis prodige promittendo matrimonium plebejo, tenetur tamen stare promissis.

ARTICULUS VI.

De Obligatione, quæ confurgit ex Sponsalibus.

- I. Sponsalia obligant ad abstinendum a Sacris Ordinibus, non tamen ab ingressu in Religionem. Qui tamen post illa Sacros Ordines suscepit, tenetur damnum reparare.*
- II. Num possint Sponsalia presse dicta contrahi cum minima obligatione sub levi?*
- III. Num vovens, aut iurans possit sub levi se obligare in quacunque materia?*
- IV. Iuramentum de parando peccato levi num sit culpa gravis?*
- V. Num promissio matrimonii gratuita ex sola fidelitate obliget sub gravi?*
- VI. In quo differat obligatio ex iustitia ab obligatione gravi ex fidelitate?*
- VII. Num Sponsus, si fornicetur, apere debeat in confessione, quod Sponsalia contraxerint, quatenus injuriam alteri sponso irrogaverint?*
- VIII. An possit in contractu Sponsalium apponi poena luenda a resistente?*
- IX. Sponsus iurans se solviturum penam, si resistat, num vi iuramenti ad illam teneatur, si iuste resistat?*
- X. Num licite in Sponsalibus arrhe apponantur?*
- XI. Possint Sponsalibus addi pactum habitandi in aliquo determinato loco?*

I. Cert-

I. Certum est primo, Sponsalia directe obligare ad matrimonium contrahendum, nisi rationabilis causa excuset; ac proinde obligant ad abstinendum ab omnibus iis, quæ matrimonium impediunt, puta a susceptione Ordinis Sacri; non tamen ab ingressu Religionis, quod a jure conceditur.

Certum est secundo, obligationi Sponsalium, quam diximus esse ex iustitia, non posse pecunia, aut alia via satisfieri, quam per matrimonium; cum numeretur inter obligationes faciendi, quæ tum jure naturali, tum positivo dicuntur obligationes præciæ, quibus scilicet non potest promissor, invito promissario, per pretium satisfacere. Unde fit, ut qui post prima Sponsalia cum Berta contraxit secundam cum Terefia, interponendo in secundis iuramentum, non solum peccarit, sed etiam teneatur ad servandam primam Sponsalia; Juramentum enim præstitum in secundis non potest esse vinculum iniquitatis. Quod si post Sponsalia contracta suscipiat quis Ordines Sacros, vel matrimonium cum alia contrahat, peccat quidem, sed cum non possit amplius Sponsalia servare, tunc tenetur pretio, vel alia via satisfacere.

Certum est tertio, quod si præfigatur dies matrimonio contrahendo, ille servandus sit, nisi postea aliter conveniant; Si vero nullus dies præfigatur, debent nuptiæ contrahi data proxima occasione, ex regula 14. ff. de Regulis juris, ubi dicitur: *In omnibus obligationibus, in quibus dies non ponitur, præfenti die debetur*; cum hæc videatur esse intentio bona fide contrahentium. Quod si pars sponte dilationem concedat, potest differri: Præsumitur autem dilationem concedere, si, cum facile possit, non urget impletionem promissionis; Sicuti creditor potens facile debitum petere,

& non petens censetur dilationi consentire: Secus accidit, si ob metum, vel oblivionem, vel ob desperationem profectus, cessaret promissa, vel debitum exigere. Discutienda nunc sunt aliqua de intrinseca obligatione Sponsalium; quæ scilicet oritur ab ipsa eorum natura: Alia etiam de extrinseca obligatione conventionali; quæ scilicet oritur ex speciali pacto inter contrahentes.

II. Quæritur itaque primo; An possint Sponsalia obligare tantum sub veniali ex intentione contrahentium nolentium invicem obligare se sub gravi?

Respondeo, tres esse Sententias. Prima Sanch. lib. 1. disp. 9. affirmat; Sicut enim votum potest ex voto intentione obligare tantum sub levi, ita etiam mutua promissio matrimonii; siquidem promissio est quædam lex, quam subimet promittens, vel vovens imposit; atque adeo pendet ejus obligatio a promittentis, tamquam a Legislatoris intentione, qui potest etiam in materia gravi obligare sub levi.

Secunda sententia communior cum Vasq., Suar., Con., Perez disp. 6. sect. 3. negat; quia omnis obligatio ex iustitia in materia gravi est obligatio sub gravi; sed obligatio Sponsalium est ex iustitia commutativa, cum habeatur ex mutuo contractu oneroso, Do, ut des; & est in materia gravi; ergo obligatio Sponsalium semper est sub gravi.

Tertia sententia Hurt. disp. 1. difficult. 6. docet, regulariter Sponsalia obligare sub gravi ob rationem secundæ sententiæ: Si tamen velint contrahentes obligare se ex fidelitate, videlicet promittendo invicem matrimonium, sed liberaliter, & gratis, non vero cum onere, ut alter reponit, in tali casu Sponsalia obligare tantum sub levi; Ratio est, quia fide-

tas universim (ut fert communior opinio) obligat tantum sub levi ; Nam fidelitas obligat ad conformanda facta dictis , non secus ac veracitas obligat ad confirmanda dicta menti ; sed veracitas obligat universim sub levi : ergo etiam fidelitas. Verum tamen est , Less. de iustitia cap. 18. , Navar. , Sot. , & alios existimare , quancumque promissionem rei gravis serio factam , sive Deo , sive etiam homini obligare sub mortali : Sicut ex omni iuramento confurgit obligatio sub gravi , quin possit iurans obligari tantum sub levi .

Equidem existimo cum Perez , esse quidem in potestate promittentis , vel voventis obligare se circa rem gravem tantum sub veniali , quando obligatio pendet præcise a privata hominum voluntate ; Verbi gratia , potest quis vovere jejunium , obligando se ad illud sub levi , sicut potest legislator obligare ad jejunium sub levi : Contra vero non esse sub potestate promittentis , vel voventis , obligare se circa rem gravem sub veniali , quando talis promissio , seu Votum ex Ecclesiæ constitutione , vel ex lege Reipublicæ , vel ex consuetudine obligat sub mortali : Exempli gratia , non potest quis emitteere vota solemnia Religionis cum intentione obligandi se ad illa sub veniali : cum ex Ecclesiæ constitutione talia vota obligent sub mortali : Nec potest quis matrimonium contrahere obligando se tantum sub veniali ad vinculum illud indissolubile , & ad prolis propagationem , & bonam educationem ; cum ex Ecclesiæ institutione , & ex consuetudine talis obligatio sit gravis : Hoc etiam accidit in Sponsalibus , quæ pariter ex Ecclesiæ institutione , & ex consuetudine obligant sub gravi ; nam cum ex iis oriatur impedimentum dirimens publicæ honestatis , quod obligat sub mortali , ne matri-

monium contrahatur a Sponso cum sorore Sponsæ , aut a Sponsa cum fratre Sponsi , signum est , quod ipsa sponsalia ex Ecclesiæ institutione obligant sub mortali ; & consequenter non est in potestate contrahentium Sponsalia , quod obligent se ad matrimonium sub levi . Unde etiam fit contra tertiam sententiam Hurt. , non posse contrahi sponsalia rigorose dicta cum intentione obligandi se tantum ex fidelitate ; siquidem ex institutione Ecclesiæ , & ex consuetudine obligant ex iustitia .

III. Circa iuramentum tamen diversa est ratio , ac de Voto , & promissione ; nam iuramentum hoc , verbi gratia , quod est promissorium , Testor Deum me tibi hoc daturum , tria significat ; Primo , me habere voluntatem dandi ; Secundo , velle me ad id obligare ; Tertio , me daturum . Conveniunt Doctores , quod peccet mortaliter mentiendo , & adhibendo Deum in testem falsi , qui aut de facto non habet voluntatem dandi , aut non habet voluntatem obligandi se ad dandum . Dubitatur solum ; An dicatur assertive illud tertium ? quod scilicet sim daturus , ita ut si postea non dem , mentitus sim adhibendo Deum in testem falsi , atque adeo peccarim mortaliter , quantumcumque sit parva res illa danda ; Sicut procul dubio peccat mortaliter , qui rem levissimam falso iuratus asserit . Quare nonnulli Doctores docent , promissionem iuram rei parvæ obligare sub mortali : Alii vero communius docent , obligare tantum sub levi , eo quod illud tertium , quod scilicet sim daturus , non dicatur assertive , sed tantum ad illud dandum velit iurans se obligare , non secus ac vovens . Unde ex parvitate materiæ excusatur a mortali , tam qui rem parvam promisit homini cum iuramento , quam qui rem parvam vovit Deo .

Cen-

Censeo equidem cum Con. disp. 22. dub. 7., juramentum promissioni additum adhiberi solum ad vocandum Deum in testem presentis voluntatis, qua promittens intendit se obligare ad ponendam rem promissam, & vel- le Deum ultorem perfidiae, si fidem datam fallat; ut sic reverentia Numi- nis, & timor ultionis moveat illum ad promissa implenda: Non vocatur autem Deus in testem illius tertiae veritatis, quod scilicet promittens sit promissa impleturus; Unde in re le- vi non implens promissa jurata excu- satur a mortali, cum non sit magna Dei irreverentia, non secus ac qui in re levi non implet votum.

Ex dictis sequitur primo, quod non implens quaecumque promissae juratus, non sit proprie mendax, sed perfidus; & intantum vulgo dici solet, quod mentitus sit, quatenus suo facto veluti ostendit se perfide jurasse sine animo implendi promissa. Ratio do- ctriinae est, quia si jurans diceret asser- tive, quod sit daturus, vocando Deum in testem, sequeretur, quod peccaret mortaliter, etiam quando ju- raret, se facturum rem aliquam in- differentem, (verbi gratia, se mansu- rum domi) si illam non poneret, quia faceret Deum testem falsi; cum tamen omnes doceant, neminem ex juramento obligari ad rem indifferen- tem; Et idem dicis, si juraret, se fa- cturum peccatum aliquod veniale, ad quod certe ex juramento non obli- gatur.

Sequitur secundo, tam in voto, quam in promissione jurata requiri intentionem se obligandi, ad hoc ut in foro conscientiae confurgat obliga- tio: Sicuti autem vovens rem levem non obligatur ad illam sub gravi, quia non censetur Deus promissarius gra- viter invitus, si ea non ponatur; ita pariter jurans, se facturum rem le- vem, neque obligatur sub gravi, quia

Pari VII.

non censetur pariter gravis irreveren- tia Dei, si non ponatur res parvi mo- menti, ad quam ponendam jurans se obligavit vocando Deum in testem suae voluntatis, quam habebat, se ad id obligandi.

IV. Dubium etiam est apud Do- ctiores; An juramentum promissorium de faciendo peccato levi, puta de mentiendo, sit peccatum leve, an gra- ve? Turrian. docet, esse grave, & oppositam sententiam esse improbabilem; quia gravis irreverentia Deo ir- rogatur, dum per juramentum ad- ducitur ut fideiussor peccati faciendi. Tanner. tamen, Sanch., Azor., & alii communius apud Dian. part. 4. tract. 4. resol. 360. docent, probabili- le esse, quod sit tantum veniale, eo quod ratione parvitatis materiae irre- verentia non censetur gravis: Et id- dem docent de voto faciendi pecca- tum leve. Utrum autem sit pariter ir- reverentia levis, & culpa solum ve- nialis juramentum superaddere menda- cio levi jocosum, aut officioso, sine a- nimo tamen jurandi, sed solum ore- tenus jurando? Suar. lib. 3. de jura- mento cap. 17. n. 4. dicit non inve- nisse id ab aliis disputatum. Alicui vi- deri posset, quod ob levitatem mate- riae tale juramentum externum non ef- fet culpa mortalis; ut habet ibidem Suarius n. 9. sed Verricelli docet esse mortale, ut sufficiens diximus in Trutina exponendo thesim 25. ab Innoc. XI. confirmam, quae habet: *Cum causa li- citum est jurare sine animo jurandi, si- ve res sit levis, si ve gravis.*

V. Queritur secundo; An sponsa- lia acceptata gratuita, quamvis non sint rigore sponsalia, obligent tamen sub mortali? Et univrsim queritur, An promissio rei gravis facta Deo, vel ho- mini obliget sub mortali ex sola fide- litate per se loquendo? Esto per acci- dens aliquando graviter obliget; Verbi gratia, si promissisti alicui centum,

D

&

& ille fidens tuis promissis non quæsit ea aliunde, & idcirco grave damnum subit, si non impleas promissa; Aut si promissisti Matrimonium Bertæ, quæ catenus omisit alium conjugem quærere; unde hic, & nunc cum gravi incommodo Sponsum non reperit.

Respondeo cum distinctione: Si promittens vult se obligare ad rem gravem promissam tantum ex quadam honestate confirmandi dicta factis, obligatur tantum sub veniali; quia in tali casu non habetur vera promissio conferens ullum jus promissario, sed veluti quoddam propositum. At vero obligatur sub mortali, si promittens vult rem gravem vere promittere, conferendo promissario jus ad illam; non quidem jus strictum iustitiæ, quod confurgit ex contractu oneroso dantis, ut detur; sed jus minus strictum confurgens ex contractu non oneroso, sed gratuito dantis, quamvis nihil in compensationem detur: Ratione enim talis juris injuria fit promissario, si non detur res promissa, quam vere dicit sibi deberi, ita ut possit illam exigere, & condonare, & possit etiam in foro externo agere ad illam habendam, si accedat stipulatio, ex qua præsumitur, promissionem factam esse cum plena deliberatione.

VI. In hoc autem differt obligatio sub mortali ex iustitia ab obligatione gravi ex fidelitate, ut notat Lcif. cap. 18. dub. 8., quod obligatus ex iustitia non solum obligetur ad damnum emergens, sed etiam ad lucrum cessans, si non satisfaciatur. Contra vero obligatus ex fidelitate, nisi ad id expresse se obliget. Præterea obligatio ex iustitia dat jus in re, ita ut Creditor, ubicumque illam reperit, possit sibi accipere: Contra tamen obligatio ex fidelitate dat solum jus ad rem; unde si promittens illam, verbi gratia, vendiderit, non possit Promissa-

rius rem illam sibi accipere, sed solum habeat jus contra promittentem, ut det sibi aliquid æquivalens. Ita communiter cum Con. disp. 22. dub. 6., Sanch. li. 1. disp. 5., Suar., Navar. contra Cajet., Molin., Rebel., & alios apud Dianam part. 4. tract. 4. resol. 122.; qui putant promissionem nudam, & gratuitam obligare tantum sub veniali.

Ex dictis sequitur, Votum in re gravi univèrsim obligare sub mortali; & in eo tantum casu posse obligare sub veniali, quando non tam habetur promissio facta Deo, quam propositum faciendi aliquid, ad quod non ex fidelitate, sed ex quadam honestate velit expresse homo se obligare; Nam, si esset vera promissio, conferret Deo jus, & consequenter, si non adimpleretur promissio, gravis injuria irrogaretur Deo, unde esset peccatum mortale.

VII. Quæritur tertio; An sponsalia obligent ad abstinendum a fornicatione, ne specialis malitia contrahatur aperienda in Confessione?

Respondeo, certum esse, fornicationem Sponsi non esse adulterium, hoc enim est alieni tori violatio; Sponsi autem torum non habent; eorumque filii, quamvis non sint legitimi, sunt tamen naturales, & non spurii; Siquidem solum impedimentum dirimens matrimonium inter parentes facit filios spurios. Utrum autem fornicatio Sponsi, præter peccatum luxuriæ contra castitatem, contineat etiam peccatum injustitiæ contra jus quod habet Sponsa, non quidem in corpus, sed ad corpus Sponsi? Dubium est apud Doctores.

Prima sententia negat cum Henr., Mærat., & aliis apud Perez; quia talis fornicatio est usus corporis, quod adhuc non est alienum; per Sponsalia enim habetur tantum jus ad acquirendum dominium in corpus alterius,

rius, quod jus non violatur per fornicationem: Sicuti qui post votum ingrediendi Religionem ante ingressum fornicatur, non violat jus Religionis: quia per tale votum promittitur tantum professio, non secus ac per Sponsalia promittitur matrimonium.

Secunda sententia affirmat cum Rebello, Con., & aliis, quia talis est injuria, quæ alteri sponso per fornicationem irrogatur, ut per illam licite possit dissolvere Sponsalia: sicuti autem sola injuria gravis potest esse sufficiens ad dissolvendam amicitiam, ita a fortiori ad dissolvenda Sponsalia.

Tertia sententia distinguit cum Molin., & Sanch. lib. 1. disp. 2., Concedit quidem contineri malitiam luxuriz, & injustitiam in fornicatione Sponsæ; negat vero in fornicatione Sponsi. Disparitas est, quia solum Sponsa per fornicationem redditur longe vilior in ælimatione hominum, ut nemo honestus velit illam amplius in conjugem; unde gravis injuria irrogatur Sponso.

Quarta demum sententia cum Perez aliter distinguit; Negat enim, continere injustitiam, si fornicatio sive Sponsi, sive Sponsæ sit occulta, per quam nullo pacto redduntur inepti ad matrimonium; Siquidem per sponsalia tantum obligantur invicem, ut non reddantur inepti ad matrimonium, quod promittunt: Sicuti qui vovet Religionem, tantum obligatur ad non reddendum se ineptum ad illam; & quia per fornicationem non redditur ineptus, ideo fornicatio habentis votum Religionis non continet injustitiam: Contra vero, si fornicatio sit publica, utpote inurens notam, & reddens sponso ineptos ad matrimonium promissum, continet malitiam injustitiæ aperiendæ in Confessione. Hæc sententia videtur probabilior.

VIII. Porro, quia solent aliquando Sponsi convenire de pœna solvenda ab eo, qui a Sponsalibus resiliet; necnon de reddendis arrhis, aut de habitando in loco determinato; ideo de hac obligatione, quæ ratione conventionis nascitur in Sponsalibus, hic pariter agendum.

Queritur itaque quarto; An possit in contractu Sponsalium apponi pœna aliqua pecuniaria solvenda a resiliente?

Respondeo cum communiori, posse apponi pœnam solvendam a resiliente injuste, non vero a resiliente juste.

Prima pars, quam docent Suar., Mol., Con. contra Dicastr. dub. 26. & alios apud Sanch. disp. 30. num. 3., probatur; quia nullo jure id prohibetur: Prohibent quidem Jura, quod non apponatur pœna solvenda a resiliente juste, ne lædatur libertas matrimonii; At in casu nostro non læderetur libertas matrimonii, cum nemo liber sit ad injuste resiliendum a contractu Sponsalium: ergo jura non adversantur nostræ doctrinæ. Præsertim quia potest ferri excommunicatio major contra injuste resilientem absque læsione libertatis matrimonii.

Secunda pars constat ex cap. *Gemma de Sponsalibus*, & ex leg. *Tutio de Verborum obligationibus*, ubi dicuntur hujusmodi stipulationes non obligare, quia matrimonia debent esse libera: Immo decernitur, quod contractui Sponsalium non solum non adjiciatur pœna solvenda a Sponsis, sed nec a parentibus, propinquis, amicis; solum itaque apponi possit ab extraneis non impediuntibus libertatem matrimonii: Si tamen a Sponsis apponeretur, puto, quod solum venialiter peccarent; quia cum non detur deinde obligatio solvendi talem pœnam, non tolleretur libertas matrimonii.

D 2 Du-

Dubium est primo; An si juramento confirmarent Sponsi contractum hunc de pœna solvenda a resiliente iuste, obligarentur deinde illam solvere ex vi juramenti?

Putat Con. dub. 5. cum Less., quod obligarentur; Nam sicuti qui juravit solvere pecuniam creditam perditam ludo prohibito, teneretur illam solvere vi juramenti, quamvis lege civili solvere non teneatur; ita pariter in casu nostro. Ratio a priori est, quia quoties aliquid prohibetur, primario in bonum privatum, secundario in bonum publicum, potest quis juramento ad id obligari, si non sit intrinsece malum, ex Sanch. lib. 1. disp. 32.; Nec solutio pœnæ in tali casu esset approbatio contractus prohibiti; sicuti neque qui solvit sicario promissa, censetur approbare promissionem illicitam.

Verum probabilius negat Sanch. loc. citat., quia Juramentum non obligat ad rem illicitam, & prohibitam; culpa enim saltem venialis est solvere talem pœnam, tamquam debitam; cum hoc cedat in præjudicium libertatis, & boni publici: Ad eum modum quo si Clericus juraret sistere se Judici seculari, non teneretur vi juramenti; quia hoc cederet in præjudicium status Clericalis.

Confirmatur, quia si Nepotes jurent dividere inter se hæreditatem, mortuo Avo, juramentum non obligat; irritatur enim tale pactum etiam juratum a legibus, ne detur ansa capandæ mortis Avo; ut videre est apud Tambur. lib. 3. Decalogi cap. 3. §. 5.; ergo etiam juramentum de solvenda pœna appositæ contractui Sponsalium non obligat, ne tollatur libertas matrimonii; facile enim fieret matrimonium invite, ne solvatur pœna debita ex juramento: hoc tamen non accidit in jurante solvere pecuniam creditam perditam ludo prohibito,

& ideo vi juramenti tenetur illam solvere.

Dubitatur secundo; Utrum quando non obligatus ex contractu solvere pœnam, aut pecuniam adhuc vellet eam solvere aut libere, aut vi juramenti, tunc recipiens teneatur ad restitutionem?

Respondeo cum communi, quod non teneatur, nisi juridice ad restitutionem compellatur. Ratio est, quia jure naturæ talis contractus valet, & solum leges civiles tollunt obligationem solvendi; Et ideo qui pecuniam creditam ludo prohibito perdit, non tenetur solvere, sed recipiens non tenetur restituere, nisi a Judice compellatur. Ex quo fit, quod qui sine obligatione solvit, non possit ante sententiam Judicis per occultam compensationem pecuniam illam accipere, ut notat Tambur. lib. 8. Decalogi tract. 2. cap. 9., Perez disp. 7. scct. 1.

Demum notandum cum Con., quod solum pœna rigoroſe dicta solvenda a resiliente iuste non possit adjici contractui Sponsalium, possit tamen lucrum aliquod deperdi a resiliente: Verbi gratia, si quis donet centum Titio, dummodo Berta nubat, si Titius a Sponsalibus cum Berta iuste resilit, non acquirit illa centum.

X. Quæritur quinto; An arrhæ licite apponantur in Sponsalibus?

Ante responsionem adverto, nomine Arrhæ venire aliquando donationem, quam Vir facit Uxori in dotis præmium; aliquando vero donationem propter nuptias: At in quæsito præſenti nomine Arrhæ venit arrha Sponsalitia, quæ est quoddam pignus contractus initi, quod alter contrahentium dat alteri in assecurationem; ita ut illud amittat, si ipse injuste resiliat a contractu; vel sibi restituatur simul cum valore ejusdem, si alter injuste resiliat; si vero contractus complectatur, redeat tale pignus

ei, qui dedit: Sicut etiam redire debet, si iuste alter a contractu resiliat. Porro, ut habeat nomen arrhæ, & non pœnæ conventionalis, debet de facto tradi ante completum contractum, nec satis est ipsum promittere.

Porro differt Arrha a Sponsalicia largitate; hæc enim est donum, quod datur sub conditione, quod matrimonium sequatur, & dici etiam solet Jocalium donatio autē nuptias, Donum Sponsaliticum, Dotalitium, Mundus muliebris. Hoc donum reddit ad largientem, si ex iusta causa matrimonium non sequatur. Si tamen Sponsa osculum, vel copulam passa fuerit, illius doni mediam partem acquirit, etiamsi iusta causa detur non contrahendi matrimonium; Post consummationem vero matrimonii Sponsa acquirit ejus doni dominium; sicut etiam si sine iusta causa Sponsus resiliat. His explicatis

Respondet ad quæsitum, Arrhas posse valide ab utroque contrahente constitui. Ratio est, quia sicut possunt contractui Sponsalium apponi pœnæ solvendæ ab injuste resiliante, ut modo diximus; ita possunt apponi arrhæ, quæ confirmant potius, quam minuant libertatem matrimonii; siquidem solum injuste resiliens illas amittit: Unde fit, ut in quacumque quantitate possint constitui; quamvis in jure civili Castellæ statutum sit, quod non excedat decimam partem bonorum dantis illas. Potest etiam conveniri, ut qui arrham recipit, si injuste resiliat, reddat non solum arrham, sed etiam duplum, aut triplum ejus valorem, non amplius; qui vero illam dat, nisi injuste resiliat, tantum illam amittat: At qui sic contrahit, habere debet viginti annorum ætatem, ut videre est apud Perez, & Con.

XI. Quæritur ultimo; An possit Sponsalibus adjici pactum habitandi

in aliquo determinato loco, vel aliud simile?

Respondet cum communi affirmative: Verbigratia, potest Sponsa promittere matrimonium cum pacto, ne cogatur a sua domo, vel Civitate discedere; vel cum pacto, ne in aliquam unquam Civitatem accedat, ubi sunt, verbi gratia, occisores alicujus consanguinei. Ratio est, quia nullo jure hæc pacta irritantur, nec prohibentur; ergo valida, & licita sunt: Si tamen nova causa superveniat mutandi, verbigratia, domicilium, tunc etiamsi pactum sit juramento firmatum, non obligat, & mulier tenebitur, sequi virum, ut communiter docent cum Sanch. disp. 4.

ARTICULUS VII.

De Sponsalium Effectibus.

- I. Impedimentum publicæ honestatis ex Sponsalibus oritur quid ferat?*
- II. Non oritur nunc post Tridentinum ex Sponsalibus invalidis, neque ex incertiis, neque ex conditionatis.*
- III. Qualiter illud ex matrimonio rato oriatur? Et an, si matrimonium sit invalidum ex defectu consensus?*
- IV. Si Sponsalia mutuo dissensu dissolvantur, adhuc remanet hoc impedimentum.*
- V. Matrimonium clandestinum probabilis habet vim Sponsalium post Tridentinum, & ideo parit hoc impedimentum.*
- VI. Sponsis permittuntur tactus non impudici, & oscula, dummodo absit periculum consensus in delectationem verecundæ de copula futura.*
- VII. Tactus non impudici, & oscula eodem modo sunt verita solennis, ac viduis. Solum permittuntur Sponsis citra periculum consensus in delectationem libidiniosam, in signum muni*

*ini amoris. Coniugibus non veia-
tur sub gravi delectatio carnalis
in absentia alterius conjugis circa
periculum pollutionis.*

I. **E**ffectus Sponsalium alter est intrinsecus, & ex ipsa Sponsalium natura resultans; alter extrinsecus, resultans vi juris Ecclesiastici: Quod atinet ad priorem effectum, cum aliud non sit, quam ipsa obligatio gravis ad matrimonium incundum, nihil est superaddendum ad ea, quæ hac de re diximus articulo superiore. Posterior autem effectus est triplex. Primus est impedimentum publicæ honestatis; Alter est, sponsalia transire in matrimonium per copulam, ubi non viget Tridentinum. Tertius denique, licita esse Sponsis de futuro oscula, amplexus, & tactus non impudicos. De singulis hic agendum.

Dicitur autem impedimentum publicæ honestatis oriri ex Sponsalibus, (sicut etiam ex matrimonio rato) quia ex iis valide celebratis propter publicam honestatem, & decentiam oritur impedimentum dirimens matrimonium cum consanguineis alterius Sponsi in primo gradu tantum, jure novo Trident. sess. 22. cap. 3.; quamvis olim jure antiquo extendebatur ad quartum gradum: Nunc itaque Titius contrahens Sponsalia cum Berta non potest valide matrimonium contrahere cum Sorore, filia, aut matre Bertæ, propter impedimentum publicæ honestatis.

II. Ex quibus sit primo, non oriri tale impedimentum ex Sponsalibus celebratis a Titio, dum erat infidelis; cum hoc impedimentum sit Ecclesiasticum, & infideles non sint subditi Ecclesiæ.

Secundo, non oriri ex Sponsalibus invalidis; quamvis jure antiquo oriretur etiam ex invalidis, dummodo non invalidis ex defectu consensus.

Tertio, nec ex Sponsalibus celebratis cum persona incerta, ex Cap. unico de Sponsalibus; cum ea non sint Sponsalia rigore dicta.

Quarto, neque ex Sponsalibus conditionatis, nisi purificata conditione, quando evadunt absoluta, & certa, ut constat ex laud. cap. Quare si Titius contrahat cum Berta sub conditione de futuro, & ante purificationem conditionis contrahat cum Sorore Bertæ nova Sponsalia, hæc posteriora Sponsalia non obligant, quia debet expectari eventus illius conditionis; si tamen ante eventum conditionis contraheretur matrimonium cum Sorore Bertæ, illicitum esset, sed validum; quia priora Sponsalia, utpote conditionata, non pepererunt impedimentum publicæ honestatis.

Quinto demum sequitur, quod si Titius post Sponsalia cum Berta cognoscat Sororem Bertæ, cum necura possit valide matrimonium contrahere ante dispensationem; Non quidem cum Berta, propter impedimentum affinitatis; Neque cum sorore Bertæ, propter impedimentum publicæ honestatis.

III. Præterea sciendum, hoc impedimentum publicæ honestatis oriri etiam ex matrimonio rato, ex c. *Ad Audientiam de Sponsalibus*; cum hoc tamen discrimine, quod Sponsalia inter Titium, & Bertam celebrata dirimant matrimonium cum eorum consanguineis solum in primo gradu; Matrimonium vero ratum dirimat usque ad quartum gradum. Præterea ex Sponsalibus *quacunque ratione invalidis* non oritur hoc impedimentum, ut habet Trident. sess. 2. cap. 3.; Oritur tamen ex matrimonio rato, etiam invalido, dummodo non invalido ex defectu consensus, ut communiter docent cum Bonac. quæst. 3. punct. 11. contra Navar. & Sâ, ut dicemus quæst. 5. art. ult.; Etenim jus novum

Tri-

Tridentini solum abstulit hoc impedimentum a Sponsalibus invalidis, etiam ex defectu consensus, non a matrimonio rato sic invalido. Utrum autem sponsalia exterius rite celebrata, sed invalida ex defectu consensus, saltem pro foro externo pariant impedimentum publicæ honestatis? Negant communius cum Dicast. disp. 7. dub. 29. contra Sanch. disp. 68. num. 13.; qui putat, hoc impedimentum oriri etiam pro foro interno ex Sponsalibus invalidis ex defectu consensus, necnon invalidis ex quocumque alio impedimento occulto; quia quamvis Tridentinum dixerit, non oriri ex Sponsalibus quacumque ratione invalidis, videtur interpretandum, quod loquatur de Sponsalibus pro foro externo invalidis.

IV. Quæritur nunc primo; An hoc impedimentum sit perpetuum, ita ut nec per mortem alterius Sponsi, nec per dissolutionem Sponsalium quomodocumque factam tollatur?

Respondeo affirmative cum Sanch. lib. 7. disp. 68., & aliis communiter ex cap. *Si quis desponsaverit* 27. *quæst.* 2. contra Rebel., & Hurt. disp. 21., & alios apud Dian. part. 3. tract. 4. resol. 222.; qui putant cessare hoc impedimentum, quando mutuo consensu dissolvuntur Sponsalia. Ratio doctrinæ est, quia finis Ecclesiæ decernentis tale impedimentum est decencia, & honestas, quæ militant tam post mortem alterius Sponsi, quam post dissolutionem Sponsalium; siue dissolvantur per causam legitimam, siue mutuo consensu.

Neque dicas cum Hurt., Sponsalia mutuo consensu dissoluta ex declaratione Congregationis Cardinalium censentur invalida; Atqui Sponsalia invalida ex Tridentino non pariant hoc impedimentum: ergo nec Sponsalia mutuo consensu dissoluta.

Nam sensus Congregationis est,

quod illa non amplius obligent; non vero, quod non fuerint initio valida: Si ergo fuerint initio valida, & ex Sponsalibus validis tale impedimentum gignitur, jam habetur ex iis tale impedimentum, quamvis non amplius obligent: Sicut nec obligant post mortem alterius sponsi, & tamen impedimentum remanet. Quibus adde cum Bonac. loc. citat. dari de hoc novam declarationem Cardinalium.

V. Quæritur secundo; An matrimonium clandestinum inter puberes, ubi est receptum Tridentinum, æquipolleat sponsalibus, ita ut ex eo consurgat impedimentum publicæ honestatis?

Respondeo, Sanch. lib. 1. disp. 20., & Hurt. negare; Tum quia Tridentinum irritat talem contractum, & reddit personas inhabiles ad sic contrahendum; tum etiam, quia contractus per verba de præsentī nullam continet promissionem de futuro, ne implicite quidem: atqui matrimonium clandestinum est contractus per verba de præsentī: ergo continet promissionem matrimonii de futuro; atque adeo non æquipollet Sponsalibus, quæ per talem promissionem constituuntur.

Affirmant tamen verius Con. disp. 21. dub. 4., Henr., Ledesim., tum ex declaratione Congregationis Cardinalium; tum etiam quia dum puberes contrahunt matrimonium clandestinum, intendunt dare sibi invicem omne jus, & dominium in mutua corpora ad usum matrimonii; atque adeo non solum jus proximum, quod datur per matrimonium, sed etiam jus remotum, quod datur per sponsalia; ergo cum non possint dare jus propinquum propter legem Tridentini irritantem contractum, dant solum jus remotum, atque adeo contrahunt Sponsalia.

Ad

Ad primam rationem in contrarium adductam responderetur, Tridentinum irritare talem contractum, in quantum est matrimonium, non in quantum est sponsalia; nec reddit personas inhabiles ad sic contrahenda Sponsalia, sed matrimonium. Ad secundam negatur propter rationem adductam, quod contractus per verba de presenti non contineat implicite promissionem de futuro, per quam sponsalia constituuntur.

Ex dictis sequitur, etiam per matrimonium celebratum inter impuberes haberi vim sponsalium. atque adeo ex eo gigni impedimentum publicæ honestatis, quod etiam concedit Sanch.; quia saltem interpretatione juris, si non ex natura rei, presumitur, eos voluisse se obligare eo modo, quo poterant, atque adeo voluisse contrahere sponsalia, cum non possint contrahere matrimonium secundum Canones Ecclesiæ.

Porro ubi non est receptum Tridentinum, quod irritat matrimonium clandestinum, Sponsalia per copulam inter Sponsos secutam transiunt in matrimonium, ex *cap. Qui De Sponsalibus*, eo quod Ecclesia præsumat affectu maritali, & non fornicario copulari; atque adeo animo matrimonium contrahendi.

VI. Quæritur ultimo; An licita sint oscula, amplexus, & tactus non impudici sponsis?

Respondeo, Sanch. lib. 9. disp. 46. cum Cajet. Navar., Tolet., Fagund., Bonac., Salas, Valent., & aliis apud Dian. part. 2. tract. 17. resol. 6., & part. 4. tract. 4. resol. 131. docere probabile esse, quod tactus non impudici inter Sponsos excusentur a culpa mortali, etiam si intendatur delectatio sensitiva, & carnalis, quæ ex illis oritur, dummodo absit periculum copulæ, aut consensus in illam, aut

pollutionis. Ratio est, quia sicut matrimonium cohonestat copulam; ita Sponsalia, quæ sunt quædam via, & initium matrimonii, & inchoatio traditionis corporum cohonestant ea, quæ sunt quasi via, & inchoatio copulæ. Præsertim quia sic magis fovetur amor in ordine ad matrimonium.

Suar. tamen, Rebel., Hurt. disp. 10. difficult. 10. cum Perez, & aliis communis, & probabilis docent, esse mortale, si carnalis, & libidinosa voluptas intendatur, quæ scilicet sentitur in carne, cum commotione spirituum vitalium incitantium ad pollutionem, & dici solet delectatio sensitiva, & carnalis: Secus vero si oscula fiant in signum benevolentiæ, secundum consuetudinem Partii, ad fovendum mutuam amorem in ordine ad matrimonium; ita ut, si ob talem finem fiant, licita sint, etiam si adsit periculum pollutionis, dummodo absit periculum consensus in delectationem veneream: Etenim finis intentus est honestas, ne sponsi appareant inurbani; & pollutio, si forte sequitur, est præter intentionem. Ratio autem, cur juxta communio-rem sententiam sint peccata mortalia, non solum tactus impudici, (de quibus nemo dubitat) sed etiam non impudici habiti a Sponsis propter delectationem sensualem, seu libidinofam, est, quia talis delectatio instituta est a natura in ordine ad copulam; ergo cum sponsis non sit licita copula, nec permittitur delectatio per se ad illam ordinata.

Confirmatur primo, quia non aliunde delectatio morosa de copula præterita in Vidua est illicita, nisi quia illa commodio carnis ex delectatione causata est quædam copula inchoata, quæ sponsis est illicita, licet fuerit olim licita; atqui etiam sponsis est illicita copula, licet deinde sit futura licita:

cita: ergo sponsis etiam est illicita talis delectatio morosa. Quamvis autem contractus sponsalium sit quoddam veluti matrimonium inchoatum, non per hoc sequitur, quod sit licita talis delectatio, quæ est copula inchoata. Ratio est, quia qui non est perfecte Dominus alicujus rei, non potest illa re uti, ne imperfecte quidem; Verbi gratia, ille, cui promissa est donatio, vel venditio vineæ, non potest tali vinea uti, ne imperfecte quidem, quousque donetur, aut vendatur; quia per promissionem donationis non habetur dominium perfecte, sed tantum inchoative: Hoc autem accidit in casu nostro; nam per sponsalia habetur solum inchoative jus ad corpus alterius, & ad copulam: ergo non est licitus usus illius, ne inchoative quidem, & consequenter carnalis delectatio sponsis est illicita.

Confirmatur secundo, quia sponsis de futuro conditionato (videlicet iis, qui contrahunt sponsalia sub conditione, verbi gratia, quod Pater consentiat, quod Papa dispense, &c.) non sunt licita hujusmodi oscula, & delectationes, ex Sanch. lib. 5. disp. 5., &

tamen illa sponsalia sunt etiam via, quamvis magis remota, ad matrimonium: ergo neque licita sunt sponsis de futuro absoluto; quamvis hujusmodi sponsalia sint via proximior ad matrimonium.

VII. Ex dictis sequitur, eodem modo oscula, & tactus non impudicos esse peccatum ac veniale, aut mortale in sponsis, ac in solutis, & in viduis: Et solum sponsis ea permitti ad honestum finem, verbi gratia, ad excusandam inurbanitatem; Conjugibus tamen sunt etiam licita ad delectationem carnalem, quæ sit via ad copulam ipsius licitam; Quod si delectatio carnalis habeatur in absentia alterius conjugis, citra periculum pollutionis, esset dumtaxat peccatum veniale; quia continet quandam inordinationem, & nimium affectum circa res hujusmodi, nec potest haberi hic & nunc finis, ad quem talis delectatio natura sua ordinatur, nempe copula, ob absentiam conjugis, ut notat Con. disp. 34. dub. 11.: De quibus omnibus etiam infra questione septima, articulo quinto sermo redibit.

Q U Æ S T I O II.

De Causis dissolventibus Sponsalia.

Possunt licite dissolvi Sponsalia pluribus de causis, quæ his versiculis continentur.

Dissensus, Crimen, Fuga, Tempus, & Ordo, Secunda, Morbus, & Affinis, Vox publica, Cumque reclamant.

Primo itaque dissolvit Sponsalia *Dissensus*, seu mutus consensus puberum, sicut dissolvit quemlibet alium contractum dissolubilem.

Secundo *Crimen*, seu delictum atrox commissum ab altero sponso dissolvit Sponsalia ex parte innocentis; Verbi gratia, furtum grave, homicidium, vel aliud, quod grave damnum, aut infamiam pariat: Nec solum fornicatio alterius Sponsi post Sponsalia, sive Corporalis, sive Spiritualis, (ideest hæresis) sed etiam fornicatio Sponsæ ante Sponsalia, quæ a Sponso sit ignorata,

Part VII.

E

nec-

necnon si Sponsa permittat, se ab alio impudice tangi, osculari, &c. similiter sponsalia dissolvit.

Tertio *Fuga*, seu Discessus in longinquum, & longa absentia alterius Sponsi; censetur enim hic per fugam suo juri renunciare.

Quarto *Tempus*, hoc est lapsus temporis præfixi Sponsalibus implendis; liberatur enim ab obligatione is, per quem non stetit, ut contractus impleatur.

Quinto *Ordo*, seu susceptio Ordinis Sacri, vel ingressus alterius in Religionem, aut Votum eam ingrediendi: Immo etiam votum simplex Castitatis, ut docent Suar., Azor., & alii, cum hoc sit de meliori bono: Contrarium tamen docent Filliuc., Sanch., Coninch., eo quod Deus non acceptet rem alteri promissam, & in alterius præjudicium. Unde in foro externo sic vovens compellitur vel fidem servare, vel ingredi Religionem. Certum tamen est, quod per tale votum datur alteri parti jus ad rescindenda sponsalia, eo quod vovens censetur juri suo renunciare.

Sexto *Secunda*, hoc est contrahere sponsalia, aut matrimonium cum alia sponsa, dat iustam causam alteri rescindendi sponsalia, quamvis ille teneatur servare prima sponsalia, antequam inceat matrimonium cum altera; & post initum matrimonium, eo soluto, tenetur illa implere, ut docet Pont. contra Sanch. apud Dian. part. 3. tract. 4. resol. 209.

Septimo *Morbus*, videlicet, si superveniat alteri morbus contagiosus, ut lepra, paralytis, morbus gallicus, aut alia notabilis mutatio; Necnon si de novo ea detegantur, quæ si a principio cognita fuissent, a sponsalibus deteruissent; ut est alterius sævitia, aut morum asperitas, gravis infamia: Sicut etiam iustus timor, ne ex matrimonio scandala, aut gravia odia nascantur inter consanguineos. Pariter, si graviter deformetur alter sponsus, ita ut reddatur ineptus ad suum opificium, & ad familiam sustentandam, vel si amittat oculum, nasum, &c. præsertim sponsa: Item magna debita, vel grave periculum morbi, fortunarum, famæ, paupertatis, &c. Similiter si sponsa dotem promissam dare non possit, aut sponsus incipiat vagari cum sponsa incommodo.

Octavo *Affinis*, hoc est, si alter sponsus copulam habeat cum consanguinea alterius in primo, aut secundo gradu; unde oriarur impedimentum dirimens Affinitatis; quamvis teneatur delinquens petere dispensationem.

Nono *Vox publica*, de impedimento scilicet dirimente, quamvis revera nullum addit impedimentum; idque ad vitandum scandalum.

Ultimo *Quando reclamant*, hoc est quando sponsalia facta sunt inter impuberes, & alter pubertatem adeptus reclamat, seu dissentit. Quibus adde ignorantiam, metum, & dolum aliquando sufficientem dare causam dissolvendi sponsalia; ut mox examinabimus.

ARTICULUS I.

De Mutuo Consensu, & de Reclamatione dissolventibus Sponsalia.

I. Sponsalia Puberum mutuo consensu

dissolvuntur, etiamsi sint jurata in invicem pietatis.

II. Impuberum Sponsalia dissolvuntur, si eorum alter, statim ac ad pubertatem pervenerit, reclamet: Et quidem pro foro externo intra triennium, & coram Iudice, aut testibus.

III.

III. Probabilius impuberes reclamare possunt, cum ad pubertatem deveniunt, etiamsi Sponsalia iuramento confirmantur.

IV. Impubescentes tamen, qui iuramento confirmantur Sponsalia, censuris cogendi sunt ad matrimonium contrahendum.

V. Quamvis Impuberes possint deinde reclamare, non per hoc sequitur, quod inanis fuerit contractus, & iuramentum ante pubertatem.

I. **Q**Uæritur primo; An possint licite sponsalia Puberum, etiam jurata, mutuo consensu dissolvi. Respondeo cum communi affirmative; sicut potest quilibet alius contractus mutuo consensu, & partium remissione dissolvi: Nam ex Cap. 1. de Regulis juris, Res omnis per quaecumque causas nascitur, per easdem dissolvitur, si dissolubilis est. Quod si alter tantum contrahentium in sponsalium dissolutionem consentiat, quamvis non dissolvat sponsalia, nec eximatur sua obligatione, tamen dat jus alteri ad resiliendum.

Quod si sponsalia sint jurata principaliter in amorem Dei, seu per modum voti, (ut contingit, quando quis intuitu pietatis contrahit sponsalia jurata cum pauperula) etiam in tali casu mutuo consensu licite dissolvuntur ex Lessi, Con., Sanchez. Tum quia iuramentum censetur factum sub ea conditione, quod is, in cuius favorem fit, velit acceptare, & nolit cedere juri suo: Tum etiam, quia iuramentum illud promissorium Deus non acceptat, nisi in gratiam partis, cui fit: ergo, parte nolente, Deus iurantem non obligat. Debet tamen pars remittere libere; cum talis remissio sit quædam donatio debiti, quæ debet esse libera; Quare, si metu incusso extorqueatur, non sufficit ad dissolvenda sponsalia: Secus vero, si ob

timorem parentum, vel viri asperitatem pars remittat; quia talis metus, cum non sit incussus ad extorquendam remissionem, non tollit libertatem sufficientem ad ejus validitatem.

Confirmatur ex Perez; quia ideo Pater potest irritare vota omnia etiam personalia impuberum, & vota realia puberum minorum, quia potest tollere materiam, quæ illi subiecta est, qua sublata cessat obligatio voti: ergo cum possit etiam femina, in cuius favorem facta est promissio jurata, tollere materiam, nimirum remittendo promissionem in sui favorem factam, poterit pariter relaxare iuramentum.

Demum quod non solum valide, sed etiam licite possint sponsalia jurata mutuo consensu dissolvi, docet D. Th. in 4. dist. 24. quæst. 2. art. 5. dicens, Non semper esse levitatis tractare, quæ prius firmata sunt, quia ineertæ sunt providentiæ nostræ. Quare illicite dissolverentur, si solum ex levitate, & inconstantia, vel ex aliqua rixa, non vero si rationabili de causa id fieret, cum nullo jure prohibeatur.

II. Quæritur secundo; Utrum etiam Impuberum Sponsalia mutuo consensu ante pubertatem dissolvi possint, an vero expectare debeant tempus pubertatis, ut possint reclamare?

Respondeo, certum esse, quod mutuo consensu non dissolvantur, quamdiu impuberes sunt; ut constat ex cap. de Illis 7. de Desponsatione Impuberum: Ubi id statuitur, ne Impuberes levitate ducti iterum, iterumque sponsalia contrahant, & dissolvant: Quando vero ad ætatem nubilem, seu pubertatis sponsus devenit, potest reclamare, & sponsalia dissolvere, ut in eodem Capite statuitur in favorem ætatis fragilis: Solum autem pro foro externo requiritur, ut reclamatio fiat coram Judice, vel coram idoneis te-

sibus statim, videlicet intra triduum, ut notat Sanch. lib. 1. disp. 51. *ex lege finali Codice de Judiciis*: alias, si in mora fuerit, censetur tacite sponsalia confirmare: In foro tamen conscientie debet quidem reclamatio fieri statim; Verum si quis perveniens ad pubertatem oblitus sit sponsalium, vel ignoret ad pubertatem pervenisse, potest semper, quodocunque memot erit, reclamare.

III. Difficultas est, An, si Impuberes sponsalia juramento confirmant, possunt, parte invita, reclamare, quando ad pubertatem deveniunt? Negant Sanch. loc. citat., & Hurt., quia in Cap. *ex Literis* 10. de sponsalibus, & Matrimonii, statuitur, Impubescentes, qui sponsalia contraxerunt, & juramento confirmantur, cogendos esse censuris ad matrimonium contrahendum. Sed probabilius affirmant Palud. Pont., Perez disp. 9. sect. 2.: Quod etiam Sanch. judicat esse probabile. Ratio est, quia juramentum additum contractui sortitur leges contractus, *ex lege finali Codice de non numerata pecunia*; Sed sponsalia impuberum includunt talem conditionem, ut cum ad pubertatem devenierint, possint rescire: ergo etiam juramentum illis additum.

IV. Ad rationem pro contraria sententia respondetur, in citato textu sermonem esse non de Impuberibus, sed de Impubescentibus, seu de iis, qui pubertati sunt proximi, quando malicia supplet ætatem, inter quos, perinde ac inter puberes, validum est matrimonium.

V. Dices: Si impuberes, quando ad pubertatem deveniunt, possunt ad libitum rescire, etiam parte invita; ergo tam contractus, quam juramentum fuit vanum.

Respondeo, non fuisse vanum, quia ex tali contractu obligantur ad non contrahenda sponsalia cum aliis ante

pubertatem; & ex juramento fortius ad id obligantur: Præterea deserviunt, ut adveniente pubertate, non sit opus novo contractu, ut sponsalia præcedentia robur suum obtineant. Demum ex iis oritur impedimentum publicæ honestatis, quamvis possint ad libitum dissolvi tempore pubertatis.

ARTICULUS II.

De Crimine dissolvente Sponsalia.

I. *Etiam Sponsi, nedum Sponsa fornicatio dat jus ad rescindendum a sponsalibus.*

II. *Sponsus rescire potest, etiamsi sponsa turpiter se tangi permiserit, aut si deprehendatur ante sponsalia fornicata fuisse. Quandoenam sponsa similiter rescire poterit?*

III. *Quid, si uterque post sponsalia fornicationem commiserit?*

IV. *Si sponsus conscius fornicationis sponsæ ad illam accessit, amittit jus ad rescindendum.*

V. *Nec solum pro foro externo, sed etiam pro interno.*

I. **Q**Uæritur primo; An fornicatio etiam sponsi det jus sponsæ ad rescindendum a sponsalibus?

Respondeo affirmative cum communis; Etenim Sanch. disp. 55. fatetur, nullum reperisse Doctorem de hoc dubitantem, quamvis alii alia ratione ducantur. Ratio nostra est hæc: Ideo sponsa potest rescindere sponsalia propter fornicationem sponsi, quia sponsi fornicatio movet merito sponsæ rationabilem suspensionem, se minus præ altera amari, & post matrimonium esse posthabendam, cum videat sponsum in fervore sui primi amoris alienis amoribus irretitum; quod valde durum est sponsæ: Præterea periculum sæpe est, quod nascatur proles communibus sumptibus alenda: Demum quia in cap.

Quæritur.

Quemadmodum 5. de *jurejurando* Innoc. III. comparat sponsalia cum matrimonio in libertate dimittendi alterum sponsum propter fornicationem; Quare sicut æque uterque conjux potest alterum dimittere quoad torum propter fornicationem; ita æque uterque sponsus ex mente Pontificis potest dimittere alterum propter fornicationem; cum uterque eodem modo redatur suspectus de fide in posterum servanda. Propterea in juramento præstato ratione sponsalium subintelligitur tacite conditio, Nisi alter contra regulam desponsationis operetur; ut colligitur ex textu laudato.

II. Docent tamen Sanch., Henr., & alii contra Armil., & Tabien., quod sponsus possit etiam resiliere, si sponsa invita compellatur ad fornicandum, aut si permittat se turpiter rangi, aut si fornicatio illius præcedens sponsalia deprehendatur post sponsalia, aut si vidua putata honesta post sponsalia deprehendatur fuisse inhonesta; Et ratio est, quia probro habetur ducere talem sponsam; Si tamen ea accidant sponso, Con., & Sanch. lib. 1. disp. 25. negant posse sponsam resiliere, cum id non sit dedecus sponsæ; Excipe tamen, nisi sponsus deprehendatur frequenter lapsus cum diversis, & infamibus mulieribus; quia ex hoc redderetur ipse infamis, & possent ab eo similia post conjugium timeri; Excipe etiam, si ex fornicatione sponsi haberentur filii; quia hoc etiam notabiliter difficilem redderet statum matrimonii.

III. Quæritur secundo; An possit uterque sponsus sponsalia rescindere, si uterque post sponsalia fornicationem commiserit?

Respondet, Sanch., Henr., & Con. putare, quod in tali casu solus sponsus possit resiliere, quia fornicatio sponsæ est multo turpior, vilior, & periculosior. Verum probabilius Bonac.,

& Palud. docent, quod neuter possit resiliere. Ratio est, quia Innoc. III., ut diximus, comparat sponsalia cum matrimonio in libertate dimittendi sponsam; Ergo sicuti si uterque conjux adulteretur, neuter potest ab altero quoad torum separari, quamvis ignominiosius sit adulterium scæmina, quam viri; ita pariter si uterque sponsus fornicetur, neuter poterit sponsalia dirimere, quamvis fornicatio sponsæ sit turpior. Et ratio a priori est, quia cum utraque fornicatio det æque alteri jus sufficiens ad resiliendum, idcirco utroque fornicante, delicta utriusque quantum ad hunc effectum paria sunt; & consequenter dari potest mutua, & justa compensatio.

IV. Quæritur tertio; An sponsus habens jus ad dissolvenda sponsalia propter sponsæ fornicationem, amittat tale jus, si ad illam accedat?

Respondet cum communi, quod si non erat conscius fornicationis, quando accessit ad sponsam, tale jus non amittat; secus vero si erat conscius. Ratio est, quia sicuti maritus conscius adulterii uxoris, si ad illam accedat, amittit jus petendi divortium; ita Sponsus amittit jus resiliendi a Sponsalibus; siquidem in hoc, ut diximus, maritus, & Sponsus æquiparantur.

V. Perez tamen censet, quod, si Sponsus accedat ad Sponsam post fornicationem, vel maritus ad uxorem adulteram sine animo renunciandi suo juri, illud non amittat in foro conscientie, etiamsi amittat pro foro externo. eo quod censetur per copulam confirmare Sponsalia; sed communiter impugnatur, quia copula in tali casu de se est manifestativa animi renunciantis proprio juri; cum autem talis contractus sit onerosus, & Sponsa faciens copiam sui corporis bona fide procedat, habet jus, ne decipiatur; unde non licet Sponso non habere animum confirmandi contra-

tra-

tractum sponsalium: Ad eum modum, quo sicte promittens alicui matrimonium, si ab ea copulam obtineat, obligatur eam ducere, ac si serio id promississet: Et eodem pacto maritus conficius adulterii conjugis, si ad illam accedat, censetur renunciare juri suo; unde non potest amplius petere divortium.

ARTICULUS III.

De Fuga, seu longa absentia Sponsorum, ac de Tempore Matrimonii elapsi.

- I. *Potest Sponsa resilire a Sponsalibus, si Sponsus discesserit, nec sit spes, quod brevi sit rediurus.*
- II. *Jus civile obligans Sponsam ad expectandum per biennium, si Sponsus sit intra Provinciam, & per triennium, si sit extra illam, non obligat Christianos. Et quare?*
- III. *Bisariam potest in Sponsalibus praefigi terminus ad matrimonium contrahendum. Si ita praefigatur, ut post elapsum terminum cesset obligatio, eo elapso, poterunt statim Sponsalia dissolvi; secus vero si obligatio non cesset, dummodo mora non sit diuturna.*
- IV. *Ut tamen possint Sponsalia dissolvi ratione mora, debet moneri qui est in tali mora, ut intra prefixum tempus matrimonium contrahat sub interminatione rescindendi Sponsalia.*

I. **Q**Uæritur primo; An, quando Sponsus absque Sponsæ consensu discedit in partes remotas animo redeundi, habeat Sponsa jus ad resilendum a Sponsalibus, si non sit spes ceteris reditus?

Respondet, certum esse, quod, si reditus sponsi sit difficilis, habeat Sponsa jus ad resilendum a Sponsa-

libus; quia in tali casu & Sponsus censetur suo juri renunciare, & res promissa censetur notabiliter mutata; unde cessat obligatio Sponsalium: Si vero regressus non est difficilis, sed non est spes, quod brevi Sponsus sit rediturus, multi cum Sylvest., Covar., & alijs apud Sanch. disp. 54. docent, teneri Sponsam expectare, non solum si ob causam necessariam Sponsus discesserit, *Ex lege Sape ff. de sponsalibus*; sed etiam si ob causam voluntariam, dummodo iustam: Præsertim quia jus civile præscribit, ut sponsus, qui extra Provinciam est, expectetur a Sponsa per tres annos; & si in Provincia sit, expectetur per biennium, *leg. 2. de Repudiis*; hæc autem lex civilis videtur servanda, cum a jure canonico non sit abrogata; Nam in *Cap. Cum de Illis 5. de Sponsal.*, & *Matrimon.* Jus canonicum solum statuit, ut liberum sit Sponsæ a Sponsalibus resilire, quando Sponsus ad partes remotas se transfert, videlicet, ut notat Abbas, mutando domicilium, & animo non redeundi.

Verum Sanch., Hurt., Bonac. quæst. 1. punct. 6. Perez, & alii communiter docent, quod Sponsa possit licite resilire, si non sit spes proximi reditus. Ratio est, quia eo ipso, quod Sponsus voluntarie tam longe recedit, & absque spe celeris reditus, censetur juri suo renunciassse, & notabiliter fregisse fidem: Nec putandum est, Sponsam se obligasse ad tam diuturne expectandum; cum hoc sit illi nimis grave, & onerosum.

II. Addit Hurt., quod dispositio juris civilis expectandi biennium, si Sponsus sit intra Provinciam, & triennium, si sit extra illam, non habeat locum in Sponsalibus baptizatorum, atque adeo eos non obliget. Ratio est, quia contractus Sponsalium inter baptizatos habet pro objecto, & materia

ria contrahendum matrimonii elevatum a Christo Domino ad rationem Sacramenti; atque adeo ejus materia est spiritalis, non subdita juri civili; quod tunc solum in his casibus obligat, quando per jus canonicum approbatur, non vero quando non reprobat. Quare cum dispositio juris civilis adducta per jus canonicum non approbetur, poterit Sponsa, non expectato biennio, aut triennio, statim resilire; sive causa discessus fuerit voluntaria, sive etiam necessaria, ut docet Perez sect. 9. contra Bonac., qui putat, legime impedito tempus non currere, ex lege prima de *Annuali Exceptione*.

III. Queritur secundo; An liceat statim a Sponsalibus resilire, quando-cumque elapsum est tempus in Sponsalibus præfixum ad contrahendum matrimonium?

Respondeo, dupliciter posse talem terminum præfigi. Primo ita ut ante illum non sit obligatio contrahendi matrimonium, & post illum statim obligatio consurgat; ut si promittatur matrimonium post annum. Secundo, ita ut ante illum sit obligatio contrahendi matrimonium, & post illum obligatio cesset; ut si promittatur matrimonium contrahendum ante finem anni. In secundo casu per lapsum temporis præfixi dissolvuntur sponsalia etiam jurata: In primo vero casu non dissolvuntur; atque adeo tenetur uterque matrimonium contrahere, statim ac commodè fieri potest. Si tamen unius mora tanta est, ut juxta prudentis arbitrium censeatur, vel illum Sponsalibus renunciasse, aut peccasse mortaliter contra fidem datam, vel alterum non se obligasse cum tanta mora, in tali casu qui est innoxius, habet jus ad Sponsalia dissolvenda: Frangenti enim fidem non tenetur fidem servare, ex lege si conveneris 14. ff. pro Socio.

IV. Est autem necesse, ut is, qui in mora fuit, moneatur, idque sub interminatione resiliendi, nisi intra certum tempus iter promissis, quia aliter non satis constar, cum esse in mora culpabiliter; potest enim habere justum impedimentum, aut forte cogitare partem aliam in mora consentire, dum non urget.

Quod si Sponsalia nullo præfixo termino iis adimplendis sint contracta, neuter tenetur statim adimplere, sed solum quando alter requirit, si commodè potest: Et enim hoc generale est cuilibet debito, absque dici præfixione, quod debitor solum tenetur solvere, quando est requisitus a Creditore, nisi forte ob verecundiam, vel ob metum, aut impotentiam, vel oblivionem non petat. Et ratio est, quia quando creditor novit debitum, & potest commodè illud petere, si non petit, censetur dilationi consentire. Ita Sanch. disp. 25. Percz, Gutier., Bonac. quest. 5. punct. 6.

ARTICULUS IV.

De Susceptione Ordinis Sacri, ac de Voto Castitatis, aut Religionis.

- I. Sponsalia dissolvuntur per Professionem Religiosam, ac per Vota simplicia in Religione approbata, posita in Societate Jesu.
- II. Inviâ parte, possunt Sponsi Religionem ingredi, & quidem etiam post matrimonium ratum; si tamen id fiat bona fide.
- III. Votum etiam castitatis dirimit Sponsalia subsequenter. Et susceptio Ordinis Sacri dirimit etiam Sponsalia precedentia.
- IV. Probabilius dissolvi possunt Sponsalia, statim ac quis Novitiatum ingreditur.
- V. Qui juramento confirmavit Sponsalia,

lia, poterit Religionem ingredi, non celebrato prius matrimonio.

VI. Nequit tamen Religionem ingredi, qui post Sponsalia obtinuit a Sponsa copulam sub spe matrimonii.

VII. Votum proficendi in Religione dirimit Sponsalia etiam praecedentia. At votum ingrediendi Religionem, vel suscipiendi Ordines Sacros, vel votum castitatis solum Sponsalia subsequencia dirimit.

VIII. Quod si vota istaec emittantur post Sponsalia, aliter remaneat liber; sed votens probabilius remanet ligatus a Sponsalibus.

I. **P**rimo certum est, Sponsalia dissolvi per professionem in Religione approbata; Sicut etiam matrimonium ratum, ex cap. 2. de *Conversione Conjugatorum*.

Secundo certum est, per vota simplicia facta in Religione approbata, Verbi gratia in Societate Jesu, dissolvi sponsalia, ut ex Bullis Pontificiis constat. Et ratio est, quia per ea vota homo constituitur vere Religiosus, & sic inhabilis ad contrahendum matrimonium. Quod si matrimonium sit contractum, per ea vota non dissolvitur, & consequenter tenetur ad illud, nisi professionem faciat, antequam consummet; Etenim matrimonium ratum dumtaxat per professionem dissolvitur, ex Cap. *Vernum de Conversione conjugatorum*.

II. Tercio certum est, posse Spon-
sos, invita parte, Religionem ingredi, & illam vovere. Non est tamen licitum per se loquendo matrimonium contrahere cum animo ingrediendi Religionem, antequam illud consummetur, ut docet Sanch. disp. 43. cum aliis contra nonnullos. Et ratio est, quia Ecclesia dum concedit bimestre ad deliberandum de statu eligendo, non concedit hoc, ut fiat in praedictum tertii; sed bona fide.

Quarto, Sponsalia dissolvi per hoc, quod alter Sponsus voveat Religionem; Etenim status matrimonialis post tale votum redditur absolute illicitus.

III. Quinto, Votum castitatis dirimere Sponsalia subsequencia; etenim illicitus pariter inter eos est status matrimonialis; Et quia talis itatus ratione voti est illicitus, pariter videtur regulariter illicitus contractus matrimonialis, quia incommodus, & periculosus. Utrum autem votum castitatis dirimat etiam Sponsalia praecedentia, sicut dirimit votum Religionis, dicemus inferius.

Ultimo certum est, Suseptionem Ordinis Sacri, non vero Ordinum minorum, dirimere tam Sponsalia subsequencia, quam antecedentia, ex cap. 1. & 2. de *Clericis Conjugatis*; Et ratio est, quia suscipiens Ordines Sacros redditur incapax matrimonii contrahendi.

IV. Queritur nunc primo, An dissolvantur Sponsalia per solum ingressum in Religionem, non expectata professione?

Respondco, multos cum Palud. Vera Crux, & alii negare; quia qui Religionem ingreditur, non cedit iuri suo, sed vult experiri in novitiatu, an sibi expediat profiteri, vel nubere: Sanch. tamen hb. 1. disp. 41., Mazar., Toler. affirmant, ex parte utriusque Sponsalia dirimi. Ratio est, quia sicuti se habent Sponsalia ad matrimonium, ita novitiatus ad professionem; sed Professio dissolvit matrimonium ratum: ergo novitiatus, seu ingressus in Religionem dissolvit Sponsalia ex parte utriusque. Tertia Sententia communior, & probabilior est Con., Rebel., Perez, Henr. docentium, dissolvi Sponsalia ex parte manentis in Seculo, non ex parte ingredientis Religionem. Ratio est, quia nullo jure dissolvuntur Sponsalia

lia

lia per ingressum in Religionem : Quamvis enim per professionem dissolvatur matrimonium ratum, non per hoc valet inferre, quod per novitium dissolvantur Sponsalia; quia argumentum a pari in iis, quæ pendent a jure positivo, non concludit; & consequenter Sponsalia non dissolvuntur ex parte ingredientis Religionem: Contra vero qui remanet in seculo, non tenetur stare Sponsalibus; eo quod in re promissa facta sit notabilis mutatio per ingressum alterius in Religionem; etenim dedecori ducitur nubere cum eo, qui fuit Monachus.

V. Dubium est, An si Sponsalia sint jurata, possit alter Religionem ingredi, non celebrato prius matrimonio? Sanch. loc. cit. cum communi docet, vi juramenti non obligari ad contrahendum matrimonium ante ingressum in Religionem, ex ratione sæpius repetita, quod juramentum additum contractui sequitur naturam, & conditiones contractus; quia accessorium sequitur suum principale, ex *Capite Quomodo de Jurejurando*; Sed Sponsalitiis contractus per se loquendo non obligat ad contrahendum matrimonium ante ingressum in Religionem: Ergo nec juramentum confirmans talem contractum.

Neque dicas, Alexandrum III. in *Cap. Commissum de Sponsalibus* respondisse, quod tutius sit, religione juramenti servata, prius contrahere matrimonium, & postea ad Religionem migrare ante consummationem. Nam varii ad hoc varia. Equidem cum Suar. dico, Pontificem locutum esse de eo, qui noudum firmo animo statuerat ingredi Religionem, & interim labebatur tempus biennii, intra quod promiserat matrimonium contrahere.

VI. Dubium etiam est, An possit Religionem ingredi, qui contraxit Spon-

Pars VII.

salia, & sub spe matrimonii a Virgine, vel honesta Vidua copulam obtinuit? Communiter cum Sanch., Lefs., Con. negant, etiamsi ille voverit ingredi Religionem; quia magis prævalet obligatio orta in tali casu ex iustitia, quam obligatio orta ex voto. Emissio enim voti, & ejusdem adimpletio est actus liberalitatis; non possumus autem esse liberales aut Deo, aut hominibus cum injuria alterius: Exempli gratia, non possumus dare eleemosynam, quam voveramus, si dando eleemosynam non possumus satisfacere debito ex iustitia: ergo cum in casu nostro ex iustitia ille teneatur ad matrimonium, non potest ingredi Religionem, quamvis illam voverit.

VII. Queritur secundo; An votum ingrediendi Religionem, vel castitatis, vel suscipiendi Ordines Sacros dirimat Sponsalia, sicut dirimit votum profutendi in Religione?

Respondeo. & dico primo, votum ingrediendi Religionem, necnon votum castitatis, & suscipiendi Ordines Sacros, si antecedit Sponsalia, illa, etiamsi jurata, dirimit; non secus ac votum profutendi in Religione, ex *cap. Rursus, Qui Clerici*. Ratio est, quia promissio Sponsalium post illud votum est promissio de re illicita, & idcirco non obligat.

VIII. Dico secundo; si quis voveat castitatem post Sponsalia, alter remanet liber a Sponsalibus præcedentibus. Ratio est, quia in re promissa habetur mutatio notabilis; grave enim onus est contrahere matrimonium cum eo, qui non potest petere debitum. Verum ipse vovens probabilius manet ligatus Sponsalibus, ut docent Sanch., Hurt., Con. contra Suar., Vasq., Pontium. Ratio est, quia Deus non acceptat promissionem rei jam alteri promissæ, & ab eo acceptatæ: Verbi gratia, si promissisti dare cen-

F tum

tum Petro, & ille acceptavit, non poteris vovere dare illa pauperibus, nec tale votum acceptatur a Deo: ergo si per Sponsalia promissisti corpus alteri, non poteris illud ipsum Deo vovere.

Neque dicas, in Sponsalibus subintelligi illam conditionem, videlicet, nisi perfectiorem statum elegero. Nam hoc est salum: si enim ea subintelligeretur conditio, quilibet licite posset post Sponsalia non nubere, quia status calibatus est perfectior. Quare in Sponsalibus illa tantum conditio subintelligitur, Nisi professionem religiosam elegero; quia hoc in iure decretum est.

Neque dicas secundo; Promissum non infringit, qui illud commutat in melius, ex cap. *Pervenit de Jurjurando*; atqui melius est castitatem servare, quam nubere; ergo qui promissit nuptias, & deinde vovet castitatem, non infringit promissum, si servat votum: Nam sensus textus adducti est, non infringi promissum, si illud commutetur in id, quod sit melius eidem promissario: Dat exemplum Glossa: Si jurasti ire ultra mare peregrinationis causa, & hoc omisso, religionem ingrederis, non frangis juramentum: Contra tamen, si promissisti centum Petro, & ille acceptavit, non potes ea dare pauperibus; quia quamvis sit melius dare centum pauperibus, quam Petro; at non est melius ipsi Petro promissario.

Quod diximus de voto simplici castitatis, dicendum etiam est de voto suscipiendi Ordines Sacros, & de voto ingrediendi Religionem; Si enim tale votum præcedat Sponsalia, illa dirimit, ut diximus; quia per Sponsalia promitteretur res illicita: Quod si tale votum consequatur Sponsalia, illa non dissolvit ex parte vovens.

Neque dicas: Votum profitendi in

Religione emissum post Sponsalia illa dirimit ex parte utriusque; ergo etiam votum suscipiendi Ordines Sacros: Siquidem tam in professione religiosa, quam in susceptione Ordinis Sacri emittitur votum castitatis solemne dirimens matrimonium, quod contraheretur. Negatur enim consequentia. Et disparitas est, quia prius votum est de re licita, & obligat, cum in iure permittatur post Sponsalia profiteri in Religione: At secundum votum est de re illicita, atque adeo non obligat; cum in iure non permittatur post Sponsalia suscipere Ordines Sacros.

ARTICULUS V.

Quomodo matrimonium, vel Sponsalia subsequencia dirimant priora?

- I. *Sponsalia posteriora, cum sint irrita, non parant impedimentum publica honestatis; Sed dant alicui Sponso ius ad resiliendum.*
- II. *Qui post Sponsalia cum Berta contrahit matrimonium cum Terefia, hac mortua, probabilius tenetur illam ducere.*
- III. *Qui post priora Sponsalia cum Berta contraxit posteriora cum Terefia, a qua ignara priorum Sponsalium obtinuit etiam copulam, videtur teneri ducere Bertam, & damnum Terefia alia via compensare.*
- IV. *Sed probabilius tenetur ducere Terefiam, qua damnum passia est, & sui corporis usum tradidit.*

I. Certum est primo, quod si Tertius post Sponsalia cum Berta contrahat matrimonium cum Terefia, dirimantur præcedentia Sponsalia; cum impossibile sit contrahere cum Berta novum matrimonium.

Cet-

Certum est secundo, per secunda sponsalia, etiam si jurata, non dissolvi priora; Etenim secunda sunt de re illicita, & ideo nullius momenti, & invalida; ita ut non pariant impedimentum publicæ honestatis, ex cap. *Unico de Sponsalibus, & matrimonii in 6.*

Certum est tertio, sponsum contrahentem secunda sponsalia dare sponse sufficientem causam, ut licite a sponsalibus resiliat, cum ipse prior fidem frerit.

II. Queritur nunc primo; An sponsus, qui cum secunda scemina contraxit matrimonium, ea mortua, teneatur ducere primam, cum qua prius sponsalia contraxerat?

Respondeo, Sanch. lib. 1. disp. 48., Henr., Palud. negare, etiam si priora sponsalia fuerint jurata. Primo, quia per matrimonium subsequens extinguitur obligatio priorum sponsalium; obligatio autem semel extincta non reviviscit, ex cap. *Quævis de Consecratione*. Secundo, quia quando secunda obligatio fortius supervenit priori, extinguat omnino illam, si sint ejusdem rationis: Exempli gratia, professio facta in Religione laxiori extinguat votum Religionis strictioris; quia professio est vinculum fortius, quam votum, (sicut vinculum matrimonii est fortius vinculo sponsalium) & sunt ejusdem rationis.

Verum Con., Hurt., Perez, & alii apud Dian. part. 3. tract. 4. resol. 209. probabilius affirmant; tum quia videtur iniquum, quod quis per injuriam tollat alteri jus suum, seque ab ejus obligatione eximat; quod accideret in casu nostro: Tum etiam quia obligatio semel contracta per impedimentum superveniens sopitur, non extinguatur; ut patet in eo, qui post votum Religionis nupsit; tenetur enim, mortua uxore, Religionem ingredi.

Neque dicas cum Sanch. in hoc casu obligationes voti, & matrimonii esse diverse rationis: contra vero in casu nostro obligationes sponsalium, & matrimonii esse ejusdem rationis: Nam doctrina data est universim vera, etiam quando obligationes sunt ejusdem rationis, ut patet; quia si ego equum vendidi Petro, ac deinde illum eundem vendidi, & tradidi Titio, sopitur, non extinguatur illa prior obligatio; Nam si hæc secunda venditio dissolvatur, & Titius restituat mihi equum, teneor illum tradere Petro propter obligationem contractam in prima venditione.

Ad primum itaque argumentum Thomæ Sanch. respondetur, obligationem priorum sponsalium non extingui per matrimonium subsequens, sed sopiri. Ad secundum respondetur, idcirco professionem in Religione laxiori extinguere votum religionis strictioris, quia hoc ex particulari juris constitutione statutum est ad pacem monasteriorum, & profitentium: Quare non debet trahi ad simile; præsertim quando agitur de præjudicio juris alieni.

III. Queritur secundo; An priora sponsalia dissolvantur per posteriora, si sequatur copula cum secunda scemina omnino ignara priorum sponsalium?

Respondeo, certum esse, quod ante Trident. priora sponsalia dissolvebantur; quia secunda per copulam transibant in matrimonium: Nunc vero post Trident. Sanch., Hurt., & alii docent, debere ducere priorem sponsam in casu adducto, etiam si secunda sit ignara, nedum si sit conscia priorum sponsalium; Etenim secunda sponsalia non possunt prioribus derogare. Et ratio a priori videtur esse, quia non tenetur ducere secundam; neque ratione promissionis, quippe quæ fuit de re illicita; neque

ratione damni illati, quia huic damno satisfieri potest constitutione dotis, aut alia via.

Alii tamen cum Con. dub. 4. verius docent, debere ducere secundam, cum qua habuit copulam; Primo, quia ex lege *Quoties Codice de rei vindicatione*, Res uni vendita, & deinde alteri vendita, & tradita huic debetur; atqui in secundis sponfalibus, quamvis non traditum sit dominium corporum, traditus tamen est usus per copulam; ergo quamvis secunda sponfalia non obligent ratione promissionis, obligant tamen ratione talis promissionis. Secundo, quia sicuti qui post votum religionis obtinuit copulam ab aliqua honesta femina sub spe matrimonii, tenetur illam ducere; & non potest ingredi religionem, ut diximus quæst. 1. art. 1. ita in casu nostro: Non enim magis obligat vinculum priorum sponfalium, quamvis sit vinculum iustitiæ, quam vinculum voti, ut docet Suar. lib. 4. de Voto cap. 3.; Quod ex eo patet, quia gravius peccat, qui in eadem materia peccat contra votum, quam qui peccat contra iustitiam; Verbi gratia, gravius est peccatum religioni proprietarii, quam sit peccatum furis. Tertio, quia quando duo consentiunt, alter de lucro acquirendo, alter vero de damno vitando, huic potius favendum; atqui secunda femina nisi nubat, damnum patitur, prior vero lucrum non acquirit: ergo illi favendum, posito quod priorum sponfalium non fuerit conscia, & bona fide se obligarit ad matrimonium, offerendo etiam usum corporis.

Ad rationem itaque in contrarium respondetur, debere sponsum ducere secundam, non præcise ratione promissionis, sed ex eo, quod ex parte tradita sit res promissa, cum traditus sit per copulam usus corporum;

quamvis non dominium, quod traditur per matrimonium.

ARTICULUS VI.

De Morbo, aut simili vicio dissolvente Sponfalia.

I. Causa sufficiens ad Sponfalia etiam jurata dissolvenda est notabilis morbus, aut deformitas, vel quid simile superveniens, aut si de novo deprehendantur.

II. Quid si uterque Sponsus in paupertatem incidat?

III. Dissolvi possunt Sponfalia etiam jurata, si quid de novo accidas, quod si ab initio existeret, Sponfalia impediret.

IV. Hinc qui spe futuri matrimonii copulam extorquet a Berta, non tenetur illam ducere, superveniente notabili mutatione.

Certum est, quod non solum alia notabilis mutatio superveniens sponfalibus sufficiat ad illa etiam jurata dissolvenda. Ratio est, quia promissio, & iuramentum non obligant ultra intentionem promittentis, & iurantis; hic autem non censetur habere intentionem promittendi, facta notabili rerum mutatione, quæ scilicet præcognita merito communiter averteret homines prudentes talis conditionis a contrahendis sponfalibus.

Hinc sequitur primo, Sponsum non teneri ad matrimonium, si post sponfalia alter incidit in lepram, amisit nasum, aut notabiliter deformis factus sit. Secundo, si superveniat notabilis alterius asperitas, & sævitia. Tertio, si post sponfalia morum mutatio facta sit, ita ut appareat alter valde deditus vitiis, aut si damnatus sit aliquis turpis criminis, puta furti. Quarto, si superveniant, aut timeantur

tur graves inimicitie inter consanguineos ratione matrimonii. Quinto, si parentes renuant dare dotem promissam.

II. Similiter si notabilis paupertas alteri superveniat; Immo si uterque incidat in paupertatem, puto cum Rebel. contra Bonac., quod possit etiam uterque resilire, quia onus futuri matrimonii redditur longe difficilius: Si tamen alteri post sponsalia superveniant plurimæ divitiæ, exilium etiam cum Hurt. contra Sanch., & Bonac., quod possit pariter resilire; cum hæc sit etiam notabilis mutatio, qua prævisa is non contraxisset; Esto verum sit, quod non sit deceptus in conditione alterius.

III. Demum sufficiens caput ad dissolvenda sponsalia, etiam jurata, est quodcumque notabile accidat, quod in principio existens impediret ea contrahi, ut communiter docent: Et ratio ulterior est, quia contractus sponsalitiis non est perfectus, sed inchoatus, factus non pro re accepta, sed pro re accipienda, & quæ non accipitur, si dissolvatur contractus; unde tacite in contractu sponsalitiis subintelligitur, quod si superveniat notabilis mutatio, ob quam impletio sponsalium fiat notabiliter onerosior, resilire possit is, cui id accidit. Quibus adde, ex lege *Obligatione generalis ff. de pignore*, quod in generali, seu simplici obligatione non contineantur ea, de quibus verosimiliter non est cogitatum: Et *cap. Veniens 16. de iurjurando* notat Glossa, quod iuramentum non extendatur ad illa, de quibus non est cogitatum.

IV. Ex quibus sequitur, quod si sponsus copulam extorqueat sub spe futuri matrimonii, & deinde notabilis mutatio superveniat, tunc satis sit damnum illatum compensare; quia promissio in iis sponsalibus censetur pariter facta sub ea implicita

conditione, quod notabilis mutatio non accadat.

ARTICULUS VII.

De Affinitate, seu Impedimento Juris superveniente; Ac de Voce publica, seu fama de Impedimento.

I. Sponsalia dissolvuntur per quodcumque impedimentum dirimens, quod superveniat.

II. Qui culpa sua fuit causa talis impedimenti, puta affinitatis, tenetur ad matrimonium, si alter innocens obtineat dispensationem.

III. Immo qui fuit causa impedimenti tenetur ipse dispensationem petere; præsertim si adverterit, quod culpa sua impedimentum contrahatur.

IV. Fama certa de impedimento dirimente satis est ad sponsalia dissolvenda, etiam jurata; non secus ac testimonium unius fide digni: Quod tamen non sufficit ad dissolvendum matrimonium.

V. Præter famam requiritur Persona gravis, non qua deponas impedimentum, sed qua denunciet famam.

VI. Solus rumor (qui habetur per hoc, quod minor pars. vicinia impedimentum acclamet) non satis est ad dissolvenda Sponsalia.

I. Indubitatum est, irritare Sponsalia præcedentia quodlibet superveniens impedimentum dirimens matrimonium; ut est susceptio Ordinis Sacri, Impotentia, Affinitas, quæ contrahitur per hoc, quod sponsus habeat copulam cum consanguinea sponsæ in primo, aut secundo gradu, vel e contra. Ratio est, quia posito eo impedimento, matrimonium promissum contrahi non potest absque dispensatione.

II. No-

II. Notandum tamen, quod qui fuit causa talis impedimenti ex suo peccato non debeat ullum commodum reportare; unde quantum est ex se, tenetur ad matrimonium obtenta ab altero dispensatione.

Quæritur nunc, An Sponsus, qui post Sponsalia contraxit impedimentum affinitatis, teneatur impetrare dispensationem, parte id exigente?

III. Respondeo, Sanch. disp. 36., Con., Bonac. docere, quod teneatur, si absque notabili incommodo illam potest obtinere. Ratio est, quia sponsa habens jus ad matrimonium habet jus, ne injuste impediat; ergo sponsus injuste impediens tenetur ex iustitia tollere impedimentum obtinendo dispensationem; Si tamen possit absque notabili incommodo, quia ex vi sponsalium non censetur sponsus se obligasse ad procurandum matrimonium per media ardua, & difficilia.

Putat tamen Hurt. disp. 2. difficult. 11., quod non teneatur sponsus petere dispensationem, si quando dedit causam impedimento, peccando cum consanguinea sponsæ, non advertit contrahi impedimentum. Ratio est, quia tunc non damnificavit libere, & qui non damnificat libere, non tenetur ad satisfaciendum; cum in tali casu damnum computetur tamquam fortuitum, ut docent Doctores in materia de Restitutione: Sicuti si Clericus, verbi gratia, in venatione prohibita occidat hominem, quem putat esse feram, non tenetur ad restitutionem; idque etiam si eo animo occidat feram, ut adhuc si sciret eam esse hominem, vellet occidere, ut notat Sanch. lib. 9. de matrim. disp. 32. num. 26. Quamvis multi, & graves Auctores apud eundem sint in intentione opposita.

IV. Præterea Vox publica, seu Fama dicitur, quando habetur accla-

matio, seu opinio majoris partis vicinæ: Dicitur vero Rumor, quando minor pars vicinæ exclamat, etiam si sit quarta, vel tertia pars illius. Hoc posito, certum est primo ex cap. Super eo 2. de Consanguinitate, famam de aliquo impedimento dirimente matrimonium dissolvere sponsalia: Verbi gratia, si fama sit, quod sponsus habuerit rem cum sorore sponsæ. Id quippe in jure decretum est ad scandalum vitandum: Verum, ut fama hæc possit dissolvere sponsalia, debet esse certa; ita ut extingui non possit clarioribus probationibus. Ratio hujus est, quia quamvis ad dissolvendum matrimonium jam contractum non satis sit unus testis, qui deponat de impedimento dirimente; (unde relate ad hunc effectum dici solet Vox unus, Vox nullius) nihilominus ad dissolvenda sponsalia, seu ad impedendum matrimonium contrahendum satis est testimonium juratum unius fide digni, qui de impedimento deponat, ex cap. Super eo 2. de Testibus, & Accusationibus; atqui fama certa æquipollet testimonio unius: ergo, illa interveniente de aliquo impedimento, dissolvuntur sponsalia.

Quod si quæras, Quare testimonium unius sufficiat ad dissolvenda Sponsalia, non vero ad dissolvendum matrimonium?

Respondent communiter Doctores; quia in primo casu agit de delicto vitando, ne scilicet sponsi habentes impedimentum contra Ecclesiæ prohibitionem contrahant matrimonium, & peccent: Contra vero in secundo casu agit de delicto probando, & de magno præjudicio tertii: unde jura duos saltem testes in hoc casu requirunt.

V. Certum est secundo, famam impedimenti dissolvere sponsalia etiam jurata; cum juramentum sequatur naturam, & leges contractus.

Ne-

Neque dicas cum Palud., quod requiratur & fama, & personæ gravis testimonium ad dirimenda Sponsalia jurata, ex cap. Cum in una de Sponsalibus; ergo sola fama non sufficit: Nam in eo textu persona gravis non requiritur, ut deponat impedimentum, sed ut denunciaret famam; unde sola fama sufficit.

VI. Certum est ultimo, solum rumorem de impedimento non sufficere ad sponsalia dirimenda, ut communiter docent contra Antoninum, & Præposit. Ratio est, quia ex uno capite nullus habetur textus canonici asserens, rumorem hunc sufficere ad impediendum matrimonium; & ex alio capite regula generalis est, quod possint omnes contrahere, qui non reperiuntur prohibiti, ex cap. Cum apud sedem de Sponsal., & matrimon. ubi Glossa ait: Id, quod non prohibetur, concessum videtur.

ARTICULUS VIII.

Quænam ignorantia, & dolus dissolvant Sponsalia; Et quænam metus?

- I. *Causa, quæ sufficiant ad dissolvenda Sponsalia, si superveniant, satis sunt ad ea dissolvenda, si præcesserint, & invincibiliter fuerint ignorate.*
- II. *Aliiter discurrendum de dolo dante causam contrahenti, ac de incidente in contrahentem. Aliiter etiam si ab altero ex contrahentibus adhibeatur, ac si a tertia persona.*
- III. *Sponsalium contrahens per dolum celebrans probabiliter non est irritus, sed solum irritandus ad arbitrium decepti; ut proinde pariat impedimentum publica honestatis.*
- IV. *Ideo Potum ex errore emissum est irritum, quia est promissio gratuita; at sponsalia ferunt promissio-*

nem onerosam; & ideo non sunt irrita, sed irritanda, si per dolum celebrentur.

- V. *Qui per dolum contraxit eo animo, ut licet dolum cognovisset, adhuc ea sponsalia contraxisset, nequit resistere.*
- VI. *Num contrahentes sponsalia tentantur occulta vitia aperire, quibus deprehensis, Sponsalia non celebrantur?*
- VII. *Defectus, qui notabiliter nocent vitæ sociali conjugum, aperiendi sunt a sponsis; alii vero non sunt aperiendi, nisi de iis interrogentur contrahentes sponsalia. Nec licitum est positive dicit, vel falso simulare oppositum.*
- VIII. *Metus levis non irritat sponsalia; sicut nec metus gravis iniuste incussus; nec metus iniuste incussus, sed non ad extorquenda sponsalia.*
- IX. *Probabiliter sunt solum irritanda ad arbitrium metum passi, non vero irrita sponsalia celebrata per metum iniuste incussum ad ea extorquenda.*
- X. *Hinc, si sint jurata, dant obligationem contrahendi matrimonium ratione iuramenti; nisi obtineatur dispensatio.*

I. **Q**uod attinet ad ignorantiam, seu errorem, certum est apud Doctores, illas causas, quæ factis sunt ad dissolvenda sponsalia, si superveniant. (ut est lepra, paralytis, &c.) satis etiam esse, si præcedant, & invincibiliter ignorentur. Ratio est, tum quia sponsi non censentur voluisse se obligare ad matrimonium, cognita tali causa, ut supra diximus; tum etiam quia sponsalia dissolvi possunt, si superveniat notabilis mutatio; ergo etiam dissolvi possunt, si notabilis mutatio per errorem, aut ignorantiam prius non fuit cognita, & deinde cognoscatur; etenim
in

in Jure esse, & de novo apparere. Non esse, & Non apparere paria sunt, *leg. 77. de Contrahenda Emptione*; tum demum quia sicut vitium occultatum satis est ad dissolvendam venditionem, & quemlibet alium contractum dissolubilem, ita etiam contractum sponsalium.

II. Porro circa dolum notandum est, aliquando dolum dare causam contractui, aliquando incidere in contractum. Dat dolum causam contractui, quando, si præcognitus fuisset, impedisset contractum. Incidit vero in contractum, quando, si cognitus fuisset, non impedisset illum, quamvis non eodem pretio, conditione, &c. contractus factus esset. Notandum etiam, dolum aliquando adhiberi ab altero contrahente, aliquando vero a tertia persona. His explicatis

III. Quæritur primo, Utrum contractus sponsalium ipso jure irritus sit, ita ut non pariat impedimentum publicæ honestatis, an vero sit solum irritandus, quando præcessit error, seu ignorantia eorum, quæ satis sunt ad dissolvenda sponsalia? Præsertim si dolum dedit causam contractui; verbi gratia, si Berta corrupta, aut paupercula, aut laborans lepra simulavit se virginem, aut divitem, seu famam.

Respondeo, Sanch. lib. 1. disp. 64, & alios apud Bonac. punct. 9. docere, quod si dolum dederit causam contractui, & adhibitus sit ab altero contrahente fraudulenter, contractus sponsalium ipso jure sit irritus. Ratio est, quia quilibet contractus bonæ fidei celebratus per dolum dantem ipsi causam, & adhibutum ab altero contrahente est irritus ipso jure, *ex leg. Et eleganter 7. ff. de dolo*

Sed communius Doctores docent cum Con. dub. 9., & Perez, contractum sponsalium celebratum per do-

lum sive dantem causam contractui, sive incidentem in contractum, neque esse irritum jure naturæ, neque jure civili; Non jure naturæ; quia quando error non versatur circa substantiam, (hoc est circa personam in contractu sponsalium) sed circa circumstantias contractus, jure naturæ contractus est validus; ut patet in contractu matrimoniali. Neque jure civili talis contractus est irritus; ut fuisse probat Less. de Justitia cap. 17. dub. 1. Quare solum pro arbitrio ejus, qui deceptus est, irritari potest duplici titulo, & ratione injuriæ ortæ ex dolo, & ratione defectus consensus orti ex ignorantia: Nec ad irritandum talem contractum requiritur sententia Judicis, si res sit clara; scelus vero si sit dubia.

IV. Neque dicas: Votum ex errore emissum nullum est; Verbi gratia, si quis vocat peregrinationem Lauretanam, existimans Lauretum esse propinquum: ergo etiam Sponsalia ex errore contracta erunt nulla.

Nam, concessio antecedente, negatur consequentia. Disparitas est, quia votum est promissio gratuita, quæ vitatur errore illo: At Sponsalia sunt contractus onerosus; unde satis est, quod possint irritari.

Ex dictis sequitur, quod decipiens in sententia nostra cogi possit a decepto ad matrimonium; Quod tamen in sententia opposita Sanch. docentis contractum sponsalium in eo casu esse irritum, non sequitur.

V. Quæritur secundo, An qui celebravit Sponsalia per dolum incidentem in contractum, si ita erat affectus erga Bertam, ut etiam si dolum cognovisset, Sponsalia contraxisset, possit deinde, cognito dolo, rescilire? Verbi gratia, si Titius contraxit cum Berta deplorata, quam putabat virginem, eo animo, ut etiam si id sciret, cum ea contraheret, potest ne rescilire, quan-

quando eam deprehendit defloratam?

Respondeo cum Bonac. , Sanch. disp. 65., & aliis negative. Ratio est, quia tale vitium non censetur esse contra voluntatem promittentis, cum absolute promiserit, & adhuc promississet, tali vitio cognito. Si tamen dubitet, an, eo vitio cognito, promississet, tunc inspicienda est gravitas vitii; Cum enim homines nolint promittere, interveniente notabili mutatione, & cognito gravi vitio, (verbi gratia, si deprehendatur pauper, aut deflorata, quæ putabatur dives, & virgo) idcirco præsumendum est ex communiter contingentibus, quod Titius, cognito tali vitio, non promississet.

VI. Quæritur tertio, An habens vitium occultum possit licite contrahere Sponsalia cum eo, quem certo scit nullo modo contracturum, si vitium illud aperiretur?

Respondeo, quæstionem hanc pendere ab illa, An venditor teneatur emptori aperire occulta vitia rei vendendæ? Circa quam docet primo Lessi. cap. 21. dub. 11., quod quando emptor interrogat venditorem de aliquo vitio rei vendendæ, teneatur venditor ex iustitia aperire illa vitia, quæ sunt contraria usui, propter quem res emitur. Docet secundo, idem dicendum, si emptor non interroget, sed solum significet rem illam ad aliquem certum usum petere, quia simpliciter petit vendi sibi rem tali usui accommodatam; verbi gratia, equum ad itinerandum. Docet tertio, quod quando venditor celat vitia, quæ non reddunt rem notabiliter minus utilem usui, propter quem expetitur, non peccet contra iustitiam ea celando; quia nimis durum esset obligare homines, ut tam minuta vitia aperiant. Docet quarto, quod quando emptor fidens proprio iudicio deligit sibi rem emendam, venditor non ex iustitia,

sed solum ex charitate teneatur aperire vitia rei, quæ reddunt illam notabiliter minus utilem ad usum, ad quem expetitur: Quod si ad tale vitium illa sint noxia, tenetur ea ex iustitia aperire.

Notandum præterea, defectus dantes iustam causam resiliendi a Sponsalibus esse duplicis generis. Aliqui enim reddunt nuptias notabiliter minus expetibiles, non tamen noxias alteri parti, ut si mulier sit corrupta, pauper, ignobilis, deformis, moribus improbis, &c. Alii vero defectus reddunt nuptias alteri parti noxias, & perniciosas, ut si quis laboret morbo gallico, lepra, &c. His annotatis

VII. Dico primo cum Con., Perez, Sanch. lib. 6. disp. 27. Non tenetur pars aperire defectus primi generis alteri parti volenti secum Sponsalia contrahere. Ratio est, quia nemo tenetur se infamare, & suos defectus proclamare, quandiu non nocent aliis; isti autem defectus non nocent ad vitam socialem, & ad generationem, & honestam educationem proles, ad quem usum expetitur matrimonium: ergo non sunt aperiendi, nisi de iis pars interrogetur. Quare si alter decipiat, sibi imputet, quod fidens suo iudicio non melius de re tota exquisierit.

Dico secundo: Patiens huiusmodi defectus primi generis non potest alterum vana spe ad nuptias suas allicere, simulando positive contrarium vel dicto, vel facto. Ratio est, quia esset fraus manifesta; ut si quis fingeret se divitem, nobilem, &c. Dixi, simulando positive; nam licitum est defectus illos tegere ad bonam famam conservandam: Immo si femina petatur, num ab ullo fuerit cognita, potest huiusmodi defectum dissimulare, alia respondendo, cum non teneatur famam suam prodigere.

Dico tertio: Patiens defectum secundum-

cundi generis non potest cum illius ignaro contrahere Sponsalia, nec posset urgere, ut contractum impleat, nisi iste similes defectus pateretur. Ratio est, quia gravem injuriam illi, & damnum irrogaret.

VIII. Quæritur quarto: Utrum metus cadens in constantem virum injuste incussus ad extorquenda Sponsalia reddat ea irrita, ita ut non pariant impedimentum publicæ honestatis; an solum irritanda?

Respondeo, prænotando, Metum alium dici gravem, & probabilem, seu cadentem in constantem virum; ut est timor mortis, gravis percussio, infamiae, carceris longævi, amissionis status, aut copiae ingentis divitiarum, & similia: Immo satis est, ut hujusmodi mala immincant personis valde conjunctis, videlicet consanguineis, aut affinibus usque ad quartum gradum, ut notat Perez: Alium vero dici metum levem, improbabilem, seu cadentem in virum inconstantem, qui scilicet non movet virum constantem ad faciendum id, propter quod incutitur. Hoc posito

Certum est primo, Metum levem, quomodocumque incutitur, non irritare Sponsalia; Sicut non irritat matrimonium, aut Votum. Ratio est, quia in jure metus levis non habetur ratio. Docet tamen probabiliter Sanch., posse propria auctoritate irritare Sponsalia cum, qui injuste passus est metum levem a comparte: Nam cum hæc teneatur relaxare fidem tali metu extortam, poterit ipsemet vim patiens in conscientia resumere fidem a se datam; idque etiam si Sponsalia fuerint jurata; dummodo juramenti relaxationem obtineat.

Certum est secundo, Metum gravem juste incussum non reddere Sponsalia nulla; Verbi gratia, si Judex Sicario dicat; Nisi despondeas Bertam, ad suspendium, vel ad tritemes te

condemnabo propter assassinium commissum: Immo metum hujusmodi nec invalidare matrimonium, docent Doctores cum Sanch. lib. 4. disp. 12.; quia talis metus incutitur potius a proprio delicto, & solum a Judice traditur modus evadendi poenam, si scilicet matrimonium celebret. Est tamen opinio isthæc contra Bonac. quæst. 3. punct. 8., qui docet, matrimonium hujusmodi esse irritum; quia contractus matrimonialis propter ejus indissolubilitatem, & propter reverentiam Sacramenti requirit perfectam libertatem, quæ a tali metu videtur impediri.

Certum est tertio, Metum gravem injuste incussum, non tamen ad extorquenda Sponsalia, sed ad alium finem, non irritare Sponsalia; Sicut nec si a causa extrinseca non libera incutitur; Ut si quis ex metu naufragii, aut inimicitiarum Sponsalia contrahat. Ratio est, quia Sponsalia in tali eventu a propria voluntate eliguntur, nec injuriam ullam continent: Et idem dicitur de contractu matrimoniali: Quare validum est tum jure naturali, tum positivo matrimonium, quod celebraret cum filia Judicis is, qui videt se a Judice injuste damnandum, nisi nubat; dummodo tamen non sit damnandus injuste, ut extorqueatur matrimonium, sed solum appareat aperiri viam ad declinandam injuriam per matrimonium. Ita Perez, & Sanch. loc. citat.

Certum est quarto, Metum gravem injuste incussum ad extorquendum matrimonium reddere illud nullum, si ve jure naturali, ut censent Mërat., Molin., Rebell., si ve facti solo jure Ecclesiastico, ut Sanch., Cou., Hurt. apud Perez disp. 17. sect. 11.

IX. Difficultas soluta remanet; Num metus gravis injuste incussus ad extorquenda Sponsalia reddat etiam irritum, an solum irritandum contra-

ctum

Num Sponsalium? Sanch. docet, esse ipso jure irritum, ex cap. *Ex literis de desponsat. impuberum*; ac proinde docet, quod, si hujusmodi meticolosa Sponsalia sint juramento firmata, non indigeant relaxatione juramenti ad ea non servanda; quia quando jus resistit contractui, estque contractus contra bonos mores, Juramentum confirmans talem contractum non obligat, ex Regula 58. de Regulis juris in 6.: *Non est obligatorum contra bonos mores praestitum iuramentum*.

Equidem cenfeo contra Sanch. cum Hurt., Con., Henr., Sponsalia hujusmodi nullo jure esse irrita; posse tamen personam coactam ad promittendum ab iis resistere propria auctoritate. Probatur, quia neque sunt irrita jure Ecclesiastico, nam in Cap. *ex literis* citato a Sanch. sermo est de puella, quae omnino invita contraxerat; Neque sunt irrita jure naturali: Nam ad valorem cujuscumque contractus ex justitia obligantis jure naturali duo requiruntur, & Voluntarium, & Titulus; in casu autem nostro habetur Voluntarium, quamvis admixtum involuntario, ut patet in eo, qui ad vitandam mortem, quam Tyrannus minatur, nisi adulteretur, committit adulterium; hic enim vere peccat, eo quod talis metas non tollat libertatem: Præterea in casu nostro habetur Titulus; quia datur jus ad corpus unius pro jure ad corpus alterius; cum enim uterque habeat dominium in suum corpus, potest uterque promittere illud in matrimonium pro repromissione alterius.

X. Ex dictis sequitur contra Sanc., quod qui ex metu gravi injuste inculso ad extorquenda sponsalia promittit matrimonium cum juramento, obligatur ad matrimonium ratione juramenti; non secus ac qui promittit cum juramento solvere pecuniam latroni ad vitandam mortem, tenetur

ratione juramenti. Et ratio est, quia juramentum obligat, quando licite impleri potest, ex Cap. *Debitores*, & ex Cap. *ult. de jurejurando*: Propter ea indiget relaxatione juramenti, si velit Sponsalia isthac meticolosa dissolvere.

ARTICULUS IX.

Quænam probatio, & Judicis auctoritas requiratur ad dissolvenda Sponsalia?

- I. *Pro foro interno sufficit solida probabilitas, quod detur causa sufficiens ad Sponsalia dissolvenda.*
- II. *At pro foro externo requiruntur, vel unus testis fide dignus juratus, vel fama de impedimento dirimente, ut ratione talis impedimenti sponsalia dissolvantur. Si vero causa, quæ allegatur ad resiliendum, non sit impedimentum dirimens, sed verbi gratia, fornicatio Sponsæ, requiruntur duo testes.*
- III. *Ad servanda Sponsalia cogere potest Judex Ecclesiasticus; Necnon etiam Judex Secularis: dummodo ex injunctis nuptiis gravia scandala non oriantur.*
- IV. *Solus Pontifex potest ex gravi causa in Sponsalibus dispensare.*

I. **Q**Uæritur primo; Qualis probatio sufficiat tam pro foro interno, quam pro externo ad dissolvenda Sponsalia?

Respondet Con. dub. 11., & aliis communiter, pro foro interno quamlibet probationem moraliter certam sufficere; quia in moralibus ad operandum exigi nequit major certitudo. Notat autem Sanch lib. 1. disp. 69. ad certitudinem hanc moralem habendam non requiri, ut nulla sit opinio contraria, sed satis esse, ut juxta opinionem vere probabilem detur causa sufficiens ad dissolvenda sponsalia;

G a lia;

lia; Nam in moralibus ad operandum hæc dicitur certitudo, cum satis sit; ut quis tuto operetur, amplecti opinionem probabilem. Quare si, verbi gratia, vir doctus (qui opinionem probabilem faciat) asserat dari causam sufficientem ad sponsalia dissolvenda, aut si testis fide dignus omni exceptione major de certa scientia testetur, verbi gratia, sponse fornicationem, & nulla suspicio mendacii subest, procul dubio potest Sponsus a Sponsalibus resilire, nixus sive opinionem probabili viri docti, sive certitudini morali talis testis. Quod tamen intelligendum, nisi ex dissolutione Sponsalium scandalum sequatur; si enim scandalum sequeretur, ad Judicem recurrendum est. Quod si causa sit occulta, ne infametur alter apud Judicem, monendus ille erit privatim, ut a petendo matrimonio desistat, & sic infamiam devitet. Quod si desistere nolit, aut nihil per admonitionem speretur, res tota poterit ad Tribunal Judicis deferri: Quilibet enim potest vitia occulta alterius detegere in propriam defensionem; Sicut possumus latronem occultum denunciare ad vitandum damnum proximi. Eodem modo, quando causa est dubia, nemo potest propria auctoritate Sponsalia dissolvere, sed ad Judicem recurrendum est.

II. Pro foro externo, ut Judex dissolvat Sponsalia ob impedimentum aliquod matrimonii, sufficit vel unus testis fide dignus juratus, vel fama de tali impedimento, ut supra diximus; cum enim agatur de peccato vitando, quod Sponsi committerent, si cum tali impedimento matrimonium contraherent, satis est unus testis juratus. Quod si causa, quæ ad sponsalium dissolutionem allegatur, non sit aliquod impedimentum dirimens matrimonium, sed sit id, quod alteri dat jus ad resiliendum,

ut est, verbi gratia, fornicatio Sponse, tunc non satis est unus testis juratus, sed requiruntur duo testes omnino exceptione majores, ut notant Sanch., & Con. Sicut etiam duo testes requiruntur ad dissolvendum matrimonium contractum, seu ad declarandum matrimonium contractum fuisse nullum ob impedimentum dirimens. Ratio disparitatis est, quia in primo casu agitur tantum de peccato vitando; at in his casibus agitur de peccato probando, & de præjudicio tertii, ad quod duo saltem testes requiruntur, ut in communi ordine judiciorum.

III. Queritur secundo; Quinam Judex cogere possit sponsum renuentem ad servandam fidem sponsalium datam?

Respondco, Ecclesiastico Judici id competere, ut communiter docent; quia ad Judicem Ecclesiasticum spectat cognoscere, & judicare de Sacramento matrimonii, ad quod tendit contractus sponsalium. Potest etiam Judex secularis cogere sponsum ad sponsalia etiam jurata servanda, ut docent etiam communiter Doctores cum Sanch. disp. 29.; quia universim Judex secularis cogit ad aliorum contractuum fidem non violandam, etiam si juramento illi firmati sint; ergo etiam ad servanda sponsalia jurata; Quod pariter ex usu, & praxi constat.

Notandum tamen, quod non sit cogendus injuste resiliens ad sponsalia implenda, quando Judex arbitrat ex invitis nuptiis gravia mala, & scandala timeri, qualia sunt perpetuæ rixæ, desertio uxoris, vel quod coactus sistet contrahat. Ita communiter apud Perez ex cap. *Ex literis de sponsalibus*; ubi dicitur, Renuens esse censura compellendus, nisi rationabilis causa obstituerit.

IV. Notat etiam Sanch. lib. 1. disp.

61., solum Papam, tamquam supremum spiritualem Judicem, posse in sponsalibus ex gravi causa dispensare, non vero Episcopum; eo quod per sponsalia jus Tertio acquisitum sit:

Qua de causa negant communiter Doctores, quod possit Episcopus relaxare juramentum in præjudicium Tertii. Atque hæc de sponsalibus.

Q U Æ S T I O III.

De Matrimonio secundum se, ejusque Institutione, Indissolubilitate, & Unitate.

Matrimonium dictum est, ut ait Glossa, a Matre, quia mulier nubit, ut mater fiat, & est quasi Matris munus, seu munus, cum per illud imponatur feminae munus generandæ, & educandæ proles. Potius a matre appellatur, quam a Patre, quia illa certior est in generatione; unde etiam proles ex matre contrahit conditionem servi, vel liberi. Alii Matrimonium interpretantur, quasi matrem muniens, quia uxor per matrimonium acquirit virum, a quo defendatur, & muniatur.

Matrimonium alio nomine appellari solet connubium, Conjugium, Nuptiz. Dicitur connubium, & Nuptiz a nubendo, vel velando, aut quia mulier ex antiquissima consuetudine velo, quasi nube operiebatur, ut se viro inferiori, & subditi ostenderet; aut quia ob novam cæremoniam Ecclesiæ velamine quodam teguntur conjuges, quando ab Ecclesia benedictionem accipiunt. Dicitur vero Conjugium, quia est conjunctio duorum, qui sub eodem jugo societatis perpetuo copulantur, ita ut efficiantur una caro. Examinabimus hic primo, Quid sit matrimonium, inquantum est contractus, & inquantum est Sacramentum: Secundo ejus institutionem: Tertio indissolubilitatem, & unitatem.

ARTICULUS I.

Quid sit Matrimonium, inquantum contractus, & inquantum est Sacramentum?

- I. Matrimonium, inquantum est contractus, est causa efficiens matrimonii sumpti pro vinculo indissolubili, seu pro mutuo jure conjugum.*
- II. Matrimonium formaliter sumptum non est mutui consensus conjugum, sed est vinculum, quod ex eo nascitur.*
- III. Potest hujusmodi vinculum dari di-*

vinens sine consensu conjugum.

IV. Non est Sacramentum Matrimonium sumptum formaliter pro vinculo, sed sumptum causaliter pro contractu.

V. Si conjuges Religionem ingrediantur, remanet vinculum, seu dominium mutuum in corpore, sed impeditur.

VI. Beatissima Virginis cum D. Josepho Matrimonium qua ratione consistere poterat cum utriusque voto Virginitatis?

VII. Quanam sit Matrimonii definitio?

VIII. Quodnam Matrimonium de facto sit Sacramentum? Ecclesia matrimonium

viam, & formatu hujus Sacramenti a Christo Domino institutum immutare non potest: Solum mutare potest leges contractus.

IX. Inter Baptizatos consistere nequit Matrimonium, quin sit Sacramentum. At quid si velint contrahere, non tamen Sacramentum suscipere?

X. Matrimonium per Procuratorem celebratum est verum Sacramentum, quod a Principali, non a Procuratore suscipitur. Illud tamen laudabiliter in præsentia conjugum renovantur.

XI. Sacramentum Matrimonii quæ ratione dicatur unum numero in duobus; & an illud sit in solo Baptizato, quando hic contrahit cum Infidelis?

XII. Si duo conjuges Infideles baptizantur, ratificando contractum matrimoniale, suscipiunt Sacramentum matrimonii, quin debeant ipsum coram Parocho, & Testibus ratificare.

XIII. Hujus Sacramenti Minister non est Parochus, sed sunt ipsi contrahentes. Materia vero, & forma non sunt corpora conjugum, sed materia est mutusque consensus, qui, quatenus importat mutuum corporum traditionem, habet rationem materia, quatenus vero importat mutuum acceptionem, habet rationem forma.

I. **Q**uæritur primo; Quotupliciter sumatur Matrimonium?

Respondeo, matrimonium dupliciter sumi; Primo pro ipso contractu, quo sponsi tradunt sibi mutuo corporis dominium; Secundo pro ipso vinculo, seu mutuo jure, & dominio corporum, quod ex tali contractu inter conjuges nascitur. Matrimonium primo modo sumptum, seu in quantum est contractus, est causa

matrimonii sumpti secundo modo, seu in quantum est vinculum; ut constat ex Florent. in Epistolis Eugenii; ubi dicitur, *Causa efficiens matrimonii est mutus consensus per verba de præsentis expressus*; Unde fit, quod contractus matrimonii causet vinculum; etiam ex Apost. 1. ad Corinth. 7. *Mulier sui corporis potestatem non habet, sed Vir; similiter etiam & Vir sui corporis potestatem non habet, sed mulier*. In hac itaque mutua potestate, seu dominio habetur vinculum causatum a contractu matrimoniali.

II. Quæritur secundo; In quoniam consistat essentia matrimonii?

Respondeo, Matrimonium formaliter sumptum non consistere in contractu, sed in dicto vinculo, seu mutuo dominio corporum, cui respondet mutua obligatio reddendi debitum: Sicut enim in professione Religiosa contractus causet vinculum, seu statum Religiosi permanentem, per quem aliquis constituitur formaliter Religiosus; Et sicut Electio, verbi gratia, Pontificis, aut Imperatoris causet potestatem permanentem Electi erga subditos; in qua formaliter consistit dignitas Pontificia, aut Imperatoria: ita pariter contractus matrimonialis causet vinculum illud, seu mutuum jus in corpora, in quo formaliter consistit matrimonium.

III. Hinc sequitur, quod sine consensu conjugum, & sine contractu possit divinitus dari verum matrimonium; si scilicet Deus daret Petro, & Bertæ mutuum jus in corpora: Sicuti potest Deus Pontificem constituere sine ulla electione Cardinalium, dando alicui immediate potestatem Pontificiam, ut notant Con., Henr., Perez disp. 14. sect. 6. contra Sanch. & alios.

IV. Oppones primo; Matrimonium est Sacramentum, atque adeo signum sensibile, & physicum; ergo non

non potest constitui per dictum vinculum, quod est aliquid morale.

Respondeo cum Perez disp. 30. sect. 1., matrimonium formaliter sumptum non esse Sacramentum, sed solum causaliter sumptum matrimonium esse Sacramentum constitutum per consensum mutuum exterius expressum, qui a Florent. dicitur esse causa efficiens matrimonii. Ratio est primo, quia inter Sacramenta novæ legis sola Eucharistia est Sacramentum permanens juxta omnes Theologos; Matrimonium autem formaliter sumptum, cum sit quid indissolubile, est pariter permanens: ergo Matrimonium formaliter sumptum non est Sacramentum, & consequenter solum Matrimonium causaliter sumptum est Sacramentum transiens. Secundo, quia ex Florentino in literis Eugenii, Omne Sacramentum est institutum, ut suo usu ex opere operato suo modo sanctificet; atqui usus matrimonii sumpti pro vinculo, id est usus conjugii, non sanctificat ex opere operato, sed solum sanctificat usus matrimonii sumpti pro contractu; dum enim conjuges contrahunt, suscipiunt gratiam Sacramentalem matrimonii; ergo solum matrimonium sumptum causaliter pro contractu est Sacramentum.

V. Oppone secundo. Potest contingere, quod, perseverante matrimonio, non perseveret in utroque conjugum obligatio reddendi debitum; ergo falsum est, quod matrimonium consistat in illo vinculo, seu mutuo dominio corporum, & ei correspondente obligatione. Antecedens patet, quia si conjuges mutuo consensu proficantur in Religione, perseverat quidem matrimonium, sed non tenentur, nec possunt licite reddere debitum.

Respondeo cum Con. negando consequentiam; In casu enim in argumento adducto, cum perseveret

matrimonium, perseverat etiam vinculum, seu dominium mutuum corporum, quanvis impeditum, ita ut non valeat exire in actum: Sicuti si quis omnem operam sui mancipii alteri elocasset, perseveraret dominium erga mancipium, sed dominium esset impeditum; unde non posset Dominus, invito Conductore, aliquid opus tali servo imperare, nec ille teneretur obedire. Præterea sicut in Societate Jesu cum voto simplici paupertatis post biennium emissio stat verum dominium bonorum, impedito eorum usu in perpetuum per tale votum; ita in casu adducto Conjuges habent verum dominium mutuum corporum, impedito tamen usu conjugali in perpetuum per vota religionis. Quod ex eo constat, quia si Pontifex dispensaret in votis Religionis, sine novo contractu, illi remanerent conjuges, ut prius: Unde fit, quod si absque dispensatione in votis copularentur inter se, talis copula non esset fornicaria, (quia non esset accessus ad non suam) sed solum esset sacrilega.

VI. Ex quibus aperte colligitur, Matrimonium Beatissimæ Virginis fuisse verum, & legitimum matrimonium ratum, ita ut Angelus dicere potuerit Josepho: *Noli timere accipere Mariam conjugem tuam*; quamvis communiter Doctores cum August. lib. de Virginit. cap. 4. doceant, Beatissimam Virginem ante Annunciationem emisisse votum virginittatis; unde dixit Angelo: *Quomodo fiet istud, quoniam virum non cognosco?* hoc est, non possum cognoscere virum propter votum: Et forte etiam D. Josephidem votum emiserat, ut multi censent. Uterque itaque consensit in matrimonio cum contractu subinserto obligandi se ad non petendum debitum, & sub conditione servandæ virginittatis; Unde habuerunt solum obligationem

nem radicalem ad copulam, quæ obligatio, seu vinculum & matrimonium constituit, & illare potuit cum voto virginittis, & cum odio positivo copulæ; non enim ad illam proximè obligabantur, nisi in eventu, quod Deus dispenseret in voto emissio, & ipsi sponte contractum illum subinfertum rescinderent.

Neque dicas: Matrimonium, ut notat Lessl., non consistit in mutuo dominio conjugum; cum conjuges non sint invicem servi, sed in jure utendi corpore conjugis solum in ordine ad opus conjugii: ergo si matrimonium Beatæ Virginis contractum fuit sub conditione, ut neuter utatur corpore alterius, per tale matrimonium uterque habuit jus, ne sibi tanquam debitum petatur usus corporis: ergo neuter habebat jus ad usum corporis alterius; unde non habebatur verum matrimonium consistens in tali jure.

Nam, ut diximus, neuter habebat jus proximum, sed uterque habebat jus radicale, & remotum, in quo consistit essentia matrimonii. Quod ex eo patet; quia vi talis matrimonii neuter conjux poterat cum altero nubere, & si cum altero committeretur, adulterium committeret; Quod dici non posset, si matrimonium esset nullum; aut si matrimonium non consisteret in solo mutuo dominio radicali corporum. Id autem hoc exemplo illustratur; Si tu des domum Titio sub conditione, quod non violaret votum, quod habet non habitandi in illa, certe Titius est dominus domus, quamvis non habeat jus proximum habitandi in ea; unde si habitaret, violando votum, peccaret tum contra votum, tum etiam contra justitiam; quia tamen posita dispensatione talis voti, vere haberet jus proximum habitandi in ea domo, eo quod in tali casu non habitaret cum violatione voti, idcirco ante dispen-

sationem voti habebat solum jus remotum habitandi in ea; quod satis erat, ut diceretur dominus domus, possetque illam alienare, vendere, donare, & ad omnes alios usus de ea disponere. Idem dicas in casu nostro; etenim tam Beata Virgo, quam D. Joseph dederant invicem dominium corporum sub conditione servandi votum de non usu; unde uterque habuit dominium radicale in corpus alterius, in quo consistit matrimonium.

Gratian. apud Lessl. docet, Beatam Virginem consensisse in obligationem ad reddendum debitum, petente D. Josepho; sed quia ex Divina revelatione sciebat D. Josephum nunquam petiturum, idcirco castissima Virgo voti sui secuta, volente, ac precipiente Deo, consensit in conjugium, & in obligationem illam. Hæc tamen sententia communiter rejicitur, quia quoties aliquid est prohibitum, tam peccat, qui illud ponit, quam qui consensit in obligationem ad ponendum illud; etiamsi certo sciat, quod nunquam sit futura occasio illud ponendi: Exempli gratia, tam peccat, qui occidit hostem, quam qui vult se obligare ad illum occidendum, si occurrat, quamvis certe, & ex revelatione sciat hostem nunquam esse occursum. Alii alias vias inierunt ad conciliandum verum matrimonium Beatissimæ Virginis cum voto castitatis, de quibus fufius diximus in Cursu Theolog. disp. 2. de Justitia, & Jure quæst. 2.; ubi ostendimus, posse dominium rei plenum, ac periculum separari ab usufructu perpetuo: satis sit hic aliquid innuiffe in obsequium Magnæ matris.

VII. Quæritur tertio, Quomodo definiatur matrimonium?

Respondet, matrimonium sumptum pro contractu (in quo sensu apud fideles est etiam Sacramentum) bene pos-

posse definiri, quod sit *Legitimus*, & *indissolubilis contractus inter virum, & feminam, quo traditur, & acceptatur munus corporum potestas*: Dicitur, *Contractus legitimus*, quia celebrari debet juxta leges suas; Dicitur, *Indissolubilis*, quia non potest dissolvi, ut ceteri contractus per consensum mutuum contrahentium, ut infra ostendemus. Dicitur, *Inter virum, & feminam*, hoc est inter unum, & unam, repugnante polygamia ex institutione Christi Domini: Et quamvis in lege veteri potuisset idem vir habere plures uxores, non tamen eadem femina habere poterat plures maritos; quia proles esset incerta, & nemo maritorum teneretur illam educare. Dicitur denique, *Quo munus potestas traditur, & acceptatur*; ut ostendatur forma hujus contractus, & hujus Sacramenti, quod gratia sanctificans fidelibus confertur.

Ex hoc contractu oritur obligatio servandi tria bona matrimonii, videlicet bonum Proles, Fidei, & Sacramenti; Datur enim obligatio servandi bonum proles, seu non vitandi prolem positive medio illicito, verbi gratia sumendo potionem sterilitatis, aut emittendo semen extra vas: Datur etiam obligatio servandi fidem, seu fidelitatem, hoc est non adulterandi: Datur demum obligatio servandi perpetuitatem, & indissolubilitatem Sacramenti, nisi alter ingrediat religionem ante consummationem.

VIII. Queritur quarto; Quodnam matrimonium est Sacramentum?

Respondeo, & dico primo; Matrimonium sumptum pro vinculo non est, nec fuit unquam Sacramentum; cum non sit signum sensibile, nec suo usu gratiam conferat. Neque dicas, a Patribus tale vinculum vocari Sacramentum: Nam vocatur Sacramentum late sumptum, quatenus significat conjunctionem Christi cum Eccle-

Part VII.

sia, non vero quatenus est signum sensibile efficax gratiae sanctificantis.

Dico secundo; Ante legem gratiae matrimonium non erat Sacramentum antiquae legis. Ita communiter Catholici; Trident. enim sess. 7. aperte docet esse Sacramentum proprium legis novae: Quare in lege veteri non fuit institutum ad conferendam aliquam sanctificationem, sicut conferebant alia Sacramenta, sed institutum fuit in officium naturae ad legitimam generis humani propagationem; Unde Adami conjugium dicitur Sacramentum late sumptum, quatenus significabat Christi cum Ecclesia conjunctionem.

Dico tertio; Sacramentum sumptum pro contractu maritali est verum, & proprium Sacramentum novae legis. Ita Trid. sess. 24.

Neque dicas primo cum haereticis: Multi conjuges christiani pejus vivunt, quam conjuges Infideles: ergo falsum est, quod matrimonium christianorum sit Sacramentum conferens gratiam: Nam contra est, quia sic etiam probaretur, quod nec Baptismus sit Sacramentum, eo quod multi baptizati pejus vivant, quam non baptizati. Quare Sacramenta dant gratiam bene dispositis, ut possint bene vivere, non tamen ad id cogunt.

Neque dicas secundo: Unum Sacramentum non pugnat cum alio; sed matrimonium pugnat cum Sacerdotio; ergo matrimonium non est Sacramentum.

Respondeo enim, Sacramenta haec non pugnare ratione sui, cum possit conjugatus, uxore consentiente, ordinari; sed pugnant tantum ratione status, quem inducunt; Etenim Sacerdotes vacare debent Deo usquequaque: At ex Apost. 1. ad Corinth. 7. *qui cum uxore est, sollicitus est, quasi mundi, quomodo placeat uxori, & divisus est.*

H He-

Neque dicas tertio ; Matrimonium potest contrahi cum pacto, quod certum pretium solvatur : ergo matrimonium non est Sacramentum, aliter esset simonia accipere pretium pro illo.

Nam respondeo, pretium posse accipi non pro Sacramento, sed pro matrimonio, in quantum contractus civilis est, ad sustinenda onera Matrimonii ; Sicuti pro calice consecrato potest accipi pecunia, non ratione consecrationis, sed ratione materię.

Neque dicas quarto ; Si matrimonium esset Sacramentum, Ecclesia nihil circa illud posset immutare, sed immutavit ; nam fecit aliquos inhabiles ad contrahendum, instituendo impedimenta dirimentia, & statuit, matrimonium clandestinum esse invalidum ; ergo non est Sacramentum.

Nam communiter Doctores respondent, Ecclesiam non posse immutare materiam, & formam Sacramentorum a Christo Domino institutam ; unde non potest efficere, quin per legitimum contractum constitutur Sacramentum matrimonii : Potest tamen Ecclesia immutare leges contractus, ut de facto fecit, statuendo, contractum matrimonii clandestinum non esse legitimum ; ex quo sequitur, quod non sit Sacramentum : Sicuti enim si Republica statueret, quod non verbum, Baptizo, sed verbum, Amo, significaret ablutionem, forma Sacramenti Baptismi non esset, Ego te baptizo, sed esset, Ego te amo ; nec per hoc fieret, quod Republica inmutaret formam Sacramenti Baptismi institutam a Christo Domino, quæ consistit in verbis significantibus ablutionem : Ita in casu nostro.

IX. Quæritur quinto ; An possit inter baptizatos celebrari matrimonium sine Sacramento.

Respondeo negative. Ita Sanc. lib. 2. disp. 10. , Con. disp. 24. contra

Vasq., Rebel., Hurt. disp. 3. diff. 19. Ratio est, quia Christus Dominus omnem contractum matrimoniale inter baptizatos elevavit ad rationem Sacramenti : Cum Florent., & Trid. absolute definiant contractum matrimoniale fidelium esse Sacramentum, nulla facta exceptione. Unde fit, quod qui absolute vellet contrahere matrimonium, & simul absolute nollet suscipere Sacramentum, vere matrimonium non contraheret ; quia sine voluntate suscipiendi Sacramentum nequit Sacramentum suscipi, & consequenter nec matrimonium contrahitur : Quod si quis absolute vellet contrahere matrimonium, sed nollet suscipere Sacramentum, eo quod putaret, separari posse contractum matrimoniale a Sacramento ; in tali casu & matrimonium contraheret, & Sacramentum susciperet, eo quod nolito suscipiendi Sacramentum sit conditionata, & inellicax ; volitio vero contrahendi matrimonium sit absoluta, & efficax : Quod fuisse explicavimus in de Sacram. in genere art. 4. num. 9. ubi de intentionibus contrariis in Ministro Sacramentorum.

Oppones cum Perez disp. 19. sect. 10. Etiam ablutio cum sua forma constituit Sacramentum baptismi, nulla facta exceptione, & tamen si sine intentione suscipiendi baptismum adultus abluatur, ita abluatur, ut non suscipiat Sacramentum ; ergo etiam in casu nostro, si fiat contractus sine intentione suscipiendi Sacramentum, vere contractus celebratur, cum nihil illi desit, & tamen non suscipitur Sacramentum.

Respondeo negando, quod in tali casu contractus sit validus ; etenim sublata intentione suscipiendi Sacramentum, tollitur consequenter intentio faciendi contractum, cum hic ex institutione Christi debeat esse Sacramentum ; Unde fit, ut matrimonium
fit

fit nullum, siue absit intentio faciendi contractum, siue absit intentio suscipiendi Sacramentum.

X. Ex dictis sequitur contra Canum, Victor., Cajet., & alios apud eundem Perez, matrimonium per Procuratorem, aut per literas contractum esse verum Sacramentum, quod tamen a principalibus contrahentibus, non a Procuratore suscipitur. Ratio est manifesta, quia omnis contractus matrimonialis baptizatorum ex institutione Christi est Sacramentum; sed matrimonium per Procuratorem, siue per literas, aut internuncium celebratum est verus, & legitimus contractus; ergo est etiam Sacramentum: Unde sequitur, quod contrahentes principales sub mortali teneantur curare, ut sint in gratia, dum Procuratores eorum nomine contrahunt, ne sacrilege Sacramentum suscipiant: Et quamvis tunc forte dormiant, adhuc dormientes suscipere possunt Sacramentum, quod ante petierunt; ut certum est de Sacramento Extremæ unctionis, quod etiam a dormientibus, & lethargo oppressis suscipi potest. Nec refert, quod Sacramentum constare debeat rebus, & verbis; Nam, ut dicemus quæst. 4. art. 1., ad Sacramentum matrimonii constituendum satis sunt signa sensibilia expressiva interni consensus; hæc autem signa sufficienter per Procuratores, tamquam per instrumenta Principium possunt exprimi in hoc Sacramento, utpote instituto per modum contractus.

Neque dicas primo. Reliqua Sacramenta non possunt conferri inter absentes; ergo neque Sacramentum matrimonii; atque adeo, quando per Procuratorem celebratur, non est Sacramentum.

Nego enim consequentiam; Disparitas est, quia solum matrimonii Sacramentum institutum est per modum

contractus, qui licite celebratur inter absentes per Procuratorem. Neque hinc fit, quod Sacramentum Pœnitentiæ institutum per modum iudicii possit etiam absenti conferri. Nam Christus Dominus voluit in hoc Sacramento præsentiam Rei; non enim per formulam, Absolve te, significari potest, & demonstrari, nisi homo præsens.

Neque dicas secundo: Si matrimonium per Procuratorem celebratum esset Sacramentum, non daretur ratio, quare deinde contractus renovaretur in præsentia contrahentium; esset enim repetitio Sacramenti sacrilega; sed renovatur; ergo non est Sacramentum. Negatur enim sequela. Nam cum quilibet contractus ex natura sua sit renovabilis, & Sacramentum matrimonii sequatur leges contractus; hinc renovari potest non quidem Sacramentum, sed contractus: Et laudabiliter renovatur in præsentia contrahentium matrimonium per Procuratorem celebratum, tum ad tollendos scrupulos; tum etiam, ut suppleantur solemnitates omisæ; tum demum, ut si forte fuerit invalidus prior contractus ex defectu consensus, fiat validus per secundum, & Sacramentum recipiatur: Quod tamen fieri non potest in reliquis Sacramentis non institutis per modum contractus, ut notat Sanch. apud Bonac. quæst. 2. punct. 5. Potest quidem circa eadem peccata remissa Sacramentum pœnitentiæ renovari, ut diximus in de pœnitentiæ, & constat ex usu fidelium; non potest tamen Sacramentum matrimonii, renovato contractu, renovari; cum sit relate ad eundem conjugem irreiterabile; Sicut in eodem morbo irreiterabilis est Extrema unctio ex institutione Christi Domini.

XI. Quæritur sexto; Utrum Sacramentum matrimonii sit unum numero in utroque conjugè, an vero duplex?

H 2 Re

Respondeo, esse unum numero. Ratio est, quia ipse contractus est elevatus ad rationem Sacramenti; sed contractus est unus numero inter duos: ergo etiam Sacramentum. Nec mirum esse debet, quod unum accidens morale sit in duobus; Nam una numero potestas eligendi Pontificem, verbi gratia, est in toto Collegio Cardinalium.

Ex hac doctrina, quæ communiter admittitur, inferit Sanch. lib. 2. disp. 8., Con., & Perez, quod si Christianus ex dispensatione Pontificis contrahat matrimonium cum non baptizata, neuter Sacramentum recipiat; cum enim altera pars sit incapax Sacramenti, & hoc Sacramentum non possit esse nisi unum numero in duobus, videtur sequi, quod neuter Sacramentum recipiat. Sed magis arridet opinio Bonac. quæst. 2. punct. 2., qui cum Sot., & Vasq. docet, quod Sacramentum matrimonii in eo sensu dicatur unum numero in duobus, in quo sensu omnes ordines dicuntur esse unum numero Sacramentum, videlicet unum adæquatum; Sicut etiam species panis, & vini sunt unum numero adæquatum Sacramentum Eucharistiæ. Ex quo fit, quod, si contrahat matrimonium baptizatus cum non baptizata, possit solus baptizatus suscipere Sacramentum. Et sane videtur benignitati Christi Domini consonum, quod ita Sacramentum hoc instituerit, ut noluerit privare talem baptizatum gratia hujus Sacramenti; quamvis potuisset aliter illud instituere, ita ut neuter in hoc casu Sacramentum susciperet.

Neque hinc sequitur, quod si duo fideles contrahant matrimonium, & alter intendat suscipere Sacramentum, alter vero non, ille tantum Sacramentum suscipiat; Nam, ut notat Con., in hoc alio casu neuter suscipit Sacramentum, quia non habetur con-

tractus constitutivus Sacramenti: Et enim, ut supra diximus, fidelis, qui absolute non vult suscipere hoc Sacramentum, absolute non vult contrahere; contractus autem non habetur, quando alter non vult contrahere, atque adeo nec Sacramentum.

XII. Quæritur septimo; An si duo conjuges infideles, uterque, vel alteruter baptizetur, quando deinde per signa externa ratificant contractum matrimoniale, tunc suscipiant Sacramentum matrimonii?

Respondeo affirmative; Consonum enim est benignitati Christi Domini, quod ita hoc Sacramentum instituerit, ut ad illud constituendum satis sit quilibet contractus matrimonialis inter baptizatos, sive talis contractus primo ponatur post baptismum, sive contractus primo positus ante baptismum deinde post baptismum renovetur: Aliter conjuges infideles ad Baptismum reducti deberent semper cedere gratia hujus Sacramenti. Ita Bonac., Bellarm., Henr. contra Perez, Con., Ledesma. Verum Sanch. putat, matrimonium istorum tunc etiam Sacramentum, quando suscipiunt Baptismum, etiam si per signa externa non renovent priorem contractum matrimoniale; quia sicut per baptismum fit indissolubile matrimonium infidelium, ita fit Sacramentum.

Notandum hic ex Bonac., quod conjuges infideles, quando suscipiunt baptismum, non debeant consensum matrimoniale renovare coram Parocho, & testibus, ut matrimonium fiat Sacramentum. Ratio est, quia Trid. requirit assistentiam Parochi, & testium ad valide contrahendum matrimonium; Cum autem in casu nostro supponatur jam valide contractum fuisse matrimonium ante Baptismum, ut renovatio talis consensus evadat Sacramentum, non est opus, ut fiat coram Parocho, & testibus.

XII. Quæritur ultimo; Quænam sit materia, forma, & minister hujus Sacramenti?

Respondeo, quod attinet ad ministrum, putasse Canum lib. 9. cap. 5., quod iste sit Sacerdos dicens: Ego vos conjungo in matrimonium; ita ut hæc verba sint etiam forma talis Sacramenti; Sed communiter tamquam improbabilis rejicitur hæc sententia; Nam Trident. sess. 24. expresse docet, etiam matrimonia clandestina sine Sacerdote celebrata fuisse olim vera, ac rata matrimonia, atque adeo habuisse rationem Sacramenti; siquidem juxta locutionem ejusdem Trident., & juxta sensum Ecclesiæ, idem est, matrimonium esse ratum, ac esse Sacramentum. Quare Sacerdos non requiritur ad Sacramentum ministrandum, sed ad certam cærimoniam Ecclesiæ; nec conjuges per Sacerdotem, sed per mutuum consensum conjunguntur: Unde verba illa, Ego vos conjungo, idem sonant, ac Ego vos declaro conjunctos; Quod ex eo etiam patet; quia in communissima sententia, quando matrimonium est invalidum ex aliquo impedimento dirimente, vel ex defectu consensus, ut fiat validus, satis est, si tollatur impedimentum, ac suppliceant defectus renovato consensu, etiamsi tunc non assistat Parochus; quod fieri non posset, si Minister Sacramenti esset Sacerdos, cum sine Ministro Sacramentum conferri non possit.

Nec requiritur Sacerdos, ut Sacramentum conferatur a Persona Sacra. Nam sicut Baptismus etiam a laico, & infidelis potest valide conferri; ita potest etiam a Persona non sacra conferri Sacramentum Matrimonii. Certum itaque est, ipsos contrahentes baptizatos esse Ministros hujus Sacramenti. Ratio est, quia hoc Sacramentum ex institutione Christi non distinguitur a contractu: ergo si contrahentes po-

nunt constitutiva contractus, ponunt etiam constitutiva Sacramenti, atque adeo sunt Ministri.

Hinc multi recte cum Hurt., Pont., Perez inferunt, quod contrahentes matrimonium in mortali duplex peccatum committant, alterum, inquantum indigne ministrant, alterum, inquantum indigne suscipiunt Sacramentum. Quod tamen non admittit Sanchez lib. 2. disp. 2., & alii putantes, solum Ministrum consecratum peccare mortaliter ministrando indigne Sacramentum; ut est Sacerdos absolvens. Sed immerito: quilibet enim Minister Sacramentorum, sive consecratus, sive non consecratus debet ex præcepto naturali conformari cum Deo auctore Sacramentorum, ac Sanctificationis, necnon cum ipsa Sacramentorum sanctitate, debetque sancte sancta tractare. Concedo autem, quod Sacerdos non peccet mortaliter, si cum peccato mortali assistat matrimonio, cum ipse nec ministret, nec recipiat Sacramentum.

Quod attinet ad materiam, & formam hujus Sacramenti; Neque placet primo sententia adducta Cani putantis, verba contrahentium esse materiam, & verba Sacerdotis esse formam: Neque secundo Navar., & Sylv. apud Con., quod internus consensus contrahentium sit materia, & verba sint forma; Nam materia Sacramentorum non potest esse adæquate insensibilis; quandoquidem ex illa simul cum forma constitui debet signum sensibile adæquatum. Neque tertio Majoris, quod verba sint materia, & internus consensus forma, propter eandem rationem. Neque quarto Victor., & Vega, quod verba ab uno prius prolata sint materia, & verba alterius sint forma. Nam si simul ea proferrentur, non daretur materia, & forma. Neque demum Sot., & Covar., quod corpora con-

tra-

trahentium sint materia, & verba sint forma. Nam Sacramentum matrimonii esset quid permanens, sicut Sacramentum Eucharistiæ. Adde, quod contractus matrimonii non distinguitur a Sacramento, posita institutione Christi Domini; contractus autem non constituitur per corpora, sicut nec emptio equi, exempli gratia, constituitur per equum emptum, sed per mutuum consensum, qui pariat obligationem: ergo nec Sacramentum constituitur per corpora. Quare corpora conjugum in hoc Sacramento sunt solum materia, circa quam, & remota, non proxima; sicut peccata in Sacramento Pœnitentiæ sunt materia remota, non proxima.

Dicendum itaque cum Suar., Sanch., Rebel., Con., & aliis communiter, hujus Sacramenti materiam esse utriusque conjugis consensum signis externis expressum, prout significantem mutuum corporum traditionem; formam vero esse eundem consensum, prout significantem mutuum corporum acceptationem. Ratio est, quia omnis promissio, vel traditio, donec acceptetur, est ex se inefficax, & indeterminata, ut rata potius sit, quam irrita; per acceptationem vero determinatur ad esse ratam, & sit efficax ad producendam obligationem: ergo in contractu matrimoniali traditio habet rationem determinabilis, seu materiæ; acceptio vero domini in corpora habet rationem determinati, seu formæ.

ARTICULUS II.

De Institutione Matrimonii.

*I. Ex lege positiva divina videtur institutum Matrimonium, inquam-
tum est contractus.*

*II. Præceptum nubendi videtur esse na-
turale, & obligare omnes vage,*

hoc est singulas urgente necessitate.

*III. Quomodo finem incendere debent contra-
hentes, ne valide, ac licite
contrahant.*

*IV. Quamvis licite intendi possit per
matrimonium remedium concupi-
scentiæ, & propter fines extrinse-
cos honestos celebrari; illicitum ta-
men est præcipue propter delectatio-
nem carnalem velle nubere.*

*V. Sicut non est licitum, nec vacat ve-
niens culpa opus conjugii ob solam
voluptatem exercere; ita pariter
est illicitum præcipue propter eandem
velle nubere.*

*VI. Ex traditione Apostolica habetur,
quod Christus Dominus matrimo-
nium ad rationem Sacramenti ele-
vaverit.*

*VII. Probabilius hoc Sacramentum a
Christo Domino post resurrectionem
institutum fuit.*

I. A Gendum primo de institutio-
ne matrimonii, quatenus
contractus est; Deinde quatenus est
Sacramentum; Inquirendo Quisnam
illud instituerit? Quando? Et quem
ad finem?

Quæritur itaque primo, A quonam
fuerit institutum matrimonium in ra-
tione contractus, & quando?

Respondeo, certum omnino esse,
quod Deus fuerit matrimonii Institu-
tor; quamvis dubiam sit, Num fue-
rit ejus Institutor, inquantum est Au-
ctor naturæ, an vero ex positiva ali-
qua ordinatione? Equidem cenſeo
cum Suar., Con., Perez, & aliis con-
tra Hurt disp. 4., Deum per veram,
ac propriam legem instituisse matri-
monium; ejus vero unitatem, & in-
dissolubilitatem esse quidem naturæ
humanæ consonam; non tamen ita ut
non potuerit in iis Deus dispensare.
Ratio est, quia antiqui Patres licite
contraxerunt unus cum pluribus ux-
oribus; Et Hebræis licitum fuit repu-
dium;

dium; ergo non ex lege naturali indispensabili institutus fuit contractus matrimonialis inter unum, & unam indissolubilis, prout explicabimus articulo sequenti. Quamvis autem negari non possit, quod natura humana inclinans ad sui propagationem, & perpetuitatem in sua specie, cum non possit in individuo, inclinet pariter ad matrimonium; Quia tamen homo in quantum rationalis inclinat etiam ad virginitatem, & cœlibatum, qui sunt actus virtutis præstantissimæ, ideo speciali ratione, & lege positiva instituendum erat matrimonium, & forte obligandus erat Adam ad illud, necnon communitas hominum, ne genus humanum exstingueretur.

Dubium etiam est; an jus naturæ obliget communitatem ad matrimonium?

Respondeo, Con. docere, nullum esse, nec fuisse præceptum, aut jus naturæ obligans ad matrimonium. Probat primo, quia si hoc esset, talis obligatio esset in singulis. Secundo, quia si in Adamo, & in nobis fuisset obligatio naturalis propagandi genus humanum, deberet dari pariter obligatio naturalis servandi virginitatem; nam ideo dicimus dari obligationem naturalem ad matrimonium, quia natura inclinat ad illud; atqui multo magis natura inclinat ad virginitatem, quæ magis conducit ad finem ultimum hominis, ut patet ex 1. ad Corinth. 7., ubi dicitur: *Qui cum uxore est, sollicitus est, quæ sunt Mundi, quomodo placeat uxori, & divisus est*; ergo.

II. Verum communiter docent cum D. Th., Vasq., Sanch. l. 2. disp. 3., præceptum nubendi esse naturale, & obligare omnes vage, hoc est singulos, urgente necessitate. Ratio est, quia si datur præceptum naturale de cibo sumendo, ne pereat individuum humanum, a fortiori dari debet præ-

ceptum naturale de matrimonio, ne pereat species humana. Hinc fit, Protoparentes ex lege naturali obligatos fuisse ad matrimonium, & præcepto Dei positivo; non secus ac ad præcepta Decalogi utroque jure tenentur, naturali, & positivo.

Ad primam rationem Con. respondetur, quod obligatio hæc non sit in singulis hominibus, sed in omnibus vage; ita ut singuli tunc obligentur, quando adest necessitas; isthæc enim obligatio satis est, nec species humana pereat. Ad secundam dico, quod urgente necessitate natura magis inclinat ad matrimonium, quod est bonum commune, quam ad virginitatem, quæ est bonum, & commodum particulare. Virginitas autem semper est materia consilii, non præcepti; quia licet magis conducatur ad ultimum finem hominis, habet tamen suam arduitatem propriam talis virtutis, ad quam Deus noluit nos obligare.

Circa tempus, quo matrimonium institutum fuit, communiter Doctores cum Sanch. lib. 2. disp. 4. docent, matrimonium institutum simul, ac præceptum fuisse a Deo jure positivo, quando dixit nostris Protoparentibus Genes. 1. *Crescite, & multiplicamini, & replete Terram*: Sicut similibus verbis instituit simul, & præcepit Christus Dominus Sacramentum Eucharistiæ, quando dixit: *Hoc facite in meam commemorationem*. Nonnulli tamen cum Con. docent, institutum a Deo fuisse matrimonium, quando immisit soporem in Adam, & ex ejus latere Evam formavit; tunc enim videtur Deus revelasse naturam, & finem matrimonii Adamo; siquidem expergefactus dixit: *Propter quod relinquet homo Patrem, & Matrem, & adhaerebit Uxori suæ, & erunt duo in carne una*, scilicet per copulam conjugalem, ut explicatur in Cap. *Debitum* de Bigamis.

III. Quæ-

III. Quæritur secundo; Quem finem intendere debeant contrahentes matrimonium, ut valide, & licite illud contrahant?

Respondeo, & dico primo; Ut valide matrimonium contrahatur, necessario contrahentes intendere, seu velle debent translationem dominii corporum ad usum conjugalem, & se ad illum obligare obligatione radicali, ut diximus art. sup. Præterea ad validitatem matrimonii requiritur, ut contrahentes non habeant intentionem se obligandi contra tria illa bona matrimonii, scilicet Proles, Fidei, & Sacramenti; quare invalidum est matrimonium, si contrahant cum pacto, & obligatione aut vitandi positive prolem, sumendo pharmacum sterilitatis, vel emittendi semen extra vas, quod est contra bonum prolis; Aut cum pacto non servandi fidem conjugalem, seu adulterandi, quod est contra bonum fidei; Aut demum cum pacto, & obligatione dissolvendi in aliquo casu matrimonium, quod est contra bonum Sacramenti: (hoc tertium tamen intelligendum est de matrimonio baptizatorum, quod ratione Sacramenti habet indissolubilitatem) Quod si quis vellet obligare se, verbi gratia, ad fidem conjugis servandam, & simul vellet etiam post matrimonium adulterari, hoc in pactum non deducendo, valide contraheret matrimonium: Potest enim stare, quod quis velit obligari ad aliquid faciendum, & simul nolit illud facere; sicut potest quis vovere castitati, & simul velle violare votum.

IV. Dico secundo; Licite matrimonium contrahitur, non solum si per illud intendatur generatio prolis, quod est certum, cum hic sit finis præcipuus matrimonii; sed etiam si præcisè intendatur remedium concupiscentiæ; esto etiam ex honesto fine optetur generationem non sequi. Ita Hurt,

Con., Perez contra Sanch., Sot Ratio est, quia talis finis honestus est, & proprius talis contractus; quamvis solum secundario ad eum finem natura sua ordinetur matrimonium. Hinc Apost. 1. ad Corinth. 7. dicit: *Propter fornicationem autem unusquisque suam uxorem habeat, & unaqueque suum virum*; significans hoc unico fine licitum esse matrimonium contrahere. Et sane, si ad vitandam fornicationem in altero conjugē, concedunt omnes, licitum esse contrahere cum illo matrimonium, a fortiori licitum est ad vitandam fornicationem in se ipso.

Neque dicas cum Sanch., esse aliquam inordinationem, quamvis levem, ordinare matrimonium unice ad finem illius secundarium, quando potest ordinari ad finem primum. Nam contra est, quia si juvenis sterilis, sicut etiam senex, ut concedunt omnes, possunt inire matrimonium unice in remedium concupiscentiæ; quare non etiam juvenis sæcundus? Etenim si ratio exigeret, ut in matrimonio intendatur finis ejus principalis, qui est prolis generatio, tam esset illicitum sterili, quam sæcundo matrimonium inire, intendendo unice remedium concupiscentiæ.

Dico tertio; Licitum etiam est inire matrimonium ob alios fines extrinsecos, dummodo honestos; verbi gratia propter pacem, divitias, nobilitatem, vel ob motivum tuendæ, seu restaurandæ salutis. Ita Doctores citati contra Angel., Navar., Covar., & alios apud Con. disp. 24. dub. 2. Ratio est, quia in hoc nulla apparet inordinatio. Aliter senes, qui nec possunt generare, nec patiuntur stimulos carnis, licite non possent contrahere matrimonium; cum per illud nec intendant prolis generationem, qui est finis intrinsecus primarius, nec remedium concupiscentiæ, qui est finis matri-

matrimonii intrinsecus secundarius. Quare solum propter fines illos extrinsecos licitum est iis nubere.

Neque dicas, inordinationem aliquam esse ordinare Sacramentum ad fines temporales extraneos.

Nam primo, non ordinatur matrimonium ad tales fines inquantum Sacramentum est, sed inquantum est contractus. Secundo, ut notat Hurt, qui ordinat Sacramentum ad hos fines extrinsecos, non irrogat injuriam Sacramento, dummodo positive non excludat finem recipiendi gratiam, quem nemo excludit; Sicuti non irrogat injuriam Sacrificio Misset, qui illud ordinat ad obtinendam salutem, vel stipendium, dummodo non excludat positive finem illius primum, qui est cultus divinus.

Dico ultimo: Illicitum est contrahere matrimonium præcise ob capiendam delectationem carnalem. Ita Con. disp. 24. sect. 2., & alii communiter. Ratio est clara, nam (quicquid aliqui prius senserint apud Sanch. lib. 9. disp. 11.) nunc damnata est propositio 9. ab Innoc. XI. dicens: *Opus conjugii ob solam voluptatem exercitum omnino penitus caret culpa, ac defectu veniali*: ergo si illicitum est uti matrimonio ad hunc finem, illicitum pariter est ad hunc finem matrimonium contrahere. Verum quidem est, quod docet Sanch. loc. cit., delectationem actui conjugali annexam non esse de se malam, nec esse peccatum ullum velle illa frui, quando non procuratur nimius excessus voluptatis; sicuti nec est peccatum velle frui delectatione, quam in ciborum esu apposuit natura; nisi pariter excessus procuraretur. Nihilominus etiam verum est, quod Sanch. ibidem cum innumeris Auctoribus docet, esse culpam venialem exercere actum conjugii præcise ad capiendam voluptatem tali actui annexam. Quod patet primo ex
Pars VII.

doctrina August., qui cap. 6. de bono conjugali hæc habet: *Conjugalis concubitus generandi causa non habet culpam, concupiscentia vero satietatem, tamen cum conjuge, venialem*. Secundo, quia bonum delectabile, quod est naturæ sensitivæ consonum, non potest recte esse finis operationis humanæ, sed solum bonum honestum, quod est conforme naturæ rationali. Tertio, quia abusus rei est, querere actum propter delectationem illi adjunctam, cum delectatio sit propter ipsum actum, non vero actus propter delectationem illi adhaerentem. Demum, quia delectatio annexa operi conjugali mentem absorbet, nec liberam illam relinquit, ut se in Deum convertat. Quod quia pariter habetur in questione ad satietatem, non vero in questione temperata, ideo pariter illicitum est comedere ad satietatem præcise ob delectationem inde capiendam, ut constat ex propos. 8. damnata ab Innoc. XI., quæ habet: *Comedere, & bibere usque ad satietatem ob solam voluptatem non est peccatum, modo non obstat valetudini; quia licite potest appetitus naturalis suis actibus frui*.

Neque dicas, ex Philosopho 10 Ethic. 8., talis est delectatio, quale opus, de quo est, sed opus conjugii est honestum, & licitum: ergo etiam delectatio ex tali opere percepta, atque adeo intendi potest opus conjugii præcise ob delectationem.

Nam respondeo, axioma Philosophi esse verum, quando delectatio debite queritur, non ut finis actus, sed tamquam actui adjuncta, ut notat Sanch. loc. cit.

Hinc inferitur, quod sicuti opus conjugii ob solam voluptatem exercitum est illicitum, & inhonestum, non vero si exerceatur, vel ob proles generationem, vel ad remedium concupiscentiæ, vel ad satisfaciendum

I con-

conjugi petenti, vel ad conservandum amorem cum conjugē, quanvis simul acceptetur delectatio illi annexa; dummodo non procuretur nimia; ita pariter illicitum est contrahere matrimonium præcise propter delectationem carnalem capiendam; secus vero, si ob finem honestum, sive intrinsicum, sive extrinsecum matrimonio, illud contrahatur, quamvis simul intendatur in ordine ad eundem finem frui deinde in actu matrimoniali delectatione illi a natura annexa, non tamen nimia. Ubi Doctores advertunt, sæpe in opere conjugii venialem culpam contrahi; quia plerumque excessus voluptatis in eo actu a conjugibus procuratur.

Neque dicas cum Altfiodor. apud Sanch. Qui concionatur recto fine, peccat venialiter, si admittat gloriam vanam inde conflagrantem: ergo etiam peccat venialiter conjux, qui ob finem rectum petit debitum, & contrahit matrimonium, si delectationem actui conjugii annexam admittat, & non respuat.

Nam, concessio antecedente, negatur consequentia. Disparitas est, quia inanis gloria est in se mala, & ideo respuenda: Contra vero delectatio in opere conjugali (nisi sit nimia) non est in se prava; immo natura tali operi sagaciter illam adjunxit propter bonum prolis, ut ejus generationi avidius homines vacarent, & sic species humana conservaretur: Sicuti in ciborum esu delectationem natura apposuit ob individui conservationem: Ex Philosoph. enim 10. Eth. 4. voluptas, & delectatio sunt condimentum operationum. Quare vacat culpa uti matrimonio, fruendo delectatione non nimia, quam natura illi adjunxit propter honesti finis necessitatem.

VI. Queritur ultimo, Quandonam elevatum sit matrimonium ad ratio-

nem Sacramenti?

Respondeo, de fide esse matrimonium ad rationem Sacramenti elevatum a Christo Domino: Trident. c. nim. sess. 24. can. 1. hæc habet: *Si quis dixerit, matrimonium non esse vere, & proprie unum ex septem Sacramentis legis Evangelicæ, a Christo Domino institutum, sed ab hominibus in Ecclesia inventum, neque gratiam conferre, Anathema sit.* Hoc autem ex nullo Scripturæ loco deducitur aperte, ut notat Perez disp. 19., sed ex traditione ab Apostolis, & eorum successoribus accepta habemus, ut loquitur Evaristus III.

Dubium tamen est, quando Christus Dominus illud instituerit? Aliqui docent, institutum fuisse Joan. 2., quando Christus interfuit nuptiis. Alii cum Sanch., & Rebel., institutum fuisse Matth. 19. quando dixit: *Quos Deus conjunxit, homo non separet.* Alii in nocte Cænæ. Sed probabilius Perez, Mærat., & alii docent, institutum fuisse post resurrectionem in uno ex iis quadraginta diebus ante Ascensionem. Ratio est, quia eo tempore, ut constat ex Actor. 2. apparuit Christus Dominus Apostolis loquens cum eis de Regno Dei, hoc est de rebus ad Ecclesiæ suæ statum pertinentibus; Tunc etiam instituisse Sacramentum Pœnitentiæ constat ex Joan. 20. quando scilicet januis clausis apparuit Apostolis, absente Thoma, & ostendens manus, & latus insufflavivit, & dixit eis: *Accipite Spiritum Sanctum: Quorum remiseritis peccata, remittuntur eis, & quorum retinueritis, retenta sunt.*

ARTICULUS III.

De Unitate, & Indissolubilitate
Matrimonii.

- I. Ex primæ institutione Matrimonium fuit unum, seu unus cum una, & indissolubile.
- II. In veteri lege Dens concessit ex rationabili causa dari posse libellum repudiij. Ee in lege Evangelica matrimonium ratum tum per Professionem Religiosam, tum ex dispensatione Pontificis ob gravem causam dissolvi potest.
- III. Matrimonium Infidelium ex lege Christi Domini est insolubile; Potest tamen dissolvi, quando alter eorum ad fidem convertitur, nolente altero cohabitare citra injuriam Creatoris.
- IV. Diversimode Doctores opinantur circa Polygamiam, & dissolubilitatem Matrimonii, jure naturali, an divino positivo ea prohibeantur.
- V. Dicendum verius dissolubilitatem matrimonii, ac Polygamiam relate ad plures uxores ita jure naturali prohiberi, ut possit in iis Dens dispensare; non secus ac in occasione innocentis.
- VI. At non potest Dens dispensare in his actionibus sub iis circumstantiis, sub quibus sunt intrinsece male, & jure naturali prohibita.
- VII. Per Professionem Religiosam dissolvitur Matrimonium ratum jure Ecclesiastico verius, quam naturali, aut divino positivo; Et quidem jure Ecclesiastico non scripto, sed irradito.
- VIII. Votum castitatis annexum Ordini Sacro non dissolvit matrimonium ratum, quamvis sit solumne; Sicut nec vota simplicia in Societate Jesu; Hac autem vota dicuntur simplicia,

quia ex parte votantis dumtaxat sunt perpetua, non vero simpliciter, & absolute; ut est votum castitatis annexum Ordini Sacro.

IX. Ea de causa nec votum solumne annexum Ordini Sacro, nec vota simplicia in Societate Jesu dirimunt matrimonium ratum, (quamvis dirimantur ab iis Sponsalia, ac matrimonium subsequens) quia nusquam Ecclesia satisfecit, sicut statuit de Professione Religiosa.

X. Per bimestre post matrimonium ratum regulariter possunt Conjuges negare debitum, ut coequant de Religione.

I. Non est hic sermo de dissolubilitate quoad torum, sed quoad vinculum. Inquirimus enim hic, num matrimonium legitimum, seu celebratum juxta leges contractus (quod habetur etiam inter Infideles) tam ratum (quod supra legitimum addit rationem Sacramenti, & ideo solum habetur inter fideles) quam consummatum, possit aliquando dissolvi? Et unde habeat unitatem, seu quod debeat esse unius cum una? Quod est querere, Jure naturali, an divino positivo matrimonium debeat esse unum, seu unius cum una, & indissolubile quoad vinculum?

Præmitto ante responsionem, Certum esse primo, juxta omnium doctrinam, matrimonium ex sua primæ institutione esse unius cum una; ita ut invalide contrahatur cum secunda uxore, vivente prima; ut habetur in cap. Gaudemus 8. de Divortio. Et probatur ex illo Genes. 2. Quamobrem relinquet homo Patrem, & Matrem, & adhaerebit uxori suæ, & erunt duo in carne una. Si ergo in carne una erunt duo, ergo nonnisi unus cum unica contrahere potest: Hinc Christus Dominus Matth. 19.

I 2 di-

dixit, esse adulterum illum, qui dimissa prima uxore, secundam ducit; Quod non esset verum, si posset ducere secundam; nam quamvis peccaret dimittendo primam, non ramen esset adulter ducendo secundam, quia hæc etiam esset vera uxor.

Certum pariter est secundo, Ex divina concessione fuisse Judæis licitam polygamiam; ita scilicet, ut idem vir plures uxores duceret, non vero eadem uxor plures viros, ut habetur in *laud. cap. Gaudemur*; Et patet, quia etiam Sanctissimi Patriarchæ Abraham, Jacob, David plures uxores habuerunt. Quamvis autem aliquæ ex iis vocentur in Sacris Bibliis concubinæ, non dicuntur tamen concubinæ ex eo, quod non essent veræ conjuges, sed quia, quæ dicebatur Uxor, erat Domina, & totam familiam administrabat; quæ vero dicebantur Concubinæ, assumebantur tantum ad societatem tori, & ad prolis generationem; Sic Sara dicitur uxor Abraham, Agar vero concubina: Item Lia, & Rachel dicebantur uxores Jacob; utraque enim erat Domina familiæ; ac Ancillæ Liæ, & Rachelis erant concubinæ ejusdem Jacob. Quod autem istæ Concubinæ essent veræ uxores, patet ex 25. Genes. 1., ubi concubina vocatur uxor. Hæc ramen concessio polygamie post Christi Domini adventum cessavit; nam matrimonium ex Matth. 5., & 19. revocatum est ad suam pristinam institutionem.

Certum est tertio, Matrimonium ex sua primæva institutione non solum esse unius cum unica, sed etiam esse indissolubile, ac perpetuum, ut communiter Theologi docent; Et constat tum ex Trident. sess. 14., tum ex Matth. 19., ubi Christus Dominus docens, illicitum esse dare libellum repudii permissum in lege Moysæ, dixit: *Ab initio autem non fuit sic*. Et

Marci 10. habetur, *Omnis, qui dimittit uxorem, & aliam duxerit, machatur*: Quod non esset verum, si vinculum prioris matrimonii esset dissolubile. Ibidem etiam dicitur: *Quod Deus conjunxit, homo non separet*; Unde fit ex institutione divina, matrimonii vinculum esse indissolubile; Et ratio insolubilitatis habetur ex fine matrimonii, qui est bona, & perfecta educatio prolis.

II. Hinc sequitur, ex divina solum concessione licitum fuisse ut antiqua lege solvere vinculum matrimonii, & dare libellum repudii ex rationabili causa, ut habetur Deuter. 24. Quamvis enim Matth. 14. dicatur, id permissum fuisse ob duritiam cordis, non sequitur, quod Deus id vere non concesserit, sed solum sequitur, quod concesserit, ut subveniret imbecillitati Judæorum, qui proni erant ad peccandum. Verum hæc concessio pariter post Christi adventum revocata est, ut omnes Catholici docent.

Certum tamen est quarto, Matrimonium baptizatorum ratum, & validum, ante consummationem esse dissolubile per professionem Religiosam; ita ut qui in sæculo remanet, possit cum altera nubere, ut infra dicemus. Docent etiam communius Theologi cum Sanch., Suar., Perez contra Scot., Sot., & alios, quod hujusmodi matrimonium non solum per professionem religiosam, sed etiam ex dispensatione Pontificis ob urgentem causam possit dissolvi, ita ut uterque possit cum alio nubere; quando scilicet, nisi dissolvatur, aut imminet alicujus Regni jactura, aut graves rixæ timeantur.

Verum post consummationem matrimonium baptizatorum, nec per solemnem professionem, nec per Pontificis dispensationem dissolvi potest; Nam ex divina lege est insolubile, ut colligitur, tum ex illis verbis Matth.

19. *Quod Deus coniunxit, homo non separet*, tum ex 1. ad Corinth. 7. *Iis, qui matrimonio juncti sunt, præcipio, non ego, sed Dominus, uxorem a viro non discedere; Quod si discesserit, manere inuicem, aut viro suo reconciliari*. Immo matrimonium etiam Infidelium post prædictam Christi legem est pariter insolubile. Quod si dissolvitur, quando alter tantum convertitur ad fidem, id contingit ex Christi etiam dispensatione explicata per Apost. 1. ad Corinth. 7., ubi dicitur: *Quod si infidelis discedit, discedat* (subintellige, Conversus ad fidem) *non enim servimus subiectus est frater, aut soror in huiusmodi; in pace autem vocavit nos Deus*. Ratio autem omnimodæ indissolubilitatis matrimonii consummati est, ut communiter Doctores docent, quia repræsentat unionem indissolubilem Christi cum Ecclesia per Incarnationem; ubi e contra matrimonium ratum, non consummatum significat unionem dissolubilem Christi cum Anima existente in gratia.

III. Sequitur ex dictis primo, Matrimonium Infidelium ex lege Christi Domini, cui etiam Infideles sunt subditi, esse insolubile etiam ante consummationem, nec posse per dispensationem Pontificis solvi; cum infideles non sunt subditi Papæ.

Sequitur secundo, Matrimonium Infidelium solum propter causam, & bonum fidei posse dissolvi, quando scilicet alter tantum ad fidem convertitur, altero nolente cohabitare absque injuria Creatoris; ut dicemus cum de impedimento disparis cultus. Quod si uterque conjux infidelis baptizetur, matrimonium illud legitimum evadit ratum, seu magis insolubile ratione baptismi suscepti; nam ante baptismum poterat dissolvi propter causam, & bonum fidei, ut diximus, post baptismum vero non potest

est ullatenus dissolvi.

Sequitur tertio, quod matrimonium consummatum Infidelium non possit dissolvi per dispensationem Pontificis, si postquam uterque est baptizatus, sit iterum consummatum: Contra vero, si post baptismum utriusque non sit iterum consummatum, probabiliter potest per dispensationem Pontificis dissolvi, ut docent Navar. Pont., Sanch. contra Perez; censetur enim tantum, ut matrimonium ratum; quandoquidem matrimonium ante baptismum consummatum non est signum conjunctionis Christi cum Ecclesia, sicut est matrimonium consummatum baptismatorum.

Dices; ex verbis Christi Domini Matth. 19. *Quicumque dimiserit uxorem, nisi ob fornicationem, & aliam duxerit, mæchatur*, videtur colligi, quod ob causam fornicationis uxoris, possit illa dimitti, & matrimonium dissolvi; ergo falsum est, Christum Dominum voluisse, quod matrimonium sit insolubile. Sed contra est, quia sensus illorum verborum ex August. apud Con., est, quod qui dimiserit (videlicet quoad torum) uxorem suam, excepta causa fornicationis, mæchatur, hoc est, occassionaliter, quatenus est occasio illi, ut mæchetur; sicuti etiam qui aliam duxerit, mæchatur, quia vere adulterium committit: Quare ob causam fornicationis potest uxor dimitti solum quoad torum, non dissoluto vinculo matrimonii. His præjactis;

IV. Quæritur nunc primo; Num Polygamia, & dissolubilitas Matrimonii sint ab intrinseco mala, & contra legem naturalem, ut est odium Dei, mendacium, &c., an vero sint mala quia prohibita per legem Dei positivam?

Multi apud Sanch. lib. 7. disp. 8. docent, Polygamiam esse contra jus

naturale, ita tamen ut in ea Deus dispensare non possit, ut infra explicabimus: Alii vero docent, ita esse contra jus naturale, ut tamen in ea Deus dispensare possit, tum quod idem vir ducat plures uxores, tum etiam quod eadem uxor nubat pluribus viris: Alii putant, solam polygamiam plurium virorum relate ad unam uxorem fieri non posse, ne per divinam quidem dispensationem; Polygamiam vero plurium uxorum relate ad unum virum prohiberi solum lege Evangelica; Sicut, verbi gratia, prohibetur consecratio sub unicatantum specie ex lege positiva Christi Domini; unde sequitur, quod per divinam dispensationem ea possit esse licita.

Circa insolubilitatem etiam Matrimonii Vasq. Bellarm., Hurt. apud Perez disp. 20. lect. 2. putant, eam ex natura sua competere matrimonio; ita ut matrimonium dissolubile jure naturali sit invalidum. Sanch. vero lib. 2. disp. 12. cum Con. negat, matrimonium jure naturali esse insolubile; putatque, hoc illi competere ex natura sua, prout conjuncta cum divina institutione. Demum Abulens. apud Con. docet, insolubilitatem competere matrimonio ex præcepto Dei positivo.

Ut quæstio decidatur, notandum, tripliciter aliquid posse esse contra jus naturæ. Primo, ita ut actus secundum suam speciem physicam sit ita malus, & juri naturæ repugnans, ut essentialiter exigat prohiberi, ut est odium Dei, libido contra naturam, &c. Secundo, ita ut actus secundum suam speciem physicam sit ita contra naturam, ut tamen possit aliquando ratione alicujus circumstantiæ esse licitus; Sic est furtum, occisio innocentis, fornicatio, &c.; etenim actus physicus furti licitus est, si fiat, Domino non invito; præstetum si fiat,

Deo primo Domino non invito; occisio innocentis est licita, si fiat Deo auctore, qui est Dominus vitæ unicujusque; Actus etiam physicus fornicationis licitus est, si fiat post matrimonium, aut post Dei voluntatem dantis jus in corpus alterius; intantum enim fornicatio est illicita, inquantum est accessus ad non suam; ille autem accessus physice sumptus post matrimonium, aut post dictam concessionem Dei non est amplius accessus ad non suam, sed est accessus ad suam, & consequenter in tali casu fornicatio evadit licita. Tertio, aliquid est contra jus naturæ ratione scandali, seu periculi peccandi, quod habet annexum; unde sublato tali periculo, non est contra jus naturæ, nec illicitum; sic est, verbi gratia, Sacerdotem habitare cum juvenculis, & cum iis familiariter conversari; hoc enim licitum est, si urgente gravi necessitate, scandalum, & periculum peccandi absit.

V. Dico nunc primo cum Con., Sanch., Perez, & aliis, Polygamiam, & dissolubilitatem matrimonii non esse contra jus naturæ primo modo, ut est, verbi gratia, odium Dei. Patet, quia Deus de facto in iis dispensavit in lege veteri; quod autem est primo modo contra jus naturæ, non potest per dispensationem divinam esse licitum, cum essentialiter exigat prohiberi; Quamvis autem solum dispensaverit Deus in polygamia unus viri relate ad plures uxores; potest tamen etiam dispensare in polygamia unius uxoris relate ad plures viros, si inconvenientia, quæ inde sequuntur, videlicet incertitudo prolis, educatio non conveniens, &c. per suam omnipotentiam vitet.

Dico secundo; Polygamia, & dissolubilitas matrimonii sunt contra jus naturæ secundo modo, videlicet ut occisio innocentis, fornicatio, furtum, &c.

&c. Quare sicut furtum licitum est secundum esse suum physicum, si non fiat invito Domino, & fornicatio secundum esse physicum suum licita est, si sit accessus ad suam; ita poterit esse licita polygamia, si Deus det uni jus ad corpus plurimum. Et licita pariter erit dissolubilitas matrimonii etiam consummati, si Deus velit vinculum matrimonii ad tempus dumtaxat ligare.

Probatum conclusio, quia ex una parte, seclusa tali voluntate divina, est contra jus naturæ polygamia, & dissolubilitas matrimonii, (non secus ac furtum, occisio innocentis, & fornicatio) cum honestam, & convenientem humanæ naturæ educationem proles, necnon pacificam domus gubernationem impediatur: Ex altera parte, posita illa voluntate divina, tolluntur hæc incommoda, quæ ex polygamia, & matrimonii dissolubilitate sequerentur: ergo posita tali voluntate divina, possunt esse licita; atque adeo solum secundo modo sunt contra jus naturæ. Sunt etiam contra jus naturæ tertio modo, quatenus natura exigit, ut non permittantur propter periculum peccati, videlicet propter periculum discordiæ inter plures uxores, & propter periculum, ne apte proles educetur; si tamen tale periculum omnino cesset, licita sunt ex hoc capite.

VI. Ex quibus deducitur, in quo sensu verum sit Axioma illud Theologorum, Deum scilicet dispensare non posse in jure naturæ; cum tamen & Abraham dispensaret, ut vellet occidere filium innocentem; & Israelitis, ut Aegyptios spoliarent; & Osee, ut sumeret sibi uxorem fornicationum; & Hebræis, ut plures uxores ducerent; necnon ut possent dare ex rationabili causa libellum repudiij, & vinculum matrimonii dissolvere. Etenim ex D. Th. 1. 2. quæst.

100. art. 8. in hisce actionibus non dispensavit Deus sub iis circumstantiis, sub quibus sunt contra jus naturæ, & ab intrinseco malæ; non enim dispensavit in furto, ut fieret invito Domino; nec in homicidio, ut fieret invito Domino vitæ, qui est Deus; nec in fornicatione, ut fieret per accessum ad non suam; sed dispensavit tollendo ab iis circumstantiam illam, per quam essent intrinsece, & essentialiter malæ: Et hoc pacto dispensavit etiam in polygamia, & dissolubilitate matrimonii. Non potest tamen hoc pacto dispensare in iis, quæ sunt contra jus naturæ primo modo, puta in odio Dei, in mendacio, in mollitie, in peccato contra naturam, &c. quia hæc sunt intrinsece mala, & essentialiter exigunt prohiberi simpliciter; eo quod in quacumque circumstantia sint contra jus naturæ, & illicita.

VII. Quæritur secundo; Quo jure per Professionem solemnem in Religione approbata solvatur matrimonium ratum fidelium, jure naturali, an divino positivo, an Ecclesiastico?

Respondeo, multos cum Sot., Cajet., Riccard., Palud., Durand. docere, solvi ex natura rei, seu jure naturali. Primo, quia qui defertur uxore Religionem ingreditur, transit ad statum perfectiorem, quod jure naturæ est licitum; Præsertim quia ex hoc non sequitur gravis injuria alteri parti. Secundo, jure naturæ licet mutare conjugium imperfectum in aliud perfectius, & spirituale; & consequenter matrimonium ratum mutare in professionem Religiosam. Tertio, quia professio sollemnis est mors civilis, & spiritualis: ergo potest solvere vinculum morale matrimonii rati ortum ex mutuo consensu; non secus ac mors naturalis solvit vinculum carnale matrimonii consummati ortum ex copula.

Alii

Alii tamen cum Sanch. lib. 2. disp. 19., Rebel., Pont. docent, dirimi matrimonium ratum per solemnem professionem jure divino positivo a Christo Domino specialiter lato in lege Evangelica. Primo, quia ex una parte hoc non est de jure naturæ, ut infra dicemus: Ex altera parte nullum extrat jus Ecclesiasticum, quod hoc statuerit. Nam Alex. III. *cap. 7. de Conversione Conjugatorum* dixit, dissolutionem matrimonii rati deduci ex Sacri Eloquii interpretatione; Et postea alii Pontifices hoc confirmarunt non ex Conciliorum decretis, sed ex exemplis Sanctorum anuptiis ad Religionem instinctu Spiritus Sancti transmigrantium; ut constar de S. Alexio, B. Thecla, S. Cæcilia, S. Macario; Quare cum initium hujus consuetudinis non inveniatur in jure Ecclesiastico, sequitur, privilegium hoc a Christo Domino per traditionem habitum, & per Apostolos derivatum; ex Regula illa D. August. lib. 4. de Bapt. cap. 14., quod scilicet, Quando nullum initium scriptum reperitur alicuius traditionis Ecclesiæ, signum est, illud a jure, seu institutione divina Christi Domini promanasse.

Secundo arguitur pro hac sententia, quia Pontifex non potest statuere legem ullam contra jus iustitiæ acquiritum a Tertio; ut patet in minoribus contractibus; unde Gelas. Papa epist. 9. decrevit, servum sine Domini consensu in Religionem admittendum non esse: ergo non Pontifex, sed Christus Dominus statuit, post matrimonium ratum posse conjugem ad Religionem admitti.

Tertia sententia, quam sequimur, docet, id fieri jure Ecclesiastico, jam inde ab Apostolorum tempore instituto. Ita Med. Suar., Con., Less., Hurt. apud Perez disp. 20. sect. 3. Ratio est, quia hoc non est institutum jure na-

turæ, neque jure divino Christi Domini, ergo statutum est jure Ecclesiastico.

Probatur prima pars antecedentis; quia si posset jure naturæ dissolvi matrimonium ratum per ingressum in Religionem, eo quod mutatur conjugium imperfectum, & carnale, in perfectius, & spirituale, sequeretur, quod etiam matrimonium consummatum posset sic dissolvi; Sequeretur etiam, quod dissolvi etiam posset matrimonium legitimum non baptizatorum nondum consummatum in lege Moysei, titulo amplectendi perfectiorem vitam; Quæ tamen sunt absurda, cum Deus non acceptet donum alteri debitum ex iustitia; Unde patet ad primam, & secundam rationem in contrarium adductas. Ad tertiam dico, quod quavis professio solennis dicatur mors civilis, quia professus non debet vivere mundo; at non est impossibilis cum vinculo matrimonii; si enim duo conjuges mutuo consensu post matrimonium consummatum ingrediantur Religionem, retinent vinculum matrimonii; ergo professio religiosa non solvit vinculum istud naturæ suæ.

Probatur nunc secunda pars antecedentis, quod scilicet neque id accidat jure divino Christi Domini. Primo, quia jus naturæ, & divinum a tempore Christi Domini remansit in Ecclesia immutatum; atque hoc jus, de quo loquimur, non mansit immutatum: ergo hoc jus non est divinum, sed Ecclesiasticum. Probatur minor; nam olim solvebatur matrimonium ratum per sola vota simplicia, ut mul-
ti colligunt ex factis S. Alexii, D. Theclæ, & aliorum, qui non fuerunt Religiosi; nunc tamen non solvitur matrimonium ratum per hujusmodi vota; immo nec per votum solenne castitatis, quod fit in susceptione Or-
di-

dinis Sacti, sed solum per professionem solemnem: ergo hoc non provenit ex jure divino, nec naturali, sed Ecclesiastico.

Secunda ratio est, quia videtur incredibile, quod Christus Dominus concesserit hanc vim solemnitati votorum Religionis, quæ tempore Christi Domini nondum erat inventa, & introducta in Ecclesia. Certum autem est, post Christi Domini Ascensionem nullum novum divinum jus latum esse; & tempore Ascensionis Religiones non erant introductæ, ut constat ex *cap. unico de Voto in 6.* Demum quia etiam per vota simplicia in Religione approbata, puta in Societate Jesu deberet matrimonium ratum solvi; etenim omnia vota jure divino sunt ejusdem rationis, & solemnitas votorum importans impedimentum dirimens novum matrimonium est de jure Ecclesiastico; ut patet ex Extrav. Gregor. IX. Vota tamen simplicia, quæ emittuntur in Societate Jesu post biennium novitatus, necnon vota simplicia, quæ emittuntur a Coadjutoribus, tam temporalibus, quam spiritualibus formati in eadem Societate, matrimonium ratum non dirimunt, ut communiter docent Doctores cum Suar., Sanch., Vasq. contra Pont. lib. 9. cap. 6., ut dicemus quæsito sequenti.

Ex dictis sequitur manifeste, quod jure tantum Ecclesiastico matrimonium ratum per professionem solemnem dirimatur; Quamvis autem non reperiatur tale jus scriptum, nec initium talis juris, ex hoc solum sequitur, quod in Ecclesia hoc introductum sit jure non scripto, sed tradito.

Ad primam rationem in contrarium supra adductam respondeo, falsum esse, quod Alex. III. dixerit, dissolutionem matrimonii rati deduci ex interpretatione Sacri Eloquenti, & ex reve-

latione divina. Solum enim dixit, dissolutionem matrimonii consummati deduci ex illo Math. 19. *Quod Deus conjunxit, homo non separet*; Et quosdam Sanctos ex revelatione divina deseruisse suas sponsas; ac demum addit, se decernere, matrimonium ratum solvi per professionem solemnem, inhærendo vestigiis suorum majorum, quasi ab iis sit statutum.

Ad auctoritatem D. Augusti. respondeo, illud signum haberi, quando nihil obstat in contrarium; In casu autem nostro ostenditur, quod talis institutio non fuerit a Christo Domino; ergo fuit ab Ecclesia per verbum traditum jam inde ab Apostolis.

Ad secundam rationem dico, quod sicut Princeps Reipublicæ potest dare facultatem ad rescindendum aliquem contractum in aliquo casu, etiam invito Tertio, & cum detrimento illius; quando scilicet expedit ad bonum commune; quia tunc non fit injuria Tertio, cum sit irrationabiliter invitatus; ita potest Pontifex per potestatem indirectam, quam habet in temporalia in ordine ad spiritualia, rescindere contractum matrimonii rati propter majus bonum spirituale ejus, qui vult Religionem ingredi: Sicut potest etiam relaxare jura menta cum damno tertii, quando ad talem relaxationem sufficiens ratio spiritualis intercedit: Et potest etiam in aliquo casu dare alicui licentiam ingrediendi Religionem, non obstante, quod sit servus, aut ære alieno gravatus; quando prudenter judicatur, id esse moraliter necessarium ad bonum spirituale illius, & nocumentum creditoris non esse niagni momenti; Quod tamen quia ut plurimum non accidit in mancipio, idcirco statuit Gelasius Papa, ut mancipium invito Domino in Religionem non admitatur.

VIII. Dubium non leve in hoc quæ-

K si-

Part VII.

sito confurgit; Quare scilicet votum castitatis, quod emittitur in susceptione Ordinis Sacri sit solemne, non vero votum castitatis, quod in Religione approbata, puta in Societate Jesu, emittunt ii, qui non sunt professi? Cum tamen certum sit, utrumque votum dirimere, non solum sponsalia antecedentia, & consequentia, sed etiam matrimonium subsequens, non secus ac dirimit Professio solemnis; Et præterea neutrum ex iis dirimere matrimonium ratum contractum ante illa vota.

Respondedo, disparitatem esse, quia votum castitatis annexum Ordini Sacro est simpliciter perpetuum, & cum sua solemnitate emittitur; ideoque dicitur solemne, & æquiparatur professioni solemnī; Contra vero votum Castitatis, quod emittitur a non professis in Religione approbata, est perpetuum duntaxat ex parte votantis, non tamen simpliciter perpetuum; cum accidere possit, quod tale votum amplius non obliget, si scilicet Religiosus a Religione dimittatur; & ideo non dicitur votum solemne, sed simplex; sicut etiam alia vota pauperatis, & obedientiæ ab iisdem emissa.

IX. Rogabis hic; Num dirimant matrimonium ratum, non solum Professio solemnis, sed etiam tria vota simplicia in Societate Jesu post Novitiatum emissa?

Respondedo, Basilium Pontium lib. 9. cap. 6. asserere: Primo, quia per illa constituitur status Religiosus ex Bulla Gregor. XIII., non secus ac per solemnem Professionem; statui autem Religioso tribuitur dissolutio matrimonii rati in cap. 7. & 14. de *Convers. Conjugat.* ergo. Secundo, quia ante introductionem Professionis solemnis dissolvebatur matrimonium ratum per votum castitatis, ut fertur de D. Alexio. Tercio, quia ex

Bulla ejusdem Gregor. XIII., ea vota dirimunt matrimonium subsequens, non secus ac Professio solemnis: ergo etiam matrimonium ratum antecedens. Quarto, quia ceteroqui post hæc vota remaneret in Religioso vinculum matrimonii invita conjugē; quod repugnat statui religioso.

Communiter tamen Doctores Societatis cum Suar., Vasq., Sanch. negant; siquidem votis simplicibus istis, neque competit jure naturali dissolvere matrimonium ratum (cum neque id competat voto solemnī Ordinis Sacri) Neque jure positivo; siquidem in Bulla Gregor. XIII. solum habetur, quod dirimant matrimonium subsequens.

Ad primam rationem in contrarium respondetur, falsum esse, quod status religiosus dissolvat matrimonium ratum; cum de sola Professione religiosa id statuerit Ecclesia. Verum quidem est, quod in laudatis capitibus id tribuatur statui religioso. At ibi nomine Status Religiosi venit professio solemnis; etenim ante Societatem Jesu universim status religiosus importabat solemnem Professionem. Ad secundam, falsum est, quod assumitur; In cap. enim 2. de *Conversione conjugatorum*, dicuntur quidam Sancti de nuptiis vocati fuisse ad monasteria, atque adeo ad Professionem. Quod attingit ad D. Alexium, verius est non fuisse professum in illa Religione, ut norat Perez, sed fuisse a Deo peculiariter vocatum ad continentiam, non dissolutio vinculo matrimoniali. Ad tertiam negatur consequentia; tum quia in lege positiva argumentum a pari non tener; tum etiam, quia disparitas est dilucida; per tria enim vota Societatis dirimuntur matrimonium subsequens, quia non est æquum, ut qui in perpetuum ex parte sua se consecravit Deo, possit se obligare conjugi: At æquum, & iustum est, ut uxor post matrimonium

nium ratum non spoliatur jure suo, per hoc, quod vitæ emitat tria vota in Societate, a qua ob varias causas expelli potest. Ad quartam; Sicut in aliis Religionibus tempore Novitatus remanet vinculum matrimonii rati antea contracti; ita in Societate remanet idem vinculum post tria vota simplicia, donec Professio saltem trium votorum emitatur; Hæc autem sollemnis Professio trium votorum fieri potest a quolibet post primum annum novitatus, & ideo ne uxor diu expectet, ad Generalem Societatis recurrendum est in casu occurrenti, ut decernat, num expediat, illum ad hanc Professionem admittere, an vero ad uxorem remittere, si non satisfaciat Religioni.

X. Quæritur ultimo; quantum temporis concedatur conjugibus ad ingrediendam Religionem ante consummationem matrimonii?

Respondео, communiter præscribi duos menses; quia sic videtur colligi ex cap. 7. *Ex publico*, *De Conversione Conjugatorum*. Verum quia id aperte non colligitur ex dicto cap., cum Alex. III. ibi dederit spatium duorum mensium ad matrimonium consummandum, non quidem post contractum matrimonium, sed post litem inchoatam; ideo ex consuetudine Ecclesiæ docent communiter Doctores, tale spatium concedi, ita ut aliquando arbitrio Judicis, causa cognita, possit augeri vel minui, ut notat Sanch. lib. 2. disp. 24. Semper tamen licitum est, Religionem ingredi ante consummationem matrimonii,

etiamsi per plures annos aliquis cum injuria alterius noluisse matrimonium consummare.

Dubium est primo; An licite possint conjuges negare debitum per primum bimestre, etiamsi non cogitent de Religionem; Affirmat Sanch. loc. citat., quia potest quilibet expectare saltem desiderium ingrediendi Religionem: Navar. tamen, & alii cum Con., & Perez negant; quia cessat in tali casu finis, per quem conceditur bimestre.

Dubium est secundo; per quam copulam consummetur matrimonium ratum?

Respondео, consummari per copulam post matrimonium habitam, ex qua sequi possit legitima generatio; siquidem per talem copulam conjuges fiunt una caro, & affinitatem contrahunt, ex cap. *Debitum de Bigamis*. Hinc fit primo, matrimonium ratum non dici consummatum per copulam habitam ante Sponsalia; Secundo, nec per copulam habitam post sponsalia, ubi Trident. viget; ubi enim non viget Trident., talis copula non censetur fornicaria, sed conjugalis; Tertio, nec per copulam, ex qua non potest sequi generatio. Si tamen alter copulam extorserit ab altero per vim intra bimestre, profecto vinculum matrimonii, utpote consummati, per professionem solemnem non dissolvitur; licitum tamen est illi, qui vim passus est Religionem ingredi, & profiteri, altero invito, ac ligato. Et ratio est, quia non debet hic privari jure suo ingrediendi Religionem intra bimestre.

Q U Æ S T I O I V .

De consensu, qui est causa efficiens vinculi matrimonialis.

Pura diximus art. 1. quæstionis primæ de interno consensu requisito ad validitatem matrimonii: Quæ vero spectant ad consensum internum factum, colligi plurimum possunt ex iis, quæ diximus ibidem art. 2. cum de promissione ficta matrimonii. Similiter quæ spectant ad consensum externum, scilicet ad signa externa, quibus exprimi debet internus consensus, qui est causa efficiens vinculi maritalis, colligi plurimum etiam possunt ex iis, quæ diximus art. 4. cum de signis, quibus contrahuntur Sponsalia: Pura etiam spectantia ad consensum coactum colligi possunt ex us, quæ diximus quæst. 2. art. 8. cum de metu dissolvente Sponsalia. Hic addenda, quæ ulterius inquiri debent. Et primo quidem de consensu Matrimoniali simulato. Secundo de externo. Tertio de coactio. Quarto de clandestino simpliciter, quod scilicet sit sine Parocho, & testibus. Quinto de clandestino secundum quid, videlicet quod sit sine præviis proclamationibus; ac demum de consensu conditionato.

ARTICULUS I.

De Consensu matrimoniali simulato.

- I. *Qui felle matrimonium contrahit, secundum se peccat, tum contra virtutem Religionis sacrilege, tum contra iustitiam: teneturque deposita simulatione contrahendum ratificare.*
- II. *Aliquando tamen potest alius viis damnum compensari.*
- III. *Si quis post fectum matrimonium cum Beria, vere cum alia contrahat, & censuris adigatur, ut Beria adhaereat, pati potius debet excommunicationem, quam ad illam accedere.*
- IV. *Urgente metu gravi potest quidem simulari contrahens matrimonialis, quis per hoc simulatur Sacramentum matrimonii.*
- V. *At simulari non potest, si deus impedimentum dirimens iure natura.*

I. **C**um requiratur consensus verus signo externo expressus, & liber a coactione, tam ad contractum matrimonii, quam ad contractum sponsalium, ideo omisiss iis, quæ ad huiusmodi consensum pertinent, & communia sunt utrique contractui (quæ abunde explicavimus in locis citatis agentes de sponsalibus) quærimus hic, quæ speciatim ad consensum matrimonialem spectant, agendo prius de consensu simulato.

Quæritur itaque primo; Ad quid teneatur, qui simulato animo, & non vero consensu contraxit matrimonium?

Re spondeo, certum esse, quod sine vero consensu contractus matrimonialis, atque adeo Sacramentum sit irritum; & consequenter qui simulato animo sine iusta causa contraxit, peccavit mortaliter, tum peccato sacrilegii contra reverentiam Sacramento debitam, tum etiam peccato iniustitiæ ob injuriam, quam alteri bona fide contrahenti intulit; Unde tenetur ad com-

compendandum damnum, quod alteri provenit. Hæc tamen compensatio plerumque alia via secundum æqualitatem fieri non potest, quam ut deposita simulatione, vero apud animum elicto consensu ratificet ille priorem contractum: Etenim quilibet contractus (sicut etiam professio religiosa) si sint irrita ob defectum interni consensus, ratificantur per hoc solum, quod ponatur internus consensus, dummodo alter contrahens actu, vel virtute consensum retineat, ut docet Sanch. lib. 2. disp. 32.

II. Aliquando tamen, ut notant Vasq., Henr., Silvest. apud Laym. cap. 6., deceptor non obligatur ad ratificandum priorem contractum, seu ad matrimonium revalidandum, sed alia via potest damnum refarcire, in his præsertim casibus; Primo, si decepta falso iactavit se esse virginem; tunc enim deceptio unius cum deceptione alterius compenstat; Secundo, si ex tali matrimonio graves rixæ, scandala, & infelices exitus timeantur; Tertio, si decepta, cognita deceptione, aliam damni compensationem sponte recipiat; Quarto, si deceptor aliud postea matrimonium cum altera vero consensu contraxit; Quinto, si deceptor sit longe superioris conditionis, quam decepta, etiam si spe matrimonii copulam extorserit, ut ostendimus quæst. 1. art. 1. cum Sanch. contra Laym.; quia iustitia obligat tantum ad ponendum æquale; in casu autem nostro copula prælitata sub spe matrimonii a femina longe inferioris conditionis non habet æqualitatem cum matrimonio; ergo deceptor non teneatur ad matrimonium, sed potest damnum alia via compensare.

III. Difficultas est; Quid facere debeat, qui simulato animo prius contraxit cum Berta, & deinde vero consensu contraxit secundum matrimonium cum Tereſia, si ab Ecclesia sub

cenſuris ad prius matrimonium compellatur? Etenim Ecclesia fictionem alleganti, etiam cum juramento, fidem facile præbere non debet, nisi deceptor det clarissima indicia deceptionis ex cap. *Per tuas de probationibus*; ubi dicitur: neque juranti credendum esse adversus ea, quæ ante asseveraverat.

Respondeo, quod si nulla ratione effugere potest, quominus relicta Tereſia vera uxore, ad Bertam uxorem putativam adhæreat, potest quidem cum hac aliquando cohabitare, ut Ecclesiæ præcepto satisfaciatur; at cum ea copulam habere nullatenus potest; committeret enim adulterium, ad quod procul dubio obligari non potest: Unde potius deberet humiliter sustinere excommunicationem secundum forum externum, quam in copulam consentire, aut exponere se periculo proximo labendi in illam.

IV. Quæritur secundo; An liceat iusta de causa, puta ex metu gravi, simulare consensum in contractu matrimoniali, postquam damnata est ab Innoc. XI. prop. 29. dicens. *Urgens metus gravis est causa iusta Sacramentorum administrationem simulandi.*

Respondeo, juxta doctrinam Pal., Con. disp. 28. dub. 3., Perez, Lumbier, & aliorum contra Joau. Sanc. in selectis quæst. disp. 35. (ut fuit in expositione dictæ theſis explicavimus) id licere. Ratio est, quia cum Christus Dominus elevaverit ad rationem Sacramenti contractum matrimoniale non immutando leges contractus, sequitur, quod sicuti juxta leges contractuum possit in aliis contractibus simulari consensus, urgente metu gravi, possit pariter, urgente metu gravi simulari consensus in contractu matrimoniali. Neque enim hoc esset simulare administrationem Sacramenti; Quod damnatur ab Innoc. XI. Nam simulare administrationem Sacramen-

tu,

ti, est ponere materiam, & formam Sacramenti sine intentione administrandi illud; ut si serio ponatur ablutio, & proferatur forma baptismi sine intentione baptizandi; At in casu nostro si ponitur consensus fictus, eo ipso non ponitur materia, & forma Sacramenti matrimonii; & consequenter non simulatur administratio Sacramenti, sed solum materia, & forma, nempe verus contractus simulatur. Præterea qui administrat, verbi gratia, baptismum, certe in persona Dei baptizat; unde si fingat, sacrilegium committit contra reverentiam Deo, & Sacramenti debitam: Contra vero; Minister matrimonii non sustinet immediate personam Christi dispensantis sua merita, sed sustinet personam privatam celebrantem contractum, cui per accidens conjuncta est a Christo participatio Sacramenti; unde si metu urgente simulat contractum, non fingit, se sacrilege dispensare merita Christi, sed solum simulat verum contractum, quo non posito, materia, & forma Sacramenti non ponitur.

V. Addo tamen cum Perez, & Hurt. disp. 12. distic. 4., quod ratione metus gravis non liceat simulare contractum matrimonialem, quando inter contrahentes intercedit impedimentum jure naturæ dirimens, ut est impotentia perpetua, consanguinitas in primo gradu, &c. Ratio est, quia non licet simulare, quod est intrinsece malum; Exempli gratia, non licet ratione metus simulare adorationem idoli, aut juramentum de malo patrandi: Quod si impedimentum inter contrahentes sit solum impediens, ut est votum simplex castitatis, sponsalia præcedentia, &c. licitum est per metum gravem simulare contractum matrimonialem; nam non est intrinsece malum in tali casu id, quod simulatur; cum nec sponsalia obligent ad

non contrahendum cum alia, metu gravi interveniente; nec votum illud obliget ad castitatem, interveniente eodem metu; quia nemo intentionem habet obligandi se ad voti observationem cum periculo mortis, aut gravis damni. Denique si impedimentum sit dirimens jure Ecclesiastico, adhuc poterit ex gravi causa simulari contractus, ut docent Pal, & Sanch., quia Ecclesia non obligat ad non contrahendum cum tanto incommodo. Hæc autem satis superque sint dicta de consensu simulato.

ARTICULUS II.

De Signis externis expressivis consensuum matrimonialis.

- I. *Quamvis Matrimonium sit Sacramentum, adhuc sine verbis celebrari potest, ut quilibet alius contrahens.*
- II. *Quanam soleant esse signa externa certa experimentis consensum internum?*
- III. *Etiamsi sacramentum potest aliquando esse certum signum interni consensu.*
- IV. *Parentes neque possunt cogere filios ad matrimonium, neque illud sine justa causa impedire.*
- V. *Fili quamvis non teneantur hac in re sequi consilium Parentum, teneantur tamen ob reverentiam debitam illud petere.*
- VI. *Ut Procurator valide matrimonium contrahat pro Principali, quatuor requiruntur.*
- VII. *Si Principalis tempore contractus dormiat, adhuc fructuosè Sacramentum recipit, si sit in gratia.*
- VIII. *Si Principalis tempore contractus per Procuratorem sit ebrius, adhuc valide contrahit. Imo juxta communioem, etiam si tunc sit amens.*
- IX. *Quid si Principalis det solum man-*

datum, & tempore contractus habeat verum consensum?

X. Si deus mandatum, ut promissis proclamationibus Procurator contrahat, adhuc universim valide contrahitur is non promissis. Sicut valide conferuntur absolutio a censuris, parie non satisfacta; quamvis facultas absolvendi deus sub ea conditione.

I. Quæritur primo; An ad valorem matrimonii necessaria sint verba expressiva interni consensus, saltem inter baptizatos, inter quos contractus matrimonialis est Sacramentum, quod constet rebus, & verbis?

Respondeo negative cum communi contra quosdam Jurisperitos apud Perez. Ratio est, quia etiam muti, & surdi possunt valide contrahere matrimonium, ex cap. cum apud 23. De Sponsalibus, & Matrimonii: Ergo universim non sunt necessaria verba, sed satis sunt omnia alia signa exteriora expressiva interni consensus; non secus ac in reliquis contractibus: Et ideo Engenius IV. in Florentino expresse dixit, quod consensus per verba regulariter expressus faciat matrimonium: ergo verba non requiruntur necessario; aliter non dixisset, consensum, Regulariter, exprimi per verba. Quinimmo neque verba necessario requiruntur in valentibus loqui. Nam neque id statuit Christus Dominus, quippe qui ad rationem Sacramenti elevavit contractum legitimum; Contractus autem legitimus non requirit necessario verba: Neque id statuit Ecclesia, quamvis statuere potuisset, sicut de facto statuit matrimonium clandestinum esse irritum: Consent tamen Sanch. disp. 31., Marat., Con., Filliuc., quod sit veniale non exprimere verbis consensum internum sine iusta causa: Et Ledesin. cum Rodri-

quez apud Dian. part. 3. tract. 4. res. sol. 248. putant esse mortale. Equidem vero cenfeo cum Hurt., Pont., Perez disp. 15. sect. 1., nullum esse peccatum, si sufficienter aliis signis consensus internus exprimat; cum nullum extet præceptum de verbis preferendis.

Neque dicas cum Marat., non licere in administratione Sacramentorum recedere ab usu communi, etiam in iis, de quibus non adest speciale præceptum. Nam Sacramentum Matrimonii sequitur leges contractus: ergo cum contractus licite fiat sine verbis, etiamsi juxta communem usum verbis celebretur; ita Sacramentum matrimonii licite administratur sine verbis, quamvis juxta communem usum soleat verbis administrari.

II. Quæritur secundo; An subarratio, & traductio Sponsæ, vel porrectio manuum sint signa certa exprimentia consensum internum matrimonialem?

Respondeo cum Sanch. lib. 1. disp. 22., Rebel., Pont., & aliis, quodlibet ex iis signis, & quodcumque aliud posse esse certum signum consensus matrimonialis (non secus ac verba) si ex Regionis consuetudine introductum sit ad talem consensum significandum. Cæterum secundum se subarratio, seu annuli donatio, vel receptio non est signum sufficiens; quia potest fieri propter alias causas, puta inter concubinarios ob turpem amorem. Neque est signum sufficiens traductio etiam solemnium Sponsæ in donum Sponsi, quia nullo jure cautum est, ut Sponsalia transeant in matrimonium per traductionem, vel aliter, quam per copulam; idque ante Trident.: ergo nisi ex loci consuetudine traductio Sponsæ sit signum nuptiarum, non est satis ad matrimonium, etiamsi coram Parocho, & testibus fiat: Contra vero porrectio manuum; Si enim vi-

viro exprimentem consensum matrimonii, femina manum porrigat, signum est matrimonii certum; quia qui tacet, consentire videtur, cum agitur de obligatione contrahendi, & concurrit actus publicus; præsertim in feminis, quæ præ verecundia aliquando non loquuntur. Quare idem dicas cum Pontio, si vir feminae manum apprehendens dicat: Tecum contraho matrimonium, & femina manum non retrahat.

III. Quæritur tertio; An taciturnitas sit sufficiens signum consensus matrimonialis in iis casibus, in quibus est sufficiens signum consensus interni constituentis Sponsalia, videlicet quando parentes contrahunt pro filiis præsentibus, & tacentibus, vel quando Tutores pro pupillis, & in aliis casibus, quos retulimus cum de Sponsal. quæst. 1. art. 4.?

Respondeo affirmative cum communi apud Sanch. lib. 1. disp. 23. Ratio tamen non est, quia quæ de Sponsalibus dicuntur, extendi debent ad matrimonium; Nam cum strictior sit obligatio matrimonii, quam Sponsalium; multo plura requiruntur ad illud constituendum, quam ista; hæc enim multis de causis possunt dissolvi, ubi matrimonium est indissolubile. Ratio itaque conclusionis est, quia talis taciturnitas fundatur in quadam rationabili præsumptione consensus tacentis: Præsumitur enim, quod filius consentiat in id, quod a Parentibus, a quibus maxime diligitur, ejus gratia fit, atque adeo tam in contractu Sponsalium, quam in matrimoniali sufficiens signum consensus est taciturnitas.

Adde, quod ex regula juris in 6. *Qui tacet, consentire videtur*; quæ vera est, quando, qui tacet, tenetur non tacere, si non consentiat; filii autem si nolint consentire in matrimonium, quod pro iis præsentibus contrahunt

Parentes, tenentur reclamare, cum facile possunt; aliter præsumitur, quod consentiant, ut loc. cit. de Sponsal. ostendimus.

Notandum tamen hic primo, ad valorem matrimonii filiorum nullo pacto requiri consensum Parentum, sed sufficere proprium. Ita Trident. sess. 24.

IV. Notandum secundo cum communi apud Perez disp. 17. sect. 17., non posse parentes cogere filios ad matrimonium; libere enim debent filii eligere statum vitæ; Unde etiam sit, quod peccent Parentes, si impediant matrimonium filiorum, cum sui juris sint circa status electionem. Nec Pater potest absque iusta causa exheredare filiam, si contra ejus voluntatem nupsit; Nec potest Confessarius absolvere Patrem in articulo mortis, nisi revocet testamentum, ubi filiam injuste exheredavit, ut notat Dian. de immunitate Ecclesiæ tract. 2. resol. 74. In Trident. autem sess. 24. cap. 9. excommunicantur ipso facto omnes Domini temporales, & magistratus, qui quovis modo directe, vel indirecte subditos suos, vel quoscumque alios, cogunt, quominus libere matrimonium contrahant.

Notandum tertio ex Sanch. lib. 4. disp. 23., Vasq., Con., Hurt. disp. 7. difficult. 10., filios non teneri contrahere matrimonium, quod Parentes promiserunt, vel iis præcipiunt; dummodo Parentibus grave aliquod incommodum non sequatur, & filius æque bene nubar, ac si nuberet cum ea, quam Parentes offerunt. Ratio est, quia filii non solum debent esse liberi circa status electionem secundum substantiam; sed etiam secundum circumstantias quodammodo ad substantiam pertinentes; ut est circumstantia Personæ, cui nubar: durissimum enim est nubere cum ea, quæ non amatur, adeo ut aliquando præligatur non

non nubere, quam nubere cum illa.

V. Notandum ultimo, filios non solum valide, sed etiam licite posse inire matrimonium, invitis parentibus, quando ex matrimonio non sequitur illis grave incommodum. Ita Sanch. loc. cit., Con., Hurt., contra Rebel, Sot., Navar. apud Perez disp. 17. sect. 18. Hoc evincitur, tum ex libertate requisita ad matrimonium; unde nemo in hoc ab alio dependere debet; tum etiam quia cum possit Prælatus per censuras coercere Patrem, qui impedit matrimonium filiorum, signum est, quod filius non peccet nubendo, invitis parentibus; Aliter Prælatus patrocineretur malitiæ filiorum. Peccant tamen filii, si matrimonium incant, parentibus inconsultis; cum hoc importet gravem defectum reverentiæ, necnon contemptum, & dissidentiam ipsorum; quod valde ægre ferunt Parentes: Quare licet non teneantur sequi consilium Parentum, tenentur tamen ob reverentiam debitam illos consulere, per se loquendo, nisi timeant matrimonium injulte ab iis impediendum, aut alia adsit rationabilis causa illud occultandi.

VI. Queritur quarto; Quomodo consensus internus per Procuratorem, aut per literas, vel internuncium exprimi possit?

Respondeo cum communi, eodem modo in contractu matrimoniali, ac in aliis contractibus consensum internum exprimi posse; ita scilicet, ut Procurator exprimat nomine Principalis se contrahere.

Notandum tamen primo ex *Cap. fin. de Procurat. in 6.*, ut valide per Procuratorem matrimonium contrahatur, quatuor requiri, Primo, ut habeat ad id speciale mandatum, nam res tam gravis, a qua totius vite status pendet, exigit, ut specialiter exprimatur; Secundo, ut non excedat fines mandati ex leg. *Diligenter ff.*

Par. VII.

Mandati: Verbi gratia, si mandatum sit Procuratori, ut contrahat cum tanta dote, invalide contrahit cum dote minori; Tertio, ut ipse Procurator contrahat nomine Principalis, nec alium substituat sine speciali facultate; quia censetur communiter eligi industria personæ; Quarto, ut non sit revocatum mandatum tempore contractus: Hinc si revocetur mandatum ante contractum, quamvis revocatio non pervenerit ad notitiam Procuratoris, matrimonium est nullum. Et ratio est, quia Respublica non potest supplere defectum consensus essentialiter requisiti ad valorem matrimonii; Et consequenter idem dicendum in omnibus aliis similibus contractibus, in quibus Respublica non potest defectum hujusmodi consensus supplere; ut in contractu Sponsalium, in voto per Procuratorem emissio, in excommunicatione per alium lata, & in aliis casibus adductis a Pontio cap. 15.

Notandum secundo; post Tridentinum ad valorem matrimonii requiri, ut contractus, qui per Procuratorem celebratur, fiat coram Patocho, & testibus, quibus constare debet de mandato, vel per inspectionem instrumenti, vel aliter; non tamen requiritur, ut coram Parocho, & testibus Principalis dederit mandatum Procuratori.

Notandum tertio, quod diversitas sexuum in Procuratoribus ad matrimonium contrahendum sit omnino impertinens; ut constat ex usu Ecclesiæ; unde possunt, aut duæ scemina, aut duo viri esse Procuratores ad matrimonium celebrandum.

VII. Notandum ultimo, quod sive Principalis domiat, sive sit ebruius tempore, quo Procurator ejus nomine contrahit, validus sit contractus; quia ad valorem contractus satis est, ut Principalis exerceat actum liberum tempore, quo dedit mandatum; & quod Procurator vi illius mandati li-

L

bere

bere operetur; Cum Procurator sit veluti instrumentum naturale, ac liberum, quod vi mandari operatur. Immo si sit in gratia, fructuose Sacramentum matrimonii recipit; non solum ac fructuose recipitur Sacramentum Extremæ Unctionis a dormiente sensibus destituto.

Neque dicas; Ebrius non potest tempore ebrietatis per se ipsum valide contrahere matrimonium, etiamsi ante voluerit contrahere; ergo neque valide contrahit per Procuratorem.

Negatur enim consequentia; Et disparitas est, quia si contrahat tempore ebrietatis per se ipsum, externus contractus non est liber, ut requiritur; at si contrahat per Procuratorem, contractus externus Procuratoris est liber, & talis contractus externus facit unum moraliter cum consensu libero præstito a Principali, quando dedit mandatum: Sicut elemosyna data per famulum jussu Domini facit unum moraliter cum actu libero Domini mandantis dari elemosynam.

VIII. Dubium tamen est primo; an validum sit matrimonium contractum per Procuratorem, si tempore contractus Principalis incidat in amentiam; sicut diximus esse validum, si eo tempore dormiat, aut sit ebrius.

Affirmant communiter cum Sanch. Bonac., Henr. contra Pont. lib. 2. cap. 15. & Lug. de Sacram. disp. 8. sect. 6. Ratio est, quia satis est, ut libere mandatum dederit, & illud non revocaverit; aliter neque si dormiret, aut esset ebrius, valide contraheret.

Neque dicas cum Pontio; qui dormit, aut est ebrius, potest habere consensum liberum, non tamen qui est amens; hic enim est moraliter mortuus; unde sicut mandatum expirat morte mandantis, ita etiam expirat per amentiam mandantis, ut habetur in leg. *Si quis 48. ff. de acquirenda hereditate*.

Nam contra est, quia sicut ebrius, & dormiens possunt habere consensum liberum in sensu diviso ab ebrietate, & somno; ita etiam amens in sensu diviso ab amentia: Falsum tamen est, quod amentia æquiparetur morti; tum quia amentia non semper est perpetua, sed aliquando est ad tempus, ut ebrietas; tum etiam, quia qui est amens, est capax vinculi matrimonialis, non vero mortuus. Demum, quod mandatum expiret morte mandantis, est indubitatum; quod vero expiret per amentiam mandantis, non est universaliter verum; quamvis in speciali aliquo contractu id verum sit, ut in lege citata.

IX. Dubium est secundo; An valeat matrimonium contractum per Procuratorem, quando Principalis dat illi mandatum fictum, & deinde antequam ineatur contractus, habet verum consensum internum, seu animum contrahendi?

Affirmat Sanch. lib. 2. disp. 11. Negat tamen Con. disp. 24. dub. 9, quia contractus Procuratoris non esset effectus, nec signum consensus veri posterioris, sed esset effectus consensus ficti prioris.

X. Dubium est tertio; An valeat matrimonium contractum per Procuratorem, omisso denunciationibus, quando illi datur facultas contrahendi, servata forma Tridentini, ut semper diei solet, atque adeo præmissis denunciationibus?

Respondeo cum Sanch. loc. cit., & Perez affirmative, quia illa non est eonditio, & restrictio facultatis (sicut esset restrictio facultatis, si mandasset, ne cum minori dote contraheret) sed solum est admonitio, ut servetur jus commune; Etenim nemo censetur in contractibus velle novum jus inducere: Quare cum neque jure antiquo, neque jure novo requirantur essentialiter denuntiationes ad valorem

rem

rem Sacramenti Matrimonii, sequitur, quod qui dat facultatem, ut contrahatur matrimonium præmissis denuntiationibus, tantum velit admonere Procuratorem de suo debito, non tamen velit, matrimonium esse invalidum, si denuntiationes omittantur; Sicuti, ut dicimus loco suo, propter eandem rationem est valida, quamvis illicita, absolutio a Censuris, quæ confertur, parte nondum satisfacta, etiamsi detur facultas absolvendi, satisfacta parte.

ARTICULUS III.

De Consensu coacto.

- I. Num sit irritum matrimonium contractum metu levi injuste incusso?
- II. In quoniam sensu voluntas dicatur cogi a metu?
- III. In utroque foro est irritum matrimonium contractum metu gravi injuste incusso ad illud extorquendum.
- IV. Probabiliter jure tantum Ecclesiastico, non jure natura, illud irritatur. Voluit autem universim simili metu nuncupatum, ne jure quidem Ecclesiastico est irritum.
- V. Etiam contractus lucrativus gravi metu injuste extoritur probabiliter est validus jure natura, quamvis damnum resciri debeat. Idemque dicas de contractu oneroso; & uterque contractus ad arbitrium metum passi rescindi potest.
- VI. Probabiliter videtur, quod sit validum jure natura matrimonium celebratum per metum levem injuste incussum ad illud extorquendum. Idemque dicas de Foro.
- VII. Metus reverentialis secundum se est levis; (nisi minas, aut aliud simile secum ferat) esto nonnulli putens, matrimonium sic contractum esse irritum.

VIII. Quando matrimonium est invalidum ratione metus, an alterius impedimenti occultis, non debet revalidari coram Parocho, & testibus: secus vero si impedimentum probari potest.

I. R Ecolenda prius sunt, quæ de metu diximus quæst. 2. de Sponsal. art. 8. quæst. 4. Primo, de metu gravi, & levi; Secundo, de iuste, & injuste incusso; Tertio, de incusso ad extorquendum ipsum contractum, & de incusso ob alium finem; qui etiam potest, & iuste, & injuste incuti tam ab eo, cum quo est contrahendum, quam ab alio. Diximus ulterius, nullum contractum irritari a metu levi qualitercumque incusso; Nec a metu gravi incusso a causa extrinseca, non libera, puta, a metu naufragii; Nec a metu gravi iuste incusso, etiamsi ad extorquendum contractum, (ut communiter Doctores docent apud Dian. part. 3. tract. 4. resol. 228. quamvis Bonacvelit, solum contractum matrimonii irritari a metu gravi iuste incusso ad ipsum extorquendum.) Præterea nec irritari a metu gravi injuste incusso, sed non ad extorquendum ipsum contractum. Irritari tamen contractum matrimoniale in utroque foro, dumtaxat a metu gravi injuste incusso ad ipsum extorquendum, sive ab altero contrahentium, sive a tertio incutitur; ut omnes docent contra Cardinalem; cum debeant matrimonia esse plene libera, nec contrahi cum injuria alterius; eo quod sint insolubilia. A simili tamen metu levi injuste incusso matrimonia probabiliter non irritantur; ut communius docent Doctores apud Dian. part. 3. tract. 4. resol. 230. Et constat, tum ex usu Ecclesiæ non irritantis matrimonia ex metu levi contracta; tum quia metum levem jura non considerant ex leg.

L 2 Nec

Nec timorem ff. De eo, quod metus causa, quia metus levis non multum detrahit libertatis. Sed oppositam sententiam esse pariter probabilem dicemus inferius.

II. Notandum præterea; Metum non posse proprie cogere voluntatem; tum quia quilibet actus voluntatis est voluntarius, cum sit ipsum velle voluntatis; tum etiam quia voluntas non potest pati violentiam; Nam cum ex Philosopho, Violentia sit ab extrinseco nullam vim conferente passo, seu resistente passo; voluntas autem eo ipso, quod consentit, jam confert vim, & consequenter non resistit; idcirco non patitur violentiam, nec proprie cogi potest. Quare metus in hoc tantum sensu dicitur cogere voluntatem, quatenus quæ metu compulsi volumus, ea metu sublato nollemus; & in tantum volumus, inquantum metus urget; Unde fit, quod ea, quæ per metum fiunt, dicantur voluntaria simpliciter, & libera; & idcirco peccat, qui metu mortis, verbi gratia, fidem negat: Contra vero, quæ per metum fiunt, dicuntur, juxta doctrinam Philosophi, & D. Th., involuntaria secundum quid, quatenus ea nollemus, si metus abesset.

III. Quæritur nunc primo; Siue irritum, an irritandum matrimonium contractum metu gravi injuste incusso ad ipsum extorquendum?

Respondeo, esse ipso jure irritum in utroque foro. Ita communiter contra Cardinal. apud Perez sect. 1. Et constat ex cap. *Significavit*, *De eo, qui duxit in matrimonium*.

Neque dicas; Metus non tollit consensum simpliciter liberum, ut ostensum est: ergo non tollit constitutiva Matrimonii; ergo Matrimonium non est irritum, & nullum.

Confirmatur; quia baptismus metu susceptus non est irritus: ergo

neque Matrimonium.

Respondeo enim, metum non tollere consensum simpliciter liberum, sed tollere consensum plene liberum, prout requiritur ad constituendum contractum, & Sacramentum matrimonii: Sicut enim est invalidum matrimonium clandestinum, quamvis non careat consensu libero, sed quia caret consensu libero requisito (videlicet qui fiat coram Parocho, & testibus) ita matrimonium metu contractum est irritum, non quia caret consensu libero, sed quia caret consensu plene libero requisito ad talem contractum.

Ad confirmationem patet disparitas: Matrimonium enim constituitur per contractum, qui fiat per consensum plene liberum, & quia talis consensus deest, posito metu, ideo desunt constitutiva Sacramenti Matrimonii, posito metu: Contra tamen; Sacramentum Baptismi habet pro constitutivis materiam, & formam distinctam ab ipso actu voluntatis, & ex nullo capite ostenditur, quod requiratur intentio suscipiendi baptismum plene libera: ergo Sacramentum baptismi validum est, etiamsi metu suscipiatur, dummodo habeatur intentio illud suscipiendi.

IV. Quæritur secundo; Utrum jure naturæ, an Ecclesiastico sit irritum Matrimonium tali metu contractum?

Respondeo cum Con., Sanch., Hurt., Perez sect. 11. contra Rebell., Mxrat., Pont., Mol., quod solo jure Ecclesiastico; Nam jure naturæ non sunt irriti alii contractus metu iniiti; ergo nec contractus matrimonialis.

Confirmatur; quia non minor libertas jure naturæ requiritur ad suscipiendum baptismum, quam matrimonium, sed metus gravis non irritat baptismum jure naturæ; ergo neque matrimonium. Confirmatur secundo;

quia

quia non minus dolus reddit contractum secundum quid involuntarium, quam metus (puta, si quis per dolum fingat, se esse ditissimum, nobilissimum, sanum, &c. ad obtinendum matrimonium, cum tamen sit pauper, ignobilis, & morbo contagioso laborans) atqui jure naturæ matrimonium dolo contractum non est irritum, nisi error, & dolus sit circa personam, & circa substantiam contractus; ergo nec metus irritat matrimonium jure naturæ. Quare sicut jure Ecclesiastico est irritum matrimonium clandestinum, per hoc, quod Ecclesia statuerit, ad valorem contractus requiri consensum præstitum coram Parrocho, & testibus, ita est irritum matrimonium metu contractum, per hoc, quod Ecclesia statuerit, ad valorem matrimonii requiri consensum plene liberum.

Sequitur hinc primo, matrimonium metu contractum inter Infideles non esse irritum, sed solum irritandum, ut reliqui contractus; quia Infideles non subsunt legibus Ecclesiasticis.

Sequitur secundo, matrimonium metu contractum inter baptizatos non confirmari juramento; sicut nec matrimonium clandestinum: Si quis tamen metu gravi compulsus juraret, se positurum consensum plene liberum, hic tantum promitteret matrimonium cum juramento adimplendi talem promissionem; vi cujus juramenti obligaretur ad ponendum consensum plene liberum, si id poterit, & sic ad ineundum matrimonium; Sicuti juramentum de solvenda pecunia latroni obligat ad illam solvendam, ut diximus quæst. 2. art. 8.

Dices primo; non reperitur jus ullum canonicum irritans hujusmodi matrimonium; ergo non est irritum jure Ecclesiastico, sed jure naturæ.

Respondet cum Con., & Perez, quod quamvis non reperitur jus scri-

ptum aperte irritans tale matrimonium, tamen cum ostendimus ex una parte non posse esse irritum jure naturæ, & ex alia parte jus canonicum in laud. cap. *Significavit*, supponat, tale matrimonium esse irritum; sequitur, quod jus Ecclesiasticum illud irritans, vel fuerit antiquius, & perditum; vel sit traditione acceptum; vel ulu, & consuetudine introductum; vel vivæ vocis oraculo traditum.

Dices secundo; contra jus naturæ est, ut aliquis per injuriam acquirat jus in alterum: ergo matrimonium metu injusto contractum jure naturæ est irritum; siquidem ratione talis metus per injuriam acquireretur jus in alterum.

Respondet, argumentum nimis probare, atque adeo nihil; Probar enim, quod etiam matrimonium dolo contractum sit irritum jure naturæ, etiam si dolus, & error non cadant circa substantiam contractus; nam quando quis hujusmodi dolo inducit alterum ad matrimonium, etiam per injuriam acquirit jus; Quare distinctio antecedens; Est contra jus naturæ, ut valide aliquis acquirat jus in alterum per injuriam, nego; ut licite, concedo antecedens, & nego consequentiam.

Dices tertio; Votum metu injuste incusso nuncupatum est nullum jure naturæ: ergo etiam matrimonium: Antecedens probatur, quia nemo debet obligari ex injuria, quam passus est; Et Deus respuit promissionem extortam per injuriam, nec illam approbare videtur, aut acceptare; cum nec inter homines talis promissio possit rationabiliter acceptari.

Respondet, nego antecedens: Votum enim tali metu emissum, nec jure naturali, nec universim jure Ecclesiastico est irritum; unde indiget dispensatione; ut contra nonnullos docet Suar. tom. 2. de Relig. tract. 7. lib.

lib. 1. cap. 8. Ad probationem dico, posse optime obligari apud Deum ex voto, qui injuriam passus est ab homine; sicut potest graviter offendere Deum, qui committit peccatum ex metu mortis; Potuit quidem Ecclesia tale votum irritare; Sicut potest irritare vota simplicia ante certam ætatem commissa; & de facto irritat vota solemnia religiosa ante decimum sextum annum nuncupata; aut metu injusto extorta; at de facto votum illud non irritavit.

V. Infero ex dictis primo cum Sanch., Lefs., Perez disp. 17 sect. 7. contra Rebel., Medin., Azor., & alios apud Dian. part. 3. tract. 5. resol. 118., Contractum lucrativum (videlicet liberalis donationis, & promissionis) gravi metu extortum jure naturæ esse validum, & solum esse irritandum. Ratio est, quia ad valorem donationis, promissionis, & voti sufficit voluntarium simpliciter, etiam si misceatur involuntarium secundum quid.

Neque dicas primo; qui per vim, & metum injustum extorquet donationem, tenetur ad restitutionem, ut omnes concedunt; ergo jure naturali talis donatio est irrita.

Respondeo enim teneri ad restitutionem, non quia contractus non fuit validus, aut quia non fuit translatus dominium; sed quia qui injuste metum intulit, tenetur rescire damnum, quod per injuriam alter passus est; & idcirco potest alter ex natura rei beneficio juris repetere, quod donavit donatione metu extorta; & consequenter si non tradidit rem donatam, potest vi compensationis illam sibi retinere.

Neque dicas secundo; Usurarius tenetur jure naturæ restituere usuras acceptas, non ratione injuriæ, quam intulit danti usuras, sed quia donatio usurarum, utpote non simpliciter voluntaria, est irrita; ergo cum dona-

tio metu extorta, neque sit simpliciter voluntaria, est pariter jure naturæ irrita.

Nam respondeo, Usurarium teneri ad restitutionem, non quia donatio usurarum non fuit simpliciter voluntaria, sed quia nullus interfuit titulus validus, unde potuerit acquirere dominium usurarum; ad quemlibet enim contractum requiritur, præter consensum, etiam iustus titulus, ut possit transferri dominium; Verbi gratia, ad contractum onerosum venditionis, præter consensum, requiritur titulus legitimus, videlicet, quod detur res pro pretio, Ad contractum permutationis requiritur titulus, quod detur res pro re; Eodem modo ad contractum lucrativum donationis, præter consensum, requiritur etiam titulus legitimus, videlicet, quod detur res liberaliter, & ob nullam causam, seu nullo pretio accepto, & consequenter, quod detur res non debita ex iustitia: At quando solvuntur usuræ, non habetur hic titulus legitimus donationis; non enim donantur liberaliter, sed dantur tanquam debite pro mutuo (qui titulus est illegitimus) & ideo Usurarius non acquirit illarum dominium, sed tenetur ad restitutionem.

Infero secundo, cum Sot., Navar., Henr., Perez disp. 17. sect. 4. contra eundem Rebel., etiam contractus onerosos (in quibus datur res pro re, aut pro pretio) gravi metu extortos esse validos jure naturæ, & solum rescindendos.

Probat, quia in iis & datur titulus legitimus, & datur simpliciter voluntarium; ergo habentur ea omnia, quæ requiruntur ad valorem contractus, atque adeo sunt validi: Quod detur titulus legitimus, nempe datio rei pro re, nemo dubitat; Quod vero sufficiat voluntarium simpliciter, quamvis ratione metus sit involunta-

riuma

rium secundum quid, constat ex dictis; unde sequitur, quod per traditionem rei post huiusmodi contractum transferatur dominium; Nam ex leg. *Traditionibus Cod. de pactis*, traditione transfertur dominium, quando concurret titulus legitimus; in casu autem nostro datur titulus legitimus: ergo per traditionem transfertur dominium.

Notandum tamen, quod qui per injuriam metum incutit, teneatur, etiam jure naturæ compensare damnum injuste illatum; atque adeo restituere rem cum fructibus, si id velit is, qui coactus contraxit; Unde etiam potest hic occulte sibi damnum compensare, & rem suam sibi recuperare; Sicut etiam dum res aliqua mihi promissa est, si illam alter consequi nequeo, & damnum aliquod ex illa promissione non adimpleta sim passus, possum mihi occulte consulere, ut notat Perez loc. cit. sect. 3.

Addo cum Sanch. lib. 4. disp. 8., non solum jure naturali, sed nec jure positivo esse irritos contractus, sive lucraivos, sive onerosos metu injusto extortos, sed solum esse rescindendos pro arbitrio ejus, qui coactus contraxit; non tamen pro arbitrio ejus, qui metum incussit; Unde hic tenetur stare contractui, si alter velit.

VI. Queritur tertio; An sicut est irritum ex lege Ecclesiastica matrimonium contractum ex gravi metu injuste incusso ad ipsum extorquendum, ita pariter sit irritum matrimonium ex levi metu injusto contractum? Qua occasione pariter queritur; An jure naturali, & in foro conscientie rescindi etiam sint contractus per metum levem injustum initi, ad arbitrium ejus, qui metum levem passus est? Et an ad ullam restitutionem teneatur, qui injuste per metum levem extorsit contractum, sive onerosum, sive lucrativum?

Respondeo, Lessl. lib. 2. cap. 17. dub. 6., Navar., Sylvestrum, Sanch. lib. 4. disp. 9. apud Perez disp. 17. sect. 6., & Pal. apud Tamb. lib. 1. cap. 2. §. 6. docere, Contractus initos per metum levem injuste incussum ad illos extorquendos, etsi validos, posse in foro conscientie rescindi auctoritate propria; Cum enim compar teneatur relaxare fidem metu levi injusto extortam, & refarcire damnum injuste causatum, poterit ipsemet vim patiens pari modo in conscientia restituere fidem a se datam: Idque etiam si contractus juramento firmatus sit, dummodo absolutio a juramento petatur. Addique Sanch., posse in foro externo metum levem passus succurri officio Judicis, ut rescindatur contractus.

Hæc tamen omnia negant probabilius Perez, Medin., & alii apud eundem Tambur.; docent enim, Neque in foro conscientie huiusmodi contractus rescindi posse; Neque extorta tali metu restituenda esse; Neque in foro externo posse per Judicem tales contractus rescindi. Ratio est, quia metus levis facile repellit potest, atque adeo, qui illum non repellit, præsumitur in foro conscientie libere velle contrahere, nec ipsi factam esse injuriam. Et ratio a priori est, quia parum pro nihilo reputatur; ergo si metus levis injustus parum lædit libertatem, & parum minuit de voluntario, non tollitur, quominus consensus dicatur plene liber, & sine injuria positus.

Utraque hæc sententia est probabilis; & ideo cum eodem Tamb. cenfeo, probabile esse, quod docet aperte Lug., Matrimonium contractum ex metu levi injuste incusso ad ipsum extorquendum esse ipso facto irritum ex eadem lege Ecclesiastica; quia caret consensu perfecte libero; sed probabilius est, quod docent Pont., & San-

Sanch. hujusmodi matrimonium esse validum, quia non caret plena libertate, cum metus sit levis, & parum pro nihilo reputetur.

Quod diximus de matrimonii validitate, dicendum est de validitate voti. Aliqui enim apud Sanch. lib. 4. in Decalog. cap. 3. num. 23., & Tambur. loc. cit. §. 8. docent, probabile esse, quod votum etiam ex metu levi injuste incusso ad ipsum extorquendum sit irritum, eo quod votum debeat esse omnino spontaneum, & perfecte liberum, saltem ex jure Ecclesiastico. Ex quo inferunt, quod, qui ex metu injusto ordinatur Sacerdos, non teneatur voto castitatis, sed possit sine dispensatione ad nuptias transire, dummodo cessante metu, non exercuerit actum Ordinis Sacri; nam per tale exercitium, seu usum ordinis, ratificaretur Ordo, & votum illi annexum; Sed probabilius censo cum communiore, Votum, nec per metum levem, nec per gravem invalidari, ne jure quidem Ecclesiastico, ut diximus quæsito superiore cum Suar. contra Navar. Sâ, Tolet., Sanch. apud eundem Tambur.

VII. Quæritur quarto; An metus reverentialis dicatur metus gravis reddens irritum contractum matrimonii, & irritandos reliquos contractus? Et idem quæritur de precibus importunis.

Respondendo cum Sanch. lib. 4. disp. 6., Perez sect. 7. contra Pont., & alios apud Dian. part. 3. tract. 5. resol. 20., metum reverentialem (quo filius timet offensionem Parentum, pupillus Tutotum, subditus Principis, Uxor Mariti, Monachus Abbatis, Clericus Episcopi) non esse gravem secundum se, cum non soleat concutere animum constantem; Nisi etiam secum ferat indignationem Patris, seu Superioris diuturnam, vel verbera, aut preces importunas cum minis,

quas vere Pater, aut Superior soleat exequi. Quare idem dicendum de precibus importunis, quæ secundum se causant metum, dumtaxat levem; nisi iis adjungatur metus reverentialis cum minis, aut verberibus, &c. Ratio est, quia quamvis preces instantissimæ contineant in se aliquod genus vexationis, & gravaminis; si tamen absit reverentia petentis, cui multum debeatur, aut minæ, non ita graviter opprimunt, ut inferant absolute vim, & vitium prudentem, ac constantem cogant, & ipsius consensum extorqueant.

Hinc sequitur, quod si filius non audens contradicere Patri, matrimonium contrahat, illud sit validum; Et si aliquid promittat, aut donet, aut alicui juri renunciaret ob solum metum reverentialem, quando aliud malum non timet, non possit petere rescissionem; Nec dicatur Pater injuriam intulisse; nec teneatur ad restitutionem ejus, quod per talem consensum consequutus est: Et idem dicas de Uxore respectu viri, si solum id fiat ex metu reverentiali; Secus vero si adjungantur minæ, indignatio diuturna, seu torvus aspectus, exprobratio durioribus verbis, &c., quæ tamen non cito transeant; hæc enim animum constantis viri concutiant.

Lesl. tamen lib. 2. cap. 17., & alii apud Dian. loc. cit., & resol. 117. cum putent, esse irritandos contractus ex metu, etiam levi, injusto celebratos, docent a fortiori, rescindi etiam posse contractus celebratos metu reverentiali, & ex precibus importunis; ac teneri ad restitutionem, qui commodum inde reportavit. Docent proinde alii apud Dian. part. 3. tract. 4. resol. 230. cum Navar., & Covar., matrimonium ex metu reverentiali, aut ex levi metu injusto contractum esse irritum. Quam sententiam Sanch. lib. 4. disp. 17. fateatur esse probabilem.

Quam-

Quamvis verum sit, quod in foro externo solum contractus ex gravi metu celebrati rescindi possint; Sicut in foro externo solum datur actio, quando lesio est ultra dimidium, quamvis in foro conscientiae detur obligatio restitutionis, etiamsi lesio sit infra dimidium.

VIII. Quæritur ultimo; An matrimonium ratione metus invalidum, fiat deinde validum per copulam subsequutam?

Respondeo cum Con., Sanch., Henr., quod si copula habeatur animo fornicario, non reddat matrimonium validum; si vero fiat affectu maritali, & non sit metu extorta, matrimonium sit validum; cum ponatur tunc consensus plene liber, qui desiderabatur. Post Tridentinum tamen si impedimentum metus erat occultum, non debet matrimonium revalidari coram Parocho, & testibus, sed sufficienter revalidatur per copulam inter conjuges habitam, sicut revalidatur matrimonium, quod propter aliud impedimentum occultum fuit invalidum. Si tamen impedimentum non erat occultum, sed probari poterit in foro externo, matrimonium non potest revalidari, nisi coram Parocho, & testibus, ut dicemus art. seq.

Difficultas etiam est; An, si copula metu etiam extorqueatur, revalidet contractum meticulousum invalidum?

Respondeo cum citatis Doctoribus contra Paludan., quod probabiliter non revalidet, etiamsi fiat affectu maritali. Ratio est, quia deficiente consensu requisito ad valorem contractus, impossibile est, ut contractus sit validus; sed accedente novo metu compellente ad copulam, deficit consensus plene liber requisitus ad valorem matrimonii; ergo matrimonium non est validum; Unde iste ta-

Part. VII.

lis, qui metu patitur, deberet mori potius, quam consummare, si non potest cum plena libertate, & nullo habito respectu ad metum, consentire ad matrimonium. Ex quo etiam sequitur, quod qui ob gravem metum matrimonium contraxit, & consummavit, possit postea resilire, quia consummatio illa fuit fornicaria.

Docent tamen Doctores, contrariam sententiam non esse improbabilem, quod scilicet revalidatur matrimonium per copulam, quamvis metu extortam. Unde in gravi necessitate posset quis tali opinione uti, ne peccet consummando matrimonium.

ARTICULUS IV.

De Consensu simpliciter clandestino.

I. Recensentur decem conditiones a Tridentino requisitæ ad solemnitatem Matrimonii.

II. In nulla necessitate valide contrahitur matrimonium sine Parocho, & testibus; sed quid si Parochus nullatenus haberi possit in locis Infidelium?

III. Lex ista Tridentini non patitur Episcopalem, quia inducit formam substantialem contractus. Et idem dicendum de variis similibus legibus.

IV. Hac, & similibus legibus obligantur etiam ignorantes illas invincibiliter.

V. In hac lege nequis Episcopus dispensare; quamvis hic possit, urgente necessitate, dispensare aliquando in nonnullis impedimentis dirimentibus.

VI. Non obligat lex ista, ubi Tridentinum non est receptum; nec in Provinciis Infidelium. Ex quo non sequitur, quod in iis locis non debeant alia leges Ecclesiastica servari.

VII. Quando revalidandum est matrimonio.

monium propter impedimentum omnino occultum (quod scilicet per duos testes probari non potest) non est opus Parocho, & testibus; non quia cessat finis legis, sed quia talis casus a lege non comprehenditur. At matrimonium sub conditione celebratum coram Parocho, & testibus, num debeat coram iisdem, purificata conditione, iterum contrahi?

VIII. Quinam debeat esse Parochus, & quinam testes?

IX. Etiam in aliena diœcesi potest proprius Parochus, licet sit excommunicatus vitandus, matrimonio assistere, ac dare Sacerdoti licentiam ad assistendum.

X. Num sit validum Matrimonium, si Sacerdos assistens licentiam per metum, aut per dolum extorsit?

XI. Quid si matrimonio assistat Sacerdos post licentiam obtentam, sed antequam id resciverit?

XII. Quid si Parochus sit intrusus, & errore tantum communi, siue titulo colorato reputetur Parochus?

XIII. Non requiritur, ut testes sint omni exceptione majores.

XIV. Quinam consensus requiritur, si privatim revalidandum sit matrimonium? Et an illius nullitas utrique conjugum debeat esse nota?

I. **D**icitur matrimonium simpliciter clandestinum, quod scilicet non sit coram Parocho, & testibus; Dicitur vero clandestinum secundum quid, quod sit absque denunciationibus. Hic agendum de clandestino simpliciter, deinde de secundum quid clandestino.

Notandum interim, Ad solemnitatem matrimonii decem condiciones requiri a Trident. sess. 24. ; Primo, quod saltem triduo ante consummationem matrimonii suscipiant Sacra-

mentum Pœnitentiæ, & Eucharistiæ conjuges; quamvis hoc sit consilium, non præceptum: Secundo, ut cum duobus, vel tribus testibus assistat contractui matrimoniali Parochus, vel alius Sacerdos de Parochi, vel Ordinarii licentia: Tertio, ut coram illis exprimant consensum, ita ut possint de eo testificari: Quarto, ut non cohabitent, antequam benedictionem Ecclesiæ recipiant; hoc autem præcipi sub mortali putat Palud; sub veniali Cajet.; Et Sot., qui Tridentino interfuit, putat esse consilium apud Perez disp. 39. sect. 1. : Quinto, ut tribus diebus festivis continuis denuncientur inter missarum solemnias, qui contrahere debent, ut impedimenta, si forte sint, revelentur: Sexto, ut utrumque contrahentem roget Parochus, & intelligat utriusque consensum: Septimo, ut eo intellecto dicat; Ego vos conjungo, in nomine Patris, & Filii, & Spiritus Sancti; quæ, autem similia verba sunt solum necessaria necessitate præcepti, non Sacramenti: Octavo, si probabilis suspicio sit, quod matrimonium sit malitiose impediendum, vel præmittatur una tantum denunciatio, vel denunciations fiant post matrimonium ratum ante consummationem, nisi Ordinarius judicaverit esse remittendas: Nono, ut Parochus in libro diligenter annotet nomina conjugum, ac testium, diem, ac locum matrimonii: Decimo, ut nullus Sacerdos sine licentia Parochi eos jungat sub pœna suspensionis.

II. Quæritur nunc primo; An in aliquo casu licitum, & validum sit matrimonium simpliciter clandestinum; Puta, si in articulo mortis sit præcisæ necessitas contrahendi cum concubina in bonum proles per matrimonium legitimandæ, & absit omnino Parochus; Vel si lex Tridentini irritantis matrimonium clandestinum ignoretur invincibiliter; Vel si matrimonium cele-

bra-

bratum coram Parocho cum impedimento occulto sit deinde revalidandum?

Respondeo cum communi contra Veracrux, Vegam, & Sot. apud Dian. part. 3. tract. 4. resol. 234., & part. 5. tract. 3. resol. 98., matrimonium in quacumque necessitate contractum absque Parocho esse simpliciter invalidum; quamvis fiat coram sexcentis testibus. Ratio est; quia Trident. loc. laud. absolute, & sine ulla exceptione irritat huiusmodi matrimonia, & reddit personas inhabiles ad sic contrahendum; Sicut redduntur inhabiles ad matrimonium consanguinei usque ad quartum gradum: Quare sicut in nullo casu validum est matrimonium inter consanguineos absque dispensatione, quantumcumque urgeat necessitas; ita nec matrimonium absque Parocho, & testibus.

Id autem videtur intelligendum, si Parochus haberi possit, ut docent Bellarm., Dian., Tambur., Ardekin, & alii apud Croix num. 178. Nam ubi Parochus haberi non potest, ut apud Turcas, & Infideles, tunc satis est, quod duo testes adhibeantur, & ad summum matrimonium celebretur coram Magistratu Civili; ut non semel S. Congregatio respondit; Idque verum est, quamvis Christiani non sint perpetuo apud Infideles remansuri, sed spem habeant, quod sint in Patriam reversuri; Immo cum in locis Infidelium lex Tridentini recepta non sit, non datur obligatio ibi illam servandi, ut dicemus num. 6.

III. Inferitur hinc primo, quare leges omnes humanæ, & etiam positivæ divinæ recipere possint aliquando Epichejam, seu suavem interpretationem, non tamen lex ista? Ratio est, quia talis lex inducit formam, & solemnitatem substantialem contractus, inhabilitando personas ad contrahendum; ergo Epichejam pati non pot-

est. Quod pariter dicendum de lege inhabilitante consanguineos ad matrimonium contrahendum. Talis est etiam lex annullans professionem ante decimum sextum annum; aut ante annum Novitiatus completum; Necnon lex irritans collationem beneficiorum per simoniam confidentiæ factam: Et in iure civili lex inhabilitans prodigum ad contrahendum; Et lex declarans contractus pupillorum sine certa solemnitate factos, esse nullos; Lex etiam de solemnitate testamentorum, &c. Ratio itaque a priori est; quia tales leges inducunt novam formam substantialem contractus, ergo si ea desit, quacumque de causa desit, contractus est nullus; quia nihil consistere potest sine sua forma substantiali: Quamvis juxta laudatas responsiones S. Congregationis, in locis, ubi Parochus haberi nequit, sufficiat, duos testes adhibere, eo quod forma substantialis relate ad Parochum, aut Episcopum ibi servari non possit.

IV. Inferitur secundo contra nonnullos apud Sanch. lib. 3. disp. 17., legem hanc irritantem matrimonium clandestinum obligare etiam ignorantes invincibiliter illam. Ratio est, quia ignorantia legis solum excusat a culpa, & consequenter a poena; non tamen reddit validum id, quod per legem ignoratam est irritum: Sic ignorantia legis irritantis professionem ante decimum sextum annum non reddit validam talem professionem; Et ignorantia legis imponentis irregularitatem ex defectu, non facit, ut qui talem defectum contraxit ignorando legem illam, possit deinde licite Ordines suscipere; quia est lex inhabilitans defectuosos ad sacros Ordines. Illa solum lex, quæ irritat aliquid in poenam, non obligat invincibiliter ignorantes; quia cessante per ignorantiam culpa, cessare debet & poena: Talis est lex irritans acquisitionem fructuum

beneficii, non recitato officio; qui enim ex oblivione officium non recitat, facit fructus suos; Talis est aliquando juxta multorum sententiam lex de casuum reservatione: Contra vero; quando lex irritat aliquid ob bonum publicum, etiam ignorantes obligat juxta sensum explicatum.

V. Infertur tertio, non posse Episcopum, urgente necessitate, in tali lege dispensare, ut scilicet possit matrimonium valide contrahi sine Parocho. Ratio est, quia Tridentinum id constituit tanquam formam substantialem, & declaravit personas esse omnino inhabiles ad sic contrahendum; Ubi notanda est illa dictio, Omnino, quæ excludit omnem gratiam, & dispensationem: Contra tamen potest in multorum sententia apud Perez disput. 46. sect. 6. dispensare Episcopus, urgente necessitate, in impedimentis dirimentibus matrimonium. Ratio est, quia ista solent a Pontifice dispensari, & universim, urgente necessitate, potest Episcopus dispensare in iis, in quibus potest, & solet dispensare Pontifex, ut dicitur cum de legibus.

VI. Infertur quarto, quod ubi Tridentinum non est receptum, ea lex non obliget, atque adeo matrimonia clandestina ibi sint valida (quamvis graviter illicita); sicut etiam in Provinciis Infidelium. Ratio est, tum quia decretum Tridentini in iis locis non habet vim ex defectu publicationis ab ipso Tridentino requisitæ ad hoc, ut obliget; tum etiam quia universim Doctores in materia de legibus docent, legem non obligare, nisi sit promulgata, & acceptata; Et solum ab Alex. VII. damnata est illa prop. 28. dicens: *Populus non peccat, etiam si absque ulla causa non recipiat legem a Principe promulgatam.*

Hinc fit, quod captivi Christiani valde matrimonium contrahant apud Infideles sine Parocho, & testibus;

necnon Mercatores, qui versantur in locis, ubi Tridentinum non est receptum. Ita Sanch., Hurt., Perez. Ratio est, quia contrahentes quoad leges contractuum sortiuntur forum loci, in quo contrahunt: ergo si in locis Infidelium, aut aliis non viget lex ista Tridentini, ad illam non obligantur fideles, dum contrahunt matrimonium. Idque verum est, etiam si in iis locis domicilium non fixerint, ut docent Doctores citati contra Ledesm., & Henr. apud Perez disp. 39. Hac de causa Sacerdos latinus transiens per Græciam potest celebrare in fermentato juxta morem Græcorum, ut notat idem Bonac., & Neapolitanus potest cibis paschalibus vesci primis quatuor diebus Quadragesimæ, si eo tempore Mediolani commoretur, ubi ea est consuetudo. Et universim quoties in aliquo loco sine culpa non servantur leges juris communis, potest quilibet accedere illuc eo fine, ut talibus legibus non obstringatur.

Contra vero; ut notat Leander, qui habitat, ubi Tridentinum non est promulgatum, puta in Svecia, Dania, Pomerania (nam in Gallia quoad legem Clandestinitatis esse receptum. Julii regio jam ab anno 1602. docet Lessius apud Croix de Matrimonio n. 767.) si transiens per locum, ubi Tridentinum est receptum, vult matrimonium contrahere, debet illud contrahere coram Parocho; quia contractus celebrari debent juxta leges loci, in quo fiunt, ex leg. *Si fundus ff. de Evictione*: Et eodem modo si Mediolanensis Ver. gr. transiret Neapoli primis diebus Quadragesimæ, deberet abstinere a cibis Paschalibus, quia debet servare leges universalis Ecclesiæ, quoties ex legitima contraria consuetudine loci non excusatur.

Neque dicas, quod si fideles non tenentur contrahere coram Parocho juxta legem Tridentini, dum sunt in lo-

lo-

locis Infidelium, necnon ubi Tridentinum non viget inter fideles, sequeretur, neque teneri legibus jejunii, auditionis sacri, & aliis legibus Ecclesiasticis, dum sunt in locis Infidelium.

Nego enim sequelam. Ratio est, quia istæ leges Ecclesiasticæ, ut obligent ubique omnes fideles, satis est, quod sint publicatæ in Curia Romana, vel in alia qualibet Diœcesi fidelium: Contra vero; lex Tridentini, ut obliget, requirit ex ipsa dispositione ejusdem Tridentini, ut diximus, specialem publicationem in eo loco, ubi matrimonium celebratur. Unde cum inter Infideles ea Tridentini lex non sit publicata, in iis locis nemo tenetur legem illam servare: Quamvis fideles in iis locis commorantes alias antiquas leges Ecclesiasticas servare teneantur, videlicet adhibere testes, quibus conjugium probari possit, & instrumenta publica de eo conficere.

VII. Inferitur ultimo, quod si matrimonium celebratum coram Parocho, & testibus fuit nullum ob occultum aliquod impedimentum, puta, ob affinitatem, satis sit ad illud revolidandum, quod, sublato impedimento, contrahentes inter se privati renovent consensum. (Esto verum sit, quod si impedimentum erat publicum, aut probari poterat plene, scilicet per duos testes, omni exceptione majores, quamvis nunquam sit probandum, debeat iterum matrimonium contrahi coram Parocho, & testibus). Ita Sanch. lib. 2. disp. 37., Perez, Bonac., Hurt., Navar. contra Pont., Ledesm., Gutier. Ratio est, quia lex irritans matrimonium clandestinum non comprehendit hunc casum; nulla enim lex comprehendit casum, in quo cessat ratio, & finis legis; sed finis hujus legis est, ne conjuges possint rescindere contractum matrimoniale abique eo, quod Ecclesia pos-

sit illis resistere; qui finis cessat in casu nostro, ut patet; ergo lex ista non se extendit ad casum adductum.

Hic autem subtiliter notandum cum Sanch., aliud esse, quod lex non obliget in casu, quem non comprehendit, eo quod cesset finis legis; aliud vero esse, quod lex in casu, quem comprehendit, cesset obligare, eo quod cesset finis legis: Quod hoc exemplo declarat Sanch.: Fingamus, Superiorem præcipere Religiosis, ne adeant locum, ubi operarii laborant, idque eo fine, ne loquelis illos impediant; Si Religiosi adeant eum locum, & taceant, cessat quidem in tali casu finis legis; sed lex talem casum vere comprehendit; Et ideo Religiosi illum locum adeuntes, quamvis taceant, adhuc sunt inobedientes; nisi Episcopus aliud suadeat: Contra vero, si Religiosi adeant eum locum die festivo, quando non sunt ibi operarii laborantes, lex talem casum non comprehendit. Unde Religiosi eo adeuntes, imo etiam ibi loquentes, legem illam non violant. Idem dicas in re nostra: Si matrimonium celebraretur aliquando coram centum testibus, cessaret quidem finis legis exigentis Parochum; At non cessat in tali casu lex; quia lex exigens aliquid, tamquam formam substantialem, non cessat, quando cessat in aliquo casu particulari finis legis; unde matrimonium coram centum testibus, sed non coram Parocho celebratum, est invalidum: Contra tamen; si matrimonium sit celebratum coram Parocho, & testibus invalide propter occultum aliquod impedimentum, quando deinde celebratur, sublato impedimento, non requiritur assententia Parochi, & testium, ut valide celebretur; non quia cessat finis legis comprehendentis hunc casum, sed quia lex ista talem casum non comprehendit.

Si tamen coram Parocho, & testi-

si-

stibus celebratum sit matrimonium sub conditione aliqua, ea purificata, probabilius est, quod debeat iterum coram Parocho, & testibus matrimonium contrahi; aut saltem, quod illi certiores fiant de conditione jam purificata, ut possint de ea testari, prout dicemus arr. 6. num. 4.

VIII. Queritur secundo; Quinam Parochus, & quinam testes debeant matrimonio assistere, ut illud non dicatur clandestinum, sed publicum, ac solemne?

Respondeo, quod ad validitatem, & publicitatem matrimonii requiratur assistentia proprii Parochi, aut Ordinarii, aut assistentia alterius Sacerdotis de proprii Parochi, aut Ordinarii licentia; necnon assistentia duorum, vel trium testium habentium usum rationis, etiamsi non sint omni exceptione majores; ut communiter docent cum Sanch. disp. 41. contra nonnullos, qui volunt, testes debere esse omni exceptione majores, ut dicemus in calce hujus articuli.

Infertur hinc primo, posse etiam assistere, vel dare licentiam alteri Sacerdoti assistendi matrimonio, non solum Vicarium Capitularem, sed etiam Vicarium Generalem (quia facit cum Ordinatio unum Tribunal) non vero Vicarium foraneum: Ratio est, tum quia universim, quod conceditur in jure Episcopo, conceditur pariter ejus Vicario Generali, nisi expresse excludatur; tum etiam, quia Vicarius Generalis, non vero foraneus, venit nomine Ordinarii, seu habentis ordinariam jurisdictionem; ut communiter docent contra Ledesm. apud Perez disp. 40. sect. 1. Archiepiscopus vero in Diocesi Episcopi sufraganei solum habet ordinariam jurisdictionem, dum actu visitat ex cap. ult. de Censibus in 6.; vel in crasis ad ipsum per appellationem devolutis; Ideo tunc solum potest assistere matrimonio, aut

alteri Sacerdoti dare licentiam assistendi.

Sciendum tamen ex communi Theologorum doctrina, & ex declaratione Cardinalium, Parochum, vel Episcopum solius originis non censerelate ad hunc effectum proprium Parochum, aut Episcopum. Quare dicitur proprius Parochus, vel Episcopus solum ille, in cujus Parochia, vel Diocesi alter Sponsus habet domicilium, vel quasi domicilium; hoc est, vel habitat cum animo ibi permanendi perpetuo (etiamsi per horam dumtaxat ibi habitaverit, ut advertit Perez disp. 40. sect. 2.) vel habitat animo permanendi per majorem partem anni; ita ut pariter primo die, quo incipit ibi habitare cum tali intentione ibi habitandi per majorem anni partem, quasi domicilium acquirat, & eo ipso primo die possit ibi matrimonium contrahere; ut pariter notat Croix de matrim. num. 722. Et sane si domicilium, aut quasi domicilium satis est, ut possit quis alicubi suscipere omnia Sacramenta (excepto Sacramento Ordinis, & tonsura, ad quae non satis est, quasi domicilium; sed requiritur, vel domicilium, vel origo, vel beneficium eo modo, quo exprimitur in Bulla Innoc. XII., quae incipit, *Speculatores*.) Et ut possit ibi sepeliri, & ad leges illius loci alstringi; consequenter id etiam satis erit, ut possit coram Parocho illius loci matrimonium contrahere.

Quod si quis aequaliter habitat in duplici Parochia, Verbi gratia, aetate in una, & hyeme in altera, uterque dicitur proprius Parochus; ut communiter docent cum Sanch. contra Navar. existimantem, requiri assistentiam illius Parochi, in cujus Parochia matrimonium contrahitur.

Parochus autem proprius Vagabundorum relate ad assistendum matrimonio, & ad audiendas confessiones,

dict-

dicitur is, in cuius Parochia actu habitant: Præcipit tamen Tridentinum, ne Parochi eos coniungant, nisi diligenter prius inquirerint de eorum statu, & rem ad Ordinarium detulerint, ejusque licentiam obtinuerint: quæ si Parochus non præster, peccat graviter, sed matrimonium, cui assistit, est validum.

IX. Inferitur secundo, Parochum posse valide, & licite assistere matrimonio, etiam in aliena Parochia, & Diocesi; sicut etiam dare licentiam assistendi. Ita communiter contra Navar. apud Sanch. lib. 3. disp. 19. Ratio est, tum quia Tridentinum exigit solum assistentiam proprii Parochi, non vero assistentiam proprii Parochi in propria Parochia; tum etiam quia soli actus jurisdictionis contentiosæ, & litigiosæ non possunt extra proprium territorium exerceri; Assistere autem matrimonio simpliciter non est actus jurisdictionis, ut patet; quia nullus actus Ordinis, aut jurisdictionis potest fieri ab invito, & contrariam intentionem habente ex *leg. Non omnis ff. de rebus creditis*; at assistentia Parochi omnino invito, & contrariam intentionem habentis sufficit ad valorem matrimonii, ut omnes docent; ergo talis assistentia non est actus jurisdictionis. Præterea dare licentiam assistendi matrimonio alteri Sacerdoti, vel non est proprie actus jurisdictionis, ut docet Navar.; quia Parochum dare hanc licentiam nihil aliud est, quam substituere sibi aliquem idoneum testem, potestate sibi ad hoc facta a Concilio, quod non est actus jurisdictionis: Vel si est actus jurisdictionis, ut docet Con. disp. 27. dub. 2., eo quod dare licentiam videatur esse actus superioritatis, certe non est actus jurisdictionis contentiosæ, sed gratiosæ, & voluntariæ, & consequenter exerceri potest extra locum propriæ jurisdic-

tionis, seu extra proprium territorium ex communi Doctorum doctrina.

Inferitur tertio, Parochum, etiam non Sacerdotem, posse valide, & licite assistere, vel dare licentiam Sacerdoti assistendi matrimonio; ut communiter docent contra Rodriq., & alios apud Perez disp. 40. sect. 3. Ratio est, quia Tridentinum in Parocho non exigit Sacerdotium.

Inferitur quarto, validum esse matrimonium, cui assistit Parochus, non solum interdictis, cui prohibitum est assistere matrimonio, aut suspensus, aut irregularis, aut excommunicatus toleratus (quod communiter docent) sed etiam cui assistit, vel dat licentiam assistendi Parochus excommunicatus non toleratus; ut communis docent contra Avilam 2. part. de Censuris disp. 3. dub. 1. Ratio est, quia excommunicatus non toleratus invalide exercet solos actus jurisdictionis; at assistere matrimonio non est actus jurisdictionis, ut diximus: Neque est actus jurisdictionis dare licentiam assistendi, ut fert communior, & probabilior sententia apud Perez disp. 40. sect. 4.; Etenim collatio talis licentiæ non est institutio Judicis, sicut dare licentiam audiendi confessiones; nec pertinet ad Superiorem, qua talem (ut dare licentiam administrandi Eucharistiam) sed est quædam designatio spectatoris, qualis, ut possit testificari de matrimonio, facta ex ordinatione Tridentini, a quo immediate Sacerdos designatus accipit potestatem assistendi, & non a Parocho designante: Ad cum prorsus modum, quo quando Episcopus dat facultatem audiendi confessiones Sacerdoti, quem sibi Titius elegerit, in tali casu non Titius, sed Episcopus dat Sacerdoti immediate potestatem audiendi confessiones.

Hinc etiam est, quod Sacerdos degradatus possit etiam valide assistere de

de licentia Parochi, ut docet Sayr. apud Bonac. punct. 8. Ratio est, quia versamur in materia matrimonii, quae favorabilis est, & quia Sacerdos degradatus adhuc est Sacerdos.

Addo ex Sanch. lib. 3. disp. 21., Hurt., Perez contra Pont., quod Parochus excommunicatus vitandus non solum valide, sed etiam licite assistere possit matrimonio, quando ad id requiritur. Ratio est, quia licitum est communicare cum excommunicato vitando, quando adest aliqua necessitas; In casu autem datur necessitas sufficiens; cum non possint Sponsi absque proprio Parocho contrahere; ergo possunt illius assistentiam requirere; atque adeo potest ille licite assistere, vel dare licentiam alteri assistendi. Non potest tamen benedicere Sponso solemniter benedictione; quia sine ulla necessitate communicaret cum fidelibus in divinis officiis; nulla enim datur necessitas benedictionis sollemnis; cum id non pertineat ad decentem celebrationem contractus matrimonialis; & ideo solet id subsequi multo tempore post contractum matrimonium. Quod si assisteret matrimonio sine ulla necessitate Parochus excommunicatus vitandus, peccaret quidem, sed irregularitatem non incurreret: quandoquidem non violaret censuram per exercitium Ordinis Sacri; non enim pertinet ad Ordinem Sacrum assistere matrimonio, cum possit sine Sacro Ordine Parochus assistere: Contra vero Irregularitatem incurreret, si benediceret solemniter Sponso, quia benedictio sollemnis sacrum Ordinem requirit, ut notat Perez disp. 40. sect. 4.

X. Dubium est primo; An sit validum matrimonium contractum coram eo Sacerdote, qui licentiam assistendi aut obtinuit per dolum, aut extorsit per vim, ac metum gravem?

Respondet cum Bonac. punct. 8.,

& Perez distinguendo; Est enim validum, si licentia extorta sit per metum gravem, necnon si per dolum, & mendacia versantia circa causam impulsivam: Est vero invalidum, si extorta sit licentia per dolum versantem circa causam finalem, seu circa substantiam rei; aut si concedens licentiam expresse dicat, se illam non concedere, deficiente veritate, seu non veris expressis. Probatur per partes: Primo valida est licentia per metum extorta. Ita Sanch. lib. 3. disp. 38., Con., & alii communiter. Ratio est, quia, ut diximus, art. super., metus non tollit voluntarium, sed solum tollit plene voluntarium; Unde contractus metu celebrati sunt validi jure naturali, & positivo, quamvis sint rescindendi. Secundo, est valida licentia obtenta per dolum, & mendacia versantia circa causam impulsivam, Verbi gratia, si petatur licentia nomine alicujus Magnatis, ureo intuitu facilius concedatur. Ratio est, quia ex Theologorum, & Jurisperitorum axioma; cessante tantum causa impulsiva, non cessat dispositio. Addo cum Perez, esse etiam validam licentiam, si falso exponatur aliqua causa, quae sit impulsiva simul, & motiva, qua scilicet cessante, nullatenus licentia concederetur, dummodo vere datur etiam aliqua alia causa motiva, propter quam absolute concedatur licentia. Ratio est, quia in tali casu haberetur sufficiens vera causa motiva, & finalis, propter quam licentia concedatur. Tertio, si falsa sit omnis causa finalis, seu motiva exposita, nulla est licentia. Ratio est, quia nihil est magis contrarium consensui concedentis licentiam, quam talis error, ex leg. Si per errorem ff. de jurisdictione omnium Judicum. Quarto; invalida est etiam licentia, quando concedens illam expresse dicit, se talem licentiam non dare, deficiente veritate cau-

causæ expositæ. Ratio est, quia expresse negatur consensus, deficiente veritate illius causæ, qualiscumque ea sit; & ideo rescripta Pontificum dolo obteuta sunt nulla; quia expresse dicunt: Veris expositis.

XI. Dubium est secundo; An valide assistat matrimonio Sacerdos post obtentam licentiam assistendi, sed antequam habeat notitiam talis licentiæ; verbi gratia, quia literæ expeditæ sunt, sed nondum pervenerunt?

Respondeo, quod invalide assisteret, ut communiter docent cum Sanch. lib. 3. disp. 36., Perez, & aliis contra Sylvest., & alios apud Suar. lib. 8. de legibus cap. 25. num. 10. Ratio est, quia, universim concessio, vel privilegium concessum privatæ personæ nihil potest operari, antequam habeatur ejus notitia ab ipso privilegiario; quicquid in contrarium doceat Sylvest. Et ratio a priori est, quia privilegium, & licentia sunt quædam donatio; hæc autem non acquiritur ante acceptationem, nec acceptatur ante notitiam; ergo licentia, & privilegium ante notitiam, quod sint concessa, sunt invalida. Non nego, posse Principem Supremum aliquando concedere privilegium, quod vim suam habeat, antequam ad notitiam privilegiarii perveniat; sed intentio concedentis regulariter non est talis; nec verba privilegiorum hoc indicant; nec expedit ita concedi, ut notat Suar. loc. citat. Forte sola absolutio a censura potest operari suum effectum, antequam ad notitiam absolutentis, facultas absolvendi perveniat; quia ad ejus validitatem non requiritur acceptatio, cum possit dari etiam invito. Notat hic Sanch. contra Perez, quod si licentia petatur a Parocho per Procuratorem, valida sit, si innotescat tantum Procuratori, & ab eo acceptetur.

Oppones; Quando per conjecturas
Part VII,

constat hic, & nunc esse concessam licentiam, videtur, satis esse illa moralis præsumptio, & spes licentiæ concessæ.

Respondeo tamen, hoc communiter a Doctoribus negari; tum quia sæpe istæ conjecturæ fallunt; tum etiam quia lex Tridentini de assistentia Parochi, & testium stat veluti in possessione obligationis; ergo non potest sua possessione spoliari, donec constet de privilegio, & de licentia concessa; atque adeo non sufficit illa præsumptio, & spes licentiæ obtentæ.

Hinc est (ut communiter docent cum Sanch., & Con.) quod Sacerdos non debeat credere contrahentibus, si dicant, se habere licentiam a Parocho, ut possint coram illo contrahere, donec certa signa asserant, aut nisi sint magnæ fidei Personæ graves, & probæ. Ratio est, tum quia requiritur ad hoc certitudo moralis; tum etiam, quia universim in iis, quæ spectant ad externam gubernationem Ecclesiæ non debet credi testantibus in propria causa, ex cap. *Sicut, de Sententia excommunicationis*, ubi dicitur: Non esse credendum Excommunicato dicenti se esse absolutum.

XII. Dubium est tertio; An valide assistat matrimonio, aut ad id det licentiam Parochus intrusus, seu qui errore tantum communi, sed sine titulo colorato æstimatur Parochus?

Respondeo, communiter Doctores docere cum Sanch. lib. 3. disp. 23. num. 49., quod gesta cujuscumque habentis jurisdictionem, puta Parochi, Confessarii, Judicis, necnon cujuscumque habentis officium publicum, puta Tabellionis, &c. sint valida, si si habeat titulum, seu officium vere collatum a legitimo Superiore, quamvis invalide ob aliquod impedimentum occultum; dummodo errore communi æstimetur, titulum, seu officium ef-

N se

se illi valide collatum : Quod si communis error sine tali titulo colorato, seu putativo intercedat, gesta ejus sint invalida. Unde sequitur, quod si Parochus intrusus, seu qui errore communi existimatur Parochus, sine tali titulo accepto a suo Superiore assistat matrimonio, aut det alteri licentiam assistendi, tale matrimonium esset invalidum.

Ratio autem, quare quando habetur titulus coloratus cum errore communi, gesta sint valida in utroque foro, est, quia in tali casu æquitas, & benignitas juris postulat, ut a Superiore suppleatur defectus ob bonum commune, & publicam utilitatem, conferendo ei quodammodo actualem jurisdictionem ad singulos actus; dummodo tamen materia sit subiecta potestati humanæ; Quod constat ex leg. *Barbarius Philippus ff. de Officio Fratris*; ubi ob publicam utilitatem approbantur gesta Barbarii promoti a Populo Romano ad Præturam invalide ob impedimentum occultum servitutis: Et additur ibi ratio; quia scilicet Populus Romanus poterat etiam servo illam potestatem conferre: Et idem statuitur in jure Canonico cap. *Infamis 3. quest. 7.* Aliter magna perturbatio sequeretur in Republica. Additque Sanch., satis esse, quod probabiliter is habeat titulum coloratum, seu apparentem: Verbi gratia, satis est ad validitatem confessionis dari opinionem probabilem, quod Sacerdos habuerit facultatem absolvendi; vel dari opinionem probabilem ex auctoritate Doctorum, quod possit absolvere a reservatis. Ratio est, quia, cum licitum sit operari ex opinione probabili, si absolutiones datæ a tali confessorio essent irritæ propter impedimentum occultum, eadem sequerentur incommoda in Republica.

Si vero solum adsit error communis, quod aliquis, verbi gratia, sit

Parochus, vel Confessorius, vel Judex, & non adsit titulus coloratus, seu non adsit opinio, ne probabilis quidem, quod tale munus a legitimo Superiore ille acceperit, communis a Doctoribus reputantur gesta hujus invalida; nec oppositam sententiam existimat probabilem Sanch. loc. cit. Ratio est, quia tam in leg. laud. *Barbarius*, quam in cap. *Infamis* expresse dicitur, ideo gesta valere, quia præter errorem communem intercessit titulus coloratus, seu auctoritas legitimi Superioris, qui conferre poterat jurisdictionem, quæ propter impedimentum occultum deficiebat.

His tamen non obstantibus, Dian. part. 3. tract. 4. resol. 122., & part. 8. tract. 1. resol. 94. docet cum Pont. Molfes., & Joan. Sanch. valere in utroque foro gesta Parochi, Judicis, Confessorii, Tabellionis, &c. etiam si solus error communis sine titulo colorato intercedat; Unde docet, validum esse matrimonium, cui Parochus intrusus assistit, etiam si a contrahentibus sciatur, non esse revera Parochum, illum, qui communiter ab aliis Parochus existimatur. Ratio est, quia eadem inconvenientia sequerentur in Republica, si acta istorum essent invalida, siue titulus coloratus annectatur errori communi, siue non annectatur: ergo eadem dispositio legis debet esse utrobique; atque adeo ex æquitate, & benignitate juris asserendum, utrobique suppleri defectum, qui a potestate humana suppleri potest.

XIII. Dubium est quarto; An testes, coram quibus celebratur matrimonium, debeant esse omni exceptione majores?

Respondeo cum communi negative; etenim Tridentinum nullas qualitates in testibus requirit; aliter posset multa matrimonia revocari in dubium, præsertim in Pagis; ubi plerum-

rumque ignotatur, quinam sint testes omni exceptione majores. Proinde possunt esse testes in casu nostro, etiam Fœminæ, Parentes, Infames, excommunicati, Infideles, Inviti, ac Repugnantes; dummodo habeant usum rationis, & percipiant quid agitur, ita ut possint illud postea testari. Suppleret enim defectum testimonii auctoritas Parochi.

XIV. Rogabis hic; Si revalidandum sit matrimonium privatum sine Parocho, & testibus, propter impedimentum occultum, quod probari non possit per duos testes omni exceptione majores, juxta dicta num. 7., quinam consensus requiruntur? Et num debeat utrique conjugum cognitum esse impedimentum dirimens, & invaliditas matrimonii contracti, ut possit revalidari?

Respondeo, in tali casu cutandum esse, ut uterque conjux ponat consensum absolutum, cum non sufficiat conditionatum. Unde non sufficit, quod alter dicat; Si non nupsissem tecum, ita te diligo, ut tecum nubere; sed uterque dicere debet: Volo tecum nubere, etiamsi hactenus non nupsissem, aut forte invalide nupsissem, ut notat Sanch. lib. 2. disp. 35. Quando autem periculum est, quod conjux ignarus impediendi, ac nullitatis matrimonii noller illud convalidare, ex quo scandalum oriretur, præsertim si adesset proles, non est necesse, ut illi impedimentum, & nullitas matrimonii detegatur. Neque obstat, quod consensus, qui de novo poneretur, procederet ex errore, & ignorantia illius nullitatis, & quod noller ille contrahere iterum, si notitiam haberet talis nullitatis. Nam hic error non esset circa substantiam Matrimonii, seu circa personam, sed circa qualitates, cum sit solum error juris, quatenus ille putat, se matrimonio ligatum, cum non

sit; Consensus autem procedens ex errore circa qualitates sufficit ad valorem matrimonii. Sic qui contrahit cum Berta, quam credit divitissimam, cum sit pauperrima, valide contrahit, quamvis non contraxisset, si nota fuisset talis paupertas.

Quando tamen, nec infamia, nec scandalum, aut quid simile sequeretur, si detegeretur utrique conjugum nullitas præteriti matrimonii, utique detegenda esset, ut docent communius apud eundem Sanch. lib. 2. disp. 36.

ARTICULUS V.

De Consensu clandestino secundum quid.

I. Peccat graviter, qui sine Episcopi dispensatione, omissis denunciationibus contrahit matrimonium. Sed hoc non est invalidum.

II. Quas ob causas omitti possunt denunciationes?

III. Impedimentum occultum revelandum est, quamvis probari non possit.

IV. Contrahentes, qui aliquo impedimento occulto laborant, vel tenentur desistere a matrimonio, vel illud, etiam cum propria infamia, revelare, si alter desistere nolit.

V. Si habens impedimentum occultum sine magno scandalo desistere non possit, quid faciat?

VI. Omittere benedictionem nuptialem ante consummationem matrimonii, num sit mortale; aut saltem veniale?

I. NOtavimus articulo super. dici consensum secundum quid clandestinum, quando habetur contractus matrimonialis absque prævis proclamationibus.

Quæritur nunc primo; An sit in-

N 2 va-

validum matrimonium, si denunciationes omittantur, seu si sit clandestinum secundum quid?

Respondeo negative; Ex Tridentino enim solus defectus Parochi, & testium reddunt matrimonium invalidum; Quare dum Concilium jubet, ut Parochus assistat matrimonio, præmissis proclamationibus, præcipit ea, quæ ad licite, non ad valide agendum requiruntur; Sicuti quando præcipitur, ut excommunicatio feratur in scriptis, & præmissa trina monitione: Hæc enim spectant ad accidentalem, non ad substantialem formam actus.

Oppones Regulam 64. juris in 6., ubi habetur, quod quæ contra jus fiunt, debeant utique pro infectis haberi; atqui matrimonium, non præmissis proclamationibus, est contra jus: ergo habendum pro infecto, & irritato.

Respondeo, regulam illam intelligi, ut factum contra legem habeatur pro non facto, quando lex statuit formam substantialem actus, non vero quando formam accidentariam; & quando solum præscribit modum, ut recte fiat. Adde, esse speciale in favorem matrimonii, quod ex simplici prohibitione, absque clausula irritante, illud non irritetur, ex decisione Rotæ apud Perez disp. 43. sect. 2.

Hinc sequitur, denunciationes in utraque contrahentis Parochia omitti non posse sine peccato mortali; cum res ista sit gravis, ut communiter docent contra Sor., qui putat per se loquendo esse tantum veniale. Potest tamen in hac lege aliquando, ut supra diximus, dispensare Ordinarius, videlicet Episcopus, immo etiam Vicarius Generalis: Quamvis enim verum sit, quod refert Reb., Papam dixisse, quoad hoc nomine Ordinarii intelligi Episcopum, non idcirco excludendus est Vicarius Generalis; quia pro ea-

dem persona cum Episcopo habetur; & unum cum illo tribunal constat: Sicuti nec excluditur ille, qui, quamvis non sit Episcopus, jurisdictionem tamen habet Episcopalem annexam suæ dignitati.

Neque dicas: Episcopus potest denegare Vicario potestatem dispensandi in proclamationibus, ut fatetur Sanch. lib. 3. disp. 7. ergo non est concessa Vicario Generali talis potestas a Trident., cum inferior nihil possit contra legem Superioris; sicuti neque potest Episcopus tollere a Parocho potestatem assistendi matrimonio, aut dandi alteri Sacerdoti licentiam assistendi; cum hanc potestatem habeat Parochus a Trident.

Nam respondeo, quod sicut potest Episcopus totum officium Vicarii, non vero Parochi revocare, ita potest partem hanc officii Vicarii revocare, unde potest sibi uni potestatem hanc reservare.

II. Rogabis: Quznam sint causæ, ob quas possit Episcopus in proclamationibus dispensare?

Respondeo cum communi apud Con., & Perez, eas esse; Primo si alias timeatur matrimonium malitiose impediendum; Secundo si ex proclamationibus oriatur scandalum; Verbi gratia, si sponsi vivant in concubinato, & jam publice putantur esse conjuges; Tertio, quando vir est in articulo mortis, & vult ducere suam concubinam, vel ad legitimandam prolem, vel ad salutem animæ suæ; Quarto, quando nimio pudore suffunderentur Sponsi ex denunciationibus; ut si ambo sint senes, vel si senex juveniculam, aut nobilis ignobilem, vel dives pauperem ducat; Talis enim verecundia, quæ ex publicatione matrimonii oriretur, videtur sufficiens causa, ut dispensetur in denunciationibus, ut docet Sanch. lib. 3. disp. 9. cum aliis; Quinto si inest tempus

Quæ-

Quadragesimæ, aut Adventus, unde non possint omnes denunciationes præmitti; Sexto, si Magnates velint repente, & occulte contrahere; cessat enim in hoc casu finis denunciationum; cum enim Magnates sint valde noti, facile sciatur impedimentum, si quod esset. Ex quo infert Perez, quod universim possit in denunciationibus dispensari, quando abest timor alicujus impedimenti, ob quamcunque notabilem commoditatem contrahentium live spirituales, live temporales.

Si tamen Episcopus, existente iusta, & urgente causa, nolit dispensare, sicut tenetur, poterunt tunc conjuges contrahere, non præmissis denunciationibus. Ratio est, quia præceptum Ecclesiasticum præmittendi denunciationes non obligat cum gravi incommodo, quale esset, si duo illi Sponsi deberent semper remanere cælibes, aut si deberent exponere se periculo fornicationis: Immo possent etiam contrahere, non præmissis denunciationibus, quando consuli non potest Ordinarius, & probabiliter judicatur, quod propter necessitatem urgentem non sit obligatio illas præmittendi. Ratio est, quia gravissimum onus imponeretur hominibus, si nunquam liceret uti Epicheja ex iudicio probabili, quando non patet aditus ad Superiorem.

Notandum tamen, quod quando ex legitima causa non præmittuntur proclamationes, debent postea fieri ante consummationem matrimonii ex Trident. (nisi tamen aperte constet, nullum esse impedimenti periculum,) ne contingat, copulam esse fornicariam.

Circa tempus, & locum proclamationum, Concilium vult faciendas a Parocho tribus diebus continuis festivis in Ecclesia inter Missarum solemnias. Verum Bonac. attendens ad finem

Concilii putat, posse fieri extra Ecclesiam, ubi magna multitudo convenit, etiamsi die non festivo, vel inter concionandum ab ipso concionatore de licentia Parochi.

III. Queritur secundo; An sit obligatio revelandi impedimenta matrimonii occulta, quæ probari non possunt?

Respondedo cum communi contra Pont. lib. 5. cap. 34. affirmative; dummodo absque gravi incommodo, & absque aliorum scandalo revelari possint; præmissa tamen correctione fraterna, si ex ea fructus speretur. Ratio est, quia in hoc casu non agitur de peccato probando, aut de pœna infligenda, sed de peccato vitando (quod scilicet sequeretur, si invalide cum impedimento dirimente Sponsi contraherent) Unde ad peccatum hoc vitandum, satis est testimonium unius, vel sola fama de impedimento. Ex cap. super eo, De testibus, ut diximus quæst. 2. art. 7. de Sponsalibus: ergo quilibet tenetur manifestare impedimentum, etiamsi ex delicto occulto ortum, etiamsi illud sub secreto acceperit (dummodo acceperit a personis fide dignis,) & etiamsi juraverit, se non manifestaturum: Juramentum enim non est vinculum iniquitatis; unde non potest obligare ad non obediendum præcepto Superioris, quod est directum ad vitandum peccatum proximi: Neque obligat secretum, ut docet Perez disp. 43. sect. 6., Con. num. 16., & alii apud Mendo in Epitome V. Secretum; Et ratio est, quia prevalet secreto reverentia Sacramento debita, & bonum salutis contrahentium: Neque dum obligat fama, quia si præmissa correctione fraterna, nolunt Sponsi a matrimonio desistere, sibi imputent, quod in iis angustis versentur, ut debeant infamari. Probabile tamen est, ut docet Perez loc. cit., quod si

con-

contrahentes sint in bona fide, & impedimentum est occultum, ita ut probari nunquam possit, non sit obligatio illud manifestandi, si id comode fieri non possit; tum quia in tali casu nullum daretur peccatum, quod deberet vitari, nisi tantum materiale; tum etiam, quia, si impedimentum esset afinitatis, non potest probari unico teste *ex cap. Licet De Testibus*.

IV. Adde, ex videnciacionis teneri ipsos contrahentes, vel desistere a nuptiis, vel fateri impedimentum quantumcumque occultum, & cum propria infamia conjunctum, ut notat Con. & Perez ex Sanc. lib. 3. disp. 14. Ratio est, quia quavis nemo, etiam si interrogatus sub juramento, teneatur fateri crimen suum, quando proceditur ad punitionem, nili præcedat semiplena probatio; Cum nemo possit esse primus testis contra seipsum; Nihilominus, quando Judex procedit, non ad punitionem, sed ad cognitionem impedimenti ad matrimonium, vel ad Ordines suscipiendos, quia solum procedit ad vitandum peccatum, debent ipsi etiam Rei, etiam cum propria infamia illud manifestare, nisi velint infamiam vitare, cessando a matrimonio, vel a suscepcione Ordinis. Cum hoc tamen simul verum est, ut docet Pont. apud Perez, quod si Sacerdos aliquis, verbi gratia ex diversis foeminis suscepit masculum, & foeminam, qui bona fide velint contrahere matrimonium, non teneatur cum propria infamia manifestare impedimentum consanguinitatis; quia cum contrahant bona fide, ex occultatione impedimenti nullum sequeretur peccatum, nisi materiale: Secus accidit, si contrahant mala fide, & præmissa correctione nolint a nuptiis desistere.

Dices: si duo sponsum petant publice suscipere Sacramentum matrimonii, non possunt publice repellere a Pa-

rocho, qui privatim scit, illos in mortali contracturos: ergo neque possunt repellere ob impedimentum occultum; atque adeo impedimentum occultum non est manifestandum. Antecedens patet; Nam Christus Dominus dedit Eucharistiam Judæ, quem sciebat indigne illam suscipere, & maluit projicere Margaritam ante porcum, quam illius famam denigrare; ergo universim non debet deregri crimen occultum ad vitandam suscepcionem indignam Sacramenti.

Respondeo, concessio antecedente, negatur consequentia. Disparitas est, quia in primo casu agitur de vitando uno tantum peccato indignæ suscepcionis Sacramenti: in secundo casu agitur de vitandis innumeris peccatis fornicationis, quæ sequerentur, si cum illo impedimento oculo dirimente contraheretur matrimonium. Adde, desiderare Doctores apud Conquirit. 80. de Sacram. art. 6. in indaganda veritate antecedentis; Communiter tamen docent, id verum esse, quia ea lege instituit Christus Dominus Sacramenta, ut non debeant ab iis repellere peccatores occulti; tum quia aliter sequeretur magna perturbatio, & multi injuste ditamarentur ob imprudentiam, & scrupulum Ministrorum; tum etiam, quia si manifestentur peccatores occulti, ne indigne suscipiant Sacramentum, vitatur quidem indigna suscepcio Sacramenti, seu peccatum externum, sed non vitatur peccatum internum eorum, qui etiam statuerunt in corde suo, Sacramentum in mortali suscipere: At in secundo casu vitantur innumera peccata fornicationis, & perseverantia contrahentium in statu peccati mortalis; unde nihil mirum, si famæ tuam propriæ prævalere debeat bonum hoc spirituale proximi.

Ubi etiam notandum, quod si quis velit, exempli gratia, Eucharistiam

fuscipere, ut ea in maleficiis abutatur, non debeat illi ministrari, si occulte tantum, sed non ex confessione Sacramentali peccatum hoc a ministro cognoscatur; quia in tali casu famæ proximi prævalere debet externa reverentia Christo debita; Unde non debet Sacerdos tali peccato cooperari ministrando illi Eucharistiam, ne occultum hunc peccatorem infamet, juxta doctrinam communem Doctorum.

V. Quæritur tertio; Quid faciendum, si contrahentes agnoscentes impedimentum, non possint sine magno scandalo a matrimonio desistere?

Respondeo ex Pont., & aliis apud Perez, posse Sponsos matrimonium contrahere sub conditione, si Papa dispenset; Probabile enim est, matrimonium sub conditione contractum non esse deinde repetendum, purificata conditione; & interim possunt in eadem domo habitare; Et quamvis exponant se periculo fornicationis, excusantur tamen ex occurrentia ingentis scandali; unde possunt, & debent alia via periculo fornicationis occurrere, videlicet orationibus, & penitentiis.

Verum præstat, quod vir faciat votum castitatis ad tempus, videlicet donec veniat dispensatio ab illo impedimento, & deinde publicet se habere votum castitatis: (præscindendo, an illud fuerit ad tempus, an vero perpetuum, ne petatur ab Episcopo dispensatio) unde debeat a Pontifice dispensationem expectare, & interim velle tantum, sicut potest, contrahere sub conditione, quod Papa dispenset; sic enim nec teneretur, nec posset cohabitare.

VI. Quæritur ultimo; Sitne mortale omittere benedictionem nuptialem ante consummationem matrimonii?

Respondeo cum communi contra nonnullos apud Sanch. lib. 7. disp. 82., & lib. 3. disp. 12., neque esse peccatum mortale consummare matrimonium ante talem benedictionem, neque esse peccatum mortale illam simpliciter omittere, nisi ex contemptu, aut scandalo omitatur. Ratio est, quia non videtur esse res gravis, nec valde congruens progressui matrimonii; Etenim benedictio nuptialis non est Sacramentum, sed quoddam sacramentale, nec tauti momenti, quanti Sacramentalia, quæ Baptismo præmittuntur. Quamvis autem non vaeet culpa veniali, illam simpliciter omittere sine ulla causa contra usum, & consuetudinem Ecclesiæ; nihilominus probabile est, nullam esse culpam ex iusta causa, videlicet ratione temporis feriat in Adventu, aut Quadragesima, consummare matrimonium ante benedictionem Ecclesiæ; Cum videatur, esse consilium, non præceptum, illam præmittere: Dicit enim Trident. sess. 24. *Hortatur Sancta Synodus, ut conjuges, ante benedictionem sacerdotalem in templo suscipiendam, in eadem domo non cohabitent*; quod verbum *Hortatur*, videtur significare consilium, ut notat Sanch. Notandum præterea, secundas nuptias non esse iterum benedicendas, quia solemnes Ecclesiæ benedictiones non debent bis iisdem rebus conferri ex cap. *Vir 3. De secundis nuptiis*, etiam si alter tantum conjugum secundo nubar; Quamvis multis in locis ex consuetudine soleant benedici secundæ nuptiæ, quando alter primo nubit, & alter est viduus, ut Sanch. lib. 7. disp. 82.

ARTICULUS VI.

De Consensu conditionato.

I. In quo differant conditio, demonstratio,

rio, causa, dies, & modus, quae contractui matrimoniali saepe adiunguntur? Et quomplex soleat esse conditio?

II. Nec demonstratio, nec causa adiecta contractui suspendunt, aut vitiant contractum, sed solus error, aut circa eius substantiam, aut circa qualitates substantiales.

III. Modus adiectus contractui, probabiliter illum non vitiat; quamvis sit rei impossibilis, aut turpis. Dies vero, non secus, ac conditio illum suspendit; non tamen conditio necessaria.

IV. Contractus sub conditione contingenti, illa purificata, non requirit novum consensum.

V. Non vitiat matrimoniale contractum conditio impossibilis, aut turpis. (nisi sit contra iria illa bona, Proles, Fidei, & Sacramenti) Alios vero contractus vitiat.

VI. Conditio ista, Si Papa dispenses, dicitur impossibilis solum in casu, quo nunquam Papa dispensare soleat. Et conditio, si aliter voteat castitatem, aut Religionem ingrediatur, non dicitur esse contra substantiam matrimonii.

VII. Ista conditio, Si Pater consenserit, quomodo intelligenda?

VIII. Conditio indifferens, ac impertinens, contractum suspendit.

IX. Conditiones turpes contra substantiam matrimonii irritant etiam contractum Sponsalium.

X. Extenditur etiam ad contractum Sponsalium lex, quod conditiones aliae turpes, & impossibiles habeantur pro non adiectis; non tamen lex irritans matrimonium clandestinum.

I. **Q**uæritur primo; In quo differat Conditio a Demonstratione, Causa, Dies, & Modo adiectis contractui, siue matrimoniali, si-

ve sponsalicio?

Respondeo, in hoc differre, quod contractus dicatur fieri cum Demonstratione, quando denotatur, seu demonstratur aliqua qualitas personæ, cum qua contrahitur; ut si dicatur: Duco te, quæ es virgo. Fit vero contractus cum Causa, quando explicatur motivum, propter quod fit; ut si dicatur: Duco te, quia es virgo. Fit cum Die, quando denotatur tempus, quo incipit obligare contractus; ut si dicatur: Accipio te in meam post tres dies. Fit sub Modo, quando contractui adjicitur aliquod onus; verbi gratia, Duco te, ut mihi inservias. Demum fit contractus sub Conditione, quando apponitur aliqua conditio ad suspendendum contractum; ut Duco te, si Papa dispenses.

Porro conditiones, alix sunt honestæ, alix turpes, alix necessariæ, alix contingentes, alix impossibiles, alix impertinentes, alix de præterito, alix de præsentibus, alix de futuro. Demum conditiones turpes; alix sunt contra substantiam matrimonii, quæ scilicet repugnant tribus bonis matrimonii, idest proli, fidei, seu fidelitatis, & Sacramenti, seu indissolubilitatis, ut si dicatur: Duco te, si venenum sterilitatis sumpseris; Vel si promiseris copiam tui corporis alteri; Vel duco te usque ad obitum tui patris: Aliæ vero conditiones turpes non sunt contra substantiam matrimonii, ut duco te, si Petrum occideris.

II. Quæritur secundo; Quanam conditiones, aut demonstrationes, causa, dies, vel modus adiecti contractui suspendunt, aut vitiant illum?

Respondeo, & dico primo, nec demonstratio, nec causa adiecta contractui suspendunt, aut vitiant illum, etiam si sint falsæ; Quare si dicatur: Duco te, quæ es virgo, aut quia es virgo, validus est contractus, etiam si non

non sit virgo. Ratio est, quia ea verba non determinant objectum contractus, nec designant, consensum in illum ferri sub conditione, sed tantum exprimiunt opinionem contrahentis circa tale objectum, & causam contrahendi. Quamvis autem verum sit, quod ille non contraheret, si ea non esset virgo, non per hoc non datur consensus absolutus constitutivus contractus: Etenim solus error, qui sit circa substantiam, seu circa personam, aut circa conditionem personae spectantem ad substantiam contractus, est ille, qui impedit consensum absolutum: Unde si dicatur: Duco te, quia es Berta, vel quia libera, vel quia primogenita, matrimonium non est validum, si illa non esset Berta, aut non libera, aut non primogenita, ut notat Perez disp. 16. sect. 5., quia in his casibus error est, aut circa substantiam contractus, aut circa conditiones substantiales, ut dicemus quæst. sequ., art. 2. quæsit. 2.

III. Dico secundo; neque Modus adiectus contractui vitiat, aut suspendit illum, quando modus est rei possibilis, & honestæ, seu quando contractui adijcitur onus aliquod possibile, & honestum; ut si dicatur: Duco te, ut mihi infervias: Si tamen Modus sit rei impossibilis, aut turpis, probabilius etiam existimo cum Hurt. & Perez contra Sanch. lib. 5. disput. 19., quod neque vitiet, seu annullat contractum; ut si dicatur: Duco te, ut mihi des montem aureum, vel ut fureris, vel ut obligeris ad adulterandum. Ratio est, quia consensus in contractum non habetur dependenter a modo, cum niodus non sit conditio; ergo contractus cum tali modo non vitietur, sed est validus, & subsistit.

Dico tertio cum Con., Hurt., Perez contra Sanch. loc. cit., Dies, seu tempus appositum contractui suspen-

Part. VII.

dit contractum, non secus ac conditio; unde si dicatur: Accipio te in meam post tres dies, matrimonium non est ratum nunc, sed post tres dies; Sicuti cum dicitur: Contraho, si cras pluet, vel si Papa dispensaverit, matrimonium non est ratum, nisi post pluviam crastinam, vel post dispensationem Pontificiam. Ratio est, quia in utroque casu contrahens non intendit ponere contractum perfectum, nisi post tertium illum diem; sicuti etiam non nisi post conditionem purificatam. Neque dicas, disparitatem esse inter tempus, & hanc conditionem, quod conditio ista sit contingens, & tempus illud sit necessario futurum. Nam ex hoc tantum sequitur, quod contractus sub conditione contingenti, contingenter sit futurus perfectus, purificata conditione: Contra vero contractus, cui apponitur dies, necessario post illum diem sit futurus perfectus; non autem sequitur, quod contractus sub conditione contingenti sit futurus perfectus post conditionem, & contractus sub die sit statim perfectus ante lapsum illius diei cum obligatione ligata, seu impedita; ut tenet sententia opposita.

Dico quarto; Conditio, si sit contingens, suspendit contractum; secus vero si sit necessaria: Verbi gratia, si dicatur: Contraho tecum, si cras pluet, matrimonium non est ratum, nisi post pluviam crastinam: Contra vero si dicatur: Contraho tecum, si cras sol orietur, matrimonium est ratum nunc ante eventum conditionis, tam in foro externo, quam in interno; nisi expresse velint contrahentes suspendi consensum usque ad purificationem conditionis. Ratio est, quia conditio necessaria habetur pro impleta, & ideo ante eventum conditionis necessaria possunt consummare matrimonium; non tamen ante eventum conditionis contingentis: Sicuti

Q

no.

neque ante lapsum temporis præfixi, quando contractui apponitur dies.

IV. Dubium est primo; An contractus sub conditione contingenti celebratus, purificata conditione, sit validus independentem a novo consensu?

Aliqui negant apud Con. Sed communiter affirmant, quia sicuti ceteri alii contractus conditionales non requirunt novum consensum post eventum conditionis, ita nec contractus matrimonialis; quamvis ut contractus sit absolutus, & perfectus, requiratur purificatio conditionis. Hinc sequitur, quod ante conditionis eventum possit talis contractus mutuo consensu revocari; ita ut uterque possit cum alio nubere, neuter tamen possit ante conditionis eventum, altero invito, resiliire; cum ea sit natura contractus conditionalis, ut obliget ad expectandum eventum conditionis.

Dubium est secundo; Utrum dictus contractus sit validus statim posita conditione; an vero quando habetur notitia conditionis purificata?

Respondeo cum Sanch. lib. 5. disp. 7., & Hurt. contra Con., & Perez esse perfectum statim posita conditione, & tunc gratiam propriam huius Sacramenti conferri: Ad eum modum, quo contractus per Procuratorem celebratus est validus statim posito consensu procuratoris, antequam ejus notitia ad principalem perveniat; Unde si quis ita contrahat: Duce te, si tuus Pater est mortuus, contractus est validus, si revera Pater mortuus est, & solum requiritur talis notitia certa, ut licite possint consummare matrimonium, ne se exponant periculo fornicationis. Quod si quis contrahat matrimonium sub conditione cum duobus, illud matrimonium est validum, cujus conditio primo adimpletur, non vero, quæ primo scitur; Si tamen utraque simul adimpleatur, neutrum est

validum propter incertitudinem, ut notant Bonac., Sanch., Con.

Hinc sequitur, quod non debeat esse notus Parocho, & testibus eventus conditionis, ut docet idem Sanch. contra Con., & alios communius apud Bonac. Ratio est, quia satis est, ut contractus fiat coram Parocho, & testibus, ut præcipit Tridentinum. Quare sicut non requiritur, ut quando matrimonium celebratur inter consanguineos, ostendatur Parocho, & testibus dispensatio obtentia; ita nec requiritur, ut impletio conditionis fiat coram illis. Et ratio radicalis est, quia finis Concilii (qui est, ut non possint ad secundas nuptias contrahentes transire) habetur in casu nostro sufficienter. Non negaverim tamen, hujusmodi matrimonia conditionata non esse facile permittenda, ut notat Con.; & adimpleta conditione, consultus esse coram Parocho, & testibus novum consensum absolutum significare, ut notat Croix num. 762. vel iterum coram Parocho, & testibus matrimonium contrahere; aut saltem illos certiores reddere de conditione jam purificata, ut fert communior opinio, ut possint de ea testari.

V. Quæritur tertio; validum ne sit matrimonium celebratum sub conditione aliqua turpi; verbi gratia, si fureris, aut si moechaberis? Et quid si celebretur sub conditione aliqua impossibili, verbi gratia, si volaveris, vel si dederis myriadem aureorum pauperi, quod huic contrahenti sit impossibile?

Respondeo, condiciones turpes esse duplicis generis; Aliæ sunt, quæ adversantur substantiæ matrimonii, seu, ut supra notavimus, sunt contra tria illa bona essentialia matrimonii, ad quæ se debet contrahens obligare, videlicet contra bona proles, hdei, & Sacramenti, seu indissolubilitatis; ut si quis dicat: Duce te, si sumas phar-

ma-

macum sterilitatis; vel si obligeris ad adulterandum; vel donec inveniam aliam pulchriorem, aut ditioem: Aliæ vero conditiones turpes sunt, quæ non adversantur substantiæ matrimonii, seu tribus istis bonis essentialibus, ut Duco te, si fureris. His positis; Dico, Conditiones turpes, quæ adversantur substantiæ matrimonii, illud vitare, ac reddere irritum. Ratio est, quia conditio contra substantiam contractus destruit contractum: Contra vero conditiones turpes, quæ non sunt contra substantiam matrimonii (puta, si fureris, si blasphemus); sicut etiam conditiones impossibiles (puta, si digito cælum tangeris) non vitiare, seu non irritant contractum, sed habentur in contractu matrimoniali istæ conditiones pro non appositis, tam in foro interno, quam in externo; dummodo addit consensus absolutus, seu dummodo contrahens non velit expresse suspendere contractum, non purificata conditione. Ita habetur in cap. finali de conditionibus appositis.

Hoc tamen non est verum in aliis contractibus, in quibus per conditiones impossibiles explicari solet dissensus potius, quam consensus; & idcirco contractus, quibus conditiones impossibiles apponuntur, sunt invalidi: Sicut etiam si iis apponantur conditiones turpes, quæ ad peccatum alligant. Quare solum in favorem matrimonii statuit Gregor. IX. in cap. laud., quod conditiones impossibiles, & turpes, quæ non adversantur substantiæ matrimonii, si adiciantur contractui matrimoniali, habeantur pro non adjectis, nec irritent illum: Præsumitur enim Ecclesia tunc haberi absolutum consensum; Quia tamen veritas cedit præsumptioni, si contrahens vere nolit contrahere, non purificata conditione impossibili, vel turpi, procul dubio pariter contractus matrimonialis esset invalidus, etiam in foro ex-

terno, si in tali foro constaret de consensu taliter conditionato.

Hinc sequitur primo, quod si quis dubitet, num conditiones turpes, quæ non sint contra substantiam matrimonii, joco apposerit, an animo suspendendi consensum, præsumendum, quod solo joco adjecerit; idque, tum in favorem matrimonii, nam ex cap. fin. de sententia, & re judicata in dubio semper pro ejus valore judicandum; tum etiam, quia nemo præsumitur velle peccare; peccaret autem, qui conditionem turpem serio apponeret contractui matrimoniali, reddendo illum irritum.

Sequitur secundo, idem dicendum in dubio; An conditiones impossibiles joco, an serio appositæ sint?

Sequitur tertio, quod si quis ita contrahat: Duco te, si generationem proli evites, vel si pro quæstu ad adulterandum te tradas, vel donec inveniam aliam gratiorem, matrimonium sit nullum; quia conditiones istæ turpes adjectæ contractui sunt adversus substantiam matrimonii, hoc est, contra tria illa bona matrimonii essentialia, proli, fidei, & Sacramenti: Secus vero si quis ita contrahat: Duco te, si pejores, vel si des mihi montem aureum, matrimonium est validum; quia conditiones istæ ex speciali lege Gregor. IX. habentur pro non adjectis, dummodo nolit contrahens expresse in matrimonium consentire, non purificata conditione.

Sequitur quarto, quod alii contractus, puta, donationis, venditionis, &c., invalidi sint, si iis apponatur conditio impossibilis. Ratio est, quia talis conditio, vel cognoscitur esse impossibilis, & sic non habetur verus consensus; vel non cognoscitur esse impossibilis, & sic debet expectari ejus eventus, ut contractus absolute obliget; & quia eventus conditionis impossibilis nunquam erit,

O 2 idco

ideo nunquam erit validus, & nunquam absolute obligabit talis contractus.

Sequitur ultimo, quod si in his aliis casibus apponatur conditio turpis (quae dicitur jure impossibilis, eo quod servari nequeat jure inviolato) verbi gratia, *Dono equum, si blasphemus, si hostem occidas*, contractus fiat pariter invalidi ante purificationem conditionis, ac debeant rescindi, eo quod aliter ad peccatum allicerent: Quamvis purificata conditio juxta communioem opinionem Doctorum apud Lessl. cap. 18. dub. 3. contra Nav. obligent; quia tunc non amplius ad peccatum alliciunt; Quare ne post patratum crimen obligent, & pro tunc sint validi, ideo antecedenter rescindendi sunt, pro quando sunt invalidi.

VI. Rogabis primo; Num matrimonium celebratum sub conditione, si Papa dispensaverit, dicatur esse sub conditione possibili, an vero sub impossibili, ita ut habeatur pro non adjecta?

Respondeo cum distinctione; nam si in eo impedimento nunquam Papa dispensare soleat (ut est impedimentum affinitatis in primo gradu cum iis, qui non sunt Magnates) dicitur esse sub conditione impossibili; Si vero in eo soleat dispensare, dicitur esse sub conditione possibili, & honesta, & in tali casu matrimonium est validum, non pro tunc, quando contrahentes sunt inhabiles ad contrahendum, sed pro quando obtemperata est dispensatio; ita ut non requiratur deinde novus consensus, ut diximus.

Rogabis secundo; An matrimonium celebratum sub conditione, quod alter prius voveat castitatem, vel nunquam petat debitum, vel ingrediat religionem, dicatur esse sub conditione, quae sit contra substantiam matrimonii?

Respondeo negative; stat enim obligatio matrimonii, & jus remotum ad petendum debitum cum voto castitatis, & cum iis aliis obligationibus, ut ostendimus, cum de sponsalibus.

VII. Rogabis tertio; Qualis sit ista conditio apposita matrimonio, si Patri placuerit? & quomodo intelligenda?

Respondeo, certum esse, quod talis conditio non sit turpis, & quod ab ipsis contrahentibus apponi possit in contractu; ita ut matrimonium non sit validum, sed suspensum, donec conditio impleatur. Verum, quomodo beneplacitum hoc Patris intelligendum sit, variant Doctores.

Dico equidem primo, matrimonium sub ea conditione celebratum esse validum, tam si Pater consentiat, quam si conscius matrimonii non dissentiat: Ita communiter cum Sanch. lib. 1. disp. 7. Ratio est, quia juxta communem sensum per illam conditionem non significatur positivus consensus, sed solum non repugnancia Patris: Etenim non solet intendi, quod Pater faveat positive, sed solum, quod non repugnet, nec egre ferat.

Dico secundo cum Con. disp. 29. dub. 2., Nav. Hurt. contra Sanch., & Pont.: Si Pater primo dissentiat, & mox consentiat; per consensum hunc posteriorem impletur conditio, & perficitur matrimonium. Probat, quia juxta communem sensum, & intentionem contrahentium verba dicuntur conditionis non sumuntur in rigore, sed morali modo; ita scilicet, ut si intra tempus aliquod arbitrio prudentis, & attentis circumstantiis assignandum, obtineatur consensus Patris, matrimonium sit validum: ergo si intra illud tempus obtineatur consensus, quamvis post dissentium, conditio est impleta. Confirmatur, quia si contrahatur matrimo-

mo-

monium sub conditione, quod Papa dispenset, & Papa prius denegat Procuratori dispensationem, & deinde remelius proposita, & perpensa, illam concedat, clarum videtur, quod contractus valeat; nisi aliud constet de intentione contrahentium: ergo etiam in casu nostro: Et ratio radicalis est, quia verba illa, si Patri placuerit, vel si Pater consentiat, solent hunc sensum facere, videlicet, si poteris obtinere consensum Patris; qui autem primo patitur repulsam a Patre, adhuc potest intra breve tempus consensum obtinere, si iterum roget; ergo si vere obtineat consensum, quamvis post dissensum, contractus est validus.

Dico tertio consequenter cum iisdem Auctoribus: Si Pater primo consentiat, & deinde intra breve tempus repugnet, matrimonium non est validum. Ratio est eadem, quia scilicet juxta communem intentionem contrahentium extenditur consensus conditionatus usque ad aliquod tempus assignandum arbitrio prudentis viri; etenim sensus, & intentio contrahentium est, ut matrimonium valeat, si intra aliquod tempus Pater acquiescat, & non repugnet: Quare si intra illud tempus repugnet, quamvis post consensum, conditio non est impleta.

Dico ultimo: Quando apponitur dicta conditio in matrimonio, si forte contingat, quod Pater antequam consentiat, vel dissentiat, moriatur, matrimonium est validum. Ita Pal., & Sanch. contra Pont. Ratio est, quia in tali casu habetur, quod contrahentes intendunt, scilicet, quod Pater non repugnet. Confirmatur, quia vel cognoscebant mortem Patris contrahentes, quando contraxerunt, vel non; si cognoscebant, conditio illa, utpote impossibilis habetur pro non adjecta, ut diximus, & sic ma-

trimonium est validum; Si vero Patris mortem ignorabant, etiam validum est matrimonium, quia illi intendunt contrahere, modo id non ægre ferat Pater; quod bene per obitum Patris verificatur.

VIII. Quæritur quarto; An conditio indifferens, vel impertinens, verbi gratia, si saltes, si pluat, suspendat contractum matrimoniale, sicut conditio honesta?

Respondeo affirmative cum Sanch. lib. 5. disp. 18. Ratio est, quia omnis conditio jure non improbat potest apponi matrimonio, ut colligitur a contrario sensu ex cap. *Super eo De conditionibus apposis*; atque conditio indifferens, & impertinens matrimonio apposta nullo jure reprobat; nam in cap. *fin. De conditionibus apposis* solum rejiciuntur conditiones impossibiles, & turpes, quæ ad peccatum incitant, & non sunt contra substantiam matrimonii; ergo conditiones indifferentes, & impertinentes apponi possunt matrimonio, ita ut illud suspendant, non secus, ac conditiones honestæ. Concedo tamen non vacare aliqua culpa adicere conditiones impertinentes contrahenti tam Sancto matrimonio, quod est Sacramentum.

IX. Quæritur quinto; An conditiones turpes contra substantiam matrimonii, sicut irritant contractum matrimoniale, si illi adjiciantur, ita etiam irritent contractum Sponsalium?

Respondeo cum communi apud Perez disp. 12. sect. 2. affirmative; quia Sponsalia ordinantur ad Matrimonium: ergo sicut conditiones turpes, quæ sunt contra substantiam matrimonii irritant contractum matrimoniale, si illi adjiciantur, ita etiam irritant contractum Sponsalium, si adjiciantur Sponsalibus.

Confirmatur, quia Sponsalia nihil aliud sunt, quam promissio matrimoni;

nii; ergo sicut matrimonium nullum est, si celebretur sub tali conditione turpi, ita nulla est hujusmodi promissio. Quare invalidus est contractus, si dicatur: Promitto tibi matrimonium sub conditione, quod sterilitatem procures, vel ante, vel post illud; aut sub conditione, quod obli-geris ad adulterandum; vel promitto matrimonium, quod duret per annum.

X. Quæritur ultimo; An conditiones turpes, quæ non sunt contra substantiam matrimonii, & conditiones impossibiles, si apponantur contractui sponsalium, habeantur pariter pro non adjectis; sicuti si apponantur contractui matrimoniali?

Respondeo etiam cum Sanch. loc. cit. & aliis communiter contra Ledesm., & Perez affirmative; quia scilicet Sponsalia sunt initium quoddam matrimonii, & ideo quod disponitur a legibus circa matrimonium, conse-

tur dispositum circa sponsalia, ex leg. *Oratio ff. de Sponsalibus*.

Neque dicas cum Perez, quod dispositio Tridentini irritans matrimonia clandestina non extendatur ad irritanda sponsalia clandestina; ergo neque in casu nostro valet arguere a contractu matrimoniali ad sponsalium. Nam concessio antecedente, negatur consequentia. Disparitas est, quia in primo casu talis dispositio Tridentini non est favorabilis matrimonio; ergo non est extendenda a contractu matrimoniali ad Sponsalium. Contra vero in casu nostro ista legum dispositio, quod conditiones impossibiles, & turpes habeantur pro non adjectis, est favorabilis matrimonio; ergo extendenda est ad Sponsalia; cum semper in favorem matrimonii judicandum sit, ex cap. *fin. De sententia, & re judicata*.

Q U Æ S T I O V.

De Impedimentis Matrimonii.

Certum est, jure naturæ dari quædam impedimenta dirimentia matrimonium; ut est error circa personam, Impotentia perpetua ad usum matrimonii, Defectus usus rationis, &c. Nunc tamen examinandum primo; An jure positivo, sive Ecclesiastico, sive sæculari, statui possint alia impedimenta dirimentia? Deinde de impedimentis dirimentibus jure Ecclesiastico hæcenus statutis agendum sigillatim. Demum de impedimentis impediendis.

Impedimenta autem dirimentia dicuntur, quæ reddunt irritum matrimonium, hoc est, quæ impediunt, ne valide contrahatur; non tamen efficiunt, ut contractus matrimonii validus, si ea superveniant, irritetur; cum hoc repugnet indissolubilitati matrimonii. Hujusmodi impedimenta, præter impedimentum ætatis, duodecim juxta jus antiquum enumerabantur, quibus Tridentinum adjunxit duo alia, videlicet, Clandestinitatem, & Raptum, quæ omnia his vertibus continentur.

Error, Condicio, Potum, Cognatio, Crimen.

Cultus disparitas, vis, ordo, ligamen, honestas,

Si sis affinis, si forte coire nequibis:

Sæ

*Si Parochi, & duplicis desit presentia testis,
Raptave sit mulier, nec parti reddita tuta:
Hæc facienda vetant connubia, facta retrahant.*

Impedimenta vero impedientia solum impediunt, ne licite, non autem ne valide contrahatur matrimonium; ut sunt Interdictum, seu prohibitio Ecclesiæ, quando scilicet de aliquo impedimento ulterius inquirendum sit; Votum castitatis, Catechismus, Tempus feriatum, & aliqua crimina, de quibus dicemus art. ult. hujus quæst. Hæc autem omnia ad subsidium memoriæ his aliis versibus continentur.

*Ecclesia vetitum, necnon tempus feriarum,
Atque Catechismus, Votum, Sponsalia, Crimen,
Impediunt fieri, permittunt facta teneri.*

His adde Clandellinitatem in iis locis, in quibus non est receptum Tridentinum (ea enim impedit, licet non dirimat in iis locis matrimonium;) necnon omissionem proclamationum, & omissionem benedictionis, juxta dicta art. 2. quæst. super. Sub eo tamen verbo, *Crimen*, varia Crimina, quæ comprehenduntur, & matrimonium impediunt. (ubi desuetudine non sit sublatum tale impedimentum) his aliis etiam versibus continentur.

*Incestus, Rapinus sponsæ, Mors mulieris,
Suscepimus propria sobolis, mors Presbyteralis,
Aut si paniteat solemniter, aut Moniale
Accipiat, prohibent hæc conjugium sociandum.*

Antequam de impedimentis, tam dirimentibus, quam impedientibus sigillatim agamus, præmittenda nonnulla sunt de impedimentis in genere. Ideo sit.

ARTICULUS I.

De Matrimonii impedimentis in genere; Quinam possit ea statuere?

- I. Solus Pontifex statuere potest impedimenta matrimonii dirimentia.*
- II. Non est verum, quod possit Episcopus pro sua Urbe, quicquid potest Pontifex pro toto Orbe.*
- III. Quamvis Principes baptizati, seclusa prohibitione Ecclesiæ, statuere possint leges circa contractum matrimonialem fidelium; Hanc tamen potestatem sibi Pontifex reservavit.*
- IV. Univerſim est mortale contrahere matrimonium cum impedimento dirimente; sed probabiliter non est sacrilegium.*

V. Quomodo possit quis sine sacrilegio simulare etiam absolutionem Sacramentalem?

VI. Validum est matrimonium, etiamsi per clausulam generalem Pontifex irritet quicquid fiat contra aliquam legem, in qua etiam matrimonium prohibeatur.

QUæritur primo; An jure positivo statui possint impedimenta matrimonii dirimentia, sive a Pontifice, sive ab Episcopo, sive a Principe seculari, sive ex consuetudine?

Respondco, & dico primo, dari in Ecclesia, atque adeo in Pontifice, potestatem statuendi impedimenta matrimonii, tam dirimentia, quam impedientia. Constat, tum ex Tridentino sess. 24. can. 4., tum auctoritate Pontificum, a quibus varia hujusmodi

modi impedimenta constituta sunt ; tum demum ratione , quia Ecclesia potest , & irritare , & prohibere contractus , quando non sunt sub certis conditionibus , & sub certa forma ; ergo potest in contractu matrimoniali statuere impedimenta , tam dirimentia , quam impediencia . Ex quo patet , Ecclesiam non posse directe apponere impedimenta Sacramento a Christo Domino instituto , sed solum indirecte , tollendo ejus fundamentum , seu efficiendo , ne sit contractus legitimus , seu materia Sacramenti id , quod esset ceteroqui talis : Sicut tollendo alicui jurisdictionem , impedit , quominus verba illa : Ego te absolvo , ab eo prolata , sint forma Sacramenti Pœnitentiæ .

Dubium est ; An impedimenta matrimonii constituta a Pontifice obligent etiam Infideles ?

Respondeo , obligare solos Christianos , non vero Infideles : quippe qui non sunt subditi legibus Ecclesiasticis : Si tamen aliqui Infideles inhabitarent in locis subditis temporali jurisdictioni Pontificis , puta Romæ , in tali casu Pontifex , non tamquam Princeps Ecclesiasticus , sed tamquam temporalis , statuendo hæc impedimenta , etiam illos obligaret . Ratio est , quia etiam Princeps supremus infidelis potest statuere impedimenta dirimentia matrimonii subditis suis infidelibus , ut mox dicemus ; Sicut possunt Principes sæculares ferre leges irritantes quoscumque contractus , si non celebrentur sub determinatis conditionibus ; ergo potest hoc etiam Pontifex , tamquam Princeps supremus temporalis relate ad loca temporali suæ jurisdictioni directe subiecta .

Dico secundo ; Probabilius esse , hanc potestatem statuendi impedimenta matrimonii non competere Episcopis pro sua Diocesi . Ita Con. , Perez disp. 21. sect. 4. contra Sanch. disp.

7. sect. 1. , Pont. , Mart. disp. 12. difficult. 2. Probatur primo , quia Episcopi ratione proprii Officii non habent jurisdictionem ullam jure divino , ut patet in Episcopis titularibus , sed eam accipiunt jure Ecclesiastico a Pontifice , majorem , vel minorem pro ejus arbitrio ; ergo jure divino non possunt ferre legem ullam ; & consequenter nec statuere impedimenta matrimonii ; atqui neque possunt id ethice jure Ecclesiastico , quia nullum tale jus asserri potest ; ergo simpliciter non possunt statuere impedimenta matrimonii .

Probatur secundo , quia per impedimenta matrimonium irritatur directe , & per se , inquantum est contractus civilis , & solum indirecte , inquantum est Sacramentum ; ergo ille tantum statuere potest impedimenta irritantia contractum matrimoniale , qui potest contractus civiles irritare ; contractus autem civiles ille tantum irritare potest , qui habet jurisdictionem in res temporales : ut est Princeps , sæcularis , & Pontifex ; quippe qui circa res omnes temporales potestatem habet indirectam , ut de iis disponat , quatenus exedit bono spirituali fidelium ; Quod ex eo constat , quia sicut in composito humano confuso ex anima , & corpore , corpus est subditi Spiritui , ita in Republica Christiana temporale subditur spirituali , & contra rationem omnino esset , si in iis , quæ ad civilem , & spiritualement gubernationem pertinent , ut est contractus matrimonialis , aut potestas temporalis , & politica non subordinaretur spirituali , aut neutra alteri subordinaretur : Contra vero Episcopus hanc potestatem indirectam in res temporales non habet a Deo sibi concessam , sicut habet Pontifex ; non enim Episcopus potest circa res civiles quicquam statuere , invitis Principibus sæcularibus , quantumcumque hoc

hoc expediat salutem fidelium, nisi eorum salutem esset omnino necessarium; in quo solo casu tenentur omnes Magistratus civiles Episcopis obedire jure naturali divino; ergo cum statuere impedimenta matrimonii non sit omnino necessarium salutem fidelium, non possunt Episcopi ea statuere.

II. Neque dicas cum Sanch. lib. 1. disp. 61., Henr., Sot., & aliis: Quicquid potest Pontifex per totum Orbem, potest Episcopus pro sua Diocesi, nisi expresse a Papa prohibeatur; Sicut enim Pontifex est Pastor ordinarius pro toto Orbe, ita Episcopus pro sua Diocesi, licet illi subordinatus; ergo sicut potest Pontifex pro tota Ecclesia statuere impedimenta matrimonii, ita potest Episcopus pro sua Diocesi, cum id a Pontifice nusquam prohibeatur.

Nam contra est, quia Suar. tom. 5. in 3. p. de Censuris disp. 7. ostendit, axioma hoc esse falsum, cum in nullo jure, aut ratione fundetur; & a posteriori constat oppositum; nam primo, Episcopus non potest pro sua Diocesi instituere censuras, sicut potest Papa; & tamen hoc illi nullibi prohibetur. Secundo, non potest Episcopus statuere, ut matrimonium ratione alicujus delicti parrati a contrahentibus sit nullum, sicut potest Papa. Tertio, non potest Episcopus dispensare in gradibus prohibitis ad contrahendum matrimonium; quamvis hoc expresse Episcopo non prohibeatur. Quarto, ut notat Salas de legibus disp. 2. sect. 3., in multis irregularitatibus non possunt Episcopi dispensare, quamvis circa illas non inveniatur expressa prohibitio, sed solum non concessio. Quinto, nec potest Episcopus dispensare in matrimonio rato non consummato; nec in voto solemnium; nec concedere indulgentias plenarias; nec committere Presbytero ministerium Sacramenti Confir-

Part VII.

mationis, vel Ordinis, ut potest Pontifex, saltem quoad minores; nec alia, quae enumerat Dian. part. 8. tract. 3. resol. 11. ex Suar. lib. 6. de legibus cap. 14. Demum ipse Sauch. lib. 1. disp. 16. notat, quod solus Pontifex possit dispensare in Sponsalibus, eo quod per sponsalia acquisitum sit jus a Tertio; Ex quo omnes Doctores docent, quod Episcopus non possit relaxare juramentum Tertio praestitum. Et ratio est, quia nemo, praeter supremum Principem, potest auferre jus a Tertio acquisitum.

Verum quidem est, quod possit Episcopus absolvere, sicut Pontifex, quoties illi hoc non prohibetur. Ratio tamen est, quia hoc spectat ad salutem Animarum suae curae commissarum. Hinc tamen non sequitur, quod possit Episcopus statuere impedimenta matrimonii, sicut potest Pontifex. Non negatur, quod Episcopus sit Pastor Ordinarius pro sua Diocesi, sicut Pontifex est Ordinarius Pastor pro toto Orbe; ex hoc autem solum sequitur, quod possit condere leges circa res spirituales salutem suorum subditorum expedites; non vero, quod possit condere leges circa res civiles, quantumcumque conducant ad bonum spirituale, nisi quando sunt omnino necessariae salutem subditorum; quod non habetur in casu nostro; & consequenter non possunt Episcopi statuere impedimenta matrimonii.

Dico tertio; Principes infideles suprema possunt statuere impedimenta matrimonii, quibus obligentur omnes subditi temporales, tam fideles, quam infideles. Ratio ex D. Th. in 4. dist. 39. est, quia circa omnes contractus civiles possunt hujusmodi Principes ferre leges suas ad tranquillitatem, & bonum Reipublicae; ergo sicut possunt, verbi gratia Prodigos, & Pupillos reddere inhabiles relate ad alios

P

con-

contractus; ita possent, verbi gratia, Parricidas reddere inhabiles ad contrahendum matrimonium; & consequenter possunt statuere impedimenta matrimonii.

III. Dico quarto; Principes baptizati non solum circa matrimonium Infidelium sibi subiectorum, sed etiam circa matrimonium fidelium, quod est Sacramentum, possunt statuere impedimenta, tam dirimentia, quam impediencia, seclusa prohibitione Ecclesiæ. Ita Sanch. disp. 3., Perez sect. 5. contra Pont. Ratio est, quia matrimonium est contractus civilis, non minus quam alii; ergo eodem modo subijcitur potestati politicæ, ac reliqui contractus. Ex hoc autem, quod matrimonium fidelium sit etiam Sacramentum, non fit, vel quod vere non sit contractus civilis subiectus potestati sæculari, vel quod Princeps sæcularis aliquid possit directe in Sacramenta, sed indirecte tantum: Nec aliter potest ipsa Ecclesia, quæ non potest se ingerere directe ad maritiam, vel formam Sacramentorum institutam a Christo Domino. Dixi tamen, posse id Principes baptizatos, seclusa prohibitione Ecclesiæ; Nam de facto Pontifex reservavit sibi hanc potestatem statuendi leges circa matrimonium fidelium; quod constat, tum ex usu Ecclesiæ; tum ex cap. *Tuam, de Ordine cognitionis*, ubi deciditur, causas matrimonii ad solius Ecclesiæ forum pertinere.

Dico ultimo cum Sanch. lib. 7. disp. 4., Con. Perez contra Pont. Probabile est, per consuetudinem posse nova impedimenta matrimonii induci, & inducta auferri. Ratio est, quia consuetudo vim habet inducendi novam legem, & inductam abrogandi ex cap. *fin. de Consuetudine*. Et confirmatur, quia aliter sequerentur gravissima incommoda; quandoquidem in iis locis, ubi consuetudo est

in contrarium, inevitabiliter plurimi sine ulla sua culpa matrimonia irrita contraherent; quod repugnat intentioni Pontificis eas leges condendi.

IV. Quæritur secundo; Qualis culpa sit contrahere matrimonium cum aliquo impedimento?

Respondeo cum communi, esse peccatum mortale contrahere cum impedimento dirimente; quia violatur præceptum in re gravi: Est etiam peccatum mortale contrahere cum aliquo ex iis tribus tantum impedimentis impediens, quæ sunt Prohibitio Ecclesiæ, Sponsalia, & Votum, ut patet: Alia vero impedimenta impediencia (scilicet Catechismus, & Crimen) non amplius obligant ob defectum consuetudinem, ut dicemus art. ult. huius quæst. Unde si quis cum iis contraheret, non peccaret. Ubi adverte, tempore seriarum prohiberi solum benedictionem nuptiarum, & solemnem sponsæ in domum sponsi translationem, non vero matrimonium contrahere, aut consummare.

Dubium est; An sit Sacrilegium contrahere matrimonium cum impedimento dirimente?

Affirmat Con. disp. 30. dub. 2., quia contra reverentiam Sacramenti redderetur illud irritum. Sanch. tamen lib. 7. disp. 5., Perez, Hurt. negant; quia ad irritandum Sacramentum requiritur, ut ponatur id, cui ex institutione divina convenit ratio Sacramenti, & quod ponatur, aut sine requisitis essentialibus, aut cum obice ad fructum Sacramenti; Ut si quis vellet sibi conferri baptismum, & non haberet intentionem suscipiendi illum: aut si vellet Sacramentum cum mortali suscipere: Ar in casu nostro, cum non ponatur contractus validus, non ponitur id, cui ex institutione divina competit ratio Sacramenti; ergo non irritatur matrimonii Sacramentum, contrahendo cum impedimen-

mento dirimente, & consequenter non committitur Sacriliegium.

V. Dices: Si quis fingeret consecrare papyraceam hostiam metu mortis coactus, aut si fingeret dare absolutionem Sacramentalem, non profecto formam absolutoriam, sed dicendo, verbi gratia, Dominus te absolvat; committeret Sacriliegium, quamvis non poneret veram materiam, aut formam Sacramenti; ergo etiam in casu nostro; quamvis non sit materia, & forma Sacramenti consensus positus ab habentibus impedimentum dirimens, tamen committitur sacriliegium, si cum tali impedimento fingatur contractus matrimonialis.

Respondeo, distinguendum esse antecedens: Si ab incutiente metu id exigatur in contemptum Sacramenti, conceditur; si vero id non exigatur in contemptum Sacramenti, sed fingat Sacerdos, verbi gratia, conferre absolutionem sacramentalem indisposito, ut alii existiment, quod susceperit Sacramentum Penitentiae: Immo, ut multi putant apud Dian. part. 4. tract. 4. resol. 47. (quibus non subscribo) si fingatur dari hostia consecrata sine periculo idololatriæ materialis peccatori occulto; negatur antecedens, & consequentia. Certe si quis metum mortis incuteret ad contrahendum matrimonium cum impedimento dirimente in contemptum Sacramenti matrimonii, procul dubio sacriliegium committeretur contrahendo cum tali impedimento: Quod si non exigatur matrimonium in contemptum Sacramenti, sacriliegium non committitur: Quamvis peccetur mortaliter, ut diximus quæst. 4. art. 1., si simulatur contractus matrimonialis cum impedimento jure naturæ dirimente, ut est consanguinitas in primo gradu lineæ rectæ; quia est peccatum mortale simulare id, quod est intrinsece grave malum, verbi gratia, simulare adora-

tionem idoli.

Replicabis: Est etiam intrinsece malum dare absolutionem Sacramentalem indisposito: ergo si quis metu mortis, aut alia de causa fingeret dare absolutionem Sacramentalem indisposito, semper peccaret mortaliter.

Respondeo si simularet dare absolutionem indisposito qua tali, concedo; si vero simularet dare absolutionem alicui, ut putetur bene dispositus, nego antecedens, & consequentiam.

VI. Quæritur ultimo: An si Papa prohibeat alicui matrimonium, eo ipso censetur illud dirimere, ita ut non solum illicite, sed etiam invalide contrahatur?

Respondeo, Si Papa solum prohibeat matrimonium sine clausula irritante, certum est, quod talis prohibitio non sit impedimentum dirimens, sed solum impediens; secus vero si prohibeat cum clausula illud in specie irritante. Quod si prohibitio sit tantum cum clausula irritante generali, seu quæ solum generatim irritet quicquid fuerit contra prohibitionem factum, nulla facta speciali mentione matrimonii; Communiter Doctores apud Perez disp. 22. sect. 6. docent, quod matrimonium contra talem prohibitionem factum sit validum; quia cum matrimonium sit res adeo ardua, & gravissimum negotium sit illud irritare, exposcit clausulam irritantem, qua specialis mentio de illo fiat: Unde per clausulam illam generalem solum censetur irritari quicquid fuerit factum in præjudicium Tertii, quin censetur irritari etiam contractum matrimoniale, de quo non sit mentio.

ARTICULUS II.

De impedimentis dirimentibus in specie. Ac primo de Error.

- I. Recensentur, & explicantur quatuordecim impedimenta dirimentia.
- II. Error potest esse multiplex.
- III. Error persona jure natura irritat matrimonium, non vero alia Sacramenta, nec alios contractus.
- IV. Quomodo fuerit validum matrimonium inter Jacob, & Liam, putatam Rachelem?
- V. Error circa Personam, quamvis sit comitans, adhuc matrimonium reddit nullum.
- VI. Si dat causam contractui error circa qualitates Personæ, matrimonium non est irritum; secus vero si qualitas apponatur per modum conditionis.
- VII. Hinc descendit resolutio celebris casus a Tabiena propositi.
- VIII. Reliqui contractus, in quibus error dat causam contractui, sunt irritandi; at non matrimonium, nisi potius insolubile; nec Professio Religiosa.

I. **D**iximus in præmio hujus Quæstionis, præter impedimentum ætatis, quatuordecim impedimenta dirimentia enumerari. Primum est Error, videlicet Personæ; ut si pro Berta detur Terebia; quia talis error aufert consensum requisitum jure naturæ ad hunc contractum. Error autem conditionis liberæ irritat matrimonium jure Ecclesiastico juxta sententiam communem, videlicet quando alter contrahens putatus liber, est conditionis servilis, seu mancipium: At quando quis expresse non vult consentire, nisi in Personam tali conditione affectam, verbi gratia, quæ sit Virgo, Dives, Nobilis, &c.,

in hoc casu ipsa conditio transfret in conditionem Personæ, & error circa talem conditionem irritaret contractum, ut ostendimus cum de Sponsalibus quæst. 2. art. 8.

Secundum est, *Conditio*, scilicet servilis; Irritum enim est matrimonium contractum cum mancipio, ignorata ejus servitute, ut diximus.

Tertium est, *Votum*, videlicet Castitatis sponte emissum, & solemne per susceptionem Ordinis sacri, aut per professionem solemnem; necnon votum simplex castitatis in Religione approbata, ut in Societate Jesu; de quo plura diximus cum de Sponsalibus quæst. 2. art. 4.

Quartum, *Cognatio*, sive legalis, sive spiritualis, sive carnalis.

Quintum, *Crimen*, videlicet homicidium conjugis, ut cum altero contrahatur, prout explicabimus art. 7. Similiter adulterium cum fide data de incundo matrimonio post mortem conjugis; Et Raptus mulieris.

Sextum, *Disparitas cultus*, seu religionis; hæc enim religionis disparitas irritat matrimonium baptizati cum non baptizato, & impedit matrimonium catholici cum hæreticis.

Septimum, *Vis*, seu metus gravis injuste incussus ad matrimonium extorquendum; de quo satis superque quæst. super. egimus, cum de consensu coactio art. 2.

Octavo, *Ordo*, videlicet Sacer, seu major, ut diximus in tertio impedimento Voti.

Nonum, *Ligamen*, qui enim cum una conjuge est ligatus, invalide contrahit cum alia.

Decimum, *Honestas*, seu Justitia publicæ honestatis, ob quam nemo potest contrahere matrimonium cum consanguineis in primo gradu illius, cum qua contraxit sponsalia; & cum consanguineis usque ad quartum gradum.

dum illius, cum qua contraxit matrimonium ratum, ut explicavimus quæst. 1. de Sponsal. art. 7.

Undecimum, *Affinitas*, seu propinquitas Personarum, quæ si nascatur ex copula licita, dirimit matrimonium usque ad quartum gradum inclusive; si vero ex illicita, usque ad secundum gradum tantum.

Duodecimum, *Impotentia*, si sit perpetua, & matrimonium antecedit: In dubio autem, an sit perpetua, vel temporalis, datur a jure triennium ad experiendum. Impuberes tamen, si habeant usum rationis, jure tantum Ecclesiastico invalide contrahunt ante annos pubertatis.

Decimumtertium, *Clandestinitas*, de qua satis superque quæst. super. art. 3.

Decimumquartum, *Raptus*, ut diximus in impedimento quinto Criminis. Nunc de singulis seorsim agendum, incipiendo ab impedimento erroris.

II. Notandum tamen primo, Errorem in matrimonio posse esse, vel circa Personam, seu circa substantiam rei, ut si intendas contrahere cum Berta, & contrahas cum Terefia; vel circa qualitates, ut si intendens contrahere cum Berta divite, pulchra, Virgine, & contrahas cum illa paupere, deformi, corrupta.

Notandum secundo, errorem conditionis servilis non esse errorem circa substantiam, sed circa qualitatem; ut si contrahas cum Berta, putata libera, quæ tamen sit serva. Verum jure positivo iste solus error circa qualitatem reddit irritum matrimonium, seu est impedimentum dirimens, ut explicabimus art. sequenti; alii vero errores circa reliquas qualitates non reddunt matrimonium irritum, neque jure naturali, neque positivo; nisi quando transirent in errorem Personæ, ut mox explicabimus.

Notandum tertio, errorem aliquan-

do dare causam contractui, aliquando incidere in contractum, ut explicavimus cum de Sponsal. quæst. 2. art. 8. Dar causam contractui error, quando est causa, cur aliquid velimus, quod, cognito errore, neutiquam vellemus; ut proinde deprehenso errore, contractus non fieret. Incidit vero in contractum error, si cognitis tempore contractus hunc non impedivisset, quamvis diversimode contractus fuisset celebratus. His explicatis:

III. Quæritur primo; Quoniam jure error Personæ irritet contractum matrimonialem?

Respondeo, certum esse apud Doctores, quod matrimonium irritet non solum jure Ecclesiastico, ex *cap. Tua nos, de Sponsal. causa 26.* sed etiam jure naturali. Ratio est, quia jure naturæ contractus est nullus, quando deficit consensus contrahentium; atqui quando habetur error circa Personam, cum sit circa substantiam contractus matrimonialis, deficit consensus; Nam *leg. Si per errorem ff. de jurisdictione omnium judicum*, habetur: *Nihil est magis contrarium consensui, quam error*; idest circa substantiam; Et *leg. Cum Testamentum*, dicitur, *Errantis nullus est consensus*: ergo matrimonium cum tali errore contractum jure naturæ est invalidum.

Oppones: Alii contractus, & alia Sacramenta non irritantur, si habeatur error circa Personam; ergo neque matrimonium. Antecedens patet; nam si vendatur equus, aut si conferatur baptismus, vel absolutio Paulo, qui putatur esse Joannes, tam contractus venditionis, quam baptismus, vel absolutio sunt valida, quamvis cum errore circa Personam. Immo emptio, & venditio sunt valida, etiamsi error sit circa materiam, ut si ematur cera Neapolitana pro Veneta, quando scilicet sunt ejusdem valoris, & utilitatis.

Con-

Confirmatur, quia conjugium Jacob cum Lia fuit validum; & tamen Jacob putavit Liam esse Rachelem, pro qua septem annis servivit; ergo error circa Personam non irritat matrimonium.

Respondedo, concessio antecedente, negatur consequentia. Dispatitas est, quia in contractu matrimonii error circa Personam est circa substantiam, & objectum principale contractus; scus vero in aliis contractibus, & Sacramentis: Nam, qui, verbi gratia, baptizat, ordinarie intendit tantum baptizare Personam præsentem, quæcumque illa sit; & qui vendit equum, intendit solum tradere equum danti pretium, quicumque ille sit; & qui emit ceram, intendit emere ceram, quæ sit tanti valoris, & utilitatis, sive sit Neapolitana, sive Veneta; unde in his casibus error circa personam, aut circa materiam, non est circa objectum principale contractus: Contra vero, qui contrahit matrimonium, respicit per se, & primario personam tradentem suum corpus, utpote quæ valde conducit ad substantiam contractus, & ideo ejus error dirimit matrimonium.

Ubi adverte, quod etiam in aliis contractibus error circa substantiam, seu circa objectum principale reddat illos invalidos; Nam si quis, verbi gratia, donet aliquid titulo consanguinitatis, vel paupertatis, donatio erit nulla; Si Donatarius vere non sit consanguineus, vel pauper; & ideo communiter Doctores docent cum Sanchez lib. 7. disp. 18., quod qui fingit paupertatem, non potest retinere sibi eleemosynam datam titulo paupertatis, sed restituere illam debet; nisi forte eleemosyna esset modica; quia tunc, qui dat eleemosynam, non solet illam conditionem implice apponere, si est pauper: Nec tenetur ad restitutionem, qui vere pauper cum sit, fingit san-

ctitatem, aut vulnera, ut eleemosynam extorqueat; quia sanctitas, & vulnera illa apparentia sunt solum motivum impellens, non vero causa finalis eleemosynæ, quæ datur; etenim eleemosyna datur huic, quia pauper est, non vero si est sanctus, aut si est vulneratus; quamvis sanctitas, & vulnera putata impellant ad dandum. Quod si aliquando vulnera illa apparentia essent causa finalis alicuius magnæ eleemosynæ, certe ad restitutionem teneretur, qui vulnera fingeret.

IV. Ad confirmationem dico, Liam, & Jacob tunc valide contraxisse matrimonium, quando post concubitum, deprehenso errore, consenserunt in matrimonium: Non peccarunt tamen in concubitu præcedente matrimonio, quia cum errore invincibili affectu maritali se cognoverunt; Jacob enim putavit, illam esse Rachelem, quam expectaverat, Lia vero putavit, potuisse valide contrahere matrimonium ex lege primogenitorum; nam, ut ait Giosia in causa 29. quæst. 1., consuetudo tunc erat, primogenitam primo nuptui dare.

Ex dictis sequitur, non posse Papam éticere, ut error Personæ non irritet matrimonium; cum nec possit Papa tollere jus naturæ, nec possit supplere defectum talis consensus; sicut potest in aliquibus aliis contractibus spectantibus ad bona externa; unde illos potest revalidare: Et dispensare est, quia potest aliquando Ecclesia, vel Papa disponere de quibusdam bonis nostris externis, nobis invidis, non tamen de corporibus nostris in ordine ad usum matrimonii. Et ratio est, quia habet Papa donitium indirectum in bona externa, non vero in nostra corpora relate ad hunc finem. Solus Deus habet in nostra corpora donitium relate ad usum matrimonii; & ideo solus Deus posset supplere defectum consensus ma-

tri-

rimonialis, seu obligare Titium, & Bertam sine proprio consensu ad ea, ad quæ obligarentur, si matrimonium contraherent.

V. Queritur secundo; An etiam error circa Personam incidens in contractum, seu comitans, irriter matrimonium? Si verbi gratia, Jacob contraheret cum Lia, quam putat esse Rachelen, sed ita esset affectus ad Liam, ut, si sciret, illam esse Liam, libentius cum ea contraheret. Et idem dubium est de errore conditionis servilis comitante; quando scilicet Liber contrahit cum Serva, ignorando ejus conditionem servilem, sed ita est dispositus ad contrahendum, ut etiam si sciret, eam esse servam, cum ea contraheret?

Respondeo cum communi apud Sanch. lib. 7. disp. 18. contra Comit. lib. 1. quæst. 121., etiam tale matrimonium esse invalidum, quamvis Jacob diceret expresse Liæ, quam putat Rachelen, Ducerem libenter te, si scirem te esse Liam; dummodo non habeat intentionem contrahendi cum femina præsentis, quæcumque illa sit, sive Lia, sive Rachel, sive serva, sive libera. Ratio doctrinæ est, quia etiam cum tali errore comitante deficit in Jacob consensus absolutus dicendi Liam requisitus ad valorem matrimonii cum illa: ergo tale matrimonium cum Lia contractum est invalidum; Sicut enim, qui percutit Clericum, quem putat Laicum eo animo, ut libentius illum percuteret, si sciret esse Clericum, non incidit in excommunicationem, excusante ignorantia comitante, sicut nec incidit in excommunicationem, qui sine actuali percussione dicit: Percuterem Clericum, si adesset; ita prorsus in casu nostro, nec contrahit matrimonium cum Lia, qui dicit: Contraherem cum Lia, si adesset; nec contrahit, qui huic animo conditionato superaddit contra-

ctum cum Lia putata Rachele; Nam neque consensus ille conditionatus, neque consensus superadditus absolutus cum errore personæ, neque uterque simul sufficiunt ad matrimonium.

VI. Queritur tertio; An sit validum matrimonium celebratum cum errore qualitatis dante causam ipsi contractui? Verbi gratia, si Titius contrahat cum Berta, quia putat, eam esse nobilem, divitem, pulchram, scus non contracturus.

Respondeo cum communi affirmative; nisi aut qualitas, in qua erratur, apponatur per modum conditionis in ipso contractu, aut error qualitatis transiret in errorem personæ, ut mox explicabimus. Ratio doctrinæ est, quia toties contractus est validus, quoties subsistit ejus substantia, circa quam versatur; atqui quando error est solum circa qualitates, subsistit substantia contractus; quia contractus matrimonialis primo, & per se fertur in personam, cum qua contrahitur. & qualitates personæ se habent tantum per modum rationis motivæ; ergo si error sit tantum circa qualitates, quamvis det causam contractui, adhuc matrimonium est validum; habetur enim in tali casu voluntarium simpliciter, & solum involuntarium secundum quid.

Quod si qualitas apponatur per modum conditionis, certum est, quod matrimonium sit invalidum. Nam quando Titius dicit Bertæ: Duco te, si vere es nobilis, jam deficiente nobilitate, deficit consensus absolutus essentialiter requisitus ad valorem matrimonii: Similiter si error qualitatis transeat in errorem Personæ, matrimonium est invalidum; quia deficit consensus circa substantiam matrimonii, eo quod error circa Personam impediat, ut diximus, consensum circa substantiam matrimonii: Verbi gratia, si Titio proposita fuerint nuptiæ cum

cum Primogenita Pauli, & deinde contrahat cum Secundogenita, quam putat Primogenitam, error qualitatis transit in errorem personæ, quia animo sibi proposuerat Titius ducere aliam personam, nempe primogenitam. Et universim, ut docent Sanch., Con., Perez disp. 20. sect. 4., error qualitatis transit in errorem personæ, quando intellectus contrahentis a qualitate aliqua personæ cognita determinatur, ut talem personam concipiat, cum qua intendit contrahere, & tamen externum contractum celebrat hic, & nunc cum alia persona.

VII. Hinc deciditur celebris ille casus adductus a Tabiena V. *Impedimentum*. Titius petiit a Cajo secundogenitam valde pulchram, Cajo illam negavit, promissitque illi primogenitam, quæ erat deformis; Titius vero antequam cum primogenita deformi contraheret, voluit, ut cuidam Amico ea ostenderetur; Cajo autem pro primogenita deformi ostendit Amico illi secundogenitam pulchram; Unde Titius audita ab Amico ejus pulchritudine, contraxit cum primogenita, quam falso credebatur pulchram: Respondent Tabiena, Con., Perez, Sanch. disp. 18., matrimonium hoc esse validum; quia error fuit solum circa qualitatem pulchritudinis, nec error qualitatis in hoc casu transibat in errorem personæ; nam consensus Titii non poterat dirigi in secundogenitam; quippe quæ ei denegata fuerat a Cajo.

Quod si fingamus, secundogenitam non fuisse denegatam, sed solum promissam fuisse a Cajo primogenitam; & deinde pro illa Cajum ostendisse Amico secundogenitam, in tali casu Tabiena dubitat, an matrimonialis contractus factus cum primogenita fuisset cum errore personæ, atque adeo dubitat, an matrimonium fuisset invalidum: Con. tamen, & Perez do-

cent, neque in tali casu haberi errorem personæ; atque adeo adhuc matrimonium cum primogenita fore validum. Ratio est, quia intentio Titii semper ferebatur in primogenitam sibi promissam, quam falso credebatur Amico ostensam, & esse pulchram.

Si tamen Cajo plures filias habens nullam in particulari promississet, sed unam ostendisset Amico, aliam deinde traderet in matrimonium Titio, docet Sanch., matrimonium esse invalidum; quia involvit errorem personæ; etenim intentio Titii determinata fuit ad filiam ostensam suo Amico. Si demum Cajo promississet Titio unam ex filiabus suis, quam ostenderet Amico, & deinde ostendisset Amico aliam feminam, non vero ullam ex filiabus suis, esset etiam invalidum matrimonium Titii, tam si contraheret cum illa femina ostensa, quippe quæ non erat filia Caji, quam si contraheret cum aliqua alia filia Caji, quippe quæ non erat illa ostensa.

Oppones: Contractus stricti juris initi per dolum dantem illis causam sunt invalidi ex *leg. Et ineleganter ff. de dolo*: ergo etiam matrimonium est irritum, si dolo, vel error circa qualitates personæ dat illi causam: Quare sicut, qui fingendo paupertatem extorquet elemosynam, non acquirit dominium elemosynæ ex defectu consensus in conferente; Ita qui fingendo divitias, vel nobilitatem extorquet contractum matrimonialem, non acquirit dominium in corpus alterius ex defectu pariter consensus in contrahente.

Confirmatur; quia Sponsalia contracta per dolum dantem illis causam, sunt invalida; ergo etiam matrimonium.

Respondeo distinguo antecedens: Contractus initi ex dolo, vel errore dante illis causam sunt invalidi, si error sit circa substantiam contractus,

ut

ut in casu adducto de conferente elemosynam fingenti paupertatem, concedo; Si error sit extra naturam contractus, & non circa substantiam illius, ut est error circa qualitates personæ in contractu matrimoniali, nego antecedens, & consequentiam. Verum quidem est, quod contractus bonæ fidei inki ex dolo dante causam contractui sint irritandi, etiamsi dolus versetur circa accidentia, non circa substantiam contractus; quia tamen matrimonium ex institutione divina est indissolubile, nec irritum est, nec irritandum, quando dolus dans causam contractui versatur circa accidentia.

Ad confirmationem diximus, cum de Sponsal. ex Lessi. & Con., probabilius esse, quod sponsalia etiam sint irritanda, ut reliqui contractus, non vero irrita, quando dolus, sive error dat causam contractui Sponsalizio; Verbi gratia, si quis ratione divitiarum promittat matrimonium Bertæ simulanti se divitem. Et ratio est, quia in tali casu non deficit consensus circa substantiam, nec deficit voluntarium simpliciter: ergo contractus non est irritus, quamvis sit irritandus; Quia tamen matrimonium ratione suæ indissolubilitatis irritari non potest, idcirco in simili casu nec irritum est, nec irritandum.

VIII. Addo, quod etiamsi universim sit ipso jure irritus contractus celebratus per dolum dantem illi causam, qui adhibeatur ab altero contrahente, ut docet Sanch. lib. 1. disp. 64. ex leg. land. Et eleganter, ex defectu consensus contrahentium; tamen contractus matrimonialis (sicut etiam professio religiosa) celebratus per eundem dolum in casu nostro est validus; quia in matrimonio qualitas Personæ non spectat ad substantiam contractus, sed ad rationem impulsivam; ergo error circa illam non

tollit consensum, nec voluntarium simpliciter, ut docent communiter Doctores.

Ratio a priori est, quia cum matrimonium sit indissolubile (sicut etiam professio religiosa) incongruum est, ut quis talem statum perpetuum eligat dependenter ab aliis rebus extrinsecis, & accidentariis præter eas, quæ sunt de talis status substantia; aliter multa matrimonia, & professiones censenda essent irrita; quod cederet in grave damnum, & scandalum Reipublicæ: Quare dicendum quod voluntas absoluta contrahendi matrimonium, vel profitendi, cum versetur circa statum fixum, & perpetuum, includat virtualiter voluntatem eligendi talem statum, etiamsi erraretur in circumstantiis, & qualitatibus huic statui extrinsecis.

ARTICULUS III.

De Impedimento Conditionis servilis.

- I. *Matrimonium ignoranter contractum cum mancipiis jure Ecclesiastico est irritum; dummodo inter contrahentes habeatur inæqualitas.*
- II. *Servi, in viis Domini, valide, ac licite possunt matrimonium contrahere; dummodo non adest obsequiis debitis.*
- III. *Quando servus nequit simul Domino, & Uxori facere satis, prævalet ius Domini, si eo invito matrimonium contraxit; secus prævalet ius Uxoris.*
- IV. *Num possit aliquis sive liber, sive conjugatus seipsum vendicare?*
- V. *Si alter conjux sit liber, alter servus, parius sequitur ventrem quoad servitutem; at sequitur Patrem quoad honores, & nobilitatem.*

I. **C**ertum est primo, solo jure Ecclesiastico, non naturali conditionem servilem unius, ab altero ignoratam, dirimere matrimonium; ut communiter docent contra Sylvest. & Palat. Non est tamen hic sermo de servis ascriptitiis, qui scilicet agris, vel prædiis colendis sunt perpetuo ascripti, inde tantum deducentes, quæ ad vitæ sustentationem sunt necessaria, quorum filii dicuntur servi originarii; sed sermo est de mancipiis, in quæ Dominus habet plenum jus vendendi, & in quibusvis operibus occupandi.

Certum deinde est, conditionem servilem debere esse ignoratam ab altero contrahente, ut dirimat matrimonium, cæteroqui nulla fieret injuria alteri contrahenti libero; quandoquidem scienti, & volenti nulla fit injuria. Immo communiter Doctores docent apud Bonac. quæst. 2. punct. 3., quod non sit invalidum matrimonium contractum cum errore conditionis servilis, quando æqualis conditionis sunt contrahentes; ut si servus contrahat cum serva, quam putabat liberam, ex cap. *Si quis, de Conjugio servorum*; vel si liber contrahat cum serva putata libera, dummodo per matrimonium libertatem acquirat; quicquid repugnet Covarr., & Hurt. etenim Ecclesia apposuit hoc impedimentum, ut tollatur inæqualitas, & ne fiat injuria personis liberis. In his autem casibus nulla haberetur inæqualitas, nec injuria; ergo validum esset matrimonium cum hoc errore contractum: Contra vero est invalidum, si liber contrahat cum serva putata libera, quando hæc non per matrimonium, sed post matrimonium libertatem acquirat; quia quod initio fuit invalidum, tractu temporis non convalescit. Idque verum est, etiam si post manumissionem servæ alter contrahens liber inscius impedi-

ti habuerit cum illa copulam animo maritali; etenim talis copula haberetur vi primi consensus, qui fuit nullus.

Præterea probabile est ex Sanch. disp. 19., validum esse matrimonium contractum cum errore conditionis a libero cum serva, quæ post breve tempus manumittenda est, videlicet ante sex menses, quod tempus in jure putatur modicum; & quod modicum est, pro nihilo reputatur.

Denique notandum, ignorantiam conditionis servilis crasiam, & supinam non reddere matrimonium validum, ut communiter docent cum Sanch. lib. 7. disp. 19. contra Sotum, & Ledesm. Ratio est, quia jus absolute irritat matrimonium ignoranter contractum cum servis; ergo quæcumque ignorantia conditionis servilis est impedimentum dirimens.

II. Quæritur nunc primo; An possit mancipium, invito Domino, matrimonium contrahere.

Respondeo, non solum valide, sed etiam licite posse. Ita communiter ex cap. *p. de Conjugio Servorum*. Immo Domini nec possunt mancipiis matrimonium interdicere, nec illa punire, quod matrimonium ipsis invitis contraxerint. Ratio est, quia etiam servi habent plenum dominium in sua corpora; & consequenter possunt per matrimonium tradere conjugii dominium proprii corporis. Debent tamen servi, aut equam matrimonium contrahant, consensum a Domino petere, ut diximus quæst. 4. art. 1. de filiis, qui debent a Parentibus consilium petere, (quamvis non teneantur illud sequi) cum id exigit reverentia debita. Notandum tamen, quod servus cavere debeat, ne privet Dominum debitis obsequiis, contrahendo matrimonium, illo invito; Nam per matrimonium non eximitur ab obligatione erga illum.

III. Queritur secundo ; si mancipium, invito Domino, matrimonium contraxit, & non potest simul satisfacere Domino, & Uxori, Utrinam prius satisfacere debet?

Respondeo, variare in hoc puncto Doctores. Probabilius existimo, quod docuit Perez, distinguendum esse ; nam si consentiente Domino contraxit matrimonium, pravalere debet jus conjugis ; quia cui conceditur principale, videtur concedi accessorium, ex *cap. Prudentiam, de Officio delegati* ; si vero, ut in casu proposito, invito Domino contraxit, pravalere debet jus Domini ; quia ex *cap. 1. de Conjugiis servus tenetur ad consueta Domino obsequia præstanda*, non minus quando est conjugatus, quam quando non est conjugatus ; Etiam res cum suo onere transit ad Possessorem, ex *cap. Ex literis, de pignoriis* ; atque adeo jus Domini prævalet.

Ubi notandum, quod si Dominus consensit in matrimonium servi, non tenetur ei quicquam remittere de servitiis solitis, sed tenetur non vendere illum in remotis Regionibus sine notabili necessitate, nec impedire omnino usum matrimonii : Contra tamen, si Dominus non consensit ; non peccaret contra justitiam, sed solum contra charitatem, si sine justa causa illum in Regionibus remotis venderet.

IV. Rogabis ; An conjugatus possit seipsum venundare, hoc est seipsum alteri dare in servitutem ?

Respondeo, certum esse, id non licere sine justa causa neque conjugato, neque non conjugato ; esset enim talis venditio manifesta profusio suæ libertatis, quæ præstantior est bonis fortunæ, & famæ : ergo si non licet prodigè profunderè bona fortunæ, & famæ, a fortiori nec libertatem. Interveniente au-

tem justa causa, licitum est ; quia unusquisque Dominus est bonorum suorum, honoris, famæ, & libertatis. Quod constat exemplo laudabili B. Paulini seipsum vendentis pro libertate filii cujusdam Viduæ. Si vero conjugatus invito altero conjugè seipsum venundaret, peccaret etiam contra justitiam ; ut notant Ledesmi, & Perez contra Sanch. ; quia quamvis id non cederet in detrimentum conjugis quoad debitum conjugale, at cederet in dedecus grave uxoris, & filiorum, & redundaret in ipsorum injuriam. Addo, quod in Regno Hispaniæ talis venditio non est valida, & potest ab uxore rescindi non solum pretio, ex *leg. regia final. titul. 5. part. 4.*

V. Queritur ultimo ; quando alter conjux est servus, alter liber, filii, qui nascuntur, suntne liberi, an servi ?

Respondeo, filios in hoc sequi conditionem matris, quæ magis certa est, quam Patris, ex *leg. Partum, Cod. de rei vindicatione* ; ubi habetur, quod partus sequitur ventrem ; ita ut si mater sit libera, is liber sit, si serva, servus : Contra vero quoad honores, & nobilitatem, filius sequitur conditionem Patris, ex *leg. cum legitime ff. de statu hominum*. Et rationem assignat D. Th. quia cum filius recipiat suum esse a Patre, tamquam a principali causa efficiente, honor, & dignitas, quæ pertinent ad esse filii, sequuntur conditionem Patris.

Notandum tamen, quod si mater serva fuerit facta libertate tempore, quo uterum gestat, partus est liber ; quia libera est mater, dum parit, ut notant Sanch., & alii.

ARTICULUS IV.

De Impedimento Voti.

- I. *Dirimit matrimonium castitatis votum solenne, ac votum simplex in Societate Jesu. At neque hoc dirimit matrimonium ratum: Neque votum solenne annexum Ordini Sacro. Neque Professio Religiosa dirimit matrimonium consummatum.*
- II. *Qui habet causam facienda perpetuum divorcium, valide, & licite potest Religionem ingredi, ac in ea profiteri, altero invito; Secus Professio est invalida. Quid si quis bona fide profiteatur putans conjugem obijisse?*
- III. *Si maritus de consensu uxoris profiteatur in aliqua religione, poteritne uxor in seculo remanere?*
- IV. *Potestne Pontifex dispensare in voto solenni castitatis?*

I. **P**rima huc spectantia diximus quæst. 2. art. 4. ubi de voto dissolvente sponsalia; & quæst. 3. art. 3. cum de indissolubilitate matrimonii: Quare certum est, votum simplex castitatis impedire tantum, non dirimere matrimonium: Contra vero votum solenne, (quod scilicet emittitur in susceptione Ordinis Sacri; & in Professione Religiosa) necnon votum simplex in Religione approbata, quod emittitur in Societate Jesu post novitium, dirimit matrimonium, quod post tale votum contraheretur, ex cap. unic. de voto in 6.

Certum præterea est, matrimonium ratum jam contractum dirimi per solam professionem religiosam (ut diximus loc. citat.) ex speciali Ecclesiæ statuto; non tamen per votum solenne annexum Ordini Sacro, aut per vota simplicia in Societate Jesu. Di-

rimitur tamen etiam per professionem solemnem Equitum militarium, ut sunt Equites S. Joannis; quia isti, quamvis non vivant in communi, sunt vere Religiosi, ut Sanch. lib. 2. disp. 18., & alii communiter docent contra Sot.

Denique certum est, matrimonium consummatum dirimi non posse, ne per professionem quidem religiosam; ut constat ex dicto Apostoli: *Mulier alligata est viro, quamdiu vir ejus vivit*; unde si uterque conjux de communi consensu Religionem ingredietur, & profiteatur, & deinde fornicetur, non solum sacrilegium, sed etiam adulterium committeret.

II. Quæritur nunc primum; An alter conjugum possit valide professionem religiosam emittere, infcio altero, aut altero per vim, & metum consentiente?

Respondet, certum esse, quod quando unus conjugum potest facere perpetuum divorcium propria auctoritate, potest etiam ingredi Religionem, & profiteri valide, vel Sacros Ordines suscipere, altero conjuge invito remanente in seculo; ut habetur in cap. *Veniens, de Conversione Conjugatorum*. Seclusa tamen hac causa perpetui divortii, invalida est Professio facta ab uno, altero non sponte consentiente; atque adeo si Titius credens, Bertam periisse, bona fide profiteatur, & postea cognoscat, illam esse superstitem, debet ad illam reverti, teneturque reddere illi debitum, non tamen potest debitum petere; Sicut nec potest, mortua Berta, aliam uxorem ducere ratione voti emissi in Professione; quod obligat quantum potest, ut communiter docent apud Bonac., & habetur in cap. *Placet, de Conversione Conjugatorum*. Et ratio a priori est, quia actus, qui non valet eo modo, quo fit, valet modo, quo valere potest, ex cap. *unic.*

nico de desponsatione impuberum in 6. Potest tamen Episcopus dispensare, ut possit petere debitum; sicut etiam dispensare possunt Religiosi habentes huiusmodi privilegium.

III. Quæritur secundo; An possit Titius post consummatum matrimonium cum Berta, de consensu illius Religionem ingredi, & profiteri, Berta in seculo remanente?

Respondeo, Bertam regulariter teneri ad ingressum Religionis statim, ac Titius de suo consensu professus est; ut ostendit Sanch. lib. 7. disp. 34; Posset tamen Berta in seculo renascere, si tria concurrant; Primo, quod sit senex, idest saltem quinquagenaria; Secundo, quod votum castitatis emitat; Tertio, quod consensum Episcopi obtineat.

IV. Quæritur ultimo; An possit Papa dispensare in hoc impedimento dirimente voti; ita scilicet, ut valide matrimonium celebret Professus, aut Sacris Ordinibus initiatus?

Respondeo cum communi affirmative; tum quia iure Pontificio, non naturali, tale impedimentum institutum est, ut supra diximus; tum etiam, quia pluries in eo dispensatum est, ut videre est apud Dian. part. 8. tract. 1. resol. 72. & 73. præsertim cum Casimiro I. Rege Poloniæ, qui erat Diaconus, & Professor Benedictinus, & auctoritate Benedicti IX. vel Clem. II. ad nuptias transiit.

ARTICULUS V.

De Impedimento Ordinis.

I. Ordo Sacer dirimit matrimonium contrahendum, non vero contrahitum. Et etiam apud Græcos irritum est matrimonium post Ordines Sacros contrahitum.

II. Qui Sacros Ordines suscipit, tenetur emittere votum castitatis. Quod si expresse id nolit, & peccat gra-

viter per hoc, quod votum non emitat, & peccando contra castitatem peccat etiam sacrilege speciali sacrilegio; quamvis non peccet contra votum.

III. Hinc ex voto simul, & ex lege Ecclesia habens Ordines Sacros tenetur castitatem servare; & invalide contrahit matrimonium, quamvis nolit emittere votum.

IV. Qui ante pubertatem suscipere Ordines Sacros, tenetur castitatem vivere; Qui vero in infantia, tenetur cum pervenerit ad usum rationis de statim amplectendo decernere.

V. Invalide Ordinatus ex defectu intentionis in Ordinatione non tenetur ad castitatem servandam, eo quod voverit illam accessorie: Secus vero qui pariter invalide Professionem Religiosam emitteret.

VI. Suscipiens Ordines Sacros per medium gravem probabiliter invalide castitatem voverit; Unde potest matrimonium contrahere, & ad horas recitandas non obligatur. Sed probabilior est sententia opposita.

I. **A** Nnectimus hic impedimento Ordinis, utpote Voti impedimento affine. Dirimit Ordo Sacer matrimonium contrahendum, non vero contrahitum; Unde si quis absque consensu uxoris post matrimonium ratum suscipiat Ordines Sacros, non ingrediendo Religionem, tenetur reddere, quamvis non possit petere debitum; & est Irregularis ex Extravag. Antiqua, de Poio. Verum Ecclesia Græca permittit quidem conjugatis suscipere Ordines Sacros, & tamen matrimonium ante Sacros Ordines contracto; Irritum tamen est matrimonium post Sacros Ordines celebratum, etiam apud Græcos, non secus ac in Ecclesia Latina.

II. Queritur nunc primo; Utrum ex voto tantum, an etiam ex Ecclesiae praecepto teneatur servare castitatem initiatus Ordine Sacro?

Respondet, Valent. apud Perez disp. 27. sect. 2. putare, quod ex solo Ecclesiae statuto servare teneatur castitatem: Quod probat, quia si quis vellet suscipere Ordines, & non se obligare ad castitatem, adhuc ad castitatem teneretur; at non ex vi voti, seu propriae promissionis; ergo ex Ecclesiae statuto. Communiter tamen cum D. Th., & Sanch. lib. 7. disp. 27. docent, obligationem servandi castitatem haberi ex voto implicito, quod ex statuto Ecclesiae emitti debet a suscipiente Ordines Sacros; cum enim is sit usus Ecclesiae, ut suscipientes Ordines Sacros obligentur ad castitatem, consequenter qui vult illos suscipere, implicite vult castitatem promittere, seu vovere, etiam si explicite illam non voveat: Quare ipsa voluntaria susceptio Ordinis Sacri secundum Ecclesiae leges censetur sufficiens emissio, ac solemnizatio Voti castitatis.

Hinc sequitur primo, quod qui vult suscipere Ordines Sacros, & expresse non intendit se obligare ad castitatem, peccet sacrilege, non solum quia indigne recipit Sacramentum Ordinis, sed etiam quia recipit sine dispositione ab Ecclesia requisita, idest sine promissione castitatis.

Sequitur secundo, quod si iste talis fornicetur, non peccet contra votum; sed peccet sacrilege speciali specie sacrilegii, ut notat Con. de Sacram. Ordinus dub. 3., quia peccat contra Ecclesiae statutum prohibens actus contra castitatem habenti Ordines Sacros ex speciali indecentia talis status, atque adeo ex motivo Religionis. Immo cum semper maneat obligatus ad emittendum votum castitatis, inde fit, ut continuum sacrilegium committat,

quousque tale votum non emittit.

III. Sequitur tertio, quod iste talis invalide contraheret matrimonium, non ratione voti, cum illud non emiserit, sed ex lege, seu constitutione Ecclesiae reddentis inhabiles ad contrahendum matrimonium initiatos Ordinibus sacris.

Sequitur quarto, obligationem servandi castitatem in habente Ordines Sacros non oriri dimittatur ex voto, sed etiam ex Ecclesiae lege; quae non solum praecipit, ut tale votum emittatur, sed etiam reddit invalidum matrimonium habentis Ordines Sacros, etiam si non emiserit votum.

IV. Sequitur ultimo, quod si quis doli capax ante pubertatem suscipiat Ordines Sacros, obligari debeat voto solemniter castitatis, ut communiter docent cum Suar., Hurt., Perez contra Sanch. lib. 7. disp. 3. Etenim cum habeat usum rationis, debet, ut ceteri, obligari.

Neque dicas; Votum solemnne Religionis non obligat ante decimum sextum annum; ergo neque votum solemnne annexum Ordini Sacro: Negatur enim consequentia, quia in particularibus dispositionibus juris positivi argumentum a pari nihil concludit: Neque enim, quia in pervigilio Nativitatis S. Joannis Baptiste tenemur jejunare, ideo tenemur etiam jejunare in pervigilio Nativitatis Beatae Virginis, quamvis haec sit illo sanctior, & venerabilior.

Dubium est de Infantibus, qui ante usum rationis ordinantur in Sacris; Quamvis enim certum sit, quod isti valide ordinentur, & characterem recipiant, & simul certum sit, quod isti votum non emittant; Dubitatur tamen, An ex praecepto Ecclesiae, cum ad aetatem adultam pervenerint, obligandi sint ad castitatem, & invalide matrimonium contrahant?

Affirmant Hurt. disp. 16., Rebel.

Le.

Ledefm. Sed communius cum Vafq., Suar., Sanch. lib. 7. difp. 30. negant; quia Ecclefie ftatutum folum obligat eos, qui voluntarie ordinantur, *ex cap. 1. Qui Clerici, vel voventes*: Unde poterit ifte puer ante ufum rationis ordinatus, cum fuerit fui compos, vel exercere Ordines Sacros, & fic tenetur caftitatem vovere, & officium recitare; vel poterit velle matrimonium contrahere, & fic remanere perpetuo fufpenfus ab ufu Ordinis.

Hinc fequitur, quod adultis, qui ordinantur in Sacris, cum ignorantia invincibili voti annexi Ordinibus Sacris, & cum ignorantia ftatuti Ecclefie reddentis Ordinatos inhabiles ad contrahendum, fequitur, inquam, quod non folum invalide matrimonium contrahant, fed etiam obligentur ad votum emittendum, & ad recitandum officium, ut docent Sanch. difp. 27., & Bonac. quæft. 3. punct. 9. contra Vafq.; Etenim qui libere vult ftatum aliquem, vel aliquod munus fufcipere, vult etiam implicite quæcumque tali ftatui, aut muneris funt annexa, etiamfi de iis habeat ignorantiam; Quod fi adultus involuntarie ordinaretur, quia vere Ordines non fufciperet, nullam contraheret obligationem; & fic poffet valide, & licite matrimonium contrahere, & ad horas recitandas non teneretur.

V. Dubium præterea eft; An qui invalide ordinatur, verbi gratia, ex defectu intentionis in Ordinante, teneatur adhuc vi voti fimplicis ad caftitatem: Sicuti tenetur, qui invalide eft profelfus, ex illo Principio, quod *Actus, qui non valet eo modo, quo fit, valet modo, quo valere poffet*.

Communiter contra nonnullos negant; quia recipiens Ordines non intendit emitte votum caftitatis, nifi quatenus tale votum neceffario debet confequi Ordines Sacros; atque adeo tantum accefforie intendit vovere ca-

ftitatem; ergo fi invalide recipit Ordines, votum revera non emittit; etenim accefforium non fubfiftit, non fubfiftente principali: Contra vero qui in Religione Professionem emitte, principaliter intendit vovere caftitatem; unde fi invalide proficitur, puta ex defectu ætatis, licet non teneatur voto folemni, tenetur tamen voto fimplici caftitatis, juxta doctrinam Sanch. lib. 7. difp. 27. num. 13.; quia fcilicet Professioni Religiofæ non eft accefforium votum caftitatis; (ficut eft accefforium Ordini Sacro ex ftatuto Ecclefie) fed eft effentiale, & principale.

Ex hac doctrina fequitur, quod fi quis fufcipiens Ordines minores caftitatem voveat, eo quod putet iis Ordinibus efle annexum pariter votum folemne caftitatis, revera nec voto folemni, nec fimplici ad caftitatem teneatur, ut docet Sanch. lib. 7. difp. 31., Bonac. loc. cit., & alii contra non paucos; immo interveniente jufta caufa, poffit abfque culpa ulla veniali matrimonium contrahere. Ratio eft, quia ifte talis non intendebat vovere caftitatem, nifi quatenus credebatur, tale votum efle annexum Ordinibus minoribus; ergo cum revera non fit annexum, fequitur, quod tali voto non obftingatur.

VI. Quæritur etiam; An qui per metum gravem fufcipit Ordines Sacros, teneatur ad caftitatem, & invalide contrahat matrimonium?

Refpondeo, Bonac., Sanch., Con., & alios negare; quia votum tali metu emiffum jure Ecclefiaftico eft irritum, *ex cap. Per laicum, de iis, quæ vi, metu, & causa funt*; unde non obligatur ad caftitatem vi voti; Neque obligatur ex præcepto Ecclefie; quia Ecclefia obligat ad caftitatem illos tantum, qui fponte Ordines fufcipiunt, ac privilegis Clericalibus uti volunt; Par enim eft, ut qui tenet commodum,

dum, sentiat & onus, ex Regula 55. de Regulis juris in 6. Et propter eandem rationem non inhabilitat talem personam ad contrahendum matrimonium; Nec obligat illum ad officium recitandum, nisi sublatum metu, & coactione sponte amplectatur statum Clericalem.

Vasq. tamen tom. 3. in 3. part. diffinit. 236. cap. 3. cum Silv., & aliis affirmant teneri ad castitatem, tum ratione voti, tum ratione praecepti: Teneatur quidem ratione voti, quia jure Ecclesiastico solum irritatur votum emissum in Religione per gravem metum, non vero votum in susceptione Sacri Ordinis sic emissum: Teneatur etiam ratione praecepti Ecclesiastici; quia qui per metum gravem Ordines suscipit, libere consentit ad Ordines suscipiendos; (cum metus non tollat libertatem, & voluntarium simpliciter) atque adeo consentire etiam debet ad votum castitatis, & ad obligationem inde provenientem.

Neque dicas: Praeceptum Ecclesiasticum cum gravi metu non obligat; Nam contra est, quia in casu nostro Ecclesia tantum accessorie obligat ad castitatem illum, qui voluntarie, licet coactus, suscipit Ordinem Sacrum; Quare si voluntarie ordinatur, voluntarie etiam suscipere debet obligationem servandi castitatem; cum accessorium sequi debeat principale.

ARTICULUS VI.

De Impedimento Cognationis.

- I. Cognatio triplex est, Spiritualis, Legalis, & Naturalis, juxta triplicem modum, quo persona possunt esse propinqua inter se.
- II. Explicantur quoniamque cognationes istae matrimonium dirimant.
- III. Plura requiruntur, ut spiritualis cognatio contrahatur.

IV. Spiritualis cognatio a Patrinis non contrahitur, si baptismus conferatur privatum; aut si in Ecclesia solum suppleantur solemnitates. Baptizans autem illum contrahit, etiam in baptismo privato. Quid si Pater filium baptizet?

V. In baptismo, in quo Patrinus suscipit puerum per Procuratorem, probabilis solus Principalis cognationem contrahit.

VI. Si plures puerum teneant in baptismo, quisnam contrahit cognationem?

VII. Cognationis Legalis impedimentum probabilis per solum adoptionem perfectam contrahitur.

VIII. Num sit jure natura irritum matrimonium inter fratrem, & sororem?

IX. Quid de Matrimonio inter Avum, & Nepotem? Aut inter Affines in primo gradu?

X. Quid de matrimonio inter Patrem, & filiam?

I. **T**riplex datur Cognatio, Spiritualis, Legalis, & Naturalis; quia propinquitus personarum oriri potest vel vi Sacramentorum, vel vi legis, vel ex ipsa natura.

II. Cognatio Spiritualis est propinquitus quarundam personarum ex statuto Ecclesiae confluens propter colationem, & susceptionem Baptismi, & Confirmationis. Nam sicut per generationem naturalem contrahitur cognatio naturalis; ita per generationem spiritualem factam in his Sacramentis contrahitur cognatio spiritualis: Proinde dirimitur matrimonium inter baptizantem, & baptizatum, inter baptizantem, & Patrem, & Matrem baptizati; & eodem modo inter susceptorem, & susceptum, atque hujus patrem, & matrem; non vero inter susceptores ipsos; Et idem dicas in Sacramento Confirmationis ex

Tri-

Trident. sess. 24. Olim cognatio spiritualis erat triplex, Paternitas, Compaternitas, & Confraternitas. Paternitas erat inter baptizantem, aut confirmantem, ac suscipientem, & baptizatum, aut confirmatum; Unde illi dicti sunt Patrini. Compaternitas erat inter baptizantem, confirmantem, suscipientem, & patrem, & matrem baptizati, aut confirmati; unde dicti sunt compatres, & commatres. Confraternitas erat inter filios baptizantis, confirmantis, suscipientis, & baptizatum, aut confirmatum. Trident. loc. cit. tamen sustulit Confraternitatem, & reliquit tantum paternitatem, & compaternitatem, & decrevit, ut unus tantum esset susceptor, sive vir, sive mulier, aut ad summum unus, & una, qui baptizatum, aut confirmatum suscipiant.

Cognatio legalis est propinquitas quarundam personarum consurgens ex adoptione; dirimitur matrimonium inter adoptantem, & adoptatum, ejusque descendentes usque ad quartum gradum: Probabile tamen est ex Dian. part. 9. tract. 6. resol. 14., quod post Trident. dirimat solum usque ad secundum gradum inclusive: Dirimit etiam inter uxorem adoptantis, & adoptatum, & viceversa inter uxorem adoptati, & adoptantem; sicut inter filios adoptantis, & adoptatum: Si tamen filii adoptantis emancipentur, aut eorum pater moriatur, cessat cognatio, atque adeo impedimentum, ut notat Bonac.

Cognatio naturalis est propinquitas personarum orta ex hoc, quod personæ ab eodem stipite proximo per naturalem generationem descendant. Hæc cognatio olim dirimebat matrimonium usque ad septimum gradum; nunc vero post Lateranensem sub Innoc. III. dirimit solum usque ad quartum gradum lineæ transversalis inclusive; Nam gradus omnes lineæ rectæ pro-

babile est, jure naturæ esse prohibitos; sicut & primum gradum lineæ transversæ.

Ita tamen numerantur gradus lineæ rectæ, ut tot gradibus distare unus dicatur ab alio, quot generationibus inferior a Superiore descendit: Verbi gratia, quia filius descendit a Patre per unicam generationem, dicitur filius uno gradu distare a Patre, seu esse illi consanguineus in primo gradu lineæ rectæ; quia vero nepos descendit ab Avo per duas generationes, ideo consanguineus est illi in secundo gradu; Et eadem ratione Pronepos Proavo est consanguineus in tertio gradu; & Abnepos ab Abavo distat in quarto; sic etiam ab Atavo, Tritavo, & aliis Majoribus.

Gradus vero lineæ transversæ ita numerantur, ut tot gradibus personæ distent inter se, quot gradibus distant a communi stipite: Verbi gratia, duo fratres dicuntur consanguinei in primo gradu; quia uno gradu distant a Patre stipite communi: Econtra Patruales, & Consobrini dicuntur esse in secundo gradu consanguinitatis; quia a communi stipite, hoc est ab Avo duobus gradibus, seu duabus generationibus distant; Sic etiam Patruus, & Nepos sunt in secundo gradu; quia nepos, qui magis distat ab Avo communi stipite duobus gradibus distat: Verum quia Patruus uno tantum gradu distat ab Avo stipite communi, idcirco Nepos, & Patruus dicuntur habere consanguinitatem primi in secundum gradum: Et idem dicas de Amita, & Matertera cum Nepote. Præterea filii Patruelium, & Consobrinorum dicuntur esse in tertio gradu consanguinei; quia tribus gradibus distant a communi stipite, hoc est a Proavo, & sic de reliquis. Jus tamen civile computat gradus utriusque Consanguinei, & dicit, Fratres inter se distare duobus gradibus, Pa-

R truum

Part VII.

trum a Nepote tribus, Patrueles quatuor, filios Patruelium sex; His explicatis

III. Quæritur primo; Quænam conditiones requirantur, ut contrahatur cognatio spiritualis?

Respondeo ex Bonac., Con., & aliis; Primo requiri, ut ii, inter quos contrahenda est cognatio spiritualis, sint baptizati; alter cum non sint subditi Ecclesiæ, non contrahunt tale impedimentum jure Ecclesiastico introductum: Immo qui tenet alterum in confirmatione, debet esse etiam confirmatus, ex cap. *In baptismo, de consecratione*; Debet præterea habere usum rationis; aliter non posset habere sufficientem intentionem obeundi munus suum.

Secundo requiritur, ut Susceptor sit a Parentibus, vel a Parocho designatus: Debent quidem illum designare Parentes; sed in defectum Parentum, potest illum designare Parochus ex Trident.

Tertio requiritur, ut Susceptor teneat manibus susceptum, dum baptizatur, aut confirmatur; vel saltem, ut immediate ex baptizantis manibus suscipiat, ex declaratione Congregationis Cardinalium; aliter non dicetur suscipere, vel levare puerum de Sacro fonte. Præterea requiritur, ut susceptor id faciat animo obeundi munus Susceptoris; quamvis non requiratur, ut id faciat animo contrahendi cognationem spirituales, nec sit necesse, ut Patrini respondeant in Catechismo, ut communiter docent contra Sylvest.

IV. Quarto requiritur, ut Sacramentum conferatur; Unde quando puer domi baptizatur, & in Ecclesia suppletur solemnitates, non contrahitur cognatio ab eo, qui illum suscipit in Ecclesia; quia is vere non est susceptor in baptismo: Si tamen in Ecclesia rebaptizetur sub conditione, contrahitur cognatio.

Quinto demum requiritur, ut Susceptor puerum teneat, dum baptizatur solemniter administratur: Unde quando privatim domi baptizatur, Patrini non contrahunt hanc cognationem; ut docent communius cum Suar., Sanch. contra Navar. Con., Sâ, Gutierrez. Et ratio est, tum quia Ecclesia instituit susceptores solum in baptismo solemnem, ut constat ex Trident. loc. cit; tum etiam, quia communiter non vocantur Compadres, & Patruini, nec tales habentur, qui suscipiunt puerum in baptismo privato. Verum qui privatim est baptizatus Minister, cognationem contrahit; cum talis cognatio universim ex collatione veri baptismi confurgat: Unde fit, quod si in extrema necessitate Pater baptizet filium suæ concubinæ, non possit postea matrimonium cum illa contrahere. Si vero Pater in extrema necessitate baptizet filium suæ uxoris, non impeditur a petendo debito; quia non debet hanc poenam parere actus ille virtutis: Si tamen filium sine necessitate baptizet, aut suscipiat, peccat quidem graviter, sed probabiliter nec impeditur a debito petendo; ut docent Suar., Con. disp. 34. dub. 8., & alii contra plures Doctores, ut dicemus quæst. 7. art. 3.

V. Dubium est primo; Quisnam contrahat cognationem spirituales, quando aliquis mittit Procuratorem ad suscipiendum infantem, Principalem, an Procurator, an neuter?

Sanch. lib. 7. disp. 59., & alii existimant, quod neuter; non enim Procurator, quia alterius nomine suscipit; Nec Principalis, quia vere non suscipit puerum de Sacro fonte, cum illum non tangat; In poenis autem benigna interpretatio facienda est, ex *Regula 49. juris in 6.* Alii putant, quod solus Procurator cognationem contrahat; quia is vere tangit, & suscipit puerum.

Pro-

Probabilius tamen docent Bonac., Con., Sà, Rebel., quod solus Principalis illam contrahat ex declaratione Cardinalium: Et ratio est, quia qui per alium facit, per seipsum facere censetur, *ex leg. Licet, de constitutione pecuniarum*.

Neque dicas: Si Parochus alium destinet, qui suo nomine puerum baptizet, Parochus non contrahit cognationem spiritualem; ergo neque si Principalis destinet Procuratorem ad puerum suscipiendum.

Nam concessio antecedente, negatur consequentia. Disparitas patet; quia qui baptizat, non potest nomine alterius hominis baptizare; sustinet enim immediate personam Christi, & est verus minister baptismi; unde iste cognationem contrahit, & non Parochus, qui solum dare potest licentiam, non vero constituere illum Procuratorem ad conferendum baptismum: Contra vero in casu nostro.

VI. Dubium est secundo; Quando plures tenent puerum in baptismo, omnifine, an aliqui; Et quinam contrahunt hanc cognationem?

Respondeo, illam contrahi solum a designatis, quamvis contra voluntatem Parochi: Si tamen plures, quam unus, & una sint designati, primus vir, & prima mulier ex designatis, qui puerum tangunt, illam contrahunt; Quod si plures simul puerum tangant, putant aliqui, neminem cognationem contrahere; quia nemo obit illud munus juxta formam a Trident. præscriptam: Communiter tamen cum Sanch., Bonac., Con. docent, quod omnes illam contrahant ex declaratione Cardinalium; nam quamvis Trident. prohibeat, ne plures id munus obeant, factum tamen non irritat.

VII. Queritur secundo; Utrum impedimentum cognationis legalis oria-

tur solum ex adoptione perfecta, an etiam ex imperfecta?

Pro responsione notandum primo, Adoptionem esse legitimam assumptionem extraneæ personæ in filium, vel nepotem; neque enim potest quis adoptari in fratrem, vel parentem, *ex leg. Nec apud, Cod. de hereditatis constitutione*.

Notandum secundo, ad adoptionem requiri primo, ut adoptans non sit femina; Secundo, ut sit sui juris, & major viginti quinque annis; nam usque ad vigesimum quintum annum jure communi non habet administrationem bonorum, exceptis castrensibus, vel quasi castrensibus. Tertio, ut excedat adoptatum saltem decem, & octo annis, & quod possit esse ejus Pater carnalis: Quare etiam Sacerdos potest adoptare; non tamen frigidus, & qui ex alio defectu naturali habet impotentiam ad generandum; cum adoptio sit instantia ad supplendum defectum filiorum.

Notandum ultimo, Adoptionem perfectam dici illam, qua adoptatus transit in potestatem adoptantis, fitque ejus hæres necessarius etiam ex testamento; quod fit auctoritate Supremi Principis. Dicitur vero adoptio imperfecta, seu simplex, qua adoptatus non transit tanquam filius in potestatem adoptantis, nec est ejus hæres necessarius ex testamento, sed solum ab intestato; & fieri potest auctoritate Magistratus inferioris. His explicatis

Respondeo, Hurt., Rebel., Pal. apud Dian. part. 9. tract. 6. resol. 54. docere, etiam ex adoptione imperfecta oriri impedimentum cognationis legalis; quia etiam adoptio imperfecta est vera adoptio. Sed communius cum Sanch., Reginald., Bonac., Perez negant, quia cum matrimonium sit materia favorabilis, impedimenta restringenda sunt: Et omnia.

nia jura, quæ in contrarium adducuntur, explicari possunt de adoptione perfecta. Propter eandem rationem communiter docent, cognationem hanc non oriri inter Adoptatum, seu Adoptatum, & filiam illegitimam adoptantis.

VIII. Quæritur tertio; quodnam matrimonium inter consanguineos sit irritum jure naturæ, ita ut nec inter Infideles sit validum, nec possit Pontifex ad illud dispensare?

Respondeo, certum omnino esse, quod etiam matrimonium contractum ex dispensatione Pontificis inter Patrum, vel Avunculum, & Nepotem, sit validum; cum in dies Pontifex in eo dispenset: Dubium quidem solum est, an sit jure naturæ irritum matrimonium inter consanguineos in primo gradu lineæ rectæ, puta, inter Patrem, & filiam, inter Avum, & Nepotem, & inter consanguineos in primo gradu lineæ transversæ, puta, inter fratrem, & sororem? Et idem quæritur de affinibus in primo gradu; Utrum scilicet Ticius mortua Berta uxore possit valide contrahere matrimonium cum sorore Bertæ ex dispensatione Pontificis?

Circa matrimonium inter fratrem, & sororem esse jure naturæ irritum, & indispensabile, docent Valsq., Sanchez., Rebel., Bonac. apud Dian. part. 8. tract. 9. resol. 70. Sed probabilius Hurt., Pont., Præposit., Perez apud eundem negant; cum Deus voluerit genus humanum propagari per matrimonium inter fratres, & sorores, videlicet inter filios, & filias Adami, & Evæ.

Necque dicas; Apud omnes gentes matrimonium inter fratrem, & sororem prohibetur; ergo jure naturæ est irritum.

Nam primo falsum esse antecedens, docet Dian. loc. citat., cum apud Ægyptios, & Athenienses permitteretur;

immo apud Judæos olim illud permitti, videntur ostendere verba illa, quæ dixit Thamar filia David fratri suo Amon 2. Regum 13. *Noli frater mi, noli opprimere me, vel facere stultitiam hanc, quin potius loquere ad Regem, qui non negabis me tibi.* Secundo concessio antecedente negari potest consequentia; ex eo enim, quod prohibeatur apud omnes gentes tale matrimonium, sequitur solum, quod ferat secum indecentiam, quæ sine gravissima necessitate non possit cohonestari; Sicut fert aliquam indecentiam, quod idem ducat successive duas sorores, quod Privignus ducat Novercam, aut Vitricus Privignum; quod matrimonium infidelium consummatum dissolvatur; quod habens votum simplex calitatis contrahat matrimonium; & tamen in his omnibus casibus Pontifex potest dispensare; ergo etiam in casu nostro: Quædam enim sunt prohibita jure naturali primario, verbi gratia, odium Dei, libido contra naturam, mendacium, &c., quæ nulla ratione cohonestari possunt; quædam vero sunt prohibita jure naturali secundario, verbi gratia, furtum, occisio Innocentis, Polygamia, Dissolubilitas matrimonii, &c. quæ scilicet ex aliqua causa cohonestari possunt, ut diximus quæst. 3. art. 3. Quamvis enim homicidium, verbi gratia, sit contra naturam, tamen licite Abraham volebat occidere Isaac, & licite Judex occidit eum; Eodem pacto discurrendum in casu nostro, videlicet matrimoniū inter fratrem, & sororem esse contra jus naturæ secundarium, ita ut concurrente urgentissima causa, possit etiam Pontifex in eo dispensare; cum non sit id prohibitum Pontifici a Deo; Sicut prohibitum est in lege nova, quod possit Pontifex dispensare in Polygamia, aut in dissolutione matrimonii consummati inter fideles; ut constat

fiat ex illo : *Quod Deus conjunxit, homo non separet.*

Notandum tamen, quod Pontifex requisitus ad dispensandum in matrimonio inter fratrem, & sororem, nunquam voluit dispensare; ut notat Bonac. num. 12.; Quod signum est, causam justam ad dispensandum debere esse gravissimam, quæ vix accidit.

IX. Ex hac doctrina inferitur, quod possit etiam Pontifex ex urgentissima causa dispensare in matrimonio inter Avum, & Nepotem; ut docet Sanch. lib. 7. disp. 51., Bonac., Dian. part. 8. tract. 1. resol. 69. contra Con. disp. 32. Ratio est, quia participatio sanguinis, quæ provenit a stipite, & transfunditur in descendentes, eo debilior est, quo pluribus per gradus communicatur; consequenter, etiam si matrimonium inter consanguineos in primo gradu lineæ rectæ esset contra reverentiam Parentibus debitam, & jure naturæ irritum, non videtur tamen esse irritum in secundo, tertio, & aliis gradibus lineæ rectæ; Quare inter infideles validum est matrimonium Bætx cum suo Avo, Proavo, Abavo, necnon cum suo Nepote, Pronepote, & Abnepote; & inter fideles etiam est validum extra quartum gradum lineæ rectæ, videlicet Bætx cum suo Atavo, Tritavo, &c. si forte viverent.

Dices cum Con. *In lege Nuptia* 53. ff. de ritu nuptiar. dicitur, Jure Gentium (quo vocabulo Jurisconsulti appellant Jus naturæ) intrinsecus ascendentes in infinitum incestuosas nuptias contrahi, easque consistere non posse; quia scilicet omnes ascendentes dicuntur vere Parentes, seu genitores, & debetur iis naturaliter idem honor, qui debetur Patri, & Matri: Immo secundum recentissimam consuetudinem major honor debetur illis, tanquam veris, & altioribus principibus; ut propterea apud omnes gen-

tes fuerint abominabilia hæc matrimonia non minus, quam Patris cum filia: Ex quo sequitur, quod si Adam resurgeret, invalide matrimonium cum quacumque contraheret.

Respondeo tamen ex Sanch., falsum esse, quod jure gentium incestuosæ sint nuptiæ cum ascendentibus in linea recta; sunt quidem indecentes, non secus ac inter fratrem, & sororem; sed data urgentissima causa possunt cohonestari. Nec refert, quod jus civile illas prohibeat; Nam solius juris Canonici est, stabilire impedimenta matrimonii inter fideles; ita ut jus civile quoad hoc non liget fideles, nisi expresse jure canonico approbetur; ut ostendit Sanch. lib. 7. disp. 3. At jus Canonicum irritat solum matrimonium inter consanguineos usque ad quartum gradum, non distinguens, an sit ascendentium, vel collateralium; ergo matrimonium cum ascendentibus extra quartum gradum non est irritum. Ad id, quod additur, dico, Avum esse principium per accidens Nepotis, & potius est conditio applicans Patrem productivum filii, quam sit principium filii; & ideo non debetur Avo illa naturalis reverentia, quæ debetur Patri, qui est principium per se: Solum reverentia politica major est respectu Avi, quam respectu Patris; quia Avum, ut primum dominum, & primum in gubernando principium revereri debemus.

Eodem modo discurrendum de matrimonio inter affines in primo gradu; præsertim cum sciamus, quod Pontifex in multis casibus dispensavit, ut idem post matrimonium cum una sorore consummavimus, illa mortua, duceret secundam sororem; necnon quod eadem femina nuberet eodem modo duobus fratribus, ut videre est apud Dian. part. 8. tract. 1. resol. 68.; ubi ostenditur ab omnibus pene Acad-

eademus Orbis Christiani approbatam fuisse dispensationem Julii II., quod Henricus VIII. Rex Angliæ nuberet Catharinæ filię Regis Hispaniarum Viduę Principis de Galles fratris ejusdem Henrici. Verum quidem est, S. Joannem Baptistam dixisse Herodi Matth. 14. *Non licet tibi habere uxorem fratris tui*; Sed id. non licebat, vel quia Herodes habebat illam adhuc vivo fratre suo, ut exponit Hieronymus; vel, ut alii, quia contra legem Judaicam habebat talem uxorem; Nam Levit. 18. prohibebatur, fratre copulari uxori fratris defuncti, quando frater reliquerat semen, ut acciderat in casu nostro.

X. Quærendum superest, non quidem ad praxim, sed ad profundam intelligentiam doctrinæ; An jure naturæ irritum sit matrimonium inter Patrem, & filiam, vel inter matrem, & filium; ita ut Pontifex in eo dispensare non possit, etiamsi in Orbe solus Pater, & filia essent superstites, & ipse Pontifex esset inhabilis ad generandum?

Respondeo, Petez. disp. 38. sc& 3. docere, quod in tali casu nec Deus ipse posset dispensare, eo quod tale matrimonium sit intrinsece malum, non secus ac mendacium, & libido contra naturam. Verum quamvis communiter Doctores, & Juristæ doceant, esse jure naturæ irritum tale matrimonium, ita ut Pontifex in eo dispensare non possit; multi tamen cum Pont., Henr., Filiuc., Sanch. lib. 7. disp. 51., & aliis apud Dian. part. 8. tract. 1. resol. 71. docent, quod possit etiam ex urgentissima causa illud coonestari; sicut occisio innocentis co honestatur, accedente Dei præcepto. Unde docent, in casu extremitatis necessitatis propagandi genus humanum matrimonium inter Patrem, & filiam esse licitum; quia in

in tali casu potius prævaleret obligatio conservandi genus humanum, quam obligatio non contrahendi cum Parentibus, orta ex reverentia naturali illis debita. Nam damnum privatum irreverentię Paternę confurgens ex tali matrimonio debet cedere, & coonestari propter bonum commune conservationis speciei humanæ, quod est altioris ordinis.

Hinc fit, quod in tali casu Pontifex non dispensaret, sed solum declararet obligationem naturalem non contrahendi cum Parentibus cedere de facto alteri præstantiori obligationi naturali conservandi genus humanum; Sicut obligatio naturalis non occidendi innocentem cedit alteri præstantiori obligationi naturali obediendi præcepto Dei, qui est Dominus vitæ innocentis: Contra vero in matrimonio inter fratrem, & sororem, ac inter Avum, & Nepotem, necnon in primo gradu affinitatis potest absolute Pontifex dispensare; Nec si ea matrimonia inter Infideles contrahantur, sunt jure naturæ irrita, sed solum de facto sunt irrita jure positivo, in quo Pontifex Legislator potest dispensare, ut ostendimus contra nonnullos.

ARTICULUS VII.

De Impedimento Affinitatis.

- I. *Quid sit Affinitas? Et quomodo Affinitas non pariat Affinitatem?*
- II. *Ea dirimit Matrimonium usque ad quartum gradum, si oriatur ex copula licita; usque ad secundum vero, si ex fornicaria.*
- III. *Si matrimonium sit ratum, & non consummatum, contrahitur impedimentum publicæ honestatis usque ad quartum gradum, non vero affinitatis.*
- IV. *Probabiliter non est jure natura irritum matrimonium inter Privilegium.*

gnum, & Novercam.
*V. Affinitas matrimonio superveniens
 quid ferat?*

I. Impedimentum affinitatis impedimento cognationis annectimus propter connexionem, quam habent. Est autem Affinitas vinculum, seu propinquitas Personarum orta ex carnali copula licita, vel illicita; Si enim Titius cognoscit carnaliter Bertam, eo ipso fit affinis cum consanguineis Bertæ in eo gradu, in quo sunt cum Berta consanguinei; Verbi gratia, quia Soror Bertæ est illi consanguinea in primo gradu, ideo soror Bertæ fit affinis Titio in primo gradu; & quia consobrina Bertæ est illi consanguinea in secundo gradu, ideo fit Titio affinis in secundo gradu; Et idem dicas de Berta relate ad consanguineos Titii: Notandum tamen, quod consanguinei Titii cum consanguineis Bertæ nullam contrahant affinitatem; Verbi gratia, Frater Titii non fit affinis Sorori Bertæ, quia affinitas non parit affinitatem. Hinc duo fratres possunt ducere duas sorores, necnon Pater, & filius ducere possunt matrem, & filiam: Eodem modo Titius mortua Berta conjuge potest ducere in uxorem Teresiam cognatam Bertæ, seu quæ fuerat uxor fratris Bertæ.

II. Queritur nunc primo; Usque ad quem gradum Affinitas fit impedimentum dirimens matrimonium?

Respondco, ex copula licita hoc impedimentum dirimere matrimonium usque ad quartum gradum; ex copula vero fornicaria illicita dirimere usque ad secundum gradum. Unde Titius, mortua Berta uxore, nequit ducere ejus sororem, nec consobrinam, nec filiam consobrinæ, nec neptem consobrinæ, aut aliam consanguineam Bertæ in quarto gradu: Si tamen Titius cognoscat illicite Te-

resiam, nec ejus sororem, nec consobrinam ducere potest, nec aliam consanguineam Teresiæ in secundo gradu.

III. Norandum tamen, affinitatem contrahi duntaxat ex matrimonio consummato, non vero ex rato; quia affinitas oritur, ut diximus, ex copula, & quidem ex copula apta ad generationem, per quam conjuges sunt una caro, ex *cap. Debitum 5. de Bigamis*; Ex matrimonio autem rato solum oritur impedimentum publicæ honestatis dirimens etiam matrimonium usque ad quartum gradum.

IV. Dubium est; Jure Ecclesiastico, an jure naturæ affinitas dirimat matrimonium in primo gradu saltem lineæ rectæ? Diximus art. supor., certum esse, quod affinitas jure solum Ecclesiastico dirimat matrimonium in primo gradu lineæ transversalis; cum certum sit contra hæreticos, potuisse Pontificem Julium II., dispensare, quod Henricus VIII. Rex Angliæ duceret uxorem Catharinam, quæ fuerat uxor sui fratris; & Genes. 29. habemus, Jacob duas sorores duxisse, Liam, & Rachelem. Quare difficultas solum est, an jure naturæ affinitas dirimat matrimonium in primo gradu lineæ rectæ, Verbi gratia, inter Privignum, & Novercam; sicut jure naturæ, ut diximus, consanguinitas in primo gradu lineæ rectæ dirimit matrimonium? Quamvis Valent., & Con. id asserant; probabiliorem tamen censeo sententiam negativam, quam defendunt Sanch. lib. 7. disp. 66.; Henr., Bonac.; tum quia non apparet tanta indecentia in hoc, quod Privignus ducat Novercam, quantum in eo, quod filius ducat matrem in uxorem; tum etiam quia, ut notat Perez disp. 31. sect. 2., aliquando matrimonia Privigni cum Noverca celebrata sunt: Et Concilium Agathense can. 61. licet prohibeat matrimonium inter Privignum, &

& Novercam; simul tamen præcipit, ne huiusmodi matrimonia ante talem prohibitionem contracta dissolvantur; quod evidenter demonstrat, talia matrimonia non esse jure naturæ irrita.

V. Quæritur secundo; Quem effectum pariat affinitas superveniens matrimonio; Verbi gratia, si Titius committat incestum cognoscendo sororem, vel consobrinam suæ uxoris?

Respondeo, duplicem esse effectum talis incestus; Primus est, quod Titius non possit petere debitum a sua uxore, antequam dispensetur, saltem a Mendicante privilegiato; quamvis possit, & teneatur reddere debitum. Secundus est, quod mortua uxore, non possit aliam ducere, ex cap. 1. de eo, qui cognovit consanguineam; quod si aliam ducat, non potest ab ea petere debitum; Quamvis hæc pœna ex Sanch. lib. 7. disp. 17. non sit in usu.

ARTICULUS VIII.

De Impedimento Criminis, & Raptus.

I. Crimen Homicidii, Adulterii, & Raptus matrimonium dirimunt.

II. Plura requiruntur, ut Homicidium pariat hunc effectum.

III. Quid requiritur, ut Adulterium dirimat Matrimonium?

IV. Promissio facta a Titio famina de illa ducenda post mortem suæ uxoris est illicita simul, & invalida.

V. Raptus quid sit? Et quando matrimonium dirimat?

VI. Validum est matrimonium inter Raptores, & Raptam, si ea volente, & invito dumtaxat parentibus rapiatur.

Impedimentum Criminis est Ecclesiasticum; unde apud Infideles matrimonium non dirimit. Cri-

men autem, quod inter fideles matrimonium dirimit, duplex est jure antiquo, videlicet Homicidium, & Adulterium, quibus jure novo ex Trident. additum est tertium, videlicet crimen Raptus.

II. Quæritur nunc primo; Quænam conditiones requirantur, ut homicidium dirimat matrimonium?

Respondeo cum Bonac., & aliis communiter, ad hoc, ut matrimonium Titii, verbi gratia, cum Terefia sit invalidum, requiri primo, ut Titius occiderit Bertam suam uxorem, vel per se, vel per alium: (& eadem est ratio, si Berta occiderit suum maritum, ut invalide cum alio contrahat) Secundo, ut tam vir, scilicet Titius, quam femina, videlicet Terefia, qui matrimonium contrahunt, conspiraverint in mortem primæ uxoris, puta Bertæ; unde si solus Titius, vel sola Terefia machinata sit mortem Bertæ, matrimonium non dirimitur, nisi quando cum homicidio simul intercessit adulterium. Tertio, ut machinatio mortis Bertæ facta sit ad eum finem, quod contrahatur matrimonium cum Terefia. Addit Perez, & Vasq. quod quando committitur ab his homicidium cum intentione contrahendi matrimonium, talis intentio debeat manifestari exterius, ut talem poenam inducat. Ratio est, quia cum Ecclesia non iudicet de internis, non apponit impedimenta matrimonii propter solos actus internos.

III. Quæritur secundo; In quibus casibus adulterium dirimat matrimonium?

Respondeo, dirimere matrimonium primo, quando præter adulterium intervenit homicidium alterius conjugis commissum ad hunc finem, ut inter alios matrimonium contrahatur, ut modo diximus. Secundo, quando præter adulterium intercedit, seu potius

rius intentatur matrimonium inter adulteros, vivente conjugē alterius; requiritur tamen, ut uterque conscius sit, quod copula, quam habent, sit adulterium, eo quod conjux alterius sit superflus. Tercio, quando præter adulterium intervenit promissio matrimonii inter adulteros, sive promissio facta sit ante, sive ab uno tantum adultero, sive ab utroque, ut docent communiter contra Sanch. & Bonac. contra Sanch., & fuerit acceptata.

IV. Notandum tamen, quod si Titius promittat Teresie matrimonium contrahendum post mortem Bertæ suæ uxoris, peccat tam Titius promittens, quam Teresia acceptans, ut docent communiter cum Sanch. ex *cap. final. de eo, qui duxit in matrimonium*. Ratio est, quia daretur ansa captandæ mortis Bertæ; immo talis promissio non solum esset illicita, sed etiam invalida, ex Sanch. & Bonac.; cum jus tali promissioni resistat, ex *leg. final. ff. de Pactis*.

V. Queritur tertio; Quid sit Raptus, & quando dirimat matrimonium?

Respondeo, Raptum esse proprie, quando Persona aliqua per vim de loco in locum adducitur, ut Raptor illam habeat in sua potestate: In hoc enim Rapina distinguitur a furto, quod per Rapinam inferatur vis aut Domino, aut illi, cui res, quæ surripitur a Domino, commissa est; secus vero per furtum: Quare si Titius rapuit hoc pacto Bertam, ipsa repugnante, vel causa matrimonii, vel saltem (ut docet Sanch., & Sâ contra Perez) causa libidinis, matrimonium cum illa est invalidum, donec Berta extra Titii potestatem adducta, ac loco tuto, & libero restituta, plene libere in illud consentiat; tunc enim valide contrahunt, ex Tridentino sess. 24. cap. 6.: Ubi additur, quod Raptor

Part VII.

debeat illam docere arbitrio Judicis, sive eam ducat, sive non; & tam Raptor, quam præbentes illi auxilium, aut favorem ipso jure sunt excommunicati, & perpetuo infames, ac omnium dignitatum incapaces. Omnes tamen hujusmodi pænæ requirunt sententiam Judicis, ut incurrantur; pro ut docent communiter cum Sanch. disp. 13., præter excommunicationem, quæ incurritur ipso facto.

VI. Queritur ultimo; An si scemina rapiatur ipsa volente, sed parentibus invitis, matrimonium dirimatur?

Respondeo cum Sanch. loc. cit., Hurt., Con. contra nonnullos, matrimonium inter Raptores, & sic raptam non esse irritum; quia Trident. suo decreto constituyente hoc impedimentum voluit tantum consilium libertati matrimonii, ad quam solius feminae liber consensus requiritur.

ARTICULUS IX.

De Impedimento disparitatis Cultus.

I. *Matrimonium fidelis cum non baptizato est irritum; cum hæreticis tamen est illicitum: esto consuetudine in multis locis permittatur, si non sit periculum perversionis; nec patrum inest, quod aliqui ex filiis hæresi adhareant.*

II. *Si alter ex conjugibus infidelibus ad fidem convertatur, dissolvitur vinculum conjugale, si nolit alter sine injuria Creatoris cohabitare, aut si simpliciter cohabitare nolit.*

III. *Si tamen velit cohabitare pacifice, probabilius teneatur fidelis discedere quoad torum.*

IV. *Horum filii, si careant usu rationis, conjugem fidelem sequi debent; si vero sunt præditi usu rationis, liberum est illis sequi parentem, quem malunt. Quod si de rationis usu*

S

dubi.

dubitetur; adhuc debent fidelem parentem sequi.

I. **I**rritam est jure Ecclesiastico matrimonium baptizati cum non baptizato: Contra vero matrimonium catholici cum hæretico, vel cum Apostata, vel cum excommunicato est solum illicitum propter periculum perversionis, & ob malam proliis educationem, &c. Ubi tamen consuetudine universali cognita, & tolerata a Pontifice receptum est, ut permixti Catholici cum hæreticis matrimonium contrahant, (ut accidit in multis Germaniæ, Galliæ, & Poloniæ locis) videtur cum Sanch. disp. 62. Perez, Tambur. lib. 2. Decalogi cap. 1. §. 5., id licitum esse, cessante periculo perversionis; quia usus in contrarium potuit legem hanc Ecclesiasticam abrogare: Illicita tamen, & irrita essent pacta, quod aliqui tantum ex filiis nascituris adhareant fidei catholice, alii vero adhæreant hæresi; sunt enim hæc pacta contra jus divinum, quod postulat, ut Parentes præbeant remedia ad salutem filii usurationis carcentibus.

II. Quæritur nunc primo; Utrum conjuges infideles non baptizati, si ad fidem convertantur, sint separandi?

Respondeo, si uterque ad fidem convertatur, perseverare debent in suo matrimonio, si valide sit illud contractum. Et ratio est, quia matrimonium Infidelium est verum matrimonium, nec est ratio, cur dissolvatur, quando uterque ad fidem convertitur: (An autem, & quando tale matrimonium evadat Sacramentum? diximus quæst. 3. art. 1.) Si vero alter tantum conjugum Infidelium ad fidem convertatur, in eodem etiam matrimonio permanere debent, nisi detur causa, propter quam dissolvi possit; Est autem duplex causa illud dissolvendi, ex cap.

Gaudemus, de divortiis. Prima, si infidelis non vult habitare cum fidele; Secunda, si volens habitare, non vult habitare nisi cum injuria Creatoris, (scilicet audiendo nomen Dei, aut Christi cum despectu, illud blasphemando, & retrahendo familiam ab ejus cultu, aut pertrahendo conjugem fidelem ad peccatum) in his enim casibus potest baptizatus suum conjugem deserere, & novum matrimonium inire: Quod deducitur ex 2. ad Corinth. 7., ubi dicitur: *Si quis frater uxorem habes infidelem, & hæc consentis habitare cum illo, non dimittas illam; quod si Infidelis discedit, discedas, videlicet dissolvendo vinculum matrimoniale, ut constat ex verbis sequentibus: Non enim servitus subsecutus est frater, aut soror in hujusmodi; Idque etiam videntur docere versiculi illi relati in Glossa cap. 4. de divortiis.*

Desere spernentem, & blasphemante volentem,

Vel te credentem scelus ad mortale trahentem;

Nam sunt absque mora sic vincula rupta priora.

III. Quæritur secundo; Si infidelis nollet ad fidem converti, vellet tamen cum conjugem fidelem habitare pacifice, & sine injuria Creatoris, Num possit fideles aut cum alio matrimonium contrahere, aut saltem divertere quoad torum?

Respondeo, multos apud Sanch. lib. 7. disput. 73. docere, primis sex seculis nascentis Ecclesiæ, quando multi infideles ad fidem convertebantur, consilium fuisse, fidelem conjugem permanere cum infideli, quamdiu erat spes conversionis; liberum tamen fuisse discedere solum quoad torum, non quoad vinculum; Deinde veto, quia raro admodum Infideles convertuntur, teneri fidelem discedere quoad torum, si Infidelis ab Episcopo moni-

pi-

aitus nolit statim converti, ex Conc. Tolet., nisi magnum scandalum ex subito discessu oriarur; sicut nunc oriretur in India, Japonia, &c. si cogerentur conjuges fideles statim separari ab Infidelibus: Alii tamen cum Soc. apud Con. docent, in tali casu licitum esse conjugi fideli discedere ab infideli, etiam quoad vinculum, atque adeo posse cum alio matrimonium contrahere: Prior tamen sententia videtur probabilior, & conformior locutioni Apostoli.

IV. Ubi notandum, quod in tali casu filii istorum conjugum, si careant usu rationis, sequi debent conjugem fidelem; si vero habeant usum rationis, relinquendi sunt in propria libertate; si demum dubietur, an habeant usum rationis, præsumendum est in favorem fidei, quod non habeant, atque adeo sequi debeant conjugem fidelem.

ARTICULUS X.

De reliquis Impedimentis dirimentibus, præsertim Publicæ Honestatis, & Impotentia.

- I. Excommunicantur Domini temporales, & Magistratus, qui directe, vel indirecte cogunt alios, ne libere matrimonium contrahant.
- II. Etiam inter Infideles illicita est Polygamia; Qui autem plures uxores habet, si ad fidem convertatur, primam dumtaxat retinere debet, si velit hac ad fidem converti; Quod si nolit, non tenetur ille alias ducere, quamvis vellent converti.
- III. Ut possit aliquis ad secundas nuptias transire, non sufficit probabilitas, sed requiritur moralis certitudo de morte prioris conjugis.
- IV. Sponsalia invalida non parant impedimentum publicæ honestatis, etiamsi sint invalida ex defectu con-

sensus; secus vero matrimonium ratum.

V. Quid sit Impotentia? Et quomplex?

VI. Num impotentia perpetua dirimat matrimonium in ordine ad castitatem, ac socialiter vivendum?

VII. Quid si dubietur, Num impotentia antecesserit matrimonium, an subsequuta fuerit?

VIII. Et quid si dubietur, num sit perpetua, an temporalis?

IX. Num senes capulares valide matrimonium contrahant? Quid de Eunuchis, de Maleficiis, ac de Hermaphroditis?

X. Etas ad matrimonium requisita quanam sit?

I. **V**Is, seu metus fert impedimentum dirimens matrimonium; de eo tamen abunde diximus, cum de consensu coacto, quæst. 4. art. 2. Hic dumtaxat addimus, a Trident. sess. 24. cap. 9. excommunicari Dominos temporales, & magistratus, qui quovis modo directe, vel indirecte subditos, vel alios cogunt, quominus libere matrimonium contrahant.

De impedimento Ordinis egimus art. 4. hujus quæst., postquam egimus de impedimento Voti.

II. Progredimur itaque ad impedimentum ligaminis, quo nomine intelligitur prioris conjugii etiam rati vinculum, quo durante sequens matrimonium etiam consummatum dirimitur jure non solum Ecclesiastico, sed etiam naturali, & divino; Nam res uni tradita non potest amplius alteri tradi; & Matth. 19. dicitur: *Quicumque dimiserit uxorem suam, & aliam duxerit, machatur*. In lege veteri dispensavit Deus in pluralitate uxorum; hac tamen dispensatio a Christo Domino fuit revocata; Cum autem omnes homines, etiam infideles, Christo Domino subjiciantur, sequitur, quod etiam inter infideles illicita nunc sit Polygamia.

mia; ut diximus quæst. 3. art. 3. Quare si Titius infidelis plures uxores duxerit, & deinde convertatur ad fidem, solum cum prima tenetur permanere, si illa sine injuria Creatoris voluerit cohabitare; Secus vero neque cum illa tenetur permanere, neque cum aliis, etiamsi aliæ ad fidem convertantur; quia revera non sunt uxores; unde posset aut cum earum aliqua, aut cum alia matrimonium contrahere.

III. Quæritur nunc; Quanta certitudo de morte conjugis requiratur, ut possit quis licite cum alio matrimonio contrahere?

Respondeo, non satis esse probabilitatem de illius morte, sed requiri certitudinem moralem, quæ habetur vel per certum nuncium, vel per testes; aliter contrahens exponit se periculo adulterii.

Sequitur hinc primo, quod testimonium unius testis non sit sufficiens; tum quia in *lege Jurisjurandi, Cod. de Testibus* dicitur: *Vox unius Vox nullius*; tum etiam quia unus testis non dicitur esse nuncius certus: Excipe tamen, quando testis esset valde gravis, & aliæ probationes haberi non possent, & verosimile esset, quod asseritur.

Sequitur secundo, nec sufficere solam famam de tali morte; tum quia sola fama æquivalere uni testi; tum etiam quia fama sæpe oritur ab auctore incerto, & plerumque fallaci: Satis tamen esset fama, si aliis adminiculis juvaretur, ita ut moraliter certam probationem faceret; quod ad Judicem spectat examinare.

IV. Circa impedimentum Publicæ honestatis abunde diximus art. 7. quæst. 1. de Sponsal. Hic solum adverte, dubium esse, An matrimonium ratum invalidum, sed non ex defectu consensus, inducat hoc impedimentum? Negat Navar., & Sâ; quia Trident.

sess. 24. cap. 3. expresse docet, impedimentum hoc non oriri ex Sponsalibus *quatenusque ratione invalidis*; ergo neque ex matrimonio rato invalido; cum eadem videatur ratio in utroque casu. Sed communius cum Bonac. quæst. 3. punct. 11. affirmant. Ratio est, quia quamvis jure antiquo tam Sponsalia, quam matrimonium ratum parerent hoc impedimentum, etiamsi essent invalida, dummodo non invalida ex defectu consensus; tamen jure novo Tridentini solum decernitur, quod Sponsalia, quatenusque ratione invalida, hoc impedimentum non pariant; ergo circa matrimonium ratum remanet fixum jus antiquum, quod scilicet pariat impedimentum, etiamsi sit invalidum, dummodo non ex defectu consensus.

V. Agendum superest de Impedimento Impotentia; Circa quam dicemus, quæ honeste tantum exponi possunt; reliqua fuscè reperiantur apud Sanch., qui lib. 7. hanc materiam viginti septem disputationibus complectitur.

Notandum itaque primo, Impotentes hic dici, qui non possunt habere talem copulam, ex qua fiat una caro ex duobus per utriusque seminis commixtionem, ex qua possit una caro prolis prodire; sive talis impotentia proveniat ex constitutione corporis, sive ex frigidityte, sive ex arctitudine seminis, sive ex maleficio.

Notandum secundo, Impotentiam hanc aliam dici perpetuam, aliam temporalem: Est perpetua, quæ nulla arte humana absque miraculo, vel maleficio, vel absque periculo vitæ, aut gravis, & perpetui morbi removeri potest, ex cap. *Fraternitatis, de Frigidis* apud Perz disp. 37. Est vero temporalis, quando naturaliter, vel confectis Ecclesiæ remediis contra maleficio, & sine ullo periculo auferri potest. Præterea impotentia hæc alia est

est naturalis, quæ a natura provenit, alia artificialis, videlicet ab arte dæmonis; Alia est absoluta, & respectu omnium, scilicet quam habent Eunuchi, & fenes omnino exhausti, qui nulla arte medica juvari possunt ad copulam habendam; Alia demum est impotentia respectiva, puta relate ad talem feminam artati. His explicatis.

VI. Queritur; Quænam impotentia dirimat matrimonium, & quo jure?

Respondet; Impotentiam perpetuam dirimere matrimonium contrahendum, non vero contractum, si illi superveniat; Impotentiam vero temporalem matrimonium non dirimere. Ita communiter ex cap. *Fraternitatis*, & ex cap. *Quod sedem*, de *Frigidis*, & *maleficiis*, contra nonnullos apud Dian part. 4. tract. 4. resol. 75., qui cum Pont., Medin., Veracru., & aliis docent, impotentiam perpetuam non dirimere matrimonia, quæ contrahuntur in ordine ad caste in societate vivendum, & sine ullo ordine ad copulam. Ratio communis doctrinæ est, quia nemo potest transferre in alterum dominium rei, quam nullo modo habet; ergo nemo potest contrahere matrimonium, & per illud transferre aliter jus mutuum ad usum corporis, si habeat perpetuam impotentiam ad copulam. Ex quo patet, tale impedimentum non solum jure Ecclesiastico, ex cap. *Quod sedem* citato, sed etiam jure naturæ matrimonium dirimere; ita ut qui habet impotentiam perpetuam absolutam, invalide contrahat cum quacunque; qui vero habet impotentiam perpetuam respectivam, vel ex causa naturali, vel ex maleficio, &c. invalide contrahat cum ea, relate ad quam habet talem impotentiam. Dixi deinde, quod si hæc impotentia superveniat matrimonio, illud non dissolvat; cum matrimonium ex Christi institutione sit indissolubile, Quare in tali casu conjuges pos-

sint petere, ac reddere debitum, non secus ac fenes, ut notat Perez disp. 37. sect. 10.

VII. Rogabis primo; Quid faciendum, si dubietur, Num impotentia perpetua orta, verbi gratia, ex maleficio antecesserit matrimonio, an illud consecuta sit?

Respondet, Sanch. lib. 7. disp. 103. cum aliis putare, præsumendum, quod maleficio fuerit factum post matrimonium; quia in dubio judicandum est in favorem matrimonii. Verum Bonac. quest. 3. punct. 13 cum Rebel., Sâ., & aliis censet, præsumendum esse, quod maleficio antecesserit matrimonio: Tunc enim solum in dubio judicandum est in favorem matrimonii, quando matrimonium fortiri potest suum effectum, videlicet proles procreationem, vel fugam fornicationis; At in casu nostro matrimonium fortiri nequit effectum suum; ergo in dubio non est judicandum in favorem matrimonii, sed in favorem libertatis. Si tamen dubium esset, an impotentia perpetua sit vera? in tali casu, quando adhibita diligentia remanet dubium, judicandum esset in favorem matrimonii, quod scilicet non sit vera impotentia; tum quia matrimonium stat in possessione; tum etiam quia quilibet præsumitur potens, donec probetur oppositum, eo quod potentia ad copulam sit naturalis.

VIII. Rogabis secundo; Quid faciendum, si dubietur, num impotentia sit perpetua, an temporalis?

Respondet; permitti conjugibus simul habitare, & experiri per triennium; quo elapso, si nequeant habere copulam, ex qua fiat una caro, judicandum, impotentiam illam esse perpetuam, & matrimonium fuisse invalidum; Unde uterque potest ad secundas nuptias transire, si cum alio conjuge talem impotentiam non habeat.

beat. Quod si successu temporis deprehendatur, impotentiam illam non fuisse veram, & Judicem errasse in illis separandis, iterum conjungendi sunt; eo quod primum matrimonium revera fuit validum, & consequenter secundæ nuptiæ invalidæ. Eadem est ratio, si alter Sacros Ordines suscepit, aut professionem fecit religionis; tenetur enim ad conjugem redire, si matrimonium fuit consummatum; Si vero tantum fuit ratum, non tenetur redire post professionem, cum per illam matrimonium ratum dissolvatur.

Sequitur ex dictis primo, validum esse matrimonium contractum cum femina arcta; quia hoc non censetur esse impedimentum perpetuum, quod humana arte tolli non possit. Quare tenetur hujusmodi femina pati incisionem, etiam cum gravi dolore, quamvis non cum periculo vitæ, aut gravissimæ infirmitatis.

Sequitur secundo, validum esse matrimonium contractum cum femina, quæ seminare non potest; quia adhuc cum illa exerceri potest copula, ex qua fiat una caro prolis; eo quod semen semineum non censetur necessarium ad generationem, juxta sententiam communioem. Ita Sanch. disp. 92. Henriq. Bonac.

IX. Sequitur tertio, validum esse matrimonium contractum inter steriles, quia inter istos intercedit vera copula apta ex natura sua ad generationem: Contra vero invalidum est matrimonium contractum cum senesce omnino impotente ad habendam copulam; ut communiter docent cum Sanch. loc. cit., Bonac., & aliis: Quod tamen negat Henr. lib. 12. cap. 7. putans esse validum, eo quod senex semper retineat potentiam suam seminandi, quamvis per accidens ratione senectutis impediatur; nec probari potest, ejus potentiam esse im-

medicabiliter exhaustam; Unde Ecclesia nunquam ratione senectutis impedit matrimonium; & David 3. Regum 1. duxit Absac adolescentulam Samamitidem, solum ut ab illa in senectute calefieret.

Sequitur ultimo, invalidum esse matrimonium contractum cum Eunucho utroque teste carente, seu cum Spadone, qui semen prolificum emitte non potest, juxta Bullam Sixti V. apud Dian. part. 4. tract. 4. resol. 75. Et eadem est ratio de maleficiatis, si malefici impedimentum sit perpetuum: Quando enim ex maleficio consurgit tanta frigiditas, quanta est frigiditas naturalis, ex qua provenit impotentia perpetua, tunc certe impotentia illa orta ex maleficio eodem modo dirimit matrimonium, ac frigiditas naturalis; Idque verum est, etiam si maleficium tolli possit per aliud maleficium; dummodo tolli non possit orationibus, & consuetis Ecclesiæ exorcismis: Et ratio est, quia quod licite tolli non potest, dicitur non posse simpliciter tolli. Hermaphroditæ denique valide contrahunt juxta sexum prævalentem, non vero circa interiorem. Quod si uterque sit æqualis, datur optio, ut eligant, quem malint, & illi semper stare debent, ut videre est apud Perez fufe disp. 37. sect. 14 ubi docet, quod si vir, aut femina mutet sexum, matrimonium consummatum irritetur; matrimonium quippe debet esse inter unum, & unam. Et similiter si Sacerdos mutaret sexum, consecrare non posset, quamvis characterem retineret.

X. Præter hæc quatuordecim impedimenta iis versibus comprehensa, est pariter impedimentum dirimens defectus consensus, ut patet; necnon defectus ætatis requisitæ jure Ecclesiastico. In maribus enim requiritur annus decimus quartus completus, &

in.

in fœminis duodecimus, nisi malitia suppleat ætatem; hoc est nisi antecederent sint doli capaces, & simul apti ad copulam iudicio prudentium.

ARTICULUS XI.

De Impedimentis impedientibus.

- I. Recensentur impedimenta impedientia.
- II. Tria dumtaxat sunt in usu; Ecclesiæ vetitum, Sponsalia, Votum.
- III. Quid veniat nomine Interdicti? Quid nomine Temporis feriarum? Quid nomine Catechismi?
- IV. Ad quid tenetur, qui emissio voto, sive castitatis, sive religionis, matrimonium contrahit?
- V. Num sit licitum matrimonium habentis votum castitatis, si detur mulier obligatio non petendi debitum?
- VI. Num habens votum castitatis possit aliquando petere debitum a conjugate?
- VII. Illicitum est contrahere matrimonium cum habente votum castitatis; nisi hic illud offerat.
- VIII. Habens votum castitatis nequit uxorem ducere ad sedandas urgentes tentationes.
- IX. Etiam Episcopus in impedimentis impedientibus dispensare potest, excepto Voto, & Sponsalibus.

1. **D**iximus, impedimenta impedientia (quæ scilicet impediant licitam Sacramenti matrimonii susceptionem sub mortali, & sub pœna excommunicationis) esse hæc, quæ sequuntur.

Primum est Ecclesiæ vetitum; secundum tempus feriarum; Tertium Catechismus; Quartum Sponsalia cum alio contracta; Quintum votum simplex, sive castitatis, sive religionis, sive non nubendi; Sextum Crimen, videlicet primo Incestus cum con-

sanguinea conjugis in primo; vel secundo gradu, (qui impedit matrimonium cum quacunque persona, ut notat Perez) necnon incestus cum propria matre, seu filia; Secundo Raptus alienæ Sponsæ; Tertio Uxoridicium; Quarto susceptio propriæ prolis in baptismo ad impediendam redditionem debiti; Quinto Presbyteridicium; Sexto publica poenitentia, quamdiu durat; Septimo matrimonium cum moniali. Præterea impedit matrimonium omisso proclamationum, & benedictionis; Necnon Clandestinitas, ubi non est receptum Trident. juxta ea, quæ diximus quest. 4. art. 3.

II. Ex his impedimentis sublatum jam esse per non usum Criminis impedimentum, docent Sanch. lib. 7. disp. 17., Ledesma, Laym., & alii. Communiter enim obstricti talibus impedimentis solent matrimonium contrahere absque dispensatione, nec transgressores puniuntur. Unde docet Reginald. apud Bonac., quod si alicubi ea lex per non usum abrogata non esset, peccaret graviter, qui cum tali impedimento matrimonium contraheret. Præterea impedimentum Catechismi sublatum esse per Tridentinum, communiter Doctores docent. Quare tria remanent præcipua Impedimenta impedientia, nimirum Vota, Sponsalia, & Interdictum, seu prohibitio Ecclesiæ, quæ prohibet etiam nuptiarum solemnitates tempore feriarum, ut mox explicabimus.

III. Quæritur nunc primo; Quid sit interdictum, seu Ecclesiæ vetitum, quatenus est impedimentum impediens?

Respondeo, nomine Interdicti non venire hic censuram; quinimmo probabiliter tempore interdicti alicuius Civitatis potest etiam a persona specialiter interdicta matrimonium contrahi; quamvis benedictio sollemnis nuptialis nonnisi in solemnitatibus exceptis

ceptis fieri debeat: Quare nomine Interdicti venit hic prohibitio Episcopi, vel Parochi, aut alterius Ecclesiastici Judicis interdicentis alicui, ne matrimonium contrahat, donec aliqua causa, vel impedimentum examinetur.

Quæritur secundo; Quid veniat nomine Temporis feriarum?

Respondeo, intelligi, quod ab Ecclesia prohibeantur sub gravi solemnitates nuptiarum (videlicet benedictio nuptialis, sollemnis Sponsæ in domum Sponsi traductio cum conviviis, musica, &c.) a primo die Adventus usque in diem Epiphaniæ, & a feria quarta Cinerum usque ad Octavam Paschæ, ex Trident. sess. 24. cap. 10. Ubi notat Busemb., & Perez, non prohiberi his temporibus matrimonium contrahere, immo nec consummare; cum Tridentinum hortetur solum ad præmittendam consummationi matrimonii benedictionem nuptialem; sed tantum prohiberi solemnitates matrimoniorum. Docet quidem Bonac., petendam esse ab Ordinario licentiam contrahendi Sponsalia, & matrimonia sine solemnitate dictis temporibus: Verum Con., Perez, & alii id negant; quia nec Tridentinum, nec jus antiquum ea prohibet; cum in *cap. Cappellanus, de feriis* dicatur, posse omni tempore matrimonium celebrari, consuetudine Ecclesiæ id attestante. Quod si alicubi esset consuetudo in contrarium, in iis locis petenda esset ab Ordinario licentia contrahendi matrimonia dictis temporibus, eo quod consuetudo, non vero Tridentinum in iis locis talem legem tulerit, ut idem Perez advertit.

Quæritur tertio; Quid sit Catechismus?

Respondeo; Idem sonat Catechismus, ac Instructio de rebus fidei; hoc autem nomine venit impedimentum, quod contrahitur ab eo, qui respondet pro infante, quando supplen-

tur in Ecclesia cærimonix post baptismum collatum in necessitate; Sicut enim Patrini baptismi contrahunt cognitionem spiritualem, quæ est impedimentum dirimens; ita Patrini Catechismi, seu qui respondent pro infantibus, quando interrogantur, An credant, an renuncient Diabolo, &c. contrahunt aliam cognitionem spiritualem imperfectam, quæ est impedimentum impediens. Verum hoc impedimentum sublatum est vel a Tridentino, ut docent Sanch., Filliuc. Fagnand., vel a consuetudine, ut docent Perez, Bonac., & alii.

IV. Quæritur quarto; Qui emissio voto castitatis, vel cõlibatus matrimonium illicite contrahit, ad quid tenetur?

Respondeo; si votum sit non contrahendi matrimonium, peccat quidem contrahendo illud, sed potest licite petere, ac reddere debitum; mortua tamen uxore, tenetur abstinere a nuptiis. Si vero votum sit Religionis, tenetur votum implere ante consummationem matrimonii; peccatque consummando, etiam si reddat debitum; quia sic elicit sibi votum impossibile, ut servetur: Consummato tamen semel matrimonio, licite deinde petit, ac reddit debitum; quia votum, tamquam impossibile, manet suspensum, donec Uxor moriatur, aut adulteretur, aut consentiat, ut legitime maritus Religionem ingrediatur. Si demum votum sit castitatis, nunquam potest debitum petere ante dispensationem; potest tamen reddere, etiam prima vice; quia uxor habet ad id jus, nec maritus tenetur ad servandum votum castitatis ingredi Religionem; cum hoc sit medium nimis durum, ut constat ex Extravag. *Aniæna, Joannis 22. de Voto* apud Conink.

V. Notandum hic primo cum Perez, quod si quis habens votum castitatis contrahat matrimonium cum

nu-

mutua obligatione servandi castitatem, quin se exponat periculo violandi votum, non peccat contrahendo; sicut non peccavit B. Virgo; secus vero peccat.

VI. Notandum secundo cum Sanch. lib. 9. disp. 7., quod habens votum castitatis, (sicut etiam qui post matrimonium contraxit illicitam affinitatem cum Uxore) quamvis non possit petere debitum ante dispensationem, potest tamen nonnunquam insinuare se conjugem, & offerre se ad usum conjugalem, immo petere ab eo debitum; non tamen in gratiam sui, sed gratia complacendi conjugem, & ne reddat illi matrimonium grave, & onerosum; sicut esset, si semper alter petere cogeretur. Ratio est, quia hoc genus petendi est quodammodo reddere; cum in gratiam solius conjugis fiat.

VII. Quæritur quinto; An possit Berta licite in matrimonium contrahere cum Titio habente aliquod ex dictis votis?

Respondeo cum Con. disp. 30. dub. 3., & Perez negative. Ratio est, quia res uni promissa potest quidem alteri valide tradi, sed illicite traditur; & si sponte offeratur, illicite acceptatur; Etenim acceptans per acceptationem usurpat sibi rem alteri obligatam, & illi eam subtrahit; unde indirecte injuriam infert illi, cui est obligata: Secus accidit, si Berta contrahat matrimonium cum Titio, cui prohibitz sunt nuptiz; quamvis enim peccet Titius offerendo matrimonium, non peccat tamen Berta illud acceptando: Sicuti non peccat, qui acceptat legata a Beneficiariis, quamvis illi mortificare peccent disponendo de proventibus Ecclesiasticis ad usus profanos, ut notat Lessl. Et ratio a priori est, quia Berta non tenetur impedire matrimonium, quod illicite offert Titius, nisi

Part VII.

ex correptione fraterna, qua tenemur proximi peccatum impedire; hæc tamen non obligat cum magno incommodo; quale esset Bertæ, valde commodas nuptias rejicere.

VIII. Quæritur sexto; An habens votum castitatis possit aliquando licite matrimonium contrahere sine dispensatione; eo quod, verbi gratia, sentiat urgentes tentationes, & difficultates, quas si prævidisset, castitatem non vovisset?

Respondeo cum Con. disp. 30. dub. 3., Perez, & aliis communiter negative. Ratio est, quia vovens castitatem universum ea animi alacritate voverit, ut velit tentationes omnes superare, si occurrant; unde non potest præsumi prudenter, quod hunc casum excipiat: Sicuti qui voverit, verbi gratia, peregrinationem in pervigilio B. Virginis, non excusatur ab illa per hoc, quod dies sit pluvius; quamvis facilius id voverit, quod crederet, tempus esse serenum, aliter id forte non voturus. Adde, quod in manu vovens est, superare difficultates omnes in servanda continentia, vitando occasiones, & otium, & exercendo se in jejuniis, orationibus, & eleemosynis.

Verum quidem est, quod sicut diximus de promittente Sponsalia, ita quilibet promittens quodcumque, si ve homini, si ve Deo, censetur excipere illum casum, quem communiter omnes cordati, qui sunt ejus conditionis, prævisum omnino exciperent. Sed negatur, hujusmodi esse casum nostrum; siquidem cordati communiter non retrahuntur a Voto castitatis, quod concipiunt, per hoc, quod prævideant tentationes graves insurrecturas. Adde, quod, ut quis liberetur a promissione facta homini, non sufficit omnis talis difficultas de novo occurrens, quæ si fuisset prævisa, deteruisset a promittendo; sed requiritur talis difficultas, quam promissarius

T non

non potest tollere; & quæ prævisa communiter cordatum quemcumque, ut diximus, a promittendo averteret; atqui in casu nostro non solum non avertit cordatos a votenda castitate difficultas tentationum prævisa, sed etiam talis difficultas a Deo Promissario tolli potest; & de facto tollitur, si orationibus, & jeuniis illa ab eo petatur; ergo in casu nostro tenetur vovens adimplere votum, nec potest licite matrimonium sine dispensatione contrahere: Urgentes autem tentationes, ac difficultates insurgentes possunt quidem esse iusta causa petendi, & obtinendi a Pontifice dispensationem in voto; non possunt tamen esse causa iusta, ut voti obligatio tol-

latur.

IX. Quæritur ultimo; Quisnam possit in impedimentis impediens dispensare?

Respondeo, præter Pontificem, posse etiam Episcopum: Excipiuntur tantum non solum vota castitatis, & religionis, sed etiam impedimentum Sponsalium; quod pariter a solo Pontifice dispensari potest, ex *cap. Listeris*, 2. de *Sponsal.* Et ratio est, quia cum per Sponsalia acquiratur jus Tertio, nullus, præter supremum Principem, potest tale jus auferre; & idcirco Doctores docent, non posse ab Episcopo relaxari iuramentum Tertio præstitum, ut notat Perez disp. 33. sect. 8., & Sanch. lib. 7. disp. 17.

Q U Æ S T I O VI.

De Dispensatione in Impedimentis matrimonii dirimentibus.

EXaminandum primo; Quisnam possit in iis dispensare? Secundo; Quænam causa requiratur ad licitam dispensationem? Tertio; Quando nam dispensatio est surreptitia, & nulla?

ARTICULUS I.

Quisnam possit in matrimonii impedimentis dispensare?

- I. Quid interest inter legis Dispensationem, Irrigationem, Abrogationem, Derogationem, & Interpretationem?
- II. Privilegium a dispensatione, & a licentia, in quo differant?
- III. Dispensatio in lege Superioris est invalida, si fiat sine causa, sicut etiam interpretatio in lege Divina, puta in voto, aut iuramento, etiamsi fiat a Pontifice.
- IV. Dispensatio stricte est interpretanda; secus vero Privilegium; & Potest

flas dispensandi universim; non tamen si talis potestas respiciat particulares personas.

V. In impedimentis jure divino dirimentibus Papa dispensare non potest; nisi ea dirimant jure naturali secundario, ut sunt votum, & Sponsalia, ac matrimonium ratum.

VI. Num possit Pontifex dispensare, ut Sacrificium fiat sub una tantum specie? Num etiam quod Episcopus non resideat?

VII. Potest Pontifex dispensare in radice matrimonii, legitimando prolem relate ad effectus canonicos, non relate ad civiles.

VIII. Episcopus potest ex causa urgente

issima pro foro conscientia dispensare in aliquo impedimento occulto dirimente, etiam ante contrahendum matrimonium.

IX. Num id liceat aliquando Religiosis ex privilegio?

I. **P**ermitto primo, dispensationem esse Juris alicujus relaxationem, seu exemptionem alicujus a legis obligatione. Differt autem Dispensatio ab Irritatione, Abrogatione, Detogatione, & Interpretatione legis: quod Irritatio tunc contingit, quando is, cujus est legem confirmare, impedit, quominus firmetur, & vult eam omnino esse irritam; Verbi gratia, si lex a Civibus constituta indigeat Principis confirmatione, ut obliget, & Princeps illam non modo non confirmet, sed casset, & annullet, tunc dicitur illam irritare. Abrogatio habetur, quando quis legem latam omnino tollit: Derogatio vero, cum quis legem jam latam tollit, non simpliciter, sed ex parte. Interpretatio habetur, quando vir prudens, ac doctus declarat, legem hic, & nunc non obligare, aut talem casum lege non comprehendi; idque aut in casu certo, vel probabili, aut in casu dubio, in quo auctoritas Superioris postulat. At dispensatio habetur, quando quis ab obligatione legis liberatur ex Superioris voluntate, adhuc persistente lege in suo vigore.

Hinc sequitur primo, dispensationem esse actum Jurisdictionis, atque adeo a Superiore dumtaxat provenire posse.

Sequitur secundo, In lege divina non habere locum dispensationem factam ab homine, sed habere dumtaxat locum Interpretationem hominis, etiam in casu dubio; quamvis in casu dubio, præter prudentiam, requiratur jurisdictio in interpretante.

II. Sequitur tertio, Privilegium a-

licui particulari concessum, si sit contra jus, & illud relaxet, esse revera dispensationem: Contra vero si non sit contra jus, sed sit veluti lex privata alicujus communitatis, tunc proprie dici Privilegium, & differre a dispensatione; hæc enim, ut mox dicemus, stricte; illud vero late interpretandum est.

Sequitur quarto, licentiam non esse dispensationem, sed esse conditionem ab ipsa lege requisitam, ut hic, & nunc non obliget. Quare quando Monachus de licentia Superioris, verbi gratia, domo egreditur, non intervenit tunc dispensatio, quæ dicitur *Vulnus legis*, sed solum apponitur id, quod lex ipsa postulat, ut licitus sit egressus.

III. Sequitur ultimo, dispensationem legis, & dispensationem voti, ac juramenti relaxationem multum differre; Nam dispensatio in voto, seu juramento habetur per hoc, quod Prælati gerens Dei vices, nomine ipsius Dei, cui jus est acquisitum, relaxet obligationem, interpretando hic, & nunc mentem divinam: Unde fit, & quod invalida sit talis dispensatio, si fiat sine causa, & quod possit in voto fieri commutatio in melius propria auctoritate; Immo probabiliter in evidenter æquale: Contra vero dispensatio legis habetur per hoc, quod superior proprio nomine dispenfet, seu obligationem relaxet; Unde fit, & quod, si sine justa causa dispenfet in propria lege, valida sit, quamvis illicita talis dispensatio; & quod in quacunque lege non possit fieri commutatio propria auctoritate; verbi gratia, non potest quis loco jejunii præcepti audire plures Missas, aut facere elemosynas; quia lex pendet a sola voluntate Legislatoris, ubi votum ab ipso vovente ducit initium suæ obligationis; & ideo solum votum potest propria auctoritate com-

mutari in melius, & probabiliter etiam in evidenter aequale.

Ubi nota, causam requisitam ad valide dispensandum non debere esse talem, quæ eximat ab obligatione legis; quia sic dispensatio non differret ab Interpretatione; sed debet esse talis, quæ sufficiat, ut possit subditus rationabiliter eximi ab obligatione legis per Superioris auctoritatem.

IV. Præmissis secundo. Dispensationem per se loquendo restringendam esse, ac stricte interpretandam, cum sit vulnus legis, & ideo odiosa, ut notat Sanch. lib. 8. disp. 1. Excipiuntur tamen nonnullæ dispensationes, quæ ratione materię, vel ratione gravissimæ, & piissimæ causæ, omnibus pensatis, censentur esse favorabiles, & ideo large interpretandæ sunt: Sicut etiam dispensatio in lege præcedenti, quæ sit dispensatio inserta in corpore juris, late interpretanda est; quia censetur favorabilis, seu in bonum communitatis; unde habet rationem Privilegii. Idemque Doctores docent communiter cum Perez disp. 46. sect. 2. de Potestate dispensandi generaliter concessa, quæ pariter favorabilis est, & amplianda: Contra vero potestas dispensandi cum certis personis privatis, quia respicit bonum privatum, non commune, dicitur esse odiosa, cum sit juri contraria, & ideo restringenda, seu stricte interpretanda.

V. Quæritur nunc primo; An possit Pontifex in matrimonii impedimentis dispensare?

Respondet, Pontificem in tribus impedimentis jure naturæ rigorofo dirimentibus matrimonium nullatenus posse dispensare, videlicet in Errori Personæ, Impotentia perpetua, & Impedimento cognationis in primo gradu lineæ rectæ. Nec potest dispensare in impedimento Ligaminis jure divino dirimente matrimonium;

Nam ex cap. *Gaudemus*, de *Diversis* habetur, nunquam licuisse citra dispensationem, seu concessionem divinam, quod ligatus cum una uxore alteri nuberet. In reliquis vero impedimentis sive dirimentibus, sive impediens potest Pontifex dispensare. Ratio est, quia reliqua impedimenta vel dirimunt, aut impediunt matrimonium jure Ecclesiastico, & sic potest Pontifex in tali jure dispensare; vel dirimunt, aut impediunt jure naturali secundario, ut Votum, & Sponsalia, & potest Pontifex in utroque dispensare; nam potest ex rationabili causa Pontifex, cui Deus dedit potestatem ligandi, atque solvendi, nomine ipsius Dei, cui facta est promissio, seu votum, cedere juri acquisito, & remittere debitum contractum per votum; quia remissione facta, cessat per sublationem materiæ lex naturalis obligans ad non contrahendum matrimonium post votum castitatis; sicut enim occisio innocentis, verbi gratia, est contra legem naturalem, si fiat auctoritate privata, secus vero si fiat Deo illam præcipiente; ita contra legem naturalem est nubere post votum castitatis, nulla facta remissione obligationis contractæ per votum; secus vero post talem remissionem; unde purificata hac conditione tollitur materia legis naturalis, quæ manet indispensabilis, & immutata.

Idem dicas de impedimento Sponsalium; illicitum enim est, & contra legem naturalem post Sponsalia contracta cum una nubere alteri; non tamen postquam aut illa cessit juri suo, aut Pontifex, in quantum summus Princeps, ex rationabili causa illi derogavit: Sicut contra legem naturalem est, usurpare sibi rem alienam, non tamen si aut Dominus consentiat, aut summus Princeps ex rationabili causa id permittat. Et eodem

dem pacto potest ex urgentissima causa Papa dispensare in matrimonio rato, prout diximus quæst. 3. art. 3.

Demum in impedimento Voti solemnitis dirimente potest etiam Pontifex dispensare, quia dirimit iure Ecclesiastico, ut supra ostendimus. In matrimonio consummato dispensare non potest; Est quippe illi vetitum iis verbis Matth. 19. *Quod Deus coniunxit, homo non separet.*

VI. Oppones: Quamvis de iure positivo divino sit, quod Episcopus sit minister Confirmationis, potest tamen ex concessione Papæ esse Min^{is}ter etiam simplex Sacerdos: Pariter de iure divino est, quod Sacrificium fiat sub utraque specie; & tamen nonnulli putant posse ex Papæ dispensatione fieri in sola specie panis sine consecratione calicis in locis, ubi vinum vix potest reperiri. Præterea Residentia Episcopi est de iure divino; & tamen potest Papa in illa dispensare; ergo quamvis impedimentum ligaminis sit de iure divino, potest tamen in eo Papa dispensare ex rationabili causa; ut scilicet Rex Catholicus, verbi gratia, qui uxorem habet sterilem, ducat secundam, adhuc prima vivente.

Respondeo, Impedimentum Ligaminis non esse de iure divino positivo, sed de iure naturali secundario; sicut de iure naturali secundario prohibetur, ut diximus, occisio innocentis; unde solus Deus potest in utroque casu dispensare; Pontifex autem nec in iure naturali dispensare potest, ut est certum, nec in iure divino positivo; quia Inferior non potest dispensare in lege Superioris.

Ad ea, quæ obijciuntur, respondet primo Suar. lib. 10. de legibus cap. 6., Episcopum ex institutione divina esse ministrum Confirmationis, non absolute, sed ordinarium; atque adeo non dispensat in tali lege Pontifex,

quando in casu extraordinario id committit Sacerdoti simplici. Ad id, quod additur de Sacrificio, communissime negant, posse auctoritate Pontificia in una tantum specie offerri. Quod si concedatur, id explicandum est per modum interpretationis doctrinalis, non per modum dispensationis in lege divina; Nam ex institutione divina solum habetur, quod debeat offerri Sacrificium Missæ in lege Evangelica; quod autem sub utraque specie offerri debeat, videtur potius esse ex lege naturali dicente, quod Sacrificium Deo offerri debeat integrum; Si tamen in aliquibus locis esset inopia vini, juxta nonnullorum sententiam posset Papa declarare, quod præceptum naturale de integre consecrando non se extendat ad talem casum. Denum sitne Residentia Episcopi de iure divino, an non? alias examinavimus, diximusque, quod sicut de iure divino est observantia voti; & tamen ex causa rationabili potest Pontifex in eo dispensare, quippe qui vices Christi gerit in his, quæ passim occurrunt; nec aliter posset gravibus incommodis occurrere, si Pontifex non posset in voris dispensare, ac juramenta relaxare: Eodem modo, quamvis de iure divino sit Episcopi residentia, poterit Pontifex data rationabili causa similiter nomine Christi, cujus vices gerit, dispensare; seu verius in his casibus interpretaretur mentem divinam, ut dicimus etiam quæst. 1. art. sequentis.

VII. Quæritur secundo; An possit Pontifex dispensare in radice matrimonii invalide contracti; videlicet efficiendo, quod proles ex matrimonio invalido nata legitimetur, tam quoad spiritualia, quam quoad temporalia, perinde quasi nata esset ex legitimo matrimonio?

Respondeo, omnes concedere, quod possit Papa legitimare prolem

in ordine ad effectus omnes Ecclesiasticos, & spirituales; nimirum, ut possit suscipere Ordines, Beneficia, &c. Dubium solum est, An possit legitimare relate ad effectus civiles, & temporales, verbi gratia, relate ad succedendum in Paterna hæreditate. Et sane quod non possit id Pontifex directe, omnes concedunt; Docent tamen multi cum Sanch. lib. 8. disp. 6., quod possit id indirecte: Ratio est, quia radix illegitimationis sæpe est lex Ecclesiastica statuens impedimentum dirimens, verbi gratia, inter consanguineos; sed Papa potest in tali lege dispensare, antequam matrimonium contrahatur; ergo post matrimonium contractum, & prolem natam poterit etiam Papa dispensare in iis, quæ consequuntur prolis illegitimationem; seu poterit Ecclesiæ veluti destruere legem suam, ex qua effectus illegitimationis consequuntur, & sic indirecte prolem legitimare: Ad eum modum, quo sine simonia potest indirecte alienari per venditionem consecratio Calicis, vendendo directe solam materiam Calicis consecrati.

Sed probabilius id negant Con., Hurt., Perez, Molin. disp. 44. sect. 5.; quia Pontifex efficere non potest, ne indirecte quidem, ut matrimonium, quod fuit nullum, non fuerit nullum: ergo quamvis possit Pontifex hic, & nunc tollere inhabilitates canonicas, & dispensare in illegitimatione relate ad effectus Ecclesiasticos, qui pendunt a sua voluntate; non potest tamen relate ad effectus civiles, & temporales, habilitando illegitimum ad officia temporalia; cum hi effectus non subiaceant potestati Pontificiæ. Quod autem ne indirecte quidem possit id efficere, probatur; quia intantum potest, verbi gratia, præcipere indirecte actum internum in susceptione Sacramentorum, inquantum potest directe præcipere actum

externum suscipiendi Sacramenta; & intantum potest indirecte alienari per venditionem consecratio Calicis, inquantum potest directe vendi materia Calicis consecrati; ergo pariter intantum possit Pontifex tollere indirecte effectus civiles illegitimationis, inquantum possit directe tollere impedimentum Ecclesiasticum, ratione cujus matrimonium fuit invalidum, & proles illegitima; atqui quamvis Pontifex id possit, antequam matrimonium contrahatur, tamen post matrimonium invalide contractum non potest amplius tollere impedimentum, nec efficere, ut matrimonium non fuerit invalidum; cum non detur potentia ad præteritum, nec possit fieri, quod fuerit validum id, quod fuit invalidum; ergo non potest Pontifex in radice matrimonii indirecte dispensare post matrimonium invalide contractum.

VIII. Quæritur tertio; An possit Episcopus in aliquo casu urgentissimo dispensare in impedimentis matrimonii dirimentibus, in quibus Papa probabiliter dispensaret, si posset ad ipsum recurri?

Respondet cum Sanch. lib. 2. disp. 40., Con., Less., Hurt., Perez, Rebell., & aliis contra Sotam, posse ex tacita concessione Pontificis Episcopum pro foro conscientie dispensare in aliquo impedimento occulto; quando scilicet matrimonium bona fide contractum est, & sine scandalo non potest fieri separatio, aut differri dispensatio sine evidenti periculo peccandi. Ratio est, tum quia incredibile est velle Papam in tali casu sibi dispensationem reservare cum gravissimo animarum periculo; tum etiam quia ea est praxis, & consuetudo, quæ est optima legum interpret, & sufficit ad acquirendam jurisdictionem, ut notat Perez disp. 46. sect. 6.: tum demum, quia Episcopus potest

com-

contra jus commune aliquid statuere, modo id faciat ex evidenti, & necessaria causa, quæ Superiorem ad id concedendum moveret; argumento *l. hominem ff. Mandari.*

Notandum tamen, quod quia in hoc casu ex Pontificis præsumpto consensu Episcopus dispenseret, debet matrimonium esse bona fide contractum ab alterutro saltem ex contrahentibus, & cum requisitis proclamationibus; Aliter non potest præsumi consensus Pontificis; quia faveret audaciæ, & iniquitati: ut colligitur ex Trident. sess. 24. cap. 5.

Majus dubium est; An possit etiam Episcopus dispensare in iisdem impedimentis in casu necessitatis ante contractum matrimonium?

Respondeo, id etiam concedi a Sals., Hurt., Pont., Sanch. loc. cit.; si tamen necessitas sit urgentissima: Verbi gratia, si mulier jam parata ad nuptias contrahendas, dum confitetur, deprehendat impedimentum dirimens, & sine infamia non posset nuptias differre; vehemens enim suspicio oriretur alicujus criminis in confessione detecti, si femina vellet nuptias differre, quousque a Papa dispensationem obtineret. Ratio est, quia juxta communem sententiam Doctorum apud Sanch., loc. cit., potest Episcopus in lege Pontificis, aut Concilii dispensare urgente necessitate: Et ideo Henr. Silvest., Navar., Angel., & alii apud eundem Sanch. docent, posse etiam Episcopum dispensare in voto simplici castitatis (quod est reservatum Papæ) in casu necessitatis; quando scilicet magnum urget periculum incontinentiæ, nec potest consuli Papa, vel ratione paupertatis, vel quia periculum grave est in mora.

Et ratio a priori est, quia lex omnis Pontificia ordinatur ad charitatem, & ad rectam Reipublicæ gubernationem, cum data sit illi a Christo

Domino potestas condendi leges in ædificationem, & non in destructionem, ut loquitur Apostolus: *esse autem contra Charitatem, & contra suam Ecclesiæ gubernationem velle Pontificem reservare sibi potestatem dispensandi etiam in casu tantæ necessitatis.*

Hinc communiter docent, quod possit Episcopus in casu impedimenti absolvi ab excommunicationibus in Bulla Cænæ; quamvis in ea Bulla dicatur, quod nemo præter Pontificem possit ab iis casibus absolvi extra mortis articulum. Solum in cap. *Mulieres, de Sententia Excommunicationis* in 6. dicitur, quod impediti adire Papam pro obtinenda absolutione ab excommunicatione ob percussionem Clerici contracta, possint ab Episcopo absolvi; & subditur ratio talis permissionis; ne scilicet impediti adire Pontificem careant remedio absolutionis: quia tamen hæc ratio militat etiam pro censuris in Bulla Cænæ, & pro aliis Pontifici reservatis; ideo communiter Doctores docent, quod possit Episcopus in casu impedimenti ab omnibus omnino censuris absolvi; ergo poterit pariter in casu nostro dispensare in impedimenti matrimonii.

Notandum tamen cum Perez, facile occurrere posse necessitati casus ad ducti, si scilicet femina illa, quæ deprehendit impedimentum dirimens, voveat castitatem ad tempus, Verbi gratia, per mensem, & publicet, obstrictam esse Voto castitatis, (tacendo tamen, quod tale votum sit ad tempus, ne velint, quod ab Episcopo petatur dispensatio) & iustum sibi esse a confessario, ut a nuptiis abstinere, donec a Papa dispensatio in eo voto obtineatur; & interim posset occulte peti dispensatio in vero illo impedimento dirimente, quod in confessione deprehendit.

IX. Quæritur ultimo; An possint etiam Religiosi Mendicantes dispensare aliquando in aliquo impedimento matrimonii?

Respondeo, nonnullos docere, quod a Leone X. concessum iis sit privilegium ad dispensandum cum illis, qui scienter, vel ignoranter contraxerunt matrimonium cum impedimento affinitatis occulto, nec deducto in iudicium. Communiter tamen id negant cum Rodriq., Henr., Perez disp. 46. sect. 7., quia tale privilegium nec extat, nec est in usu. Solum a Pio V. concessum est Franciscanis privilegium, ut possint dispensare in foro conscientie ad petendum debitum cum iis, qui consanguineum, vel consanguineam sui conjugis post matrimonium carnaliter cognoverunt; quo privilegio gaudent etiam Patres Societatis, ex concessione tamen Patris Provincialis. Præterea conceditur Mendicantibus, ut possint dispensare cum Infidelibus ad fidem conversis, qui tempore infidelitatis contraxerunt matrimonium in gradibus solo jure Ecclesiastico prohibitis, ut in eo permanere valeant. Verum, ut advertit Perez, talis concessio data est ad superabundantiam; quia matrimonium contra leges Pontificias tempore infidelitatis contractum est validum, ut supra diximus; unde nulla indigent dispensatione huiusmodi Infideles; immo peccarent, si matrimonium vellent dissolvere.

ARTICULUS II.

De Causis ad Dispensationem requisitis.

- I. *Ut sit valida dispensatio Inferioris in lege Superioris, satis est, quod causa probabiliter reputetur sufficiens.*
- II. *Valide Legislator, quamvis illicitè dispensat sine causa cum subdi-*

is suis. At secummet in tali lege etiam invalide dispensat.

III. *Peccat mortaliter, qui in re gravi sine causa dispensat in lege Superioris; Sicut etiam qui talem dispensationem petit; & qui ea utitur.*

IV. *Qui vero in propria lege sine causa dispensat, probabiliter peccat solum venialiter; sicut etiam qui petit talem dispensationem, & qui ea utitur.*

V. *Plures enumerantur cause, ob quas peti potest dispensatio in impedimentis matrimonii.*

VI. *Ad dispensandum in impedimento Poti duplex causa a Doctoribus assignatur.*

VII. *Quanam sit causa sufficiens, ut dispensetur in impedimento Sponsalium?*

I. **Q**uæritur primo; An dispensatio legis universali requirat causam, ut sit valida?

Respondeo, & dico primo, invalidam esse dispensationem Inferioris in lege Superioris, si fiat absque legitima causa. Ita communiter cum Sanch. lib. 8. disp. 17., Perez disp. 45. sect. 2. Probatur, quia intantum potest Inferior dispensare aliquando in lege Superioris, inquantum præsumitur hic, & nunc necessitate urgente, quod Superior concedat Inferiori talem facultatem; atqui non præsumitur, quod velit Superior concedere facultatem dispensandi siue causa rationabili; ergo dispensatio isthæc sine rationabili causa est invalida.

Hinc sequitur primo, Episcopum sine iusta causa invalide dispensare tam in votis, quam in lege Pontificia, puta in lege jejunii.

Sequitur secundo, Papam invalide dispensare in voto, aut iuramento siue legitima causa: Sicut enim si Oeconomus, vel Procurator remittat debita, quæ debentur suo Domino sine

sine voluntate Domini, nihil operatur, & debitum non extinguitur; ita Papa, qui est dispensator, non dissipator mysteriorum Dei, invalide cedit juri a Deo per votum acquisito, si non interveniat justa causa, ratione cujus interpretetur divinam voluntatem, ejusque voluntatem exequatur.

Sequitur tertio, Papam invalide dispensare in quacumque lege divina, aut naturali sine causa: Immo nec cum causa potest in rigore dispensare, sed solum, ut diximus, poterit mentem divinam interpretari. Quare si posset, verbi gratia, dispensare, ut Sacrificium offeratur solum sub specie panis in locis, ubi vinum haberi non potest, (quod communiter negatur) interpretaretur potius, quam dispensaret in lege divina, exilimando, quod præstet offerre sacrificium non integrum, quam nullum Sacrificium offerre.

Notandum tamen, quod si Inferior probabiliter, ac prudenter judicat bona fide, causam dispensandi in lege superioris hic, & nunc esse justam, ac legitimam, dispensatio erit non solum valida, sed etiam licita; quamvis revera causa non sit sufficientis ad dispensandum. Ita Sanch. lib. 8. disp. 27. contra Pal. & Pont. apud Perez; qui requirunt evidentiam causæ sufficientis ad dispensationem, ut valide, & licite dispensetur. Ratio nostræ doctrinæ est; quia opinio probabilis satis est ad licite operandum; ergo si probabile est, causam esse justam, ac sufficientem ad dispensationem, licita erit dispensatio, & consequenter etiam valida; quia præsumitur, Superiorem velle validam esse dispensationem factam ab Inferiore prudenter, & humano modo, seu cum opinione probabili, ut innumeris scrupulis occurratur. Concedo equidem, bonam fidem operantis aliquando satis esse solum ad

Pars VII.

licite, non ad valide operandum; Verbi gratia, si quis bona fide ductus opinione probabili, seu putata probabili, contraheret matrimonium cum consanguinea in gradu prohibito, hic licite, sed invalide matrimonium contraheret: At dicendum in casu nostro, etiam validam esse dispensationem, quando ex opinione probabili causa ad dispensandum censetur esse justa, & sufficientis, etiamsi revera sit insufficientis. Ratio est, quia incredibile est, Deum, & Papam velle obligare Inferiores Prælatos, ut plusquam humano more, & modo habeant evidentiam causæ ad dispensandum; Quare satis erit probabilis, & prudentialis cognitio, quæ ad operandum honeste, & humano modo satis est.

II. Dico secundo, Validam esse, quamvis illicitam, dispensationem in lege ipsiusmet Legislatoris factam abque legitima causa. Ita Doctores citati communiter. Probatur, quia Legislator in propria lege operatur tamquam Dominus; ergo sicut Dominus prodigus valide transfert suorum bonorum dominium, quamvis prodigendo peccet; ita Legislator valide in propria lege dispensat, quamvis sine justa causa dispensando peccet, cum abutatur sua potestate.

Notandum tamen cum Suar. de legibus lib. 6. cap. 19. contra Pont. apud Perez hic, quod si Legislator secummet in lege sua dispense sine justa causa, invalide secum dispensat, quamvis in eadem lege valide dispense cum suis subditis. Ratio disparitatis est, quia Superior ad servandam suam legem non obligatur ab ipsa lege sua; cum nemo possit sibi imperare; sed obligatur ex vi legis naturalis, qua Superior tenetur conformare se communitati, & esse caput membrorum uniforme; atqui Superior in lege naturali invalide dispensat sine ju-

V *sta*

ita causa, ut diximus; ergo si Superior sine iusta causa eximat se a sua lege, invalide operatur: Contra vero valide in sua lege dispensat cum subditis; quia subditi immediate obligantur a lege Superioris.

III. Dubium est; Siue mortale, an veniale concedere, petere, acceptare dispensationem, vel illa uti, deficiente causa legitima?

Respondet, certum esse, quod nisi levitas materiæ excuset, mortaliter peccet, qui sine causa dispensat in lege divina, aut in lege sui Superioris; necnon qui talem dispensationem sine causa petit, & qui ea utitur. Et ratio est manifesta, quia talis dispensatio ex dictis est invalida.

IV. Certum etiam est, quod Legislator sine iusta causa dispensans in lege propria peccet; Solumque dubitatur, num peccet venialiter, an mortaliter? Quod peccet, probatur, quia Legislator respicere debet bonum communis sibi subditæ, cum non sit illius absolutus Dominus, sed Pastor, & Rector; & ut Apostolus loquitur, Minister, & Dispensator; unde fit, quod non possit condere leges in commodum privatum, sed in bonum commune; atqui dispensatio sine iusta causa facta in propria lege est contra bonum commune, cum gravet inæqualiter subditos, & det occasionem querelarum; ergo Legislator sic dispensando peccat. Circa dubium vero; Utrum peccet mortaliter? Affirmat Suar. lib. 6. de legibus capit. 18. & alii; quia talis dispensatio esset contra iustitiam distributivam, cum sit directe Acceptio personarum; hæc autem ex genere suo est culpa mortalis; præsertim quando radicatur in obligatione proprii officii. Verum Sanch. lib. 8. disp. 18., Salas, Pal., & alii apud Perez disp. 45. sect. 4. putant esse veniale, si scandalum vitetur, nec sequatur notabile damnum alio-

rum; quale esset, si nimium alii gravarentur, ut Titius amicus eximatur ab obligatione, verbi gratia, solvendi tributum. Ratio est, quia non videtur gravis deformitas, partem aliquam non se conformare toti communicati ex arbitrio Principis. Unde sequitur, quod Legislator non observans propriam legem probabiliter solum venialiter peccet, quoties non est gravis deformitas, quod caput a suis membris distorquetur, & scandalum vitatur.

Qui veto petit, & acceptat dispensationem legis sine causa factam a Superiore in propria lege, ex doctrina Suar. peccat etiam graviter: Petens quidem, quia petit tem illicitem, & inducit Legislatorem ad peccatum; Acceptans vero, quia peccato dispensationis cooperatur; dispensatio enim non potest suum effectum fortiri sine acceptance. Uterque tamen juxta sententiam laudatam Sanch., Salas, Pal. videtur peccare solum venialiter, si scandalum vitetur, nec sequatur grave damnum aliorum.

Demum qui tali dispensatione utitur, Sanch. lib. 8. disp. 18. putat, probabile esse, quod cessante scandalo, & aliorum damno notabili, non peccet; Probabilius tamen esse, quod venialiter peccet; non quidem contra legem, in qua dispensatur, sed contra jus naturæ, quæ dicat, neminem debere absque iusta causa a suo toto, seu a communitate, cujus est membrum, discedere.

Notat tamen Sanch., quod petens sine causa dispensationes matrimoniales, exhibendo copiosam elemosynam, non peccet; (sicut nec qui sine causa iis petitis utitur) Ratio est, quia quamvis sine causa petantur, non conceduntur tamen sine causa. Etenim pro causa concessionis succedit copiosa pecuniaria compositio, seu elemosyna data in bonum, ac sumptus publicos, sicut

sicut accidit in concessione privilegii Bullæ Cruciatæ.

V. *Queritur secundo; Quanam sit iusta causa dispensandi in impedimentis matrimonii, præsertim dirimentibus Cognationis, & Affinitatis?*

Respondeo, plures causas a Doctöribus enumerari; Prima ad sapiendam gravem litem, & discordias, vel ad viranda peccata, & scandala; Secunda, quando non reperitur commodum matrimonium cum extraneis; ut si fœmina deberet aliter extra suam Patriam nubere, & sic semper exulare a suis, quod est valde durum; Tertia, defectus dotis; unde non possit fœmina Sponsum se dignum, nisi ex propinquis, invenire; Quarta, conservatio divitiarum in eadem domo, vel familia; Quinta, conservatio familiaris illustis intra eundem sanguinem; Sexta, Excellentia meritum erga Ecclesiam vel petentis dispensationem, vel ejus, in cujus gratiam petitur; Septima, matrimonium bona fide contractum; Octava, copiosior pecuniaria compositio ad aliquod opus pium; Et universim quælibet alia rationabilis causa iudicio prudentis, & docti viri discernenda.

Notandum tamen hic primo, Ecclesiam sine ulla nota acceptionis personarum facilius dispensare cum Magnatibus, & divitibus, quam cum aliis. Ratio est, quia utilitas publica magis ab iis pendet, & expedit ipsi Ecclesiæ eos habere faventes.

Notandum secundo, quod eo major causa ad dispensandum requiratur, quo cognatio, vel affinitas est arctior. Trident. sess. 24. cap. 5. dicit, in secundo gradu dispensandum non esse, nisi inter magnos Principes: Sanch. ramen lib. 8. disp. 19. docet, inter magnos Principes recenseri posse etiam Barones, & iis Superiores; Docet etiam, in maternitate, & paternitate spirituali difficillime dispensari;

nimirum inter levantem, seu tenentem in Sacro fonte, & levatum; quia cognatio spiritualis arctior est, quam carnalis, utpote procedens a nobiliori principio: Unde Abbas, Mandosius, & alii dicunt, nunquam legisse, quod Ecclesia Romana circa cognationem spiritualement dispensarit. Fertur tamen Alexander VIII. (necnon alii Pontifices novissimi) in ea dispensasse: Ceterum minus difficilis est dispensatio in Compaternitate, seu inter levantem in Sacro fonte, & levati patrem, aut matrem, quam in Paternitate explicata; quia Compaternitas est cognatio spiritualis in secunda specie, seu gradu; Paternitas vero est in primo gradu, ut notat idem Sanch. loc. cit.

VI. Præterea ad dispensandum in impedimento impediante voti, duplex a Doctöribus assignatur causa, ut notat Con. . Prima ex parte materiæ, quando scilicet dubitatur, an votum ab initio obligaverit, an cum deliberatione fuerit emissum, an mutatis circumstantiis votum sit impeditivum boni majoris, &c., Secunda ex parte votantis, quando scilicet ex animi levitate, & repentino motu, sine matura consideratione votum emisit; Vel si causa ad emittendum votum omnino desit; ut si vovisses castitatem, quia volebas ingredi certam Religionem, ad quam tamen non potes admitti; Vel si cum magna difficultate poteris votum servare, vel si ad publicam pacem conferat nubere.

VII. Denum ad dispensandum in impedimento impediante Sponsalium sufficiens causa est, si timeatur, sponsam futuram occasionem peccandi sponso; aut si ex matrimonio cum altera speretur publica pax, vel extinctio, seu impedio gravium discordiarum.

ARTICULUS III.

De Dispensatione surreptitia, & nulla.

- I. *Rescripta gratia per surreptionem obientia sunt ipso jure irrita; secus vero Rescripta iustitia.*
- II. *Quanam falsi expressio, aut veritatis taciturnitas reddat dispensationem surreptitiam?*
- III. *In dubio, num dispensatio sit surreptitia, probabilius dicendum, esse nullam.*
- IV. *Num dispensatio sit surreptitia, si duplex causa exponatur, quarum altera est falsa?*
- V. *An possint duo impedimenta in diversis petitionibus separatim exprimi?*
- VI. *Si impedimentum oriatur ex duplici simulo, probabilis uterque exprimi debet; ut si quis duas Beata sorores cognovisset.*
- VII. *Quando petitur dispensatio super gradibus consanguinitatis, satis est, quod gradus remotior exprimat, dummodo gradus propinquior non sit primus.*
- VIII. *Num debeat exprimi incestus, si præcesserit, quando petitur dispensatio in impedimento cognationis?*
- IX. *Potestas dispensandi cum personis incertis non expirat morte concedentis; secus vero si deus facultas dispensandi cum aliquo particulari: Facultas vero data alicui, ut dispensetur, vel absolvetur, neque expirat morte concedentis.*
- X. *Facultas data ad beneplacitum concedentis expirat per huius mortem, aut amotionem ab officio, si data sit alicui particulari; secus vero si sit data Communis.*

I. **D**ispensatio, & quælibet facultas dicitur esse surreptitia, seu nulla, si concedatur ex mero errore, sive ob falsitatem a petente expressam, sive ob veritatem celatam.

Notandum tamen, Concessionem, seu Rescripta Pontificis, aliorumque Principum, alia esse iustitiæ (quæ scilicet diriguntur ad lites, & similes causas ex iustitia terminandas) alia vero esse Gratiæ (quibus scilicet beneficia Ecclesiæ, dispensationes, & similes gratiæ conceduntur) Concessionem, seu Rescripta Gratiæ per surreptionem obtenta, ipso jure sunt irrita, & nulla: Rescripta vero iustitiæ per surreptionem obtenta non sunt ipso jure irrita, nisi per exceptionem elidantur. Disparitas ex Con. hic est; tum quia per Rescripta iustitiæ non statim terminantur causæ, sicut per Rescripta Gratiæ; sed solum iis terminandis aut Judex, aut modus imponitur; unde datur locus detegendo errori; tum etiam quia contra Rescripta iustitiæ solet semper pars invigilare.

Notandum ulterius, causam, ob quam aliquid conceditur, vel esse finalem, seu motivam, vel impulsivam. Causa finalis dicitur illa, sine qua nullo modo, aut nonnisi cum quibusdam conditionibus, & limitationibus rescriptum concederetur. Impulsiva vero dicitur illa, ob quam facilius conceditur rescriptum; quod tamen adhuc sine illa secundum rectam rationem, & merita causæ concederetur.

II. Quæritur nunc primo; Quanam taciturnitas veritatis, aut expressio falsi reddat dispensationem surreptitiam, & nullam?

Respondeo, dispensationem esse surreptitiam, si taceatur aliquod verum, quod jus jubet exprimi; etiam si pertineat ad causam impulsivam; necnon si taceatur verum pertinens ad cau-

lam

fam finalem; non vero si pertineat ad causam impulsivam: Eodem modo expressio falsi reddit dispensationem irritam, si exprimitur falsum pertinens ad causam motivam, seu finalem Concessionis. Ita communiter.

Probatur prima pars; quia quoties jus jubet aliquid exprimi, illud exigit tanquam formam præscriptam, qua deficiente, totus actus, & consequenter ipsa dispensatio corruit. Hinc in cap. *Si motu proprio*, 23., de *præbendis* in 6. deciditur, ex quantumvis modici beneficii taciturnitate reddi alterius beneficii impetrationem surreptitiam.

Secunda pars patet; quia Concessio dispensationis fit dependenter ab existentia motivi, quod exprimitur; ergo deficiente causa motiva, seu finali, actus est omnino involuntarius; & sic dispensatio est nulla.

Tertia pars etiam patet; quia quando error est tantum circa causam impulsivam, & non circa finalem, habetur totum id, quod requiritur ad concedendam dispensationem; ergo dispensatio non est nulla. Hinc docent communiter Doctores, pauperem improbum obtinentem eleemosynam ab eo, qui cognita improbitate, illam non dedisset, non dici eam per errorem obtinuisse; unde non tenetur ad restitutionem; quia vere est pauper, & ad sublevandam inopiam, tamquam propter causam finalem, motus est largiens eleemosynam, illo ejus probitas fuerit causa impulsiva.

III. Si tamen dubium sit, Num verum, quod tacetur, aut falsum, quod exprimitur, pertineat ad causam motivam / arbitrio prudentis, & docti viri id decidendum, quando neque ex jure constar, neque ex stylo Curie, quod etiam facit jus. Quod si probabiliter decerni nequeat, & res adhuc maneat sub dubio, Sanch. disp. 21. num. 2. docet, dispensationem pu-

tandam validam; quia valori actus jura maxime favent, & in dubio eum rationabiliter præsumunt. Sed Perez disp. 46. sect. 1. cum Hurt., Molin., Con. probabilius docet, dispensationem esse nullam; quia impedimentum est certum, & dispensatio dubia; in dubio autem melior est conditio possidentis.

IV. Si deum taciturnitas veri, aut expressio falsi sit tantum circa partem petitionis, dicendum, quod si gratia concessa est divisibilis, sit irrita solum secundum eam partem, secundum quam expressum est falsum; si vero est indivisibilis, sit totaliter nulla. Quare si Titius, verbi gratia, petat dispensationem in voto castitatis ob duplicem causam, & quia patitur gravissimas tentationes, & ut possit ducere consanguineam, quæ aliter non reperiret dignum se maritum; si prima causa sit vera, & sufficiens, non vero secunda, tunc obtenta dispensatione, poterit ducere uxorem, si bona fide processit, non vero illam consanguineam: Si tamen mala fide id fecerit, neutrum poterit; idque in pœnam malitiæ, ex cap. *Super literis*, 20., de *Rescriptis*; quamvis ad hanc pœnam subeundam requiratur sententia judicis, ut notat Con. hic.

V. Quæritur secundo; Utrum quando habentur duo impedimenta, debeat simul in eadem petitione exprimi utrumque, an possint separatim exprimi in diversis petitionibus?

Respondeo, Henr. lib. 12. cap. 5., Navar., & Sâ putare, quod possint seorsim exprimi; tum quia hic est stylus Curie, qui facit jus; tum etiam, quia sicut potest impetrari absolutio ab una excommunicatione, vel irregularitate, non facta mentione de aliis; & sicut potest obtineri dispensatio in uno impedimento, non in alio; ita potest pariter peti dispensatio in uno impedimento, non in alio.

Ne-

Neque opponas : In *cap. 2. de filiis Presbyterorum in 6.* dicitur, quod dispensatus ad Ordines, & ad Beneficium Curatum, si postea petat dispensationem ad plura Beneficia, debeat facere mentionem defectus natalium; aliter dispensatio est invalida; quia non est verisimile talem dispensationem a Pontifice concedi. Nam contra est primo, quia in tali casu non dicitur, quod fiat mentio dispensationis obrentæ, sed defectus natalium. Contra secundo, quia hoc in tali casu est verum ex jure positivo.

Verum Sanch. disp. 23. cum aliis probabilius putat, debere simul impedimenta exponi; quia impedimenta simul juncta reddunt personam minus dignam dispensatione, etiam in singulis; Certe enim sæpe dantur duæ, vel plures dispensationes in duobus, vel pluribus impediuntis scorsim, quæ non darentur, si duo, vel plura illa impedimenta essent simul: Sicuti renuntiantur sæpe plura delicta in diversis, non tamen si eadem reperiantur in uno.

Excipe tamen, nisi deberet propagari peccatum; ut si quis vellet ducere in uxorem cognatam suam, cujus antea sororem cognovisset, non tenetur propagare suum incestum. Excipit etiam Con., & Perez, si duo impedimenta simul juncta non pariunt majorem indecentiam; ut si habens votum castitatis vellet suam cognatam ducere, potest prius dispensationem obtinere in voto, deinde in impedimento affinitatis, vel consanguinitatis; etenim habita dispensatione in voto, non est major indecentia voventem ducere suam cognatam, quam si nunquam vovisset.

VI. Quæritur tertio; An habens aliquod impedimentum ex duplici titulo, debeat id exprimere, ut valida sit dispensatio? Verbi gratia, si quis haberet impedimentum affinitatis ex

duplici titulo, nimirum ex eo, quod cognovisset duas sorores ejusdem Bertæ, quam vult ducere in uxorem; vel si quis ex utroque latere sit consanguineus cum Bertæ; vel si duplicem cognationem spiritualem contraxisset, eo quod duos Bertæ filios ex Sacro fonte levavit.

Respondeo, Henr. lib. 12. cap. 10., Rodriq. tom. 1. Summæ cap. 238., & alios negare; quia sicut qui pluries cum excommunicatione celebravit, non tenetur id exprimere in impetratione dispensationis ab Irregularitate; cum satis sit, si exponat se in Irregularitatem incidisse ob violationem Censuræ per exercitium Ordinis Sacri; Nec habens multiplicem copulam cum eadem sorore Bertæ in uxorem ducendæ, tenetur id exprimere ad obtinendam dispensationem in impedimento affinitatis orto ex copula illicita: ita pariter si duas sorores ejusdem Bertæ cognovisset, neque tenetur id exprimere ad obtinendam dispensationem in impedimento affinitatis: Quamvis enim non possit dicere, quod unam Bertæ sororem cognoverit, quia sic mentiretur; posset tamen exponere, quod habeat impedimentum affinitatis ortum ex copula illicita. Et ratio a priori est, quia vinculum ex hoc, quod oritur ex multiplici titulo, est solum extensive, non intensive gravius.

Verum Sanch. disp. 24., Pont., Hurt., Perez disp. 46. sect. 5. probabilis docent, ad valorem dispensationis requiri, quod exprimat impedimentum ortum esse ex duplici titulo; quia tale impedimentum est intensive, non vero extensive tantum gravius. Verum quidem est, quod si quis pluries rem habet cum eadem sorore Bertæ, affinitas, quæ contrahitur, sit solum extensive major, quam si semel rem habuisset; quia tunc solum datur multiplex commixtio co-

run-

rundem seminum, ex qua oritur affinitas: Contra vero, si quis cognoscat duas sorores Bertæ, tunc habetur multiplex commixtio seminum diversorum, atque adeo multiplex affinitas diversa; & idcirco impedimentum dicitur esse gravius intensive. Unde qui rem habuit cum diversis sororibus Bertæ, debet id exprimere, non vero qui pluries rem habuit cum eadem sorore Bertæ; sicuti nec qui pluries idem votum emisit, aut qui pluries cum censura celebravit.

VII. Queritur quarto; An in inpenetratione dispensationis super gradibus consanguinitatis, vel affinitatis, quando contrahitur matrimonium inæqualiter distant a stipite, debeat explicari gradus propinquior, an remotior, an uterque? Verbi gratia, si Patruus velit ducere suam nepotem, satis ne exponit impedimentum consanguinitatis, dicendo illam esse sibi cognatam, seu consanguineam in secundo gradu?

Respondeo, universim satis esse, si explicetur gradus remotior, unde in casu adducto secundum se satis esset exprimere consanguinitatem in secundo gradu, quia Patruus, & Nepos in secundo gradu conjunguntur. Quamvis autem hoc sit universim verum, tamen de facto in reliquistantum gradibus licitum est illos sic exponere, non vero in casu adducto; quia ex motu proprio Pii V. ad valorem dispensationis exprimi debet, si alter distet a stipite in primo gradu. Unde sequitur, quod si alter distet in secundo gradu, alter in tertio, satis sit explicare tertium; si vero alter distet in primo gradu, alter in secundo, ut Patruus, & Nepos, non satis sit exponere conjunctionem in secundo gradu, sed debeat primus gradus Patruus explicari.

VIII. Queritur quinto; An, si quis possit copulam habitam cum consan-

guinea impetret dispensationem ad contrahendum cum illa matrimonium, nulla facta mentione in petitione dispensationis copulæ habitæ, valida sit dispensatio?

Respondeo, Sanch. disp. 25. cum aliis negare. Primo, quia stylus Curiz fert, ut in petitione dispensationis exprimaturs incestus, ut sic timore manifestationis arceantur homines a copula incestuosa. Secundo, quia copula illa expressa efficit, ut dispensatio concedatur cum quibusdam limitationibus, nimirum addita pœnitentia, & majori compensatione pecuniæ.

Sed Pont., Rodriq., Henr., & alii apud Perez probabiliter docent, dispensationem in casu adducto esse validam, quia neque incestus indiget dispensatione; neque jure aliquo præcipitur, ut exprimaturs; Et præterea si exprimaturs incestus, redditur dispensatio facilior, non difficilius.

Ad primam rationem in contrarium respondetur, falsum esse, quod ex stylo Curiz incestus exprimaturs: Quamvis enim multi sequentes primam sententiam illum expriment, multi tamen sequentes secundam sententiam non expriment. Adde, stylum Curiz (ut ait Rodriq. ex multis Jurisperitis) non obligare extra Curiam, nisi confirmetur decreto aliquo Papæ, quod hic non habetur.

Ad secundam rationem respondetur, quod injunctio pœnitentiæ, & majoris compensationis pecuniæ propter copulam expressam, non solum fiat in pœnam copulæ, sed etiam ut facilius impetreturs dispensatio; ergo expressio copulæ non retrahit, sed potius promouet dispensationem; unde si reticeatur, non est invalida dispensatio.

Adverte tamen cum Perez, quod si in dispensatione a Papa obtenta addatur clausula illa (dummodo non inter-

ter.

licentia audiendi confessiones ad beneplacitum concedentis, vel quamdiu ei placuerit, talis licentia expirat, siue concedens moriatur, siue ab officio amoveatur: Verum si omnibus indiscriminatum Regularibus ea licentia detur sub tali conditione, tunc ne appareat irrationabilis, & injusta, non est ita interpretanda, ut significet, dari licentiam, quousque ab ipso concedente revocetur; sed dari

licentiam quousque simpliciter a quolibet habente potestatem revocetur; atque adeo morte concedentis non expirat. Nec expirat, si detur licentia sub his terminis: Donec revocetur. Immo nec si dicat concedens: Do licentiam audiendi confessiones, donec illam revocavero; quia, ut expiret, requirit revocationem; atque adeo non satis est mors concedentis.

Q U Æ S T I O VII.

De Usu, ac Debito conjugali.

Abstinendum esset ab hac quaestione, quæ plurima fert, a quibus aures pudicæ abhorrent. Verum quia *Omnia Munda Mundiis*, ut loquitur Apostolus ad Titum cap. 1.; & quia Confessarii hac in re nosse debent, quæ licita sunt, & discernere inter lepram, & lepram, hoc est inter mortale, & veniale, ut plurima peccata devitent; ideo examinandum Primo, Quia ratione actus matrimonii sit licitus? Secundo, Quando sit debitus? Tertio, agemus de iis, quæ usum matrimonii impediunt. Quarto, de peccatis luxuriæ, quæ inter conjuges committi possunt.

ARTICULUS I.

Qua ratione actus conjugaliss sit licitus?

- I. Ob quem finem exerceri possit actus conjugaliss?
- II. Vacat veniali culpa, illum exercere ad vitandum periculum incontinentiæ.
- III. Consilium sanum est certis temporibus ab illo abstinere. Et regulariter est veniale post illum accedere ad Eucharistiam.
- IV. Possit aliquando licitus esse in Ecclesia actus conjugaliss; Et tunc Ecclesia non polluitur. At polluitur per effusionem seminis sacrilegam, quæ non sit occulta, & fiat in ipso corpore Ecclesiæ.

Part VII.

V. Non tenetur conjux reddere debitum, quando alter est amens, aut ebrius.

VI. Ne ad vitam quidem inendam licitum est procurare seminis effusionem; quamvis liceat eam non impedire, dum in somnis capis.

VII. Motus sensualitatis secundo primi sunt veniales, si proveniant ex causa venialiter mala citra periculum consensus.

VIII. Non resistere positive cogitationibus, & delectationibus impuris num sit mortale?

IX. Qui sine iusta causa exercet actiones nosaliter in pollutionem insucentes peccat graviter; peccat vero leviter, si raro, & per accidens in illam insuans.

X. Quæcumque modicissima delectatio venerea deliberatè quaesita, & admissa

X

missa non vacat leibali culpa.

XI. In quo differat delectatio venerea a sensitiva non venerea?

XII. In aliquo sensu admitti potest, quod in re ex objecto venerea delectatur materia parvitas; non tamen in delectatione venerea.

I. **Q**uæritur primo; Quo fine excrendus sit actus conjugalis, ut licite fiat?

Respondeo, juxta ea, quæ diximus quæst. 3. a. 2. licitum esse usum conjugalem, non solum ob proles generationem, & ad vitandam conjugis incontinentiam, (quod est indubitatum) sed etiam ad vitandam in se incontinentiam; & ad sanitatem corporalem aut recuperandam, aut conservandam; & ad conservandum amorem cum conjuge; & ob alium quemcumque finem extrinsecum honestum; ut communius docent Doctores: Non tamen ob solam delectationem inde capiendam: quod certe culpa veniali non vacat, ut constat ex proposito. 9. ab Innoc. XI. damnata. Ratio doctrinæ est, quia actus conjugalis de se non est malus, ut est de fide; ergo licitum est eo uti ob finem honestum, sive ipsi intrinsecum, ad quem naturaliter est proportionatus; sive extrinsecum: non tamen ob solam delectationem; tum quia finis operationis humanæ non debet esse bonum delectabile, sed bonum honestum; & abusus rei est, quærere actum propter delectationem illi annexam; cum delectatio sit propter actum, non e converso actus propter delectationem; tum etiam, quia delectatio annexa operi conjugali mentem absorbet, nec liberam illam relinquit, ut se ad Deum convertat.

II. Ex hoc autem, quod actus conjugalis mentem absorbeat, ac veluti inebriet, docuit Sanch. lib. 9. disp. 9. non vacare culpa veniali illo uti ad

vitandam propriam incontinentiam, quando aliis mediis possumus stimulos carnis sedare: Sed communiter rejicitur: Hinc enim sequeretur, quod conjuges tenerentur sub veniali seungi toro, quando non est spes generationis; cum enim tenerentur sub veniali non petere debitum, idcirco etiam sub veniali tenerentur vitare periculum proximum petendi, quod certe habetur in usu ejusdem tori. Et ratio a priori est; quia nemo tenetur vitare peccatum per medium perfectius, quando potest illud vitare per medium ex se licitum, & honestum; cum non detur obligatio exequendi semper, quod perfectius est; ergo quamvis possit aliquis sedare stimulos carnis orationibus, & jeuniis, nihilominus ad id non tenetur, sed potest illos sedare usu conjugali, qui, ut diximus, de se licitus, & honestus est; atque adeo ob talem finem illo uti nulla est inordinatio, & nulla culpa. Hinc Apost. 1. ad Corinth. 7., cum suassisset conjugibus, ut aliquando ab usu conjugali abstererent ad vacandum orationibus, subdit: *Iterum revertimini in idipsum, ne teneat vos Satanas propter incontinentiam vestram; hoc autem dico secundum indulgentiam, non secundum imperium.* Quod si culpa esset venialis ad vitandam incontinentiam uti tali medio, non posset Apostolus indulgere, ut ad illud revertantur Conjuges.

III. Quæritur secundo; Quo tempore sit illicitus actus conjugalis?

Respondeo, non esse illicitum diebus festis, aut jejunii, nec die communionis, nec quo tempore uxor est gravida, aut prolem lactat, aut menstruum patitur, nec ante benedictiones nuptiales; quamvis consilium sit iis temporibus abstinere: Immo si ex nimia carnis concupiscentia debitum conjugale exigatur, videtur, regulariter loquendo, esse veniale ad Euchar-

risliam deinde accedere, eo quod reddatur homo minus aptus ad dispositionem ex divino præcepto requisitam ad Eucharistiam ob illam mentis evagationem. Posset tamen sine culpa veniali communicare, si aut magna solemnitas, aut jubilæum, aut alia ratio exiger accessum ad Eucharistiam; aut si conjux non petiit, sed reddidit debitum, vel si recto sine illo petierit causa prolis.

IV. Quæritur tertio; Quo loco actus conjugalis sit illicitus?

Respondeo, in loco publico, seu coram aliis actum conjugalem, & tunc impudicos inter Conjuges esse mortaliter illicitos, adhuc secluso scandalo; cum graviter rationi, decetique, & honestati humanæ dissonet eorum aliis exercere; eo quod de se graviter ad venerem excitent aspicientes.

Dubium est; An in loco Sacro, vel benedicto actus conjugalis sit illicitus, & sacrilegus?

Affirmant Palud., & Tolet., eo quod per illum Ecclesia polluitur. Nam in cap. final., de Consecratione Ecclesia dicitur: *Si Ecclesia fuerit in quocumque semine, aut sanguinis effusione polluta.* Alii putant, tunc solum esse illicitum, quando sine necessitate exercetur; Videtur enim esse Ecclesiæ injuriosus: At si conjuges longo tempore maneant in Ecclesia conclusi, possent ad vitandam incontinentiam actum conjugalem exercere; quia non videtur in tali casu prohibitus ab Ecclesia. Ita Sanch. disp. 25., Azor., Avil. de Censuris part. 5. dub. 1.

Verius existimo cum Pontio, & Perez disp. 49. sect. 5. neque esse mortale, si conjuges in Ecclesia copulentur sine necessitate; nec Ecclesiam violari, aut pollui per actum conjugalem. Ratio est, quia nusquam id ab Ecclesia prohibetur, & in cap. cit. ubi dicitur, Ecclesia pollui per semi-

nis effusionem, sensus est de effusione seminis illicita; actus autem conjugalus non est illicitus: Sicut enim sola effusio sanguinis illicita, & injusta polluit Ecclesiam, & est sacrilega, non vero effusio justa; ita sola effusio seminis illicita eandem polluit, & est sacrilega. Ratio a priori est, quia illi actus habent speciem sacrilegii, quibus ex constitutione Ecclesiastica statutum est Ecclesiam manere pollutam, & reconciliandam esse; acqui nullum jus Ecclesiasticum statuit, locum sacrum pollui per effusionem seminis maritalem, ut late ostendit Perez loc. cit. Solum enim polluitur Ecclesia per effusionem seminis ex se illicitam, quæ sit peccatum mortale, & quæ sit publica; idest quæ ipsa confessione Rei in judicio, vel evidentia facti in mutorum notitiam devenit; & est quasi diffamata Ecclesia, & denigrata ejus reverentia, ut communiter docent cum Vasq. 1. secundæ disp. 98., Tolet., & aliis. Et enim sicut ob occulta crimina non potest injungi poenitentia publica, ne delinquens injuriose dilametur; ita nec Ecclesia potest pollui ob delictum quodvis occultum; quia eadem inconvenientia sequerentur: Si ergo duo, vel tres, vel pauci homines scirent pollutionem in loco Sacro commissam, non per hoc talis Ecclesia deberet reconciliari, nec peccatum illud haberet rationem Sacrilegii.

Adde, pollui Ecclesiam per talem actum publicum factum intra corpus Ecclesiæ, non vero in Sacrilia, aut in Cellis, seu Tribunalis, ex quibus Principes, qui domos habent Ecclesiæ conjunctas, audiunt Sacrum, ex Sanch. loc. citat.

V. Quæritur quarto; An actus conjugalus sit illicitus tempore amentis?

Respondeo, quando ambo conjuges sunt amentes, separandi sunt, ne carnaliter conjungantur; & peccat mor-

raliter, qui eos ad copulam incitaret. Ratio est, quia concurreret ad evidens periculum malæ educationis proli; siquidem ea careret parentibus, a quibus educari posset; Præterquam quod facile sequeretur abortus: Si tamen alter tantum ex conjugibus sit amens, licitum est alteri sanæ mentis petere ab illo debitum; nunquam tamen tenetur conjugii amanti debitum reddere; quia subiectum incapax usus rationis est etiam incapax tam usus dominii, quam ipsius dominii, quod supponit libertatem physicam; atque adeo invalide debitum exigit; cum debitum exigere sit usus dominii. Propter eandem rationem non tenetur conjux reddere debitum alteri conjugii ebrio; Nisi tamen ad vitandam pollutionem, aut aliud grave damnum aliquando per accidens teneretur.

VI. Quæritur quinto; An aliquando sanitatis causa, vel ad vitam tuendam, liceat procurare seminis effusionem, distillationem, aut alterationem, hoc est notabilem commotionem spirituum vitalium generationi deservientium; saltem, si id fiat per modum licita eo sine assumpta.

Respondeo, certum esse, quod nunquam id liceat; immo quod semper sit peccatum mortale; cum dicat Apost. 1. ad Corinth. 7. *Neque fornicarii, neque molles Regnum Dei possidebunt.* Ratio communis est, quia tantum ad sanitatem, vel ad vitam tuendam licitum est mittere sanguinem, secare manum, brachium, testes, &c. quia cum hæc sint partes individui, conveniens est in bonum individui ea ordinare, & velle, ut ea potius, quam totum individuum pereat: Contra vero semen non est proprie pars corporis, nec institutum ad bonum individui, sed ad prolem generandam, & propter naturæ propagationem; unde solum ad talem finem ordinari potest, non vero ad vitam, aut sa-

nitatem tuendam.

Huic rationi additur alia efficacior; quia scilicet in effusione seminis talis delectatio suboritur, ut si semel admittatur in aliquo casu eam esse licitam gratia sanitatis, vel vitæ, esset evidens, ac summum periculum, ne homines passione excecati passim id sibi licere persuaderent. Unde luxurix vitia adversus commune bonum pullularent; quibus ut natura obviaret, jure merito talem actionem negavit, etiam ad vitam tuendam. Quod tamen non militat in amputatione reliquorum membrorum; eo quod dolor maximus inde confurgens etiam a necessariis, nedum a prodiga amputatione avertit.

Sicut autem non licet procurare seminis effusionem extra actum conjugalem; ita nec licet procurare commotionem notabilem spirituum vitalium generationi, seu seminis effusioni deservientium; quia talis commotio, seu alteratio est inchoata quædam pollutio, & ad pollutionis consummationem essentialiter ordinatur. Et idem dicas de distillatione, quæ per se conjuncta est cum notabili eorundem spirituum vitalium commotione. Solum licitum est, ut notat Sanch. lib. 9. disp. 17., ubi pollutio est in naturali fluxu, & in somnis capit, illam non impedire ob morbi periculum, cessante periculo consensus in delectationem; quia hoc non esset procurare, sed pati pollutionem.

VII. Quæritur sexto; An saltem motus sensualitatis aliquando culpa vacent?

Respondeo, certum esse, quod motus primo primi, sive sensualitatis sint, sive iracundiæ, &c. non sint peccata; cum in nostra potestate non sint: Motus tamen secundum primi, qui scilicet prævideri, & caveri poterunt, nec sunt peccata, si proveniant ex causa habente ali-

aliquam honestatem, vel utilitatem; ut quando proveniunt ex auditione peccatorum turpium in confessione, &c. quia sunt nobis connaturales, & in nobis facile oriuntur ex infirmitate naturæ: Secus vero si proveniant ex causa nullam habente utilitatem, & honestatem; eo quod repugnent rationi, & incitent ad ulteriorem libidinem: Sunt tamen solum venialia peccata, si proveniant ex causa tantummodo venialiter mala, in qua prævideri, & præcaveri possunt, ut quando proveniunt ex verbis, ex lectione, vel aspectu curioso; dummodo non intendatur delectatio venerea, nec sit periculum consensus in illam. Ita Vasq., Henr., & alii apud Bonac. hic quæst. 4. punct. 7.

VIII. Dubium est, An peccet mortaliter, qui negative se habet circa tales motus sensualitatis, non impediendo, nec reprimendo illos, quando facile possunt reprimi, animum alio divertendo, etiam sine ullo gestu, aut motu corporis exteriori? Et idem quæritur de cogitationibus, & delectationibus illicitis.

Respondet, communiter Doctores docere, esse peccatum mortale non resistere positive motibus, cogitationibus, & delectationibus impuris. Ratio est, quia in moralibus quodcumque voluntas non respuit, censetur illud admittere per consensum interpretativum, perinde quasi illud positive vellet; atqui positive velle tales motus, &c. contra omnem controversiam est peccatum mortale; ergo etiam negative se habere circa illos, & non resistere positive erit peccatum mortale.

Vtrum Pal. apud Tamb. lib. 10. in Decal. cap. 2. putat cum Cajet., Navar., Tolet. probabilius esse, quod non sit mortale illos turpes motus non reprimere; dummodo absit periculum pollutionis, aut ulterioris consensus.

Ratio est, quia cum hujusmodi motus sint naturales, & difficillimum sit omnes omnino coercere, sequeretur, quod nostra falsus esset exposita periculis evidentissimis, si tenesmur tales motus positive reprimere; hoc autem non est credendum de divina bonitate; ergo dicendum, quod ad id non teneamur: Aliter qui, verbi gratia, decumbens videret hos motus consurgere, deberet a cubitu abstinere, immo surgere, & aliquando se verberare; quod videtur durissimum. Præterea quilibet deberet eorum causas remove; unde ne tales motus excitentur, deberet sub mortali abstinere a colloquio, & aspectu femine; quod communiter non admittitur. Hæc Pal., qui tamen fatetur cum communi esse veniale tales motus non reprimere, cum possis, nec excusationem habeas, cur non reprimas; quia negari non potest, motus hujusmodi esse deordinatos, & ad copulam incitare: Præterquamquod facile adest periculum ulterioris consensus; præsertim in iis, qui in hac materia sponte opiniones liberiores volunt sequi. Excusatio autem sufficiens non reprimendi positive esset, si actio illa, quam omittere deberes, ut reprimeres, sit tibi, vel alteri necessaria, aut utilis; ut est audire confessiones, mederi, studere, urbane loqui cum femina, equitare, &c., hæc enim, & similia licent, etiam si prævideatur securura pollutio, dummodo non intendatur, nec sit periculum consensus.

Dices: Exercere operationes, quæ notabiliter influunt ad pollutionem, vel commotionem spirituum, secundum se est mortale; ergo etiam non reprimere spirituum commotionem; nam id (præsertim in naturis calidioribus) est virtualiter eos acceptare, & velle causam notabiliter influentem in pollutionem.

Re-

Respondeo, concessio antecedente, negatur consequentia; primo, quia permittere non est acceptare, aut consentire; secundo, quia qui positive acceptat tales motus, vult causam notabiliter influentem in pollutionem; & ideo mortaliter peccat: Contra tamen qui negative se habet circa illos, non vult, quod notabiliter influant in pollutionem; quia huiusmodi motus si non acceptentur positive, non influunt notabiliter in illam; ergo quamvis sit culpa venialis, illos non reprimere positive, poterit tamen non esse mortale, si absit periculum consensus, quod in re tam lubrica non est facile declinare.

IX. Quæritur septimo; An semper sit mortale dare, vel non impedire causam pollutionis, distillationis, aut commotionis notabilis spirituum viralium ad generationem deservientium?

Ante responsionem præmitto, duplicem dari causam pollutionis; Alteram, quæ notabiliter, & per se in illam influit, ut est cogitatio vehemens de concubitu; (& ex Sanch., & Less. apud Tamb. lib. 7. cap. 3. §. 5. quælibet alia actio peccaminosa mortaliter in genere luxuriæ, ut sunt tactus, turpiloquia, oscula, aspectus, desideria, & alia huiusmodi, quando sunt peccata mortalia) Datur præterea altera causa pollutionis per accidens, quæ non influit notabiliter in illam; ut est cibus, & potus superfluus, & aliæ actiones, quæ in genere luxuriæ sunt solum peccatum veniale; Verbi gratia, lectio curiosa, & vana turpium, turpiloquia, representationes, cogitationes, desideria, tactus, & alia huiusmodi, quando sunt venialia, sive ex indeliberatione, sive aliunde. Quare tactus levis manus ex joco, & vanitate, loqui verba amatoria, videlicet, Cor meum, Anima mea, ad Amorem vanum, non tamen libidinosum con-

ciliandum (ut notat Dian. part. 7. tract. 15. resol. 31.) ad pollutionem non nisi per accidens, & raro influunt, cum sint peccata venialia, si adsit periculum tam proprium, quam illius, ad quem verba diriguntur: Et idem dicas de potu calidorum, necnon de ebrietate, &c., quæ quamvis sint mortalia, cum non sint mortalia in genere luxuriæ, non dicuntur notabiliter, & per se influere in pollutionem; Unde si ex iis prævideatur secutura pollutio, & non intendatur, ne est periculum consensus, non erunt nisi peccatum veniale contra castitatem, ut mox dicemus. His itaque præmissis

Dico primo cum communi apud Tamb., & Dian. loc. cit. Quoties cum voluntate deliberata absque urgenti necessitate, aut magna utilitate exercentur actiones ex natura suas turpes, & notabiliter influentes in pollutionem, seu per se tendentes ad actus venereos excitandos, toties peccatur mortaliter, etiam si non intendatur pollutio prævisa, sive in somnis, sive in vigilia secutura. Ratio est, quia qui deliberate vult causam, vult etiam effectum necessario, vel quasi necessario inde provenientem. Dixi tamen, sine urgente necessitate, vel rationabili utilitate; nam si quis, verbi gratia, medeatur partibus verendis, excusatur a culpa, quamvis prævideat inde pollutionem secuturam, dummodo illam non intendat, nec sit periculum consensus.

Dico secundo; si sine necessitate, vel rationabili utilitate exercentur actiones leviter, & per accidens in pollutionem influentes, etiam si illam prævideas, peccas solum venialiter, dummodo non intendas illam, & absit periculum consensus. Ita Vasq., Sal., Less., Bonac., Henr. apud Tamb., & Dian. loc. cit. Ratio est, quia intantum pollutio voluta in causa est ma-

mala, inquantum est mala ipsa causa; sed causa pollutionis, ut supponimus, est solum mala venialiter, saltem in genere luxuriæ; ergo talis etiam erit pollutio sequens, sive in somnis, sive in vigiliis. Præterea, ut loquitur Sanch. lib. 9. disp. 45., obligatio vitandi pollutionem in causis, quæ per se, & proxime non ordinantur ad illam, non est obligatio gravis; eo quod non imputetur ad peccatum id, quod per accidens sequitur; cum operans illud potius patiatur, quam agat.

Hinc excusatur a culpa, etiam veniali, exercens operationes per accidens in pollutionem influentes, si bona fide illæ appareant necessariæ, vel utiles; immo etiam solum commodæ sive Animæ, sive Corpori. Unde studere, audire confessiones, cubare tali situ commodo, equitare ad recreationem, vel ad negotiandum, osculari juxta morem Patriæ, ne inurbanus videaris, loqui cum feminis caute, vel etiam amicabiliter sine prava intentione, ne venialia quidem peccata sunt, etiamsi in iis prævideatur pollutio secutura citra periculum consensus.

Quæ diximus de causis influentibus in pollutionem, dicas de causis influentibus in distillationem, & in commotionem spirituum; quia commotio spirituum est præparatio ad pollutionem, vel distillationem, & distillatio ut plurimum cum voluptate fit, minori tamen, quam fiat pollutio; Quod si sine ulla prorsus delectatione libidinosa contingat, non adest obligatio tollendi ejus causas; ut iidem Doctores docent apud Tamb.

X. Quæritur ultimo; Utrum in venerea delectatione detur materix parvitas, quæ a mortali excuset?

Respondeo, docuisse nonnullos apud Mendo in Scatera dissert. 5. quæst. 1. dari aliquando parvitatem materix

in re venerea: Verbi gratia, si quis procuret levem aliquam distillationem, vel spirituum commotionem, aut si ob levem delectationem carnalem legat libros obscenos, aut obscenæ loquatur, alios tangat, osculetur, &c.

Communissima tamen sententia docet, in re venerea quamcumque modicissimam delectationem deliberate quæsitam, aut admittam esse peccatum mortale. Unde Pater Claudius Aquaviva, & deinde Congregatio IX. decreto IX. præcepit in virtute Sanchæ obedientiæ, ne nostri contrariam sententiam docerent: Præterquam quod multi apud Mendo in Epitome V. *Luxuria* putarunt, contrariam sententiam a Clem. VIII. damnatam esse: Et ratio doctrinæ est, quia quælibet delectatio venerea ex se ordinatur ad copulam, a qua suam utilitatem desumit, & est incitativa ad majorem delectationem, cum fiat ex motu sensibus, & commotione spirituum vitalium generationi deservientium; ergo quælibet modicissima delectatio venerea est peccatum mortale; Sicuti enim qui positus supra præceptum, & lubricam viam, si vellet quatuor tantum passus descendere, & non amplius, exponeret se periculo manifesto ruendi in præceps, ob summam difficultatem sistendi gradum in proclivi; Ita qui quærit, aut acceptat quamcumque modicam veneream delectationem, amat periculum manifestum labendi ulterius in majorem delectationem, ob summam difficultatem sistendi gradum in via tam lubrica, & præcipiti; & ideo mortaliter peccat: Nam, ut ait Scriptura, *Qui amat periculum, peribit in illo*; Et propterea oppositam sententiam Veiricelli apud Mendo in Staterra vocat omnino improbabilem, temerariam, scandalosam, ac forte graviore censura dignam. Hinc proci-
pra

pta fuit ab Alex. VII. theſis 40., quæ habet: *Eſt probabilis opinio, quæ dicit eſſe tantum veniale oſculum habitum ob delectationem carnalem, & ſenſibilem, quæ ex oſculo oritur, ſecluſo periculo conſenſus ulterioris, & pollutionis.* Eſto enim proſcripta hæc theſis non ſit eadem cum theſi, quam impugnamus; ex ea tamen videtur ſatis colligi huius improbabilitas.

XI. Notandum itaque, delectationem veneream a non venerea in hoc diſcriminari, quod venerea ſentitur in carne cum commotione ſpirituum vitalium circa partes libidinoſas, eo quod oriatur ex motu ſeminis deſcendentis ad partes obſcenas: Contra vero non venerea habetur ex viſu, tactu, &c. ob proportionem, & conaturalitatem objecti cum organo talium potentiarum; ut quando videtur hortus, ædificium, aut alia res pulchra, vel quando tangitur ſlos, aut alia res blanda: Quare ſi conſimilis delectatio haberetur in viſu faciei alicujus ſemina, quæ habetur in viſu pulchræ picturæ, certe non eſſet peccatum, ſaltem mortale, ſic in tali aſpectu delectari. Sed difficiliſimum eſt ad tales aſpectus non commoveri ſpiritus, & non ſubnaſci delectationem veneream circa partes libidinoſas; nam ſicut palca ad præſentiam ignis ſtatim incenditur, quia ignis eſt virtus phyſica, quæ ad præſentiam paſſi diſpoſiti non poteſt non agere; ita ad aſpectum aliquorum objectorum phyſice noſter ſanguis ebullit, & ſpiritus commoventur, ita ut impoſſibile ſit non ſentire delectationem veneream: Quis enim adeo ſtipes, & truncus, ut citra hanc delectationem poſſet inſpicere partes obſcenas alterius ſexus humani? Quare ſicut inſpicere tales partes data opera, procul dubio eſt peccatum mortale; quia per ſe talis aſpectus inſluit in delectationem veneream, & im-

poſſibile eſt illam non ſentire; ita proſus ſi inſpiciendo vultum ſemina, conſimilis delectatio venerea ſentiat, procul dubio erit pariter mortale illam admittere, aut procurare; quamvis talis aſpectus non per ſe inſluit in delectationem veneream, ſicut aſpectus partium obſcenarum. Quod ſi abſque tali delectatione, & abſque periculo ſemina inſpiciatur, peccatum mortale non committitur; & plerumque nec veniale, ſi nec periculum leve ſit ullius culpæ: Sicut etiam nec veniale peccatum committitur, ſi ob ſinem honeſtum ea ſiant, ex quibus motus ſenſualitatis, & commotio ſpirituum conſurgunt, delectatio tamen venerea nec quærat, nec admittatur.

XII. Demum advertit Mendo in Epitome loc. cit., quod ſtringere, verbi gratia, pedem ſemina, tangere ejus manum, necnon ex curioſitate cernere congreſſum animalium, aut eorum pudenda tangere, & ſimilia, ſi ſiant, quando leviter inſtuunt in delectationem, aut ſunt leve periculum illius, ſint dumtaxat peccatum veniale in communi ſententia, eo quod leve periculum peccati gravis non poſſit eſſe peccatum grave. Hinc tamen non ſequitur, dari parvitatem materiæ in delectatione venerea, cum ſupponamus in talibus actionibus nullam omnino veneream delectationem aut intendi, aut admitti poſſe. Immo neque ſequitur, dari parvitatem materiæ in re venerea; nam huiusmodi actiones ſic explicatæ non debent dici res venereæ, ut multi docent: Quod ſi cum nonnullis dicatur, huiusmodi actiones eſſe res ex objecto venereas, concedi poteſt in tali ſenſu, dari in re venerea parvitatem materiæ cum Carden., Sauch., Gran., & aliis; dummodo fixum ſit, in delectatione venerea parvitatem materiæ non dari.

ARTICULUS II.

De Obligatione alicuius Coniugalis.

- I. Num coniux teneatur aliquando debitum petere?
- II. Quandonam vacat lethali culpa negare debitum coniugi illud petenti?
- III. Non teneatur coniux cum gravi suo detrimento reddere debitum, etiam si alteri imminet periculum inconiuncturae.
- IV. Secundo hoc periculo non peccat, qui debitum negat, ne prolem multiplicet, quam sustentare non potest.
- V. Teneatur uxor a jejuniis abstinere, quando aliter nequit cum reciproco amore convivere cum marito.
- VI. Quandonam licite debitum redditur illicite petenti?
- VII. Qui reddit debitum coniugi habenti votum castitatis, licet cooperetur alicui sacrilegio, non peccat, quia alicuius est solum sacrilegium ex parte petentis, non vero ex parte ipsius alicuius.
- VIII. Cur non possimus similiter ministrare carnes habentis votum jejunandi? An reddere gladium Domino furioso?
- IX. Quare non licet reddere debitum cum gravi damno temporali petentis, & sament licitum est illud reddere, quando sacrilege petitur cum gravissimo ipsius petentis damno spirituali?
- X. Teneatur coniux debitum reddere, etiam quando alicuius est solum venialiter ratione sui illicitus.

I. **Q**Ueritur primo; An coniux teneatur aliquando petere debitum?

Respondeo per se loquendo nunquam teneatur; cum possit cedere iuri, quod habet: Per accidens tamen aliquando teneatur; ut si credat alias con-

Part VII.

jugi periculum imminere incontinentiae, quod petendo debitum possit avertere; immo teneatur etiam ex iustitia petere, quando praevidet periculum incontinentiae in conjugem, quae pro verecundia expresse non petit, quamvis appetat copulam: Etenim in tali casu petitio esset potius redditio debiti implicate illud petenti.

II. Queritur secundo; An semper teneatur sub mortali coniux reddere debitum petenti?

Respondeo, per se loquendo teneri sub mortali reddere, etiam petenti implicate, & interpretative; quia lex iustitiae praecipit reddere unicuique, quod suum est, quomodolibet petatur, sive verbis, sive factis, sive signis; Copula autem est res gravis; ergo sub mortali redditio debiti praecipitur: Praesertim quia si negetur, exoriuntur saepe discordiae, & non raro adest periculum incontinentiae in petente. Unde Pal. disp. 3. punct. 4. putat, etiam semel negare serio petenti, immo etiam differre redditionem, esse peccatum mortale. Verum Pont. lib. 10. cap. 2., Perez, Tamb. lib. 7. in Decal. cap. 3. §. 1. putant, excusari a mortali; Primo, qui non saepe, sed una, vel altera vice negat. Secundo, qui negat petenti precibus, & blanditiis, vel ita remitte petenti, ut facile desistat. Tertio, qui parvo tempore differt redditionem, ut si petenti nocte reddatur mane, aut petenti mane reddatur sequenti nocte, ut notavit Hurt. disp. 10. diff. 11. Et ratio est, quia in his casibus vel nulla, vel levis est injuria; unde si absit periculum incontinentiae, solum esset veniale. Adde, non esse mortale, negare debitum ei, qui precibus illud petit, non tanquam debitum, nec animo obligandi, sed benevole, & amice: Sicut non peccat debitor, qui differt solutionem, quando debitum pecuniarium petitur amice, eo quod

Y

cen.

cenſeatur creditor non ferre graviter dilationem; Tamen ſi ex verecundia conjux non audet aliter debitum petere, tunc mortale eſſet illud negare.

Notandum præterea, petitionem debiti, ut obliget, debere eſſe moderatam; Aliter eſſet magna ſervitus; & frequentia copulæ valetudinem læderet; Nec cenſentur conjuges ad nimis importunam, & immoderatam redditionem ſe obligaffe, ut notat Con. diſp. 34. dub. 2. ſed ſolum ad ordinarium, communemque modum, qui arbitrio prudentis dimetiendus eſt, ſpectata ætate, viribus, & ſanitate conjugum. Hinc fit, quod neque peccet non reddens, quando ex redditione, etiam moderata, imminet rationabile periculum ſuæ ſalutis, vel morbi gallici, &c., aut ſi petatur, dum feбри, aut alio dolore gravi laborat, unde immineat probabile periculum damni notabilis.

III. Idque verum eſt, etiamſi petenti immineat periculum incontinentiæ; ut notarunt Sanch. diſp. 34., & Con. dub. 3. Ratio eſt, quia nemo tenetur cum tanto detrimento vitare peccatum alterius. Et ratio ulterior eſt, quia ordo charitatis tunc poſtulat, ut præferatur bonum ſpirituale alterius propriæ ſaluti corporali, immo etiam vitæ, quando vel habetur extrema neceſſitas in patiente periculum ſpirituale, aut habetur neceſſitas gravis, & qui ſubvenire debet, ſit Præſatus; at in caſu noſtro neutrum habetur; neque enim in petente habetur extrema neceſſitas, cum poſſit aliis mediis ſubvenire illi periculo incontinentiæ; & ſi haberet gravem neceſſitatem, alter conjux non eſt Præſatus, qui teneatur ſubvenire.

IV. Demum non peccat, qui ſeculo periculo incontinentiæ negat debitum, præciſe ne multiplicet prolem, quam ſuſtentare nullo modo poceſt:

Sicut enim in aliis debitis magnam commoditatem excuſat a ſolutione, ita hic; ut docent Bonac., Perez contra Con. dub. 3.

V. Quæritur tertio; An conjux teneatur omittere jejunia Eccleſiaſtica, ſi jejunando non poſſit reddere debitum moderate petenti?

Reſpondeo affirmative; prævalet enim præceptum juſtitie præcepto Eccleſiaſtico: Et ob eandem rationem tenetur jejunia omittere Uxor, ſi jejunando ita pallida, & deformis evadat, ut rationabiliter timeat ea de cauſa odioſam ſe futuram marito, & avertendum conjugis animum ab ipſa ad alias quærendas. Ita Perez diſp. 30.: Ubi ex Sanch., & Lopez contra Pont. docet, idem dicendum de femina volente nubere; hæc enim ſi jejunando ita deformis reddatur, ut multo difficilius nubar, excuſatur a jejunio; quia præceptum Eccleſiæ non obligat cum gravi damno. Demum Ledesm., Azor., Sanch., Navar. docent, uxorem debere a jejunii Eccleſiaſticis deſiſtere ob præceptum mariti, ſi aliter notabiles diſcordiæ, & rixæ oriantur. Ratio eſt, quia quamvis maritus non habeat dominium in uxorem relate ad præcepta Eccleſiaſtica, ſicut habet relate ad jejunia, ad quæ illa ſponte vovendo ſe aſtrinxit; tamen quando ex jejunii Eccleſiaſticis notabiles diſcordiæ oriantur, non tenetur jejunare; tum quia præcepta poſitiva non obligant cum ſcandalo, ex cap. *Nihil cum ſcandalo*, *De præſcriptionibus*; tum etiam quia mutuus amor conjugum neceſſarius ad vitam conjugalem quiete traducendam, tamquam ex vinculo juſtitie ortus, præferendus eſt illis: Quod tamen intelligendum, niſi in contemptum jejunii Eccleſiaſtici id præcipiat maritus; tunc enim vita potius exponenda eſſet, quam jejunium omittendum.

VI. Quæritur quarto; An licite reddat-

atur debitum illicite petenti?

Respondeo cum Bonac. quæst. 4. punct. 3., Perez, Sanch. petitionem debiti dupliciter posse esse illicitam. Primo, propter circumstantiam aliquam se tenentem ex parte actus; ut cum petitur debitum in loco publico, vel cum periculo impediendi prolem, vel cum periculo mortis fœtus, vel cum aliqua circumstantia indebita. Secundo, propter circumstantiam aliquam se tenentem ex parte personæ; ut si quis petat debitum ob pravam finem animo fornicario, aut habens votum castitatis, &c. Nunc sic: Quando petitio debiti est illicita primo modo, conjux, a quo petitur, non potest reddere; quia non potest concurrere ad actum de se illicitum: Quando vero petitio est illicita secundo modo, potest, & tenetur debitum reddere; quia per accidens est, quod petitio illa debiti, & ipse actus sit illicitus; & reddens, quantum est ex se, tantum cooperatur actui licito. Quod patet a simili: Nam si Creditor petat a me pecuniam suam, teneor illam solvere, quamvis sciam, illum ea abuturum ad fornicandum; seu quamvis sciam, quod habeat votum non petendi illam; & ad summum tunc teneor præmittere correctionem fraternam ex lege charitatis, vel differre solutionem debiti, si possum impedire peccatum proximi sine magno meo, aut illius incommodo. Ratio est, quia tenemur impedire damnum spirituale proximi, etiam cum aliquo incommodo temporali; sicut tenemur ex lege charitatis differre redditionem gladii Domino fusio, nec fit illi injuria, cum salubriter ejus negotium agatur. Quare idem dicendum in casu nostro, si conjux allicitus voto castitatis illicite petat debitum, quamvis peccet petendo: Quia tamen per votum non amittitur jus petendi, ideo tenetur alter debitum reddere saltem post fraternam

correctionem; aut si non potest commode differre debiti redditionem. Ratio est; quia in tali casu non cooperatur peccato illius formaliter, sed materialiter; solum enim cooperatur actui, qui, quantum est ex se, licitus est, & solum est illicitus petenti ex sua malitia, eo quod male ipsum petat, antequam dispensetur in voto.

Propter eandem rationem licitum est, necessitate urgente, petere Sacramentum Confessionis a Confessario, quem scio esse in mortali, & petere mutuum ab usurario; quia scilicet petitur Sacramentum, quod licite conferri potest a tali Confessario, si præmittat actum contritionis; & petitur mutuum, quod licite dari potest, si non exigantur usuræ: Licite etiam solvuntur usuræ, quia actus dandi illas de se non est malus; actus vero recipiendi usuras est malus ex malitia recipientis, qui vult retinere, quod datur ultra sortem, perinde quasi lucrum cessasset, aut damnum ex mutuo emerisset, quæ revera non acciderunt.

VII. Oppones: Conjux allicitus voto castitatis, petendo debitum, petit actum sacrilegum; ergo non potest alter conjux licite reddere; quia cooperaretur sacrilegio; Sicuti non potest reddere debitum conjugi petenti illud in loco publico.

Confirmatur primo. Si Titius habens votum jejunandi die Jovis petat a me carnes, non possum illas administrare, quamvis petitio sit illicita tantum ex circumstantia personæ habentis votum; ergo pariter si alter conjux habens votum castitatis petat debitum, non potest illi reddi, quamvis petitio eodem modo sit illicita ex circumstantia personæ.

Confirmatur secundo: Si quis suum gladium apud me depositum petat ad occidendum injuste alterum, non possum illi reddere gladium suum; ergo

Y 2 nc-

neque possum reddere debitum illicite petenti.

Respondeo, verum quidem esse, quod talis actus sit sacrilegus, sed est sacrilegus ex parte petentis, non ex parte reddentis; Sicut Crucifixio Christi Domini fuit sacrilega ex parte Crucifigentium, non ex parte Crucifixi, nec ex parte Dei permittentis talem crucifixionem: Contra vero, quoties actus est illicitus non ex circumstantia personæ, sed ex circumstantia se tenente ex parte actus, tunc actus est simpliciter illicitus; & idcirco neque peti, neque reddi potest debitum conjugale, verbi gratia, in loco publico. Et propter eandem rationem non licet petere extra casum extremæ necessitatis Sacramentum Penitentiae ab excommunicato vitando; quia tale Sacramentum ex defectu jurisdictionis in absolvente extra casum extremæ necessitatis est nullum, arque adeo illicite petitur: Nec licet ministrare carnes die veneris, quia conestio carnis ex se est illicita tali die, & non ex circumstantia personæ.

VIII. Ad primam confirmationem concessio antecedente, negatur consequentia. Disparitas est, quia Titius nullum habet jus petendi a me carnes; ergo administratio carniū non cohonestatur ab obligatione illas administrandi; sicut cohonestatur redditio debiti: Quare ad summum ex charitate deberet conjux præmittere, ut diximus, correctionem fraternam, aut aliquantisper differre debiti redditionem, si non oriantur inde discordiæ; eo quod teneamur impedire damnum spirituale proximi, etiam cum aliquo ipsius incommodo temporali.

Ad secundam confirmationem, concessio pariter antecedente, negatur consequentia. In primo enim casu reddendo gladium facerem injuriam alteri, quem ille vult occidere; & idcirco teneor non reddere, ex jure,

quod habet alter, ne occidatur, & ne ego concurram ad ejus occisionem: Contra in secundo casu conjux reddendo debitum nulli facit injuriam, & ideo tenetur reddere, sicut tenetur reddere gladium domino, qui habens votum non petendi illum, adhuc sacrilege petit.

IX. Instabis: Bonum spirituale præstat bono corporali; atqui propter bonum corporale alterius non licet reddere debitum, puta si reddendo debitum sequatur grave damnum ipsi petenti, vel proli, vel alteri; ergo a fortiori non licet reddere debitum in casu nostro propter bonam Animæ petentis, cujus peccatum cavetur, non reddendo debitum.

Respondeo, consequentiam non sequi. Disparitas autem est, primo quia in casu nostro negando debitum non cavetur peccatum petentis, quia jam ille peccavit petendo, sed solum impeditur actus externus, qui nullam maliciam addit supra peccatum internum, ut communius docent Theologi; unde nihil mirum, si ad cavendum grave malum temporale petentis teneatur conjux, a quo petitur debitum, illud non reddere; secus vero teneatur reddere in casu nostro, ubi non reddendo impeditur solum actus externus peccaminosus, non vero peccatum internum. Secundo ex Bonac., & Sanch. intantum non potest reddi debitum cum periculo damni corporalis vel petentis, vel prolis, inquantum nemo habet dominium morale in corpus proprium, aut alterius; nemo enim potest sibi, vel alteri vitam tollere, aut membrum sine causa abscindere; unde sicut non potest conjux petere cum periculo corporis proprio, aut alterius; ita nec alter tenetur reddere: Contra vero homo supra animam suam habet dominium morale, eo quod Deus reliquerit animam in manu consilii hominis; & idcirco

eo conjux potest, & tenetur reddere debitum petenti illicite cum damno spirituali animæ suæ, cujus dominium morale habet; quamvis non possit reddere debitum petenti illicite cum periculo gravi damni sui corporis, cujus dominium morale non habet.

X. Advertit demum Sanch., quod si petens debitum illicite sit tantum reus culpæ venialis, semper teneatur alter reddere, quamvis petitio debiti sit illicita ex parte ipsius actus, & non ex circumstantia dumtaxat personæ. Ratio est, quia redditio debiti de se non est mala, & in tali casu intantum esset mala venialiter, inquantum reddens debitum cooperatur peccato veniali illicite petentis; atqui reddens debitum habet justam causam, quæ excusetur a peccato veniali calit cooperationis, ne scilicet displiceat petenti; ergo sine veniali culpa potest reddere, sive petitio sit venialiter illicita ex circumstantia personæ, sive ex circumstantia actus. Ita Sanch. contra Bonac. quæst. 4. punct. 3., qui putat esse veniale reddere debitum cum peccato veniali ex circumstantia actus.

ARTICULUS III.

De iis, quæ impediunt usum matrimonii.

- I. Quatuor sunt, quæ privant jure petendi debitum.
- II. Astrictus voto castitatis nequit debitum petere, nisi quando petitio esset potius redditio; aut si aliter prævideretur in altero periculum inconsistentia.
- III. Num votum castitatis a viro emissum invita uxore sit irritum? Etiam si non sit irritum, probabiliter potest illud ab uxore irritari.
- IV. Habens votum castitatis num teneatur post matrimonium ratum in-

gredi Religionem, ne se exponat periculo petendi debitum?

V. Si post matrimonium superveniat conjugi cognatio spiritualis, non privatur jure petendi debitum. At si superveniat affinitas, solum conjux incestuosus eo privatur. Possuntque Religiosi Privilegiati in hoc dispensari.

VI. Hac pena non incurrunt ab incestuoso habente ignorantiam sive juris, sive facti; Nec ab incestuoso, qui propriam consanguineam cognovit.

VII. Conjux certus de nullitate matrimonii, quamvis id probare non possit, & censuris adigatur ad debitum reddendum, neutiquam potest illud reddere.

VIII. Quicquid sit, an possit Juxda damnare illum, quem scit esse innocentem, & secundum allegata, & probata est mortis reus.

IX. Dubitans de validitate matrimonii jam contracti nequit debitum petere, antequam diligentiam adhibeat, licet post primum bimestre teneatur reddere. At si dubium vinci non potest, licitum erit etiam petere, dummodo bona fide contraxerit.

X. Quod si uterque conjux dubitet, neuter potest petere, nec reddere ante diligentiam.

XI. Habens opinionem probabilem de invaliditate matrimonii sine probabilitate de ejus valore, petere debitum non potest; secus vero si utrinque detur probabilitas.

XII. Num liceat cum opinione solum probabilis de carentia impedimenti matrimonium contrahere?

I. **E**Gimus hætenus de actu conjugalitatis licito, & obligatorio, agendum nunc de iis, quæ privant jure petendi debitum: Hujusmodi sunt Votum castitatis, Cognatio spiritualis, & affinitas post matrimonium orta; nec-

necnon dubium de valore matrimonii.

II. Quæritur itaque primo; An votum castitatis conjugis impediat petitionem ac redditionem debiti?

Respondeo cum communi, conjugem alitricum voto castitatis non posse petere debitum, debere tamen reddere. Prima pars patet, quia votum castitatis fert secum obligationem abstinentiendi ab omni actu venereo; ergo qui castitatem vovit, non potest petere debitum; & conjugē defuncto, tenetur omnino castitatem servare. Secunda pars probatur, quia vinculum iustitiæ fortius est vinculo voti; cum non acceptetur a Deo promissio rei alterius; atqui per matrimonium contractum acquisivit alter jus in corpus voventis; ergo non potest votum tali juri præjudicare; & consequenter qui vovit castitatem, tenetur debitum reddere conjugi petenti. Hoc tamen intelligendum est post primum bimestre; nam intra primum bimestre, cum nemo teneatur reddere, consequenter nec potest licite reddere qui vovit castitatem: Si tamen intra primum bimestre prima vice consummaverit matrimonium, tenetur deinde semper reddere petenti.

Notat tamen Sanch., & Perez, quod quamvis qui vovit castitatem, non possit alterum provocare, ut petat; quia sic indirecte ipse peteret; tamen quando vir, verbi gratia, obstrictus voto probabiliter putat, in Uxore non audente præ verecundia petere esse voluntatem petendi, potest ipse directe petere, eo quod talis petitio esset revera redditio debiti posita petitione interpretativa Uxoris. Et sane matrimonium esset uxori nimis grave, & onerosum, si semper deberet ipsa petere: Quare ad vitandum hoc inconveniens potest vir voto obstrictus offerre se illi ad usum conjugalem, quando prudenter judi-

cat ab ea copulam appeti: Præsertim si in illa prævideat periculum incontinentiæ; nam votum non obligat ad non petendum, cum impendio ruinæ alterius conjugis. Quod si vir vovit castitatem cum consensu uxoris renuncianris juri suo, certe nunquam poterit se illi offerre ad usum conjugalem gratia non reddendi matrimonium onerosum; cum uxor dando illam licentiam, cesserit juri suo.

III. Docuit D. Th. in 4. disp. 32., Palud., Soc., & alii apud Cora disp. 34. dub. 6. votum castitatis emissum post matrimonium consummatum esse omnino irritum, præsertim si fiat a viro; quia cederet in grave præjudicium Uxoris, cui ob innatam verecundiam grave est, si semper debeat petere, quoties matrimonii usum appetit. Sed communius cum Sanch. disp. 31., Perez, & aliis docent, esse validum, etiamsi fiat sine licentia conjugis. Quod patet ex cap. *Quidam* 3. de *Conversione Conjugatorum*, ubi decernitur, professionem factam a viro, renuente uxore, esse nullam; at obligari voventem ad votum castitatis in ea professione emissum, inquantum se potuit obligare. Potest tamen conjux alterius conjugis votum castitatis irritare indirecte, quatenus materia talis voti est circa rem sibi subiectam, ut probabiliter docet Illung apud Croix de voto num. 102.

IV. Quæritur secundo; An qui vovit castitatem ante matrimonium, vel post matrimonium ratum, teneatur ingredi Religionem, ut votum servet adæquate?

Respondeo cum communiori negative, contra quamplures apud Cora disp. 34. sect. 5. Ratio est, quia ad servandum votum nemo tenetur assumere medium, quod sit difficilius ipsa re, quam vovit; Verbi gratia si quis voveret peregrinationem Lauret-

nam,

nam, & deinde transferret in Indias suum domicilium, quamvis peccaret transferendo domicilium sine causa ante impletionem voti, ramen non teneretur amplius ex Indiis peregrinari Lauretum; quia esset nimis durum, & moraliter impossibile, votum illud implere. Hinc *Joan. 22. in Extrav. Antiqua conversationi* statuit, voventem juxta casum adductum castitatem inducendum quidem, sed non compellendum ad Religionem ingrediendam. Quod si videret, se esse in proximo periculo violandi votum, nisi Religionem ingrederetur, posset tali periculo occurrere, petendo dispensationem, aut orationibus, jeuniis, elemosynis compescendo stimulos carnis.

V. Quæritur tertio; An cognatio spiritualis, vel amicitia supervenientes matrimonio impediunt usum illius?

Respondeo, quod si post contractum matrimonium superveniat cognatio spiritualis cum altero conjuge, per hoc scilicet quod alter baptizet, vel suscipiat in baptismo, aut in confirmatione filium communem, aut filium alterius conjugis, neuter privatur jure petendi, vel reddendi debitum. Ratio est, quia vel id factum fuit ex necessitate, & non est æquum, ut aliquis suo jure privetur per hoc, quod satisfaciatur suæ obligationi: vel id factum fuit extra casum necessitatis, & quamvis certum sit, quod mortaliter peccaverit, qui sine necessitate baptizavit, aut suscepit filium suæ conjugis, tamen probabiliter docent Sanch. lib. 9. disp. 26., & Con. contra Guttier., Henr., Ledesm., & alios, quod iste talis non privetur jure petendi debitum, quia ex nullo textu id clare colligitur; & in odiosis mitior pars accipienda est. Si vero post contractum matrimonium superveniat amicitia, per hoc videlicet

quod alter conjux incestuose cognoscatur alterius consanguineum, vel consanguineam in primo, vel in secundo gradu, in tali casu conjux innocens potest petere, ac reddere debitum, conjux vero incestuosus potest solum reddere, non tamen petere, ex *Cap. 1. de eo, qui cognovit consanguineam*, quamvis Religiosi privilegiati possint in hoc dispensare.

Notandum tamen cum Bonac. quæst. 4. punct. 2., quod si quis commisit talem incestum ex metu gravi injuste incusso, non privetur jure petendi debitum. Ratio est, quia sicuti hujusmodi metus excusat ab incurrendis censuris; ita etiam excusat ab incurrendâ pœna privationis debiti. Etenim Ecclesia non punit suis gravibus pœnis eos, qui ex tali metu transgrediuntur legem suam, eo quod nolit suam legem in tali casu obligare; atque adeo quamvis iste incestuosus peccet contra legem Dei, non peccat contra legem Ecclesiæ, & sic non incurrit pœnam ab Ecclesia latam, quod privetur jure petendi debitum.

VI. Notandum secundo cum eodem Bonac., nec incurri talem pœnam ab incestuoso habente ignorantiam sive juris, sive facti, sive talis pœnæ: Sicut nec incurritur censura, & in communiore sententia nec Irregularitas orta ex delicto ab habente aliquam ex istis ignorantibus. Dicitur autem habere ignorantiam juris, qui ignorat talem incestum esse prohibitum etiam ex lege positiva humana, & non ex solo jure naturæ: Habet ignorantiam facti, qui ignorat hanc esse suæ uxoris consanguineam: Habet demum ignorantiam pœnæ, qui ignorat hanc pœnam esse impositam tali incestui, quod scilicet incestuosus privetur jure petendi debitum. Ratio vero doctrinæ est, tum quia jura prohibent petitionem debiti, quando contracto matrimonio scienter contrahitur

tur

tur affinitas, ex *cap. i. de eo, qui cognovit consanguineam*; tum etiam, quia minor est contemptus contra legem, quando violatur lex continens graves pœnas iis ignoratis, quam illis cognitis; ergo æquum non est, ut transgressor subjiçatur iis pœnis, quas ignoravit, quibus subjiçitur, qui eas non ignoravit; Alioquin quantitas pœnæ non proportionaretur quantitati delicti, ut advertunt Navar., & Sanchez. lib. 9. disp. 31.

Notandum ultimo, quod quamvis Incestuosus, qui cognovit consanguineam suæ conjugis in primo, vel secundo gradu privetur jure petendi debitum, incestuosus tamen, qui cognovit propriam consanguineam, licet gravius peccarit, non privatur tamen tali jure. Et ratio est, tum quia ille solus incestus parit affinitatem cum conjuge; tum etiam, quia illi solum delicto, quod facilius accidere potest, talis pœna est imposita a lege politica humana.

VII. Quæritur quarto; Utrum conjux certus de nullitate matrimonii possit licite reddere debitum, si nullitatem probare non possit, & ad reddendum debitum compellatur sub excommunicatione?

Respondet, id affirmare Magistrum sententiarum, & Hugonem de Sancto Victore apud Con. dub. 10. Primo, quia conjux, qui est in bona fide, habet jus petendi debitum: ergo alter tenetur reddere, quamvis certus sit de nullitate matrimonii. Secundo, quia ex duobus malis minus est eligendum; atqui minus malum est reddere debitum in tali casu, quam contra justitiam, & Ecclesiæ præceptum cum scandalo negare petenti debitum, & nolle cohabitare cum illo; ergo. Tertio, non est minus malum occidere innocentem, quam fornicari; sed iudex licite occidit, quem privatim novit innocentem, si

publice probatus sit nocens; & reus, juxta probabilem doctrinam Thomistarum; ergo conjux pariformiter licite reddit debitum ei, qui publice probatur esse ejus conjux, quamvis privatim sciat, matrimonium esse nullum. Quarto, Sacerdos tenetur dare Eucharistiam peccatori petenti illam publice, quamvis occulte, & privatim sciat esse indignum; eo quod ille habeat jus petendi; ergo pariter conjux, qui scit occulte, matrimonium esse nullum, tenetur reddere debitum, quando alter bona fide petit, eo quod habeat jus petendi.

Communis tamen sententia negat posse in tali casu debitum reddi; quia fornicari est intrinsece malum, nec sunt facienda mala, unde veniant bona. Quare in tali casu qui compellitur sub excommunicatione ad reddendum debitum, vel debet fugere, vel petere dispensationem, & iterum valide contrahere; vel si nihil possit, tam excommunicationem, quam quælibet alia incommoda patienter, & humiliter sustinere debet, ut dicitur in *cap. Inquisitioni 44. de Sententia Excommunicationis*.

Ad primam rationem in contrarium respondetur, conjugem, qui est in bona fide, habere jus petendi debitum dumtaxat apparens, non verum jus: Sicuti si publice probaretur, Titium debere Petro mille, quæ revera non debet, Petrus haberet jus tantum apparens; unde Titius in conscientia non teneretur solvere, aut si ad vitandum scandalum solveret, posset occulte repetere.

Ad secundam, negatur in casu nostro concurrere duo mala impossibilia; posita enim scientia nullitatis matrimonii, negando debitum, nec injustitia committitur, nec inobedientia Ecclesiæ præcepto; cum Ecclesia non possit præcipere peccatum. Quod spectat ad scandalum, non fiet,

ret, sed permitteretur: permitti autem potius debent quævis mala, quam committi peccatum.

VIII. Ad tertiam dico cum Less. de justitia cap. 29. dub. 10. ex Scotistis communiter, in utroque casu idem sentiendum: Quare non licet Judici damnare probatum Reum, quem privata noticia cognoscit innocentem. Dato autem, quod id liceat juxta contrariam opinionem Thomistarum, negatur consequentia. Disparitas est, quia propter commune bonum, & tranquillitatem Reipublicæ licitum est condemnare talem innocentem; quia bono vitæ particularis præponderat bonum commune, & Tribunalium debitus tenor: Sicut enim Respublica habet aliquando dominium in bona, ita forte etiam in vitam Civium, quando expedit bono publico, quod enucleatius discutiamus in de Censuris quæst. 1. art. 6. At Respublica non habet dominium in corpus ullius in ordine ad usum conjugalem, cum vix accidere possit, quod hoc sit necessarium ad bonum publicum; & ideo non licet in casu nostro reddere debitum, quodcumque scandalum, vel damnum sequatur.

Ad quartam, concesso antecedente, negatur consequentia; Peccator enim occultus habet verum jus justitiæ tuendi famam suam, seu ne publice infametur, negata sibi Eucharistia: Contra vero conjux ille non habet verum jus petendi debitum, sed habet tantum jus apparens, posita matrimonii invaliditate.

IX. Quæritur quinto; An dubius de valore matrimonii possit licite debitum petere, aut reddere?

Respondendo, & dico primo: Si post matrimonium bona fide contractum suboriatur scrupulus ex levibus indiciis de validitate matrimonii, potest uterque debitum petere, ac reddere; Ratio est, tum quia scrupulus non est

sufficiens ratio ad privandum hominem jure suo; tum etiam, quia idem est judicium fori exteriori, & interni, quando forum externum non nititur falsa præsumptione; atqui in foro externo Judex per sententiam in casu nostro judicaret, quod possit peti, ac debeat reddi debitum; ergo idem judicandum est in foro conscientie.

Dico secundo: Qui bona fide contraxit matrimonium, & deinde dubitat de ejus valore, (verbigratia, quia dubitat an prior uxor sit superstes,) antequam adhibeat diligentiam ad assequendam veritatem, non potest petere debitum, ut patet; quia se exponeret periculo fornicandi. Debet tamen reddere debitum alteri conjugi non dubitanti de valore matrimonii. Ratio est, tum quia alter conjux habet jus petendi, & est in possessione; ergo non reddendo fit contra jus illius, & peccatur contra justitiam; tum etiam, quia concurrentibus duobus malis minus est eligendum; atqui in casu nostro si reddatur debitum, reddens exponit se periculo peccandi contra castitatem; si vero non reddatur, exponit se periculo peccandi contra justitiam; & minus malum est cæteris paribus peccatum contra castitatem, quam contra justitiam; ergo reddendum potius debitum, quam non reddendum ante adhibitam diligentiam: Post adhibitam vero diligentiam, si adhuc dubium perseveret, potest etiam peti debitum, quia in dubio melior est conditio possidentis; possidet autem in casu nostro matrimonium.

X. Ex dictis sequitur primo, quod si uterque conjux dubitet de valore matrimonii, neuter possit petere, nec reddere, antequam adhibeat diligentiam ad veritatem assequendam. Ratio est, quia intantum posset reddi debitum, inquantum alter habet jus petendi; sed in casu nostro neu-

ter habet jus petendi; ergo neuter potest reddere.

Sequitur secundo, quod si solus petens debitum dubitet de valore matrimonii, non teneatur alter debitum reddere ante diligentiam adhibitam; cum neque in tali casu petens habeat jus petendi.

Sequitur tertio, quod in primo bimestri ante consummationem matrimonii nec possit reddi debitum petenti cum tali dubio ante diligentiam praemissam, quia neque petens habet jus petendi in tali bimestri; unde non fit contra iustitiam, si debitum negetur.

Dico tertio, qui mala fide contraxit matrimonium dubius de aliquo impedimento dirimente, non potest petere debitum, etiam post adhibitam diligentiam, si dubium adhuc perseveret. Ratio est, quia possessio mala fide incepta non tribuit jus, ut docent communiter Doctores, cum de Contractibus: Et qui mala fide cepit rem possidere, non potest illa uti, aut eam sibi retinere; ut docent etiam communiter Doctores, cum de restitutione; ergo qui mala fide contraxit matrimonium, non potest illo uti. Tenetur tamen reddere debitum ei, qui bona fide contraxit; quia hic habet jus petendi, nec potest eo spoliari per malam fidem alterius, ut docent Con., Bonac., Sanch. lib. 2. disp. 42. Si tamen uterque mala fide contraxit, neuter potest petere, aut reddere debitum; cum neuter habeat jus petendi.

XI. Dico ultimo; Qui post matrimonium bona, vel mala fide contractum incipit opinari, seu habere opinionem probabilem de invaliditate matrimonii, quin detur ulla probabilitas de ejus valore, non potest petere debitum, antequam ulterius de valore Matrimonii certificetur. Ita communiter cum Perez, Bonac., Sanch.

disp. 44. Ratio est, quia quamvis possessio suffragetur dubitanti, non tamen opinanti in contrarium; ergo si etiam post adhibitam diligentiam ad veritatem assequendam, adhuc probabile est, matrimonium esse nullum, nec ulla probabilitas datur de valore matrimonii, qui hanc opinionem habet, non potest petere debitum; quamvis possit, & teneatur reddere, si alter bona fide contraxit; cum nemo possit spoliari jure suo, & re, quam possidet per solam probabilitatem alterius, quod res illa sit illius, nisi certo id constet; ergo nisi certo constet matrimonium fuisse nullum, qui bona fide contraxit, & possidet matrimonium, non potest spoliari jure petendi debitum per solam opinionem alterius de nullitate matrimonii: Quare cum ille habeat jus petendi, alter tenetur reddere: Si tamen uterque habeat opinionem probabilem de nullitate matrimonii, neuter potest petere, aut reddere. Demum si alter habeat opinionem probabilem de nullitate matrimonii, & simul habeat opinionem probabilem de ejus valore, licite potest petere, ac reddere; cum possit amplecti alterutram opinionem probabilem, quam mavult, etiam si una sit probabilior, quam altera.

Neque dicas; Si probabile est; priorem uxorem obijisse, atque adeo secundum matrimonium esse validum; & simul probabile sit, non obijisse, atque adeo secundum matrimonium esse invalidum, possessio stat pro impedimento, & pro invaliditate matrimonii; ergo fallum est, quod possit in tali casu peti, aut reddi debitum. Nam negatur antecedens; cum enim probabile sit, impedimentum dirimens esse sublatum, hoc est priorem conjugem obijisse, non potest dici, quod impedimentum possideat. Præterea diximus, possessionem favere solum da-

bitanti, non vero opinanti, seu habenti opinionem probabilem; ergo cum probabile sit, non adesse impedimentum, possessio non stat pro impedimento; atque adeo potest peti, ac reddi debitum. Verum tamen est, quod secundum matrimonium non poterat licite celebrari, si tantum probabile erat, & non moraliter certum, priorem conjugem objisse; unde si mala fide contraxerunt, non poterunt petere debitum ob solam probabilitatem mortis prioris conjugis.

XII. Utrum autem cum opinione probabili, quod nullum detur impedimentum jure Ecclesiastico dirimens matrimonium possit illud contrahi?

In expositione primæ Thes. ab Innoc. XI. proscriptæ fusc ostendimus, id licere; non secus ac licet absolute cum opinione probabili de jurisdictione, quin exponatur periculo frustrationis Sacramentum; quia in his casibus Ecclesia defectum supplet. Si tamen impedimentum dirimat jure divino, nequit matrimonium contrahi cum sola probabilitate, quod non detur hujusmodi impedimentum; eo quod exponeretur Sacramentum periculo frustrationis; & ideo non licet contrahere secundum matrimonium cum sola probabilitate de morte alterius conjugis; quia impedimentum ligaminis dirimit matrimonium jure divino.

ARTICULUS IV.

Utrum delectationes morosæ, tactus turpes, & alia hujusmodi liceant conjugibus?

I. Conjugem in absentia alterius conjugis delectari venere de copulacitra periculum pollutionis, videtur esse damnaat veniale. In viduis tamen id est mortale, sicut & in Sponsis.

II. Quid de talibus, verbis turpibus; & aspectibus inhonestis inter conjuges?

III. Num Sponsis liceant oscula, & amplexus? & num citra mortale ordinari possint ad delectationem inde capiendam?

IV. Tactus impudici inter conjuges cum periculo pollutionis quando nam excusentur a culpa gravi?

V. Num sine lethali culpa possit conjugis seipsum turpius tangere prae se ob delectationem?

VI. Varie pena statuta sunt Adulteris.

VII. Si conjugatus adulteretur cum alia conjugata, utrinque conjugum in confessione explicandum est.

VIII. Probabilis delectatio morosa non fert specialem malitiam in confessione explicandam per hoc, quod sit in conjugatis.

IX. Ut licite, & meritorie altius conjugalis exerceatur, octo observanda sunt.

I. Quæritur primo; An liceat conjugibus delectatio morosa de copula?

Respondeo cum Sanch. lib. 9. disp. 44. secuso pollutionis periculo, non esse mortale delectatio conjugem venere de copula in absentia alterius conjugis, etiamsi sequatur commotio spirituum, &c.; sed esse tantum veniale; cum careat debito fine, ad quem talis delectatio a natura dirigitur. Ratio autem, cur non sit mortale, est, quia copula inter conjuges est licita; ergo etiam delectatio de tali copula; cum delectatio ordinetur natura sua ad actum, de quo est delectatio, neque possit esse illicita delectatio de actu hic, & nunc licito.

Dices: In vidua delectatio de copula præterita est illicita; sicut etiam Sponsis de copula futura, (ut dicemus quæsitio tertio) ergo etiam in conjugis delectatio de copula, quando al-

Z 2 ter

ter conjux est absens. Et ratio a priori est, quia talis delectatio est inchoatio quædam pollutionis, quæ illicita est extra vas debitum.

Respondeo, nego consequentiam. Disparitas est, quia Viduis est per se illicita copula, cum defecerit matrimonium; estque pariter Sponsis illicita ante matrimonium: Contra vero conjugibus in absentia est illicita tantum per accidens, seu potius est impossibilis, quam illicita; atque adeo quando non possunt uti copula, non videtur esse grave peccatum delectari de illa. Ad rationem a priori respondetur, delectationem venerem ordinari natura sua non ad pollutionem extra vas, sed ad copulam cum proprio conjuge; quod autem in absentia conjugis non possit haberi copula, est per accidens.

II. Quæritur secundo; An secluso pollutionis periculo liceant conjugibus tactus, & aspectus inhonesti, ac verba turpia?

Respondeo, si tactus, & alia hujusmodi ordinentur ad copulam conjugalem, sunt liciti; quia licitum est juvare naturam ad actum rationi consonum mediis natura sua ordinatis ad illum: Si vero ordinentur ad maiorem voluptatem in eo actu captandam, videtur culpa venialis; tum quia voluptas nimia est rationi dissona; tum etiam, quia si copula ob solam delectationem exercita est culpa venialis juxta propositionem 9. ab Innoc. XI. proscriptam, tactus pariter ad talem delectationem ordinati sunt culpa venialis. Non sunt tamen culpa mortalis, ut docet Sanch. loc. cit.; quia voluptas illa non quæritur extra matrimonium, sed in actu sua natura ordinato ad usum matrimonii: Et quod dicitur de tactibus impudicis, dicitur etiam de aspectibus, & verbis turpibus inter conjuges.

Notandum tamen cum eodem

Sanch, quod si quando propter debium de valore matrimonii, vel propter votum castitatis illicita est conjugi petitio debiti; illicita pariter erit delectatio de copula, tactus, aspectus, &c., quæ ad copulam ordinantur: Si vero aliquando illicita sit conjugibus copula propter impedimentum extrinsecum, (quod scilicet non tollit jus ad actus maritales, verbi gratia, propter notabile salutis, vel abortus periculum, vel ob præceptum Ecclesiæ prohibentis conjugi debiti petitionem, quando affinitatem cum altero conjuge inique contraxit) in tali casu non sunt illicita sub mortali delectatio morosa, tactus, &c. quia delectatio, & tactus illi non opponuntur impedimento extrinseco; sicut opponitur copula: Et quando Ecclesia prohibet copulam in penam delicti commissi, nempe in penam affinitatis inique contractæ, non est talis pœna extendenda ad delectationes, tactus, &c., cum pœnæ sint semper restringendæ. Idem dicitur, si quis tantum voveret non petere debitum.

III. Quæritur tertio; Num sponsis illiciti sint tactus, aspectus, verba turpia, delectationes morosæ eo pacto, quo prohibentur solutis, an vero excusentur a mortali, sicut in conjugatis?

Respondeo, quæst. 1. de Sponsal. art. 7. quæst. ult. huc me ostendisse. Sponsis de futuro eodem modo, ac solutis esse illicitos non solum tactus impudicos, (de quo nemo dubitat) sed etiam tactus non impudicos, in quibus intendatur delectatio sensitiva, & carnalis, ut communius, & probabilius docent Doctores contra nonnullos apud Dian. part. 4. tract. 4. resol. 131.: Et idem dicas de aspectibus, & verbis turpibus. Si tamen oscula, & tactus non impudici non ordinentur ad delectationem carnalem, nec de-

tur

tur periculum pollutionis, ac consensus in copulam, sed ordinentur ad fovendum mutuam amorem, aut ad benevolentiam conciliandam, sponſis permittuntur; ut docet Sanch. lib. 9. disp. 46. num. 41.; Qui contra communio-rem Doctorum cum Cajet., Navar., Ledesin., & aliis putat, probabile esse, quod citra mortale possint a sponſis oscula, & amplexus ordinari ad delectationem sensitivam, quæ ex ipsis oritur; Quod pariter docet Dian. loc. cit., & part. 2. tract. 17. resol. 6.

IV. Quæritur quarto; An tactus impudici, verba turpia, &c. inter conjugatos reddantur illicita ratione periculi pollutionis in altero conjugæ prævisi?

Respondeo, tactus hujusmodi non esse graviter illicitos, si fiant a conjugibus cum commotione spirituum, & distillatione, ut docet Sanch. disp. 45., & Tambur. lib. 7. cap. 3. §. 5. Ratio est, quia hoc non est grave damnum generationis in tali statu. Essent tamen peccatum mortale non conjugatis, quibus non est licita copula, ad quam ea ordinantur natura sua. Si tamen ab uno conjugæ fiant cum periculo pollutionis in se, vel in altero, tunc excusantur a mortali, quando datur urgens causa exercendi hujusmodi tactus: Sicut enim excusantur a culpa amplexus inter fratrem, & sororem foris venientes ad indicandum amorem, & ne inurbani videantur, quamvis prævideatur periculum pollutionis; excusatur etiam Chirurgus tangens feminam causa medicinæ adhibendæ: ita excusantur conjuges, quando datur urgens causa eos tactus exercendi, videlicet, vel ad se præparandos ad copulam, vel ad indicandum, & fovendum mutuam amorem inter ipsos; Videretur enim magna austeritas, & amor minueretur, si universim ab hujusmodi tactibus abstinerent. Si vero sunt præcisè ob voluptatem captan-

dam, nullum est caput, unde a mortali excusentur, ut notat Tambur. loc. cit., quia in tali casu pollutio prævisâ interpretative intenderetur.

V. Quæritur quinto; An conjugatus licite possit seipsum turpiter tangere, vel aspicere præcisè propter voluptatem, secluso periculo pollutionis?

Respondeo, Sanch. lib. 9. disp. 44., Hurt., & alios apud Dian. part. 4. tract. 4. resol. 137. docere, id esse solum veniale in conjugatis: sicut in iisdem est solum venialis morosa delectatio de copula in absentia conjugis. Et ratio est, quia quicumque tactus voluptuosus in conjugatis ex se refertur ad copulam, quæ ipsis est jam licita. Alii tamen cum Joanne Sancio apud Dian. part. 9. tract. 8. resol. 31., & 44. putant, esse mortale; quia est intrinsece malum uti proprio corpore ad explendam libidinem. Tambur. vero lib. 7. cap. 3. §. 5. putat, utramque sententiam esse probabilem.

VI. Quæritur sexto; Quænam poena statuta sit conjugi adultero?

Respondeo, quintuplicem esse statutam; Prima est, ut dos, & quæ propter dotem donata sunt amittantur, non tamen paraphernalia. Secunda, ut amittat jus petendi debitum conjugale. Tertia, ut incurrat aliquando obligationem restitutionis. Quarta, mors a Judice infligenda ipsi adulteræ, non tamen adultero. Quinta, ut propter adulterium possit fieri divorcium.

Circa primam poenam notandum, quod, ut vir acquirat dotem amissam ab adultera, requiratur sententia Judicis; Ante sententiam vero potest vir dotem sibi retinere, si possidet illam, (nisi tamen ipse etiam sit adulter) non tamen eripere. Circa secundam; requiritur etiam accusatio, & sententia Judicis, ut adulter amittat jus petendi debitum; potest tamen conjux in-

innocens negare debitum adultero ; etenim frangenti fidem fides non debetur ; quod si conjux innocens sciat adulterium alterius , & sine vi , vel metu etiam levi copulam illi reddat , aut petat , vel rideat , aut confabuletur cum illo , non potest amplius deinde illum accusare , aut negare debitum . Ratio est , quia per illos actus cessit juri per adulterium acquisito , & injuria semel remissa non amplius reviviscit . Circa tertiam , quando certum est , filium aliquem natum esse ex adulterio , tenetur adulter , & adultera tam ad alimenta , quam ad compensandum damnum , quod forte aliis subnascentur , ut late explicat Tambur. loc. cit.

VII. Notandum præterea , quod in confessione conjugatus peccans cum altera conjugata debeat utriusque conjugium explicare ; tum quia peccat contra jus suæ conjugis , & contra jus conjugis alterius ; tum etiam , quia diversum est peccatum , quod committit patrandum adulterium contra propriam conjugem , a peccato , quod committit cooperando cum altera conjugata , ut illa contra jus sui conjugis peccet . Præterea Sodomia est adulterium in conjugatis ; sicut etiam mollicies , & bestialitas ; atque adeo in confessione explicandum est , quando a conjugato peccata hæc committuntur , cum fiat in iis injuria alteri conjugati : Et idem dicas de osculis , & tactibus impudicis , ut videre est apud Sanchez. disp. 18.

VIII. Circa delectationes morosas dubium est , an debeant explicari in confessione , ut trahentes malitiam adulterii , quando habentur a conjugatis ? Affirmat Vasq. , quia scilicet conjugatus fidem matrimonii obligat de non collocando non solum corpus , sed etiam mentem in aliud objectum turpe ; atque adeo peccatum hoc non solum est contra castitatem , sed pa-

riter est adulterium ; cum sit contra fidem matrimonii . Verum Hurt. cum Tambur. lib. 10. cap. 3. id negat ; quia sine ullo fundamento dicitur , quod fides matrimonii exigit non collocare mentem in aliena .

Notandum demum , quod qui Sodomiam cum propria conjugate commisit , non possit in confessione dicere : Ego conjugatus commisi sodomiam cum conjugata , sed debeat dicere , quod commiserit illam cum propria conjugate : Quamvis probabile sit , peccatum complices posse celari , quando illi infamia inureretur apud Confessarium . Ubi Filliuc. advertit , quod confessarius prudens esse debeat in his circumstantiis exquirendis , ne se , vel poenitentem excitet ad aliquam tentationem : Et Con. docet , præstare aliquando , Sacerdotem minus perfecte peccatum poenitentis cognoscere , quam vel sibi , vel illi aliquid scandalum creare , & esse nimium . Et Angelus hæc addit : Confitetur mulier , quod fuerit , verbi gratia , cognita extra vas debitum , non querat postea Confessarius , in quo loco , vel quomodo , & hujusmodi ; sicut faciunt quidam , qui potius sunt contaminatores , quam Confessores .

IX. Queritur ultimo ; quid servandum in usu matrimonii a conjugibus ?

Respondeo , ut actus matrimonialis sit licitus , & meritorius , servanda sunt a conjugibus , quæ duobus illis versiculis continentur .

Sic modus , & finis , sine damno , solve , cohare ;

Sic locus , & tempus , Talis , ne spernit votum .

Primo enim peccatur contra *Modum* , quando non servatur situs , aut modus congregiendi , aut debitum vas . Secundo , *Finis* debet esse honestus ; verbi gratia , procreatio filiorum , fuga incontinentiæ , &c. , ut dixi.

ximus art. 1. Tercio, circa particulam, *Sine damno*, diximus posse negari debitum, quando est periculum gravis morbi, & damni; Est etiam quedam inhonestas, & turpitudine, & peccatum veniale accedere ad uxorem tempore menstrui; Est vero mortale accedere ad illam gravidam cum periculo abortus; secus vero si tale periculum absit. Quarto, per particulam, *Solve*, designatur obligatio reddendi debitum, juxta dicta art. 2. Quinto, per particulam, *Cohere*, significatur obligatio cohabitandi, secluso gravi damno animæ, vel corporis: Si tamen alter conjugum timeat sibi a cohabitando infectionem lepræ, verbi gratia, aut alterius morbi contagiosi,

quamvis non teneatur cohabitare, teneatur tamen non ita longe ab altero recedere, ut non possit cætera obsequia exhibere; non enim eximitur ab aliis obsequiis præstandis, ut notant Reginald. lib. 31., & Sanch. Sexto, per particulam, *Sit locus, & tempus*, significatur in quibusdam locis, & nonnullis temporibus abstinendum ab usu conjugali, juxta dicta art. 1. Septimo, per particulam, *Tactus*, significatur, tactus esse permisos conjugibus, prout explicavimus art. 4. Demum, per particulam, *Ne spernito votum*, denotatur, astrictum voto castitatis non posse debitum petere, juxta ea, quæ diximus art. 3.

Q U Æ S T I O VIII.

De Divortio.

Divortium est solutio matrimonij, non quidem quoad vinculum, (quod ut diximus quæst. 3. art. 3. est indissolubile) sed quoad torum, sive etiam cohabitationem: possunt enim aliquando conjuges, manente vinculo matrimoniali, a se mutuo divertere, & inde dicitur divortium.

Duplex autem datur causa divortij; Altera ex mutuo consensu citra alterius culpam, verbi gratia, per ingressum in Religionem; Altera ob culpam alterius conjugis, præsertim ob adulterium. De Divortio in utroque casu hic agendum; Inquirentes demum alias causas, propter quas fieri potest divortium ad tempus, videlicet quousque causæ illæ perseverent.

ARTICULUS I.

De Divortio ex mutuo consensu.

- I. *Quadrupliciter possunt conjuges ex mutuo consensu facere divortium.*
- II. *Si maritus de consensu uxoris Sacris iniiciatur, hac, si sit juvenis, debet ingredi Religionem.*
- III. *Num uxor senex possit cum marito Sacerdote cohabitare?*

I. **Q**uæritur, Quot modis possint conjuges divortium facere ex mutuo consensu?

Respondeo, posse quadrupliciter. Primo, si sine ullo voto separentur toro. Secundo, si separentur, ita ut uterque vocat castitatem. Tercio, ut vir Sacros Ordines suscipiat, uxore ingrediente in Religionem, aut manente in sæculo. Quarto, ut unus solus, aut etiam uterque Religionem ingrediatur. Et sane certum est, posse conjuges, ut melius Deo inserviant,

aut

aut ob alium finem honestum ex mutuo consensu separari toro, vel ad tempus, vel in perpetuum; quia non tenentur uti matrimonio; nisi forte iis periculum esset incontinentiæ, quod alter superare facile non possit. Certum est secundo, posse utrumque conjugem ex mutuo consensu vovere castitatem, etiamsi Religionem non ingrediantur; quamvis id non sit facile consulendum propter periculum incontinentiæ, quod ex mutua cohabitatione facile incurreretur. Certum est tertio ex cap. *Si quis*, 4. de *Conversione Conjugatorum*, maritum etiam ex uxoris consensu non posse Religionem ingredi, nisi ipsa similiter Religionem ingrediat, aut nisi sit senex nullo pacto suspecta de incontinentia, & in sæculo manens Votum castitatis emitat, & quidem castitatis perpetuæ, non vero quousque maritus est superflus.

II. Utrum autem nec possit maritus de uxoris consensu sacris initiari, nisi ipsa aut Religionem ingrediat, aut senex sit non suspecta de incontinentia, & in sæculo manens voveat perpetuam castitatem? Dubium est inter Doctores. Aliqui putant cum Angelo apud Perez disp. 27. sect. 9. posse maritum de consensu uxoris Sacris initiari, dummodo uxor in sæculo manens voveat castitatem, etiamsi uxor sit juvenis. Ratio est, quia ideo, si vir Religionem ingreditur, debet pariter ingredi Religionem uxor juvenis, quia Religiosus non potest illius curam habere, illamque corrigere, si forte peccet: Contra vero Sacerdos secularis potest hoc facere; ergo, ut vir fiat Sacerdos de consensu conjugis, non videtur necesse, quod illa Religionem ingrediat, sed satis est, si voveat castitatem.

Communis tamen sententia cum Sanch. lib. 7. disp. 39., Con., Perez, & aliis docet, uxorem juvenem de-

bere ingredi Religionem, tam si vir ex ejus consensu Religionem ingrediat, quam si Sacris initietur. Ratio est, quia uxor juvenis in sæculo manens exposita est periculo incontinentiæ; & tantum abest, ut a marito Sacerdote possit corrigi, ut porius facile sit ipsi Sacerdoti familiariter illa utenti, & ejus curam agentis esse occasionem peccandi.

Dices: Potest uterque conjux vovere castitatem, & manere in sæculo; ergo poterit pariter alter initiari Sacris, altera vovente castitatem in sæculo.

Respondeo, concessio antecedente, negari consequentiam. Disparitas est; quia in primo casu si esset periculum incontinentiæ, esset facile remedium, petendo scilicet dispensationem a tali voto; non tamen in secundo casu.

III. Notandum tamen, quod si uxor sit senex, & extra omnem omnino suspicionem, poterit cum marito Sacerdote, secluso toro, cohabitare: Sed consilium est a tali cohabitatione abstinere, tum propter exemplum, tum propter qualecunque periculum, etiam levioris incendi, seu libidinis.

ARTICULUS II.

De Divortio ob causam Adulterii.

- I. *Sufficiens causa ad divertendum est Adulterium.*
- II. *Sodomia, & brutalitas probabiliter non præbent causam sufficientem ad faciendum divortium.*
- III. *In foro conscientia qui certus est de conjugis adulterio, potest auctoritate propria facere divortium.*
- IV. *Quid requiruntur ad habendam certitudinem moralem, quod conjux adulteratus sit?*
- V. *Tunc solum conjux innocens tenetur divortium facere, quando non est alia via corrigendi alterum, qui in adulterio persistit.*

VI. In,

VII. In multis tamen casibus adulter dimitti non potest; Et probabilis vir nequit conjugem adulteram dimittere, si per metum gravem fuerit cognita.

VIII. Si uterque conjux fuerit adulter, delicta compensantur. At si alter tantum sit emendatus, poterit hic divortium petere, altero post monitionem persistente.

IX. Judex potest post emendationem conjuges per divortium separatos iterum conjungere.

X. Conjux innocens habet jus cogendi reum, ut ad se redeat.

XI. Potest innocens tribuere jus petendi debitum alteri conjugi adultero, non tamen incestuoso.

XII. Conjux innocens post sententiam divortii potest Sacros Ordines suscipere, aut Religionem ingredi altero invito; non tamen adulter.

XIII. Si alter conjux sive innocens, sive adulter consentiente altero Religionem ingrediatur, qui manet in saeculo, non tenetur emitte votum castitatis.

I. Certum est, Adulterium unius conjugis dare alteri jus faciendi divortium, ex *cap. Gaudemus*, & ex *Matth. 5.* ubi dicitur: *Qui dimiserit uxorem suam, excepta causa fornicationis, facit eam moechari.* Et ratio est, quia frangenti fidem fides non est servanda, ex *lege Sic cum veneris ff. pro Socio*: Per adulterium autem frangitur fides data in matrimonio non dividendi carnem; nam conjuges, ut habetur *Genes. 2.*, sunt duo in carne una, videlicet per copulam carnalem cum seminatione in vase debito.

II. Hinc sequitur, solum desiderium fornicandi, & alios actus impudicos, per quos caro non dividitur, non dare sufficientem causam in divortio; sicut nec est causa divortii molli-
Pars VII.

terius, aut concubitus cum foemina mortua, aut cum statua, &c., quia caro proprie non dividitur: Contra vero censetur causa sufficiens divortii Bestialitas, & Sodomia cum altera persona, quia per talem copulam caro perfecte dividitur. Ita probabilis *Sanch. lib. 10. disp. 4.*, & *Bonac.*; quamvis *Pont.*, & *Perez disp. 56. sect. 2.* id negent putantes, per brutalitatem, & sodomiam non dividi carnem, cum non possit inde una caro prolis procreari, atque adeo non dari jus divortii.

III. Queritur nunc primo; Utrum conjux innocens possit propria auctoritate facere divortium ob adulterium sive publicum, sive occultum alterius?

Respondeo, posse; seculo tamen scandalo, ex *cap. Dixit Dominus, 32. quest. 1.* Ratio est, quia jure naturae nemo tenetur servare fidem frangenti illam. Verum in foro externo conjux innocens cogendus est ad conjugem redire, donec constet de adulterio; Quamvis non teneatur reddere debitum, etiamsi per excommunicationem, aut praecceptum Judicis ad id cogatur, si in foro conscientiae certus sit de illius adulterio. Ratio est, quia praecceptum Superioris non obligat in conscientia, quando procedit ex falsa praesumptione. Ita *Sanch. disp. 12.*, *Reginal.*, *Bonac.*, *Sotus*, & alii.

IV. Dubium tamen est; Quznam notitia adulterii requiratur, ut possit fieri divortium?

Respondeo, requiri certitudinem moralem; nam possessio stat pro reo, & nemo in dubio, & per solam probabilitatem in contrarium privandus est sua possessione: Habetur autem certitudo moralis, quando, verbi gratia, aliquis fide dignissimus, cui merito prudentissimus fidem haberet, testaretur adulterium, vel saltem ejus vehementem suspicionem; ut si vidisset

A a

fct

set solum cum sola in lecto, ex *cap. Lixis, de presumptione*; non tamen sufficiunt verba amatoria, aut xenia missa uxori ab adultero: Immo nec oscula, & amplexus, nisi adiint aliae circumstantiae loci, temporis, vel personarum.

Notandum tamen cum communi contra Navar., quod adulter etiam publicus possit petere debitum a conjuge innocente ignorante suum adulterium; quia nemo tenetur hanc poenam subire ante sententiam Iudicis, vel alterius conjugis. Immo post hanc sententiam potest amabiliter debitum petere, ut reconciliet sibi conjugem innocentem, & amissum jus acquirat.

V. Quæritur secundo; An teneatur conjux innocens facere divortium ab altero adultero?

Respondeo, regulariter non teneri; cum possit quilibet iniuriam sibi irrogatam condonare. Si tamen ille in adulterio persistat, multi docent, teneri cum deserere, ne videatur particeps illius criminis. Communius tamen id negant; nam crimen vel est occultum, & nullum datur scandalum; vel est publicum, & satis est, si publice conetur conjux innocens corrigere adulterum, proponendo illi poenas inferni, & prout potest puniendo illum. Quod si putet hac sola via adulterum corrigendum esse, videlicet per divortium, in tali casu per accidens tenetur ex charitate ad tempus divertere.

VI. Quæritur tertio; In quibusnam casibus adulter non potest dimitti?

Respondeo, pluribus in casibus. Primo, quando uterque conjux commisit adulterium, ex *cap. final. de adulteriis*; quia paria delicta mutua compensatione abolentur. Secundo, si vir det causam proximam adulterandi uxori; ut si tacite, vel expresse dederit illi facultatem; vel si noluit prohibere, cum commode posset: Secus

vero si dedit causam remotam; verbi gratia, quia iratus illum domo expulit, aut necessaria alimenta, vel debitum denegavit. Tertio, si adulterium sine culpa commissum fuit; ut si uxor bona fide crediderit aut adulterum esse proprium virum, aut proprium virum esse mortuum, & idcirco secundas nuptias contraxerit. Quarto, si uxor per vim cognita fuit. Quod si non per vim, sed per metum gravem fuit cognita, his est inter Doctores, an possit vir facere divortium? Probabilis exitimo, quod non possit; ut docent Hecar., & Bonac. contra Sanch., & alios. Ratio est, quia metus gravis excusat a lege Ecclesiastica, & ab incurrenda censura, aut alia poena canonica; ergo uxor, quæ per metum gravem adulteravit, videtur quod non debeat pati poenam hanc, quod scilicet possit vir ab ea divertere. Quinto demum, non potest conjux innocens facere divortium, quando condonavit alteri adulterium vel expresse, vel etiam tacite, ut si sciens illum commississe adulterium, aut petat ab eo, aut illi reddat debitum.

VII. Dubium est primo; An quando uterque conjux commisit adulterium, & alter tantum est emendatus, possit hic petere divortium ab altero non emendato?

Respondeo affirmative; quando scilicet emendatus admonuit alterum, ut cessaret ab adulterando, & tamen de novo relabitur; Nam sicuti si ambo adulterium commiserunt, & deinde reconciliati sunt, uno relabente, potest alter facere divortium ex communi Doctorum sententia: ita in casu nostro; Nam quando emendatus monet alterum, jam offert illi reconciliationem; ergo si hic non respicit, potest ille divortium petere, ut docent Sanch. lib. 10. disp. 7., Conink, Reginal., Bonac.

VIII,

VIII. Dubium est secundo; Utrum adulter factio divortio possit ad se revocare alterum, qui post divortium lapsus est in adulterium?

Respondeo cum Bouac, contra Con., non posse; quia sententia divortii non fertur sub conditione, quod alter non adulteret, sed fertur absolute in odium delinquentis. Potest tamen Judex sua auctoritate illos reconciliare: Nam sententia divortii non abstulit Superiori jus, ne possit separatos quoad torum, & habitationem iterum conjungere ad vitanda pericula incontinentiæ. Immo tenetur Superior hoc facere, quando adest scandalum, & manifestum periculum incontinentiæ.

IX. Queritur quarto; An possit conjux innocens factio divortio cogere adulterum, ut ad se redeat?

Respondeo affirmative cum Sanch, Sâ, & aliis. Ratio est, quia sententia divortii facta est in favorem innocentis, & in pœnam adulteri, non vero in pœnam innocentis. Quare si innocens non posset ad se revocare adulterum, jam divortium cederet in pœnam ipsius innocentis.

X. Hinc patet disparitas; quare scilicet potest conjux innocens tribuere alteri adultero jus petendi debitum, non tamen possit tale ius tribuere conjugi incestuoso, qui copulam habuit cum consanguineo, vel consanguinea conjugis innocentis in primo, vel secundo gradu. Ratio est, quia in primo casu adulter privatur jure petendi debitum in gratiam innocentis, unde si hic cedit juri suo, potest ille petere debitum: Contra tamen in secundo casu incestuosus privatur jure petendi debitum, non in gratiam innocentis, sed in pœnam sceleris. Sicut enim non decet, affines matrimonio copulari; ita quando supervenit matrimonio affinitas propter incestum, non decet, quod in-

cestuosus petat debitum, quamvis possit reddere, & ad id teneatur, ne scilicet innocens pœnam illam subeat ob crimen incestuosi.

XI. Queritur ultimum; An post divortium possit Sacros Ordines suscipere, vel Religionem ingredi tam conjux innocens, quam adulter?

Respondeo, posse quidem innocentem Sacros Ordines suscipere, aut Religionem ingredi, adultero invito; dummodo adulterium sit publicum; Aliter si delictum non probaretur, deberet restitui conjugi ad scandalum vitandum: Contra vero adulter non potest, invito altero innocente, Sacros Ordines suscipere, aut Religionem ingredi; quia innocens habet jus concedendi illi reconciliationem, & ad se illum repetendi. Potest tamen id facere, si habeat a conjuge innocente licentiam sive expressam, sive etiam tacitam; ut si sæpius petat ab illo reconciliationem, & hic nolit illam concedere, dicens, se nunquam illam concessurum. Unde fit, quod non possit postea conjux innocens revocare ad se adulterum, qui ea de causa Sacros ordines suscepit, vel Religionem ingressus est, aut votum emisit. Ita Sanch. lib. 10. disp. 11., Bonac., & alii.

XII. Adde, quod si adulter de licentia conjugis innocentis Religionem ingrediatur, innocens manens in seculo non tenetur votum castitatis emitte. Ratio est, quia in *cap. Significasti, de Conversione conjugatorum* id præcipitur, quando matrimonium manet intactum, non vero quando factum est divortium; & ideo si conjux innocens Religionem ingrediatur, nec tenetur adulter manens in seculo castitatem vovere.

ARTICULUS III.

De aliis causis faciendi divortium ad tempus.

- I. *Quenam sint causa faciendi divortium ad tempus?*
- II. *Hæresis alterius conjugis non dat causam faciendi divortium perpetuum, (hinc dat adulterium) sed solum ad tempus; Nisi tamen publice ille sit ab Ecclesia damnatus.*
- III. *Si maritus ad scelus nefandum pertrahat uxorem, & nolis corrigi, hæc potest divertere.*
- IV. *Sicut etiam si uxor saepe, & atrociter a marito percutiatur.*
- V. *Uxor venefica, quæ consilio demonis nititur, dimitti potest.*
- VI. *Vorum castitatis a conjuge de alterius consensu emissum dat causam divertendi, si remittatur obligatio reddendi debitum.*
- VII. *Post divortium filii sequuntur conjugem innocentem.*
- VIII. *Cujus autem expensis alendi sint filii? Iis est inter Doctores, si culpa matris divortium factum sit. Si autem culpa Patris id conigerit, ejus expensis apud matrem alendi sunt. Quod si ex mutuo consensu divortium fiat, proles triennio minor expensis matris educanda est, deinde expensis Patris.*

I. **P** Ræter adulterium, quod dat causam faciendi divortium in perpetuum, dantur alix causæ faciendi divortium ad tempus, hoc est quousque causæ illæ perseverent. Quærentur itaque; Quenam sint istæ alix causæ?

Respondéo, universim quoties unus non potest cum altero conjuge cohabitare sine gravi periculo animæ, aut corporis, quod merito virum constantem terrcat, potest ad tempus ab

eo divertere, quousque periculum durat. Ratio est, quia non tenemur cum tanto incommodo hujus obligationibus satisfacere; Quod patet ex cap. Ex transmissa, & ex cap. Licet, de restitutione Spoliariorum.

Neque dicas, ob solam causam fornicationis a Christo Domino permitti divortium. Nam in casu nostro divortium ad tempus sit, non deferendo uxorem, sed fugiendo proprium malum; quod non est contra Christi Domini præceptum.

Hinc prima causa divortii est Lapsus unus in hæresim, vel infidelitatem. Ratio est, quia hæresis est quædam fornicatio spiritualis, ex cap. Idololatria, de divortio; quando tamen ille convertitur, debet cum innocente conjungi, cum cesserit causa divertendi; non enim hæresis est fornicatio proprie dicta, quæ unice ex lege Christi Domini dat causam faciendi divortium in perpetuum.

II. Excipe tamen, si conjux in hæresim lapsus judicio Ecclesiæ sit separatus, aut condemnatus; tunc enim conjux innocens etiam emendatum non tenetur recipere, ut notat Conatum in poenam hæresis; tunc etiam quia ob perpetuum illius infamiam grave esset, & quodammodo infame conjungi innocenti conjungi cum illo.

III. Secunda causa est, quando unus nititur alterum pertrahere ad peccatum; tunc enim si præmissa correctione adhuc ille persister, potest hic secluso scandalo divertere: Immo tenetur, si commode potest, quando probabiliter timeret, quod sit consensurus. Hinc si maritus vult uti uxore sodomitice, potest hæc petere divortium, ex cap. Omnes causationes 3^a quaest. 7.; etenim a tali nefando sceleris natura ipsa abhorret. Notat tamen Sanch. lib. 10. disp. 4. id esse verum, si sodomia sit consummata, & vir corrigi nolit.

IV.

IV. Tertia est scitities alterius conjugis, ob quam timet alter sibi mortem, aut graves plagas esse inferendas, non tamen si moderatam castigationem timeret. Hinc potest divertere conjux, si alter tentavit illum occidere, ut notat Sanch.; vel si maritus percutiat sæpe, & atrociter uxorem.

Quarta, si alter fiat omnino furiosus, aut gravi, & contagioso morbo laboret; nam in his casibus alteri ex cohabitatione grave periculum imminet; secus tamen si ille fieret solum stultus, aut contraheret gravem morbum non contagiosum; nam in tali casu cum possit sanus sine suo periculo illi cohabitare, ejusque curam gerere, ad id tenetur.

V. Quinta, quando delictum unius potest esse alteri conjugi causa gravis damni; ut quando uxor est venefica, interficiens filios, aut si consilio dæmonis utatur.

VI. Sexta demum est votum castitatis communi consensu emissum; in quo casu possunt conjuges separari quoad torum, ne exponant se periculo violandi votum castitatis emissum; dummodo tamen remiserint sibi obligationem reddendi debitum: Immo possunt ambo Religionem ingredi; ut

notant Bonac., Henr., & alii.

VII. Rogabis demum; Quemnam conjugem sequantur filii post divortium?

Respondeo, ex jure civili sequi debere partem innocentem, ut notant Sà. & Bonac. Ratio est, quia potior videtur conditio innocentis. Excipe tamen, nisi innocens sit infidelis; tunc enim in favorem fidei, ne proles in Infidelitate procreetur, tradenda est conjugi fidei, ex *cap. final. de conversione Infidelium*.

VIII. Majus dubium est, A quonam sint alendi? Certum est, quod si divortium fiat mutuo consensu, proles triennio minor educanda sit expensis matris; triennio vero major expensis Patris. Quod si ex Patris culpa divortium contingat, soboles, etiam si sit triennio minor, educanda est apud Matrem expensis Patris, ex *leg. 3. Regia tit. 19. part. 4*. Si demum ex Matris culpa divortium factum est, magna lis est apud Doctores; qua in re consuli potest Sanch. lib. 10. disp. 20., Rodriq., Menoch. consil. 853., aliique: Satis nobis sit, id innuisse ad complementum tractatus; cui dandus est (sed oh ubi Æternitatis!)

F I N I S.

A. M. D. G., & B. V.

Sine labe Conceptæ.

SYN;

SYNOPSIS OMNES,

Quæ in singulis Articulis tractatus hujusce de Matrimonio habentur, hic colliguntur.

QUÆSTIO I. Pag. 3

De Sponsalibus univèrsim.

ARTICULUS I. ibid.

De Promissione Constitutiva Sponsalium.

1. Quid sint Sponsalia? 11. Quanam promissione constituantur? 111. Si promissio sit indeliberata, non obligat; sicut nec votum; Nec potest obligare sub levi promissione. Sponsalium. IV. Nec obligat promissio isthac non acceptata. V. Debet pariter signo sensibili manifestari. Sed quando taciturnitas sufficit in repromittente? VI. Sponsalia neque sunt Sacramentum, neque Sacramentale. VII. Ad valorem Sponsalium satis est intentio deliberata virialis, non vero habitualis. VIII. Requiritur ad eundem valorem voluntas se obligandi ex iustitia ad Matrimonium incedendum, sed non voluntas illud exequendi.

ARTIC. II. 8

De Promissione facta Sponsalium.

1. Promissio facta non sufficit ad valorem sponsalium. Ea tamen in foro externo parit obligationem, non quidem naturalem, sed civilem. 11. Fille promittens ad quid tenetur in foro conscientia? 111. Quid, si fille promittens Virginem desloravit sub spe matrimonii? Quod si quis consanguineam desloravit recte promittendo absolute matrimonium,

num teneatur dispensationem petere, & stare promissis? IV. Num possit pecunia damnum compensare hujusmodi deslorator, si sit notabiliter dignior? At quid, si ea fuerit corrupta, & non disparis conditionis? V. An possit fille promittens negare coram Iudice promissionem, quando non tenetur vi illius ad matrimonium. VI. Si quis notabiliter dignior fille matrimonium promittit Beret, sed cum juramento, num illam teneatur ducere ratione iuramenti? VII. Quid, si tale iuramentum non confirmet, sed solum comiteatur promissionem? VIII. Et quid, si tam promissio sit facta, quam iuramentum?

ARTIC. III. 12.

De Promissione mere interna nubendi facta sive homini, sive Deo per Votum.

1. Promissio matrimonii facta homini, si sit mere interna, non obligat. 11. In quo differat propositum a promissione mere interna? 111. Votum nubendi solum per accidens potest esse obligatorium. IV. Quandonam obligat votum nubendi ad vitandum periculum incontinentia? V. Quid si quis voveat causa pietatis ducere Bertam pauperem? Num in tali casu voveatur duo per modum plurimum, an per modum unius? VI. Votum nubendi sine animo consummandi utrinque emissum, per se loquendo, est irritum. VII. Nequis utrinque emissi votum nubendi, precise ad finem.

nem recipiendi gratiam propriam Sacramenti matrimonii sine animo consummandi.

ARTIC. IV.

35

De Verbis, & aliis signis, & modis, quibus sponsalia contrahuntur.

1. *Quanam signa externa spectent ad valorem sponsalium?* II. *Quid si dubietur, an signa externa exprimant consensum in sponsalia, an in matrimonium?* Absolutumne, an conditionatum? III. *Quid si Tertius uni ex pluribus sororibus indeterminate matrimonium promittat, & promissio ab omnibus accipitur?* IV. *Quandonam saciurnitas sit sufficiens signum constitutum sponsalium?* V. *Sex modis sponsalia valide contrahuntur.*

ARTIC. V.

18

Quinam possint Sponsalia contrahere?

1. *Iure Canonico ad valorem sponsalium requiritur saltem septennium.* II. *Ultima dies temporis requisiti ad sponsalia, ad Matrimonium, ad Testamentum sufficit, si sit incapax;* ad Professionem vero debet esse completa. III. *Sponsalia invalida ex defectu aetatis non ratificantur sine noticia nullitatis.* IV. *Si malicia suppleat aetatem, probabiliter valida sunt sponsalia ante septennium.* At quid pro foro externo? V. *Num possint Parentes, aut Tutores contrahere sponsalia pro filiis, aut pupillis ante septennium?* VI. *Habens votum castitatis, si promissit foemina matrimonium sub conditione copulae, ad quid teneatur post copulam obveniam?* VII. *Num sine valida sponsalia inter notabiliter inaequales?* VIII. *Cui offerens pretium excessivum pro re, quam emitt, non teneatur solvere nisi pretium iustum;* Nobilis

vero offerens prodige matrimonium plebeio teneatur stare promissis!

ARTIC. VI.

22

De Obligatione, quae confurgit ex Sponsalibus.

1. *Sponsalia obligant ad abstinendum a Sacris Ordinibus, non tamen ab ingressu in Religionem. Qui tamen post illa Sacros Ordines suscepit, teneatur damnum reparare.* II. *Num possint Sponsalia presio dicta contrahi cum mutua obligatione sub levi?* III. *Num vovens, aut iurans possit sub levi se obligare in quacunque materia?* IV. *Instrumentum de patrandi peccato levi num sit culpa gravis?* V. *Num promissio matrimonii gravata ex sola fidelitate obliget sub gravi?* VI. *In quo differat obligatio ex iustitia ab obligatione gravi ex fidelitate?* VII. *Num Sponsi, si fornicentur, aperire debeant in confessione, quod Sponsalia contraxerint, quatenus injuriam alteri sponso irrogaverint?* VIII. *An possit in contractu Sponsalium apponi poena luenda a resiliente?* IX. *Sponsus iurans se soluturum penam, si resiliat, num vi iuramenti ad illam teneatur, si iuste resiliat?* X. *Num licet in Sponsalibus arrha apponantur?* XI. *Possunt Sponsalibus addi pactum habitandi in aliquo determinato loco?*

ARTIC. VII.

19

De Sponsalium Effectibus.

1. *Impedimentum publicae honestatis ex Sponsalibus oritur quid ferat?* II. *Non oritur nunc post Tridentinum ex Sponsalibus invalidis, neque ex incertis, neque ex conditionatis.* III. *Qualiter illud ex matrimonio rato oriatur?* Et an, si matrimonium sit invalidum ex defectu consensus? IV. *Si Sponsalia mun-*

suo dissensu dissolvantur; adhuc remanet hoc impedimentum. v. Matrimonium clandestinum probabiliter habet vim Sponsalium post Tridentinum, & ideo parit hoc impedimentum. vi. Sponsis permittuntur talia non impudici, & oscula, dummodo absit periculum consensus in delectationem veneream de copula futura. vii. Talia non impudici, & oscula eodem modo sunt verita solutis, ac viduis. Solum permittuntur Sponsis citra periculum consensus in delectationem libidinosam, in signum mutui amoris. Conjugibus non vetatur sub gravi delectatio carnalis in absentia alterius conjugis citra periculum pollutionis.

QUÆSTIO II. 33

De Causis dissolventibus Sponsalia.

ARTICULUS I. 34

De Mutuo Consensu, & de Reclamatione dissolventibus Sponsalia.

1. Sponsalia Puberum mutuo consensu dissolvuntur, etiam si sint iurata in iuramentis pietatis. 11. Impuberum Sponsalia dissolvuntur, si coram alter, statim ac ad pubertatem pervenerit, reclamet: Et quidem pro foro externo intra triennium, & coram Iudice, aut resibus. 111. Probabiliter impuberes reclamare possunt, cum ad pubertatem deveniunt, etiam si Sponsalia iuramento confirmarint. 1v. Impuberes tamen, qui iuramento confirmarunt Sponsalia, censuris cogendi sunt ad matrimonium contrahendum. v. Quamvis Impuberes possint deinde reclamare, non per hoc sequitur, quod inanis fuerit contractus, & iuramentum ante pubertatem.

ARTIC. II. 36

De Crimine dissolvente Sponsalia.

1. Etiam Sponsi, nedum Sponsa fornicatio datur ius ad resiliendum a sponsalibus. 11. Sponsus resiliere potest, etiam si sponsa turpiter se tangi permiserit, aut si deprehendatur ante sponsalia fornicata fuisse. Quandonam sponsa similiter resiliere poterit. 111. Quid, si uterque post sponsalia fornicationem commiserit. 1v. Si sponsus confitetur fornicationis sponsa ad illam accedit, amittit ius ad resiliendum. v. Nec solum pro foro externo, sed etiam pro interno.

ARTIC. III. 38

De Fuga, seu longa absentia Sponsorum, ac de Tempore Matrimonii clauso.

1. Potest Sponsa resiliere a Sponsalibus, si Sponsus discesserit, nec sit spes, quod brevi sit rediurus. 11. Ius civile obligans Sponsam ad expectandum per biennium, si Sponsus sit intra Provinciam, & per triennium, si sit extra illam, non obligat Christiani fideles. Et quare? 111. Bisariam potest in Sponsalibus praefigi terminus ad matrimonium contrahendum. Si ita praefiguratur, ut post elapsum terminum cesset obligatio, eo elapso, poterunt statim Sponsalia dissolvi; secus vero si obligatio non cesset, dummodo mora non sit diuturna. 1v. Ut tamen possint Sponsalia dissolvi ratione mora, debet moneri qui est in tali mora, ut intra praefixum tempus matrimonium contrahat sub interminatione rescindendi Sponsalia.

AR-

ARTIC. IV. 39

De Susceptione Ordinis Sacri, ac de Voto Castitatis, aut Religionis.

I. Sponsalia dissolvuntur per Professionem Religiosam, ac per Vota simplicia in Religione approbata, puta in Societate Jesu. II. Inviâ parte, possunt Sponsi Religionem ingredi, & quidem etiam post matrimonium ratum; si tamen id fiat bona fide. III. Votum etiam castitatis dirimit Sponsalia subsequencia. Et Susceptio Ordinis Sacri dirimit etiam Sponsalia precedentia. IV. Probabiliter dissolvi possunt Sponsalia, statim ac quis Novitiatum ingrediatur. V. Qui iuramento confirmavit Sponsalia, poterit Religionem ingredi, non celebrato prius matrimonio. VI. Nequit tamen Religionem ingredi, qui post Sponsalia obtinuit a Sponsa copulam sub spe matrimonii. VII. Votum professus in Religione dirimit Sponsalia etiam precedentia. At votum ingrediendi Religionem, vel suscipiendi Ordines Sacros, vel votum castitatis solum Sponsalia subsequencia dirimit. VIII. Quod si vota isthac emittantur post sponsalia, alter remanet liber; sed votens probabiliter remanet ligatus a Sponsalibus.

ARTIC. V. 43

Quomodo matrimonium, vel Sponsalia subsequencia dirimantur priora?

I. Sponsalia posteriora, cum sint irrita, non parvius impedimentum publica honestatis; Sed dant alteri Sponso ius ad rescindendum. II. Qui post Sponsalia cum Beria contrahit matrimonium cum Terefia, hac morâ, probabiliter teneatur illam ducere. III. Qui post priora Sponsalia cum Beria contraxit posteriora

Part. VII.

cum Terefia, a qua ignara priorum Sponsalium obtinuit etiam copulam, videtur teneri ducere Beriam, & damnum Terefia alia via compensare. IV. Sed probabiliter tenetur ducere Terefiam, qua damnnum passâ est, & sui corporis usum tradidit.

ARTIC. VI. 44

De Morbo, aut simili vizio dissolvente Sponsalia.

I. Causa sufficiens ad Sponsalia etiam iurata dissolvenda est notabilis morbus, aut deformitas, vel quid simile superveniens, aut si de novo deprehendatur. II. Quid si uterque Sponsus in pauperiâ incidat? III. Dissolvi possunt Sponsalia etiam iurata, si quid de novo accidat, quod si ab initio existeret, Sponsalia impediret. IV. Hinc qui spe futuri matrimonii copulam extorquet a Beria, non tenetur illam ducere, superveniente notabili mutatione.

ARTIC. VII. 45

De Affinitate, seu Impedimento Juris superveniente; Ac de Voce publica, seu fama de Impedimento.

I. Sponsalia dissolvuntur per quodcumque impedimentum dirimens, quod superveniat. II. Qui culpa sua fuit causa talis impedimenti, puta affinitatis, tenetur ad matrimonium, si alter innocens obtineat dispensationem. III. Immo qui fuit causa impedimenti tenetur ipse dispensationem petere; praesertim si advertit, quod culpa sua impedimentum contrahatur. IV. Fama certa de impedimento dirimente satis est ad Sponsalia dissolvenda, etiam iurata; non secus ac testimonium unius fide digni. Quod tamen non sufficit ad dissolvendum matrimonium. V. Praeter famam

B b

re.

requiritur Persona gravis, non qua deponat impedimentum, sed qua denunciet famam. VI. Solus rumor (qui habetur per hoc, quod minor pars vicini impedimentum acclamet) non satis est ad dissolvenda Sponsalia.

ARTIC. VIII. 47

Quenam ignorantia, & dolus dissolvant Sponsalia; Et quanam metus?

I. *Causa, qua sufficiant ad dissolvenda Sponsalia, si superveniant, satis sunt ad ea dissolvenda, si praeceperint, & invincibiliter fuerint ignorata.* II. *Aliiter discurrendum de dolo dante causam contrahendi, ac de incidente in contrahendum.* Aliiter etiam si ab altero ex contrahentibus adhibeatur, ac si a tertia persona. III. *Sponsalium contrahens per dolum celebrans probabilis non est irritus, sed solum irritandus ad arbitrium decepti; ut proinde pariat impedimentum publica beneficiis.* IV. *Ideo Votum ex errore emissum est irritum, quia est promissio gratuita; at sponsalia ferunt promissionem onerosam; & ideo non sunt irrita, sed irritanda, si per dolum celebrentur.* V. *Qui per dolum contraxit eo animo, ut licet dolum cognovisset, adhuc ea sponsalia contraxisset, nequit rescire.* VI. *Num contrahentes sponsalia teneantur occulta vitia aperire, quibus deprehensis, Sponsalia non celebrarentur?* VII. *Defectus, qui notabiliter nocens vitia sociali conjugum, aperiendi sunt a sponsis; alii vero non sunt aperiendi, nisi de iis interrogentur contrahentes sponsalia.* Nec licitum est positive dissimulare, vel falso simulare oppositum. VIII. *Metus levis non irritat sponsalia; sicut nec metus gravis iuste incussus; nec metus iniuste incussus, sed non ad extorquenda sponsalia.* IX. *Probabilis sum solum irritanda ad arbitrium iurum passi, non vero irrita*

sponsalia celebrata per metum iniuste incussum ad ea extorquenda. X. *Hinc, si sint iurata, datur obligatio contrahendi matrimonium ratione iuramenti; nisi obtineatur dispensatio.*

ARTIC. IX. 55

Quenam probatio, & iudicis auctoritas requiratur ad dissolvenda Sponsalia.

I. *Pro foro interno sufficit solida probabilitas, quod deint causa sufficiens ad Sponsalia dissolvenda.* II. *At pro foro externo requiritur, vel unus testis fide dignus iuratus, vel fama de impedimento dirimente, ut ratione talis impedimenti sponsalia dissolvantur.* Si vero causa, qua allegatur ad rescindendum, non sit impedimentum dirimens, sed, verbi gratia, fornicatio Sponsa, requiruntur duo testes. III. *Ad servanda Sponsalia cogere potest Iudex Ecclesiasticus; Necnon etiam Iudex Secularis: dummodo ex iuratis nuptiis gravia scandala non oriantur.* IV. *Solus Pontifex potest ex gravi causa in Sponsalibus dispensare.*

QUÆSTIO III. 53

De Matrimonio secundum se, eiusque Institutione, Indissolubilitate, & Unitate.

ARTICULUS I.

Quid sit Matrimonium, in quantum contrahitur, & in quantum est Sacramentum?

I. *Matrimonium, in quantum est contrahens, est causa efficiens matrimonii summi pro vinculo indissolubili, seu pro mutuo iure conjugum.* II. *Matrimonium formaliter sumptum non est mutui consensus conjugum, sed est vinculum, quod*
etc

ARTIC. II. 62

De Institutione Matrimonii.

ex eo causatur. III. Potest huiusmodi vinculum dari divinis sine consensu conjugum. IV. Non est Sacramentum Matrimonium sumptum formaliter pro vinculo, sed sumptum causaliter pro contractu. V. Si conjuges Religionem ingrediantur, remanet vinculum, seu dominium mutuum in corpora, sed impeditur. VI. Beatissima Virginitas cum D. Josepho Matrimonium qua ratione consistere poterat cum iurisque voto Virginitatis? VII. Quanam sit Matrimonii definitio? VIII. Quodnam Matrimonium de facto sit Sacramentum? Ecclesia materiam, & formam huius Sacramenti a Christo Domino institutum immutare non potest: Solum mutare potest leges contractus. IX. Inter Baptizatos consistere nequit Matrimonium, quin sit Sacramentum. At quid si velint contrahere, non tamen Sacramentum suscipere? X. Matrimonium per Procuratorem celebratum est verum Sacramentum, quod a Principali, non a Procuratore suscipitur. Illud tamen laudabiliter in praesentia conjugum renovatur. XI. Sacramentum Matrimonii qua ratione dicitur unum numero in duobus; & an illud sit in solo Baptizato, quando hic contrahit cum Infideli? XII. Si duo conjuges Infideles baptizantur, ratificando contractum matrimoniale, suscipiunt Sacramentum matrimonii, quin debeant ipsum coram Parocho, & Testibus ratificare. XIII. Huius Sacramenti Minister non est Parochus, sed sunt ipsi contrahentes. Materia vero, & forma non sunt corpora conjugum, sed materia est iurisque consensus, qui, quantum importat mutuum corporum traditionem, habet rationem materia; quantum vero importat mutuum acceptationem, habet rationem forma.

I. Ex lege positiva divina videtur institutum Matrimonium, inquantum est contractus. II. Preceptum nubendi videtur esse naturale, & obligare omnes vage, hoc est singulos urgente necessitate. III. Quem finem intendere debent contrahentes, ut valide, ac licite contrahant? IV. Quamvis licite intendi possit per matrimonium remedium concupiscentiae, & propter fines extrinsecos honestos celebrari; illicitum tamen est precise propter delectationem carnalem velle nubere. V. Sicut non est licitum, nec vacat veniali culpa opus conjugii ob solam voluptatem exercere; ita pariter est illicitum precise propter eandem velle nubere. VI. Ex traditione Apostolica habetur, quod Christus Dominus matrimonium ad rationem Sacramentii elevarit. VII. Probabilis hoc Sacramentum a Christo Domino post resurrectionem institutum fuit.

ARTIC. III. 67

De Unitate, & Indissolubilitate Matrimonii.

I. Ex primæ institutione Matrimonium fuit unum, seu unus cum una, & indissolubile. II. In veteri lege Deus concessit ex rationabili causa dari posse libellum repudii. Et in lege Evangelica matrimonium tantum tum per Professionem Religiosam, tum ex dispensatione Pontificis ob gravem causam dissolvi potest. III. Matrimonium Infidelium ex lege Christi Domini est insolubile; Potest tamen dissolvi, quando alter tantum ad fidem convertitur, volente altero cohabitare circa injuriam Creatoris. IV. Diversimode Doctores opinantur circa Polygamiam, &

Bb a dif-

disolubilitatem Matrimonii, iure naturali, an divino positivo ea prohibeantur. v. Dicendum verius dissolubilitatem matrimonii, ac Polygamiam relate ad plures uxores ita iure naturali prohiberi, ut possit in eis Deus dispensare; non secus ac in occasione innocentis. vi. At non potest Deus dispensare in his actionibus sub iis circumstantiis, sub quibus sunt intrinseca mala, & iure naturali prohibita. vii. Per Professionem Religiosam dissolvitur Matrimonium, ratiū iure Ecclesiastico verius, quam naturali, aut divino positivo; Es quidem iure Ecclesiastico non scripto, sed iradito. viii. Potum castitatis annexum Ordini Sacro non dissolvit matrimonium ratiū, quamvis sit solemne; Sicut nec vota simplicia in Societate Jesu: Hac autem vota dicuntur simplicia, quia ex parte votantis durat saxa sunt perpetua, non vero simpliciter, & absolute; ut est votum castitatis annexum Ordini Sacro. ix. Ea de causa nec votum solemne annexum Ordini Sacro, nec vota simplicia in Societate Jesu dirimunt matrimonium ratiū, (quamvis dirimantur ab iis Sponsalia, ac matrimonium subsequens) quia nunquam Ecclesia id statuit, sicut statuit de Professione Religiosa. x. Per biestrem post matrimonium ratiū regulariter possunt Coniuges negare debitum, ut cogenti de Religione.

QUÆSTIO IV. 70

De consensu, qui est causa efficiens vinculi matrimonialis.

ARTICULUS I.

De Consensu matrimoniali simulato.

1. Qui sile matrimonium contrahit, secundum se peccat, tum contra virginitatem Religionis sacrilego, tum contra iustitiam: penetrque deposta simulatione contractum

ratificare. 11. Aliquando tamen potest aliis viis damnum compensari. 111. Si quis post sile matrimonium cum Beria, vere cum alia contrahat, & censuris adigatur, ut Beria adhareat, pati potius debet excommunicationem, quam ad illam accedere. 1v. Urgens meum gravi potest quidem simulari contractus matrimonialis, quin per hoc simulatur Sacramentum matrimonii. v. At simulari non potest, si deur impedimentum dirimens iure natura.

ARTIC. II.

78

De Signis externis expressivis consensus matrimonialis.

1. Quamvis Matrimonium sit Sacramentum, adhuc sine verbis celebrari potest, ut quilibet alius contrahat. 11. Quamam soloant esse signa externa certa exprimentia consensum internum? 111. Etiam taciturnitas potest aliquando esse certum signum interni consensus. 1v. Parentes neque possunt cogere filios ad matrimonium, neque illud sine iusta causa impedire. v. Filii quamvis non teneantur hac in re sequi consilium Parentum, tenentur tamen ob reverentiam debitam illud petere. vi. Ut Procurator valide matrimonium contrahat pro Principali, quatuor requiruntur. vii. Si Principalis tempore contractus dormiat, adhuc fructuoso Sacramentum recipit, si sit in gratia. viii. Si Principalis tempore contractus per Procuratorem sit ebrus, adhuc valido contrahat. Imo iuxta communioem, etiam si tunc sit amens. ix. Quid si Principalis det sile mandatum, & tempore contractus habeat verum consensum? x. Si deur mandatum, ut premissis proclamationibus Procurator contrahat, adhuc univertim valide contrahitur iis non premissis. Sicut valide confertur absolutio a censuris, parte non satisfacta; quamvis facultas absolvendi deur sub ea condicione,

AR-

ARTIC. III.

83

De Consensu coacto.

1. Num sit irritum matrimonium contractum metu levi iniuste incusso? 11. In quonam sensu voluntas dicatur cogi a metu? 111. In utroque foro est irritum matrimonium contractum metu gravi iniuste incusso ad illud extorquendum. IV. Probabilius iure tantum Ecclesiastico, non iure naturae illud irritatur. Votum autem, universum simili metu nuncupatum ne iure quidem Ecclesiastico est irritum. V. Etiam contractus lucrativus gravi metu iniuste extoritur probabiliter est validus iure naturae, quamvis damnum rescari debeat. Idemque dicas de contractu oneroso; & uterque contractus ad arbitrium metum possit rescindi potest. VI. Probabilius videtur, quod sit validum iure naturae matrimonium celebratum per metum levem iniuste incussum ad illud extorquendum. Idemque dicas de Voto. VII. Meius reverentialis secundum se est levis; (nisi minas, aut aliud simile secum ferat) esto nonnulli putent, matrimonium sic contractum esse irritum. VIII. Quando matrimonium est invalidum ratione metus, aut alterius impedimenti occultri, non debes revalidari coram Parocho, & testibus; secus vero si impedimentum probari potest.

ARTICUL. IV.

89

De Consensu simpliciter clandestino.

1. Reconsentitur decem conditiones a Tridentino requisita ad solemnitatem Matrimonii. 11. In nulla necessitate valide contrahitur matrimonium sine Parocho, & testibus; sed quid si Parochus nullatenus haberi possit in locis Infidelium? 111. Lex ista Tridentini non patitur Episcopalem, quia inducit formam substan-

tialem contractus. Et idem dicendum de variis similibus legibus. IV. Hac, & similibus legibus obligantur etiam ignorantes illas invincibiliter. V. In hac lege nequit Episcopus dispensare; quamvis hic possit, urgente necessitate, dispensare aliquando in nonnullis impedimentis dirimentibus. VI. Non obligat lex ista, ubi Tridentinum non est receptum; nec in Provinciis Infidelium. Ex quo non sequitur, quod in iis locis non debeant aliae leges Ecclesiastica servari. VII. Quando revalidandum est matrimonium propter impedimentum omnino occultum, (quod scilicet per duos testes probari non potest) non est opus Parocho, & testibus; non quia cessat finis legis, sed quia talis casus a lege non comprehenditur. At matrimonium sub conditione celebratum coram Parocho, & testibus, nunc debes coram iisdem, purificata conditione, iterum contrahi? VIII. Quinam debeat esse Parochus, & quinam testes? IX. Etiam in aliena diocesi potest proprius Parochus, licet sit excommunicatus visitandus, matrimonio assistere, ac dare Sacerdoti licentiam ad assistendum. X. Num sit validum Matrimonium, si Sacerdos assistens licentiam per metum, aut per dolum extorserit? XI. Quid si matrimonio assistat Sacerdos post licentiam obtentam, sed antequam id resciverit? XII. Quid si Parochus sit intrusus, & errore tantum communis, sive titulo colorato reputetur Parochus? XIII. Non requiritur, ut testes sint omni exceptione majores. XIV. Quinam consensus requiritur, si privatim revalidandum sit matrimonium? Et an illius nullitas utriusque coniungi debeat esse nota?

ARTIC. V.

99

De Consensu clandestino secundum quid.

1. Peccat graviter, qui sine Episcopi dispensatione, omisis denunciationibus, con-

contrahit matrimonium. Sed hoc non est invalidum. 11. Quas ob causas omitti possunt denunciations? 111. Impedimentum occultum revelandum est, quamvis probari non possit. 1V. Contrahentes, qui aliquo impedimento occulto laborant, vel tenentur desistere a matrimonio, vel illud etiam cum propria infamia revelare, si alter desistere nolit. V. Si habens impedimentum occultum sine magno scandalo desistere non possit, quid faciat? VI. Omittit benedictionem nuptialem ante consummationem matrimonii, num sit mortale, aut saltem veniale?

ARTIC. VI. 103

De Consensu conditionato.

1. In quo differant conditio, demonstratio, causa, dies, & modus, qua contractus matrimonialis sepe adiunguntur? Et quomplex soleat esse conditio? 11. Nec demonstratio, nec causa adiecta contractui suspendunt, aut vitiant contractum, sed solus error aut circa eius substantiam, aut circa qualitates substantiales. 111. Modus adiectus contractui probabiliter illum non vitiat; quamvis sit res impossibilis, aut impis. Dies vero, non secus ac conditio illum suspendit; non tamen conditio necessaria. 1V. Contractus sub conditione contingenti, illa purificata, non requirit novum consensum. V. Non vitiat matrimoniale contractum conditio impossibilis, aut impis: (nisi sit contra tria illa bona Proles, Fides, & Sacramenti) Alios vero contractus vitiat. VI. Conditio ista, Si Papa dispenses, dicitur impossibilis solum in casu quo nunquam Papa dispensare soleat. Et conditio, si alter voveat castitatem, aut Religionem ingrediatur, non dicitur esse contra substantiam matrimonii. VII. Ista conditio, Si Pater consenserit, quomodo intelligenda? VIII. Conditio indifferens, ac im-

pertinens contractum suspendit. 1X. Conditiones turpes contra substantiam matrimonii irritant etiam contractum Sponsalium. X. Extenditur etiam ad contractum Sponsalium lex, quod conditiones alia turpes, & impossibiles habeantur pro non adiectis; non tamen lex irritans matrimonium clandestinum.

QUÆSTIO V. 110

De Impedimentis Matrimonii

ARTIC. I. 111

De Matrimonii impedimentis in genere; Quam possit ea statuere?

1. Solus Pontifex statuit potest impedimenta matrimonii dirimentia. 11. Non est verum, quod possit Episcopus pro sua Urbe, quicquid potest Pontifex pro toto Orbe. 111. Quamvis Principes baptizati, secusa prohibitione Ecclesie, statuit possint leges circa contractum matrimonialem fidelium; hanc tamen potestatem sibi Pontifex reservavit. 1V. Unversim est mortale contrahere matrimonium cum impedimento dirimente; sed probabiliter non est sacrilegium. V. Quomodo possit quis sine sacrilegio simulare etiam absolutionem Sacramentalem? VI. Validum est matrimonium, etiam si per clausulam generalem Pontifex irritet quicquid fiat contra aliquam legem, in qua etiam matrimonium prohibeatur.

ARTIC. II. 116

De impedimentis dirimentibus in specie. Ac primo de Errore.

1. Recensentur, & explicantur quatuordecim impedimenta dirimentia. 11. Error potest esse multiplex. 111. Error persona iure natura irritat matrimonium.

nium, non vero alia Sacramenta, nec alios contractus. IV. Quomodo fuerit validum matrimonium inter Jacob, & Liam, putatam Rachel? V. Error circa Personam, quamvis sit comitans, adhuc matrimonium reddit nullum. VI. Si das causam contractui error circa qualitates Personae, matrimonium non est irritum; secus vero si qualitas apponatur per modum conditionis. VII. Hinc descendit resolutio celeberrimi casus a Tabiena propositi. VIII. Reliqui contractus, in quibus error datur causam contractui, sunt irritandi; ac non matrimonium, nuptio insolubile; nec Professio Religiosa.

ARTIC. III. 139

De Impedimento Conditionis servilis.

1. Matrimonium ignoranter contrahitur cum mancipiis jure Ecclesiastico est irritum; dummodo inter contrahentes habeatur inaequalitas. II. Servi, invito Dominis, valide, ac licite possunt matrimonium contrahere; dummodo non desint obsequiis debitis. III. Quando servus neque simul Domino, & Uxori facere satis, praevalere ius Domini, si eo invito matrimonium contraxit; servus praevalere ius Uxoris. IV. Num possit aliquis sive liber, sive conjugatus seipsum vendicare? V. Si aliter conjux sit liber, alter servus, partus sequitur ventrem quoad servitutem; at sequitur Patrem quoad honores, & nobilitatem.

ARTIC. IV. 124

De Impedimento Voti.

1. Dirimit matrimonium castitatis votum solemne, ac votum simplex in Societate Jesu. At neque hoc dirimit matrimonium ratum: Neque votum solemne annexum Ordini Sacro. Neque

Professio Religiosa dirimit matrimonium consummatum. II. Qui habet causam faciendi perpetuum divorcium, valide, & licite potest Religionem ingredi, ac in ea profiteri, altero invito; Secus Professio est invalida. Quid si quis bona fide profiteatur putans conjugem obisse? III. Si maritus de consensu uxoris proficiatur in aliqua religione, poteritne uxor in sacro remanere? IV. Potestne Pontifex dispensare in voto solemnium castitatis?

ARTIC. V. 125

De Impedimento Ordinis.

1. Ordo Sacer dirimit matrimonium contrahendum, non vero contractum. Et etiam apud Gracos irritum est matrimonium post Ordines Sacros contractum. II. Qui Sacros Ordines suscipit, tenetur emittere votum castitatis. Quod si expresso id noluit, & peccat graviter per hoc, quod votum non emittat, & peccando contra castitatem peccat etiam sacrilegio speciali sacrilegio; quamvis non peccet contra votum. III. Hinc ex voto simul, & ex lege Ecclesia habens Ordines Sacros tenetur castitatem servare; & invalide contrahit matrimonium, quamvis nolit voto castitatem. IV. Qui ante pubertatem susceperet Ordines Sacros, tenetur castitatem vovere; Qui vero in infanzia, tenetur cum pervenerit ad usum rationis, de statim amplectendo decorare. V. Invalide Ordinatus ex defectu intentionis in Ordinate non tenetur ad castitatem servandam, eo quod voverit illam accessorio: Secus vero qui pariter invalide Professionem Religiosam emitteret. VI. Suscipiens Ordines Sacros per meritum gravem probabiliter invalide castitatem vovet; Unde potest matrimonium contrahere, & ad bona recitandas non obligatur. Sed probabilior est sententia opposita.

AR-

ARTICULUS VI. 128

De impedimento Cognationis.

1. *Cognatio triplex est, Spiritualis, Legalis, & Naturalis, juxta triplicem modum, quo persona possunt esse propinqua inter se.* 11. *Explicatur quousque cognationes ista matrimonium dirimant.* 111. *Plura requiruntur, ut spiritualis cognatio contrahatur.* 1v. *Spiritualis cognatio a Patris non contrahitur, si baptismus conferatur privatum; nisi in Ecclesia solum suppliceat solemnitates.* Baptizans autem illam contrahit, etiam in baptismo privato. *Quid si Pater filium baptizet?* v. *In baptismo, in quo Patris suscipit puerum per Procuratorem, probabilis solus Principalis cognationem contrahit.* vi. *Si plures puerum teneant in baptismo, quisnam contrahit cognationem?* vii. *Cognationis Legalis impedimentum probabilis per solam adoptionem perfectam contrahitur.* viii. *Num sit jure natura irritum matrimonium inter fratrem, & sororem?* ix. *Quid de Matrimonio inter Avum, & Nepotem? Aut inter Affines in primo gradu?* x. *Quid de matrimonio inter Patrem, & filiam?*

ARTIC. VII. 134

De Impedimento Affinitatis.

1. *Quid sit Affinitas? Et quomodo Affinitas non pariat Affinitatem?* 11. *Ex dirimis Matrimonium usque ad quartum gradum, si oriatur ex copula licita; usque ad secundum vero, si ex fornicaria.* 111. *Si matrimonium sit ratum, & non consummatum, contrahitur impedimentum publice honestatis usque ad quartum gradum, non vero affinitatis.* 1v. *Probabilis non est jure natura irritum matrimonium inter Privignum,*

& Novercam, v. Affinitas matrimonio superveniens quid ferat?

ARTIC. VIII. 136

De Impedimento Criminis, & Raptus.

1. *Crimina Homicidii, Adulterii, & Raptus matrimonium dirimunt.* 11. *Plura requiruntur, ut Homicidium pariat hunc effectum.* 111. *Quid requiratur, ut Adulterium dirimat Matrimonium?* 1v. *Promissio facta a Tuo femina de illa ducenda post mortem sua uxoris est illicita simul, & invalida.* v. *Raptus quid sit? Et quando matrimonium dirimat?* vi. *Validum est matrimonium inter Raporem, & Raptam, si ea volente, & invitiis damnearum parentibus rapiatur.*

ARTIC. IX. 137

De Impedimento disparitatis Cultus.

1. *Matrimonium fidelis cum non baptizato est irritum; cum haereticis tamen est illicitum: esto consuetudine in multis locis permittatur, si non sit periculum perversionis; nec paalum inestur, quod aliqui ex filiis haeresi adhaerant.* 11. *Si aliter ex conjugibus Infidelibus ad fidem convertatur, dissolvitur vinculum conjugale, si nolit aliter sine injuria Creatoris cohabitare, aut si simpliciter cohabitare nolit.* 111. *Si tamen velit cohabitare pacifice, probabilis teneatur fidelis discedere quoad totum.* 1v. *Horum filii, si careant usu rationis, conjugem fidelem sequi debent; si vero sine praeiitu usu rationis, liberum est illis sequi parentem, quem malint. Quod si de rationis usu dubitetur, adhuc debent fidelem parentem sequi.*

AR-

ARTICULUS X. 139

De reliquis Impedimentis dirimentibus, præferim Publicæ Honestatis, & Impotentia.

1. Excommunicantur Domini temporales, & Magistratus, qui directè, vel indirectè cogunt alios, ne libere matrimonium contrahant. 11. Etiam inter Infideles illicita est Polygamia; Qui autem plures uxores habet, si ad fidem convertatur, primam dumtaxat retinere debet, si velit hæc ad fidem converti; Quod si nolit, non tenetur ille alias ducere, quamvis vellent converti. 111. Ut possit aliquis ad secundas nuptias transire, non sufficit probabilitas, sed requiritur moralis certitudo de morte prioris conjugis. 1v. Sponsalia invalida non parant impedimentum publica honestatis, etiam si sint invalida ex defectu consensus; secus vero matrimonium ratum. v. Quid sit Impotentia? Et quomplex? vi. Num impotentia perpetua dirimat matrimonium in ordine ad caste, ac socialiter vivendum? vii. Quid si dubitetur, Num impotentia antecesserit matrimonium, an subsequuta fuerit? viii. Et quid si dubitetur, num sit perpetua, an temporalis? ix. Num senes capitales valide matrimonium contrahant? Quid de Eunuchis, de Maleficiis, ac de Hermaphrodito? x. Etas ad matrimonium requisita quamnam sit?

ARTICULUS XI. 143

De Impedimentis impediens.

1. Recensentur impedimenta impediens. 11. Tria dumtaxat sunt in usu; Ecclesie vetitum, Sponsalia, Votum. 111. Quid veniat nomine Interdicti? Quid nomine Temporis feriarum? Quid nomine Catechismi? 1v. Ad quid tenetur, qui emissio voto sive castitatis, si-
Pars VII.

ve religionis; matrimonium contrahit? v. Num sit licitum matrimonium habenti votum castitatis, si deur matris obligatio non petendi debitum? vi. Num habens votum castitatis possit aliquando petere debitu a conjuge? vii. Illicitum est contrahere matrimonium cum habente votum castitatis; nisi hic illud offerat. viii. Habens votum castitatis nequit uxorem ducere ad sedandas urgentes tentationes. 1x. Etiam Episcopus in impedimentis impediens dispensare potest, excepto Voto, & Sponsalibus.

QUÆSTIO VI. 146

De Dispensatione in Impedimentis matrimonii dirimentibus.

ARTICULUS I. ibi

Quinam possit in matrimonii impediens dispensare?

1. Quid interest inter legis Dispensationem, Irritationem, Abrogationem, Derogationem, & Interpretationem? 11. Privilegium a dispensatione, & a licentia in quo differant? 111. Dispensatio in lege Superioris est invalida, si fiat sine causa, sicut etiam interpretatio in lege Divina, puta in voto, aut iuramento, etiam si fiat a Pontifice. 1v. Dispensatio strictè est interpretanda; secus vero Privilegium; & Potestas dispensandi universim; non tamen si talis potestas respiciat particulares personas. v. In impedimentis iure divino dirimentibus Papa dispensare non potest; nisi ea dirimant iure naturali secundario, ut sunt votum, & Sponsalia, ac matrimonium ratum. vi. Num possit Pontifex dispensare, ut Sacrificium fiat sub una tantum specie? Num etiam quod Episcopus non resideat? vii. Potest Pontifex dispensare in radice matrimonii, legitimando prolem relate ad
C c effe.

efficiens canonicos, non velat ad civiles. **VIII.** Episcopus potest ex causa urgentissima pro foro conscientia dispensare in aliquo impedimento occulto dirimente, etiam ante contrahendum matrimonium. **IX.** Num id liceat aliquando Religiosis ex privilegio?

ARTICULUS II. 152

De Causis ad Dispensationem requisitis.

1. Ut sit valida dispensatio Inferioris in lege Superioris, satis est, quod causa probabiliter reputetur sufficiens. **II.** Valde Legislator, quamvis illicite dispensas sine causa cum subditis suis. At secummes in tali lege etiam invalide dispensat. **III.** Peccas mortaliter, qui in re gravi sine causa dispensat in lege Superioris; Sicut etiam qui talem dispensationem petit; & qui ea utitur. **IV.** Qui vero in propria lege sine causa dispensat, probabiliter peccat solum venialiter; sicut etiam qui petit talem dispensationem, & qui ea utitur. **V.** Plures enumerantur causa, ob quas peti potest dispensatio in impedimento matrimonii. **VI.** Ad dispensandum in impedimento Poti duplex causa a Doctoribus assignatur. **VII.** Quanam sit causa sufficiens, ut dispensetur in impedimento Sponsalium?

ARTICULUS III. 156

De Dispensatione surreptitia, & nulla.

1. Rescripta gratia per surreptionem obtenia sunt ipso iure irrita; secus vero Rescripta iniustitia. **II.** Quanam falsi expressio, aut veritatis sacurnitas reddat dispensationem surreptitiam? **III.** In dubio, num dispensatio sit surreptitia, probabilius dicendum, esse nullam. **IV.** Num dispensatio sit surreptitia, si

duplex causa exponatur, quarum altera est falsa? **V.** An possint duo impedimenta in diversis personibus separatim exprimi? **VI.** Si impedimentum oriatur ex duplici titulo, probabilius uterque exprimi debet; ut si quis duas Beria sorores cognovisset. **VII.** Quando petitur dispensatio super gradibus consanguinitatis, satis est, quod gradus remotior exprimatur, dummodo gradus propinquior non sit primus. **VIII.** Num debeat exprimi incestus, si praecesserit, quando petitur dispensatio in impedimento cognationis? **IX.** Potestas dispensandi cum personis incertis non expirat morte concedentis; secus vero si detur facultas dispensandi cum aliquo particulari: Facultas vero data alicui, ut dispensetur, vel absolvatur, neque expirat morte concedentis. **X.** Facultas data ad beneplacitum concedentis expirat per huius mortem, aut amissionem ab officio, si data sit alicui particulari; secus vero si sit data Communitati.

QUÆSTIO VII. 172

De Ufu, ac Debito conjugali.

ARTICULUS I. ibi

Qua ratione actus conjugalis sit licitus?

1. Ob quem finem exerceri possit actus conjugalis? **II.** Vacat veniali culpa, illum exercere ad vitandum periculum incontinentie. **III.** Consilium sanum est certis temporibus ab illo abstinere. Et regulariter est veniale post illum accedere ad Eucharistiam. **IV.** Potest aliquando licitus esse in Ecclesia actus conjugalis; Et tunc Ecclesia non polluitur. At polluitur per effusionem seminis sacrilegam, qua non fit occulte, & fiat in ipso corpore Ecclesia. **V.** Non tenetur conjux reddere debitum, quando alter est amens, aut ebrius. **VI.** Ne
ad

ad vitam quidem tuendam licitum est procurare feminis effusionem; quamvis licitas eam non impedire, dum in somnis caput. VII. Motus sensualitatis secundo primi sunt venialia, si proveniant ex causa venialiter mala circa periculum consensus. VIII. Non resistere positive cogitationibus, & delectationibus impuris num sit mortale? IX. Qui sine iusta causa exerceat actiones notabiliter in pollutionem influentes, peccat graviter; peccat vero leviter, si raro, & per accident in illam insuanti. X. Quicumque modicissima delectatio venerea deliberate quaesita, & admissa non vacat lethali culpa. XI. In quo differat delectatio venerea a sensitiva non venerea? XII. In aliquo sensu admitti potest, quod in re ex objecto venerea deat materia parvitas; non tamen in delectatione venerea.

ARTICULUS II. 169

De Obligatione actus Conjugalis.

I. Num conjux teneatur aliquando debitum petere? II. Quandonam vacat lethali culpa negare debitum conjugi illud petenti? III. Non teneatur conjux cum gravi suo detrimento reddere debitum, etiam si alteri imminet periculum incontinentiae. IV. Secluso hoc periculo non peccat, qui debitum negat, ne prolem multiplicet, quam sustentare non potest. V. Teneatur uxor a sejunctis abstinere, quando aliter nequit cum reciproco amore convivere cum marito. VI. Quandonam licite debitum redditur illicito petenti? VII. Qui reddit debitum conjugi habenti votum castitatis, licet cooperetur actui sacrilego, non peccat, quia actus est solum sacrilegus ex parte petentis, non vero ex parte ipsius actus. VIII. Cur non possimus similiter ministrare carnes habenti votum jejunandi? Aut reddere gladium Domino furioso? IX. Quare non licet red-

dere debitum cum gravi damno temporali petentis, & tamen licitum est illud reddere, quando sacrilege petitur cum gravissimo ipsius petentis damno spiritali? X. Teneatur conjux debitum reddere, etiam quando actus est solum venialiter ratione sui illicitus.

ARTICULUS III. 173

De iis, quae impediunt usum matrimonii.

I. Quatuor sunt, quae privant jure petendi debitum. II. Astrictus voto castitatis nequit debitum petere, nisi quando petitio esset potius redditio; aut si aliter praevideretur in altero periculum incontinentiae. III. Num votum castitatis a viro emissum invita uxore sit irritum? Etiam si non sit irritum, probabiliter potest illud ab uxore irritari. IV. Habens votum castitatis num teneatur post matrimonium ratum reddi Religionem, ne se exponat periculo petendi debitum? V. Si post matrimonium superveniat conjugi cognatio spiritualis, non privatur jure petendi debitum. At si superveniat affinitas, solum conjux incestuosus eo privatur. Possuntque Religiosi Privilegiati in hoc dispensare. VI. Hac pena non incurritur ab incestuoso habente ignorantiam sive juris, sive facti; Nec ab incestuoso, qui propriam consanguineam cognovit. VII. Conjux certus de nullitate matrimonii, quamvis id probare non possit, & censuris adigatur ad debitum reddendum, neutiquam potest illud reddere. VIII. Quicquid sit, an possit iudex damnare illum, quem scit esse innocentem, & secundum allegata, & probata est mortis reus. IX. Dubitans de validitate matrimonii jam contrahit nequit debitum petere, antequam diligentiam adhibeat, licet post primum bimestre teneatur reddere. At si dubium vinci non potest, licitum erit etiam petere, dummodo bona fide con-

iraxeris. x. Quod si uterque conjux dubites, nemo potest petere, nec redere ante diligentiam. xi. Habens opinionem probabilem de invaliditate matrimonii sine probabilitate de ejus valore, petere debitum non potest: secus vero si utrinque deus probabilitas. xii. Num liceat cum opinione solum probabili de carentia impedimenti matrimonium contrahere?

ARTICULUS IV. 179

Utrum delectationes morosæ, tactus turpes, & alia hujusmodi liceant conjugibus?

i. Conjugem in absentia alterius conjugis delectari veneret de copula circa periculum pollutionis, videtur esse dumtaxat veniale. In viduis tamen id est mortale, sicut & in Sponsis. ii. Quid de tactibus, verbis turpibus, & aspectibus inhonestis inter conjuges? iii. Num Sponsis liceat oscula, & amplexus? & num circa mortale ordinari possint ad delectationem inde capiendam? iv. Tactus impudici inter conjuges cum periculo pollutionis quandoque excusentur a culpa gravi? v. Num si re levis culpa possit conjugatus seipsum turpiter tangere prae se ob delectationem? vi. Paria poena statuta sunt Adulteris. vii. Si conjugatus adulteretur cum alia coniugata, utriusque conjugium in confessione explicandum est. viii. Probabilis delectatio morosa non fert specialem malitiam in confessione explicandam per hoc, quod sit in conjugatis. ix. Ut licet, & meritorie alius conjugalis exerceatur, oculo observanda sunt.

QUÆSTIO VIII. 183

De Divortio.

ARTICULUS I. ibi.

De Divortio ex mutuo consensu.

i. Quadrupliciter possunt conjuges ex mutuo consensu facere divorcium. ii. Si maritus de consensu uxoris Sacris initiatur, hac, si sit juvenis, debet ingredi Religionem. iii. Num uxor senex possit cum marito Sacerdote cohabitare?

ARTICULUS II. 184

De Divortio ob causam Adulterii.

i. Sufficiens causa ad divorciandum est Adulterium. ii. Sodomitæ, & brutalitates probabiliter non præbent causam sufficientem ad faciendum divorcium. iii. In foro conscientia qui certus est de conjugis adulterio, potest auctoritate propria facere divorcium. iv. Quid requirunt ad habendam certitudinem moralem, quod conjux adulteratus sit? v. Tunc solum conjux innocens tenetur divorcium facere, quando non est alia via corrigendi alterum, qui in adulterio persistit. vi. In multis tamen casibus adulter dimitti non potest; Et probabilius vir nequit conjugem adulteram dimittere, si per metum gravem fuerit cognita. vii. Si uterque conjux fuerit adulter, delicta compensantur. At si alter tantum sit emendatus, poterit hic divorcium petere, altero post monitionem persistente. viii. Index potest post emendationem conjuges per divorcium separatos iterum coniungere. ix. Conjux innocens habet ius cogendi rem, ut ad se redeat. x. Potest innocens tribuere ius petendi debitum alteri conjugi adultero, non tamen incestuoso. xi. Con-

jux

ix innocens post sententiam divortii potest Sacros Ordines suscipere, aut Religionem ingredi altero invito; non tamen adulter. XII. Si alter conjux sive innocens, sive adulter consentiente altero Religionem ingreditur, qui manet in saculo, non tenetur emiserere votum castitatis.

ARTICULUS III. 188

De aliis causis faciendi divortium ad tempus.

1. *Quenam sint causa faciendi divortium ad tempus? II. Hæresis alterius conjugis non dat causam faciendi divortium perpetuum, (sicut dat adulterium) sed solum ad tempus; Nisi ta-*

men publice ille sit ab Ecclesia damnatus. III. Si maritus ad scelus nefandum pettrahat uxorem, & nolit corrigi, hæc potest divertere. IV. Sicut etiam si uxor sepe, & atrociter a marito percutiatur. V. Uxor venesica, quæ consilio damonis nititur, dimitti potest. VI. Votum castitatis a conjuge de alterius consensu emissum dat causam diverendi, si remittatur obligatio reddendi debitum. VII. Post divortium filii sequuntur conjugem innocentem. VIII. Cujus autem expensis alendi sint filii? his est inter Doctores, si culpa matris divortium factum sit. Si autem culpa Patris id contigerit, ejus expensis apud matrem alendi sunt. Quod si ex mutuo consensu divortium fiat, proles sriennio minor expensis matris educanda est, deinde expensis Patris.

F I N I S.

IN.

I N D E X RERUM NOTABILIUM,

Quæ in hoc Morali Opusculo de Matrimonio
continentur.

Prior numerus denotat Quæstionem ; Alter Articulum ; Tertius
numerum marginalem .

A

Absolutio est valida, si data sit facultas absolvendi, quin notitia talis facultatis ad absolventem pervenerit : At facultas assistendi matrimonio debet innotescere Sacerdoti, ut valide assistat : sicut etiam Privilegium, ut valide illo Privilegiarius utatur . 4. 11.

Absolutio Sacramentalis num possit aliquando simulari ? 5. 1. 8.

Actus conjugalís ut sit licitus, & meritorius, octo conditiones servandæ sunt . 7. 4. 2. Quo fine exercendus est ?

7. 1. 1. Quamvis non possit ob solam delectationem exerceri, poterit tamen ad vitandam incontinentiam . 7. 1. 2.

Nonnullis temporibus ab eo abstinendum . 7. 1. 3. Quandonam poterit esse licitus in loco Sacro ? Et quando per illum Ecclesia polluitur ? 7. 1. 4.

Conjux potest debitum petere ab altero amente, aut ebrio, non tamen tenetur reddere . 7. 1. 5. Seminis effusionem ad vitam tuendam non licet procurare . 7. 1. 6.

Motus sensualitatis quandonam vacant lethali culpa ? Et quando etiam veniali ? 7. 1. 7.

Num sit mortale negative se habere circa illos ? 7. 1. 8. Causam pollutionis, vel distillationis non impedire, quando sit culpa lethalis ? 7. 1. 9.

Non datur materia parvitas in delectatione venerea deliberate quæsitæ, aut admixtæ . 7. 1. 10.

In re tamen ex objecto venerea dari potest materia parvitas, quæ a mortali excuset . 7. 1. 12.

Actus conjugalís secundum se est debitus sub mortali ; etiamsi petatur implice . 7. 2. 2. Sæpe tamen a mortali excusatur, qui illum negat, aut differt, præsertim si immoderate petatur . Ibid.

Quid si alteri immincat periculum incontinentiæ ? 7. 2. 3. Quid si negetur, ne multiplicetur proles ? 7. 2. 4.

Num teneatur conjux omittere jejunia, si aliter non possit reddere debitum moderate petenti ? 7. 2. 5.

Quandonam licite negatur debitum illicite petenti ? 7. 2. 6. Habens votum castitatis petendo actum conjugalem petit actum sacrilegum, non ratione sui, sed ratione talis Personæ, & ideo debitum illi negari non potest . Ibid.

V. Debitum conjugale .

Actus jurisdictionis gratiosæ, & non contentiosæ exerceri potest a Superiore extra proprium territorium . 4. 4. 2.

Adoptio perfecta dumtaxat, non vero imperfecta probabilius fert impedimentum cognationis legalis . 5. 6. 7.

Adultero conjugi quintuplex poena a jure infligitur . 7. 4. 6. Quandonam adulterum conjugi dat alteri jus ad divortium ? 8. 2. 3.

In multis casibus adulter non potest dimitti . 8. 2. 6. Potest conjux innocens tribuere jus petendi debitum conjugi adultero, non tamen incestuoso . 8. 2. 10.

Adulterium quandonam dirimit matrimonium ? 5. 8. 3.

Ætas requisita jure Ecclesiastico ad matrimonium contrahendum quænam sit ? 5. 10. 8.

Affinitas irritat præcedentia Sponsalia . 2. 7. 1. At Sponsus reus tenetur petere

re dispensationem, si alter id velit.

2. 7. 2.

Affinitatis impedimentum quodnam sit? 5. 7. 1. Num jure naturæ affinitas in primo gradu lineæ rectæ matrimonium dirimat? 5. 7. 4. Duplex est effectus affinitatis matrimonio supervenientis. 5. 7. 5.

Arrhæ quid sint? Et an licite Sponsalibus apponantur? 1. 6. 10. In quo differant Arrhæ a jocalibus? ibid.

Assistentia matrimonio Parochi, & licentia, quæ ab eo Sacerdoti detur ad assistendum, non sunt actus jurisdictionis; unde possunt in aliena Parochia exerceri. 4. 4. 9

B

Baptismum recipientes conjuges infideles num debeant matrimonium ratificare coram Parocho, & testibus? 3. 1. 12.

Baptizatus si ex dispensatione cum Infideli nubat, num suscipiat Sacramentum matrimonii? 3. 1. 11

Baptizatus si velit matrimonium contrahere, & nolit Sacramentum recipere, num valide contrahat? 3. 1. 9. Quid si prior intentio contrahendi prævaleat? ibid.

Benedictio solemnis Sponsorum est actus Ordinis, non vero assistentia matrimonio Parochi. 4. 4. 9

Benedictionem nuptialem omittere ante consummationem matrimonii num sit mortale? 4. 5. 6. Secundæ nuptiæ multis in locis benedici non solent, ibid.

Bona fides operantis potest aliquando satis esse, ut licite matrimonium contrahatur, quin sufficiat, ut contrahatur valide. 8. 2. 1

C

Causa, Demonstratio, aut Modus num suspendant contractum, si illi adjiciuntur? 4. 6. 2

Cæci, qui simul sunt surdi, ac muti, nequeunt sponsalia contrahere. 1. 5. 6

Catechismi impedimentum non est in usu. 5. 11. 3

Clandestinum Matrimonium V. *Consentibus clandestinis*.

Cognatio triplex est, Spirituális, Naturalis, & Legalis. 5. 6. 1. Olim præter Paternitatem, & Compaternitatem dabatur Confraternitas. 5. 6. 1. Cognatio naturalis dirimit nunc usque ad quartum gradum. 5. 6. 2. Quomodo gradus numerentur? ibid. Cognatio spirituális plura requirit, ut contrahatur. 5. 6. 3. Quando mittitur Procurator ad suscipiendum infantem in baptismo, probabilius Principalis contrahit cognationem. 5. 6. 5. Si plures puerum suscipiant, quinam cognationem contrahit? 5. 6. 6

Conditio servilis jure Ecclesiastico dirimit matrimonium. 5. 3. 1. Ea debet esse ignorata ab altero contrahente. ibid. Mancipium potest invito Domino nubere, dummodo contentum petat (esto non obtineat) a Domino, & servilis debitis non desit. 5. 3. 2. Si domino simul, & uxori satisfacere non possit, utrius jus prævalere debet? 5. 3. 3. Num possit dominus illum jam uxoratum vendere? ibid. Filii Parentum, quorum alter tantum sit servus, sequuntur conditionem matris quoad servitutem; Patris vero quoad honores, & nobilitatem. 5. 3. 5.

Confessiones audiendi facultas data alicui determinatæ personæ ab beneplacito mox concedentis expirat; secus vero si concedatur omnibus indiscriminatum. 6. 3. 10

Conjugatus num possit seipsum venundare? 5. 3. 4

Confirmationis Minister Ordinarius est Episcopus, & in casu urgenti potest Pontifex id committere Sacerdoti. 6. 1. 6.

Conjugatus peccans cum alia conjugata debet in confessione utriusque conjugum exprimere. 7. 4. 6. Sicut debet explicare suum conjugium, si molliem, sodomitam, aut bestialitatem committat. ibid. Num etiam si morose delectetur? 7. 4. 8

Conjuges num citra mortale delectari possint de copula in absentia alterius conjugis? 1. 7. 6

Conjuges num possint per primum bimestre negare debitum, quamvis de Religione non cogitent? 3. 2. 10

Conjux promittens alteri matrimonium con-

contrahendum post mortem conjugis peccat, & promissio est irrita. 5. 8. 4.
Conjux tenetur omittere jejunia Ecclesiastica, si aliter non possit debitum reddere moderate petenti. 7. 2. 5. Sicut etiam si notabiles discordiæ oriuntur, quando in hoc uxor non obedit marito. *ibid.*
Consensus ad valorem matrimonii requisitus debet esse signo externo expressus, & liber a coactione. 4. 1. 1. Consensus simulatus est sacrilegus, & injustus. *ibid.* In aliquibus casibus deceptor potest alia via damnum compensare, quam per consensum interni ratificationem. 4. 1. 2. Quid faciat, qui simulato animo contraxit cum una, ac deinde vere contraxit cum altera, & ab Ecclesia censuris ad primum matrimonium adigitur? 4. 1. 3. Consensum hunc simulare ex justa causa num liceat? 4. 1. 4.
Consensus coactus quandomodo reddit irritum matrimonium? 4. 3. 1. In utroque foro est irritum matrimonium, si metus gravis injuste sit incussus ad illud extorquendum. 4. 3. 3. Probabilis tamen est irritum jure tantum Ecclesiastico. 4. 3. 4. Votum sic extortum neque jure naturæ, neque Ecclesiastico est irritum. *ibid.* Si metus injuste incussus ad matrimonium, vel votum, vel alium contractum extorquendum sit levis, quid dicendum? 4. 3. 6. Quid si metus sit reverentialis, aut preces sint importune? 4. 3. 7. Si invalidum sit matrimonium ratione consensus coacti, num revalidetur per copulam subsequentem? 4. 3. 8. Et quid si copula etiam metu gravi extorqueatur? *ibid.*
Consensus conjugum conditionatus, quando matrimonium privatim revalidandum est, non sufficit. 4. 7. 14. Non debet tamen utrique conjugi esse nota nullitas matrimonii, ut per consensum absolutum revalidetur, quando ex tali noticia orirentur scandala. *ibid.* Nec talis error officeret validitati consensus, cum non sit error circa substantiam matrimonii, sed circa qualitates. *ibid.*
Consensus conditionatus multiplex est. 4. 6. 1. Quandomodo suspendit, aut vitiat contractum conditio, demonstra-

tio, dies, aut modus, si illi adjiciantur? 4. 6. 2. Consensus conditionatus num purificata condicione requiratur novum consensum absolutum? 4. 6. 4. Validusne sit contractus purificata condicione, etiam si notitia non pervenerit ad contrahentes? 4. 6. 4. Num debeat esse notus Parocho, & testibus eventus conditionis? *ibid.* Conditiones turpes, quæ adversantur substantiæ matrimonii, reddunt illud irritum; secus vero alie. 4. 6. 5. Conditiones impossibiles in solo contractu matrimonii habentur pro non expressis; in aliis vero contractibus denotant disconsensum: Sicut etiam conditiones turpes. *ibid.* Si dubitetur, an joco apposita sit matrimonio conditio impossibilis, aut turpis, standum pro valore matrimonii. *ibid.* Quomodo intelligenda sit hæc conditio, *Si Patri placuerit*? 4. 6. 6. Conditiones indifferentes, & impertinentes contractum matrimonii suspendunt. 4. 6. 8. Num idem dicendum de contractu conditionato Sponsalium? 4. 6. 9.
Consensus interni ad matrimonium requisiti quænam signa externa satis sint, & requirantur? 4. 2. 2.
Consensus matrimonialis dicitur clandestinus simpliciter, si habeatur sine assensu Parochi, & testium. 4. 4. 1. In nulla necessitate licitum est matrimonium simpliciter clandestinum, nisi forte in locis Infidelium, ubi Parochus haberi nullatenus potest. 4. 4. 2. Cur lex ista non patiatur Epichejam, nec alie similes, quæ recententur? 4. 4. 3. Nec potest in ea Episcopus dispensare. 4. 4. 5. Ea non obligat, ubi Tridentinum non est receptum. 4. 4. 6. Nec in locis Infidelium, ubi lex ista non viget. *ibid.* Matrimonium si fuerit nullum ob impedimentum occultum, quod probari non possit, non est necesse, quod revalidetur coram Parocho, & testibus, & quare? 4. 4. 7. Quando coram Parocho, & testibus celebratur matrimonium sub condicione, hac purificata, num debeat iterum celebrari contractus coram Parocho? *ibid.* Quinam Parochus, & quinam testes requirantur ad valorem matrimonii. 4. 4. 8. Quid si Sacerdos per metum gravem, aut per do-

dolum obtineat a Parocho licentiam
assistendi? 4. 4. 9. Invalide assistit Sa-
cerdos, qui facultatem obtinuit, sed
de illa non est conficius. 4. 4. 11
Consensus secundum quid clandestinus
habetur, si solum desint denunciatio-
nes præfixæ. 4. 5. 1. Iis omnis mat-
rimonium non est invalidum. *ibid.* Quas
ob causas possit Episcopus in procla-
mationibus dispensare? 4. 5. 2. Vi pro-
clamationum secundum se revelari
debent etiam impedimenta occulta,
quæ probari non possunt, & quæ
sub secreto, & cum juramento acce-
pta fuerint. 4. 5. 3
Consuetudo probabiliter efficere potest,
ut nova impedimenta dirimentia ma-
trimonium inducantur, & inducta
tollantur. 5. 1. 3
Contractus tam gratui, quam onerosi
metu gravi extorti jure naturæ sunt
validi, & solum rescindendi ad arbi-
trium metum passi. 4. 3. 5. Qui vero
metum injustum intulit, tenetur da-
mnum rescircire. *ibid.*
Copula cum Sponsa ad quid obliget, si
notabilis mutatio accidat, quæ dat
jus resiliendi a Sponsalibus? 2. 6. 4
Copulam habens cum secunda sponsa
num teneatur vi prioris contractus
ducere primam? 2. 5. 4
Crimen dirimens matrimonium triplex
est; Homicidium, & Adulterium jure
Ecclesiastico antiquo; ac Raptus
jure novo. 5. 8. 1

D

Debitum conjugale negari non debet
illicite petenti, quando actus con-
jugalis ex circumstantia Personæ est
malus per accidens; secus vero si ra-
tione sui sit malus. 7. 2. 6. Immo nec
debet negari debitum, si actus conju-
galis ex circumstantia ipsius actus sit
solum venialiter malus. *ibid.*
Debitum conjugale petere non potest,
qui votum habet castitatis, & qui co-
gnationem, aut affinitatem contraxit
post matrimonium; & qui de matri-
monii validitate dubitat. 7. 3. 1. Con-
jux potest petere debitum, quamvis
baptizet, vel suscipiat in baptismo,
aut confirmatione filium communem.
7. 3. 5. Sicut etiam qui ex metu gravi
Par VII.

injuste incusso commisit incestum cum
consanguinea conjugis in primo, vel
secundo gradu. *ibid.* Nec privatur ja-
re petendi debitum, qui hunc ince-
stum commisit cum ignorantia talis
pœnæ. 7. 3. 6. Certus de nullitate ma-
trimonii nequit debitum reddere,
quamvis ad id censuris compellatur.
7. 3. 7. Num possit petere, ac redde-
re debitum, qui dubitat de validitate
matrimonii? 7. 3. 9. Qui mala fide
contraxit sub hoc dubio, nunquam
potest petere. 7. 3. 10. Quid si quis
probabiliter opinetur, matrimonium
esse nullum sine ulla probabilitate de
ejus valore? *ibid.*
Debitum potest petere conjux sanæ men-
tis ab altero amente, aut ebrio; non
tamen tenetur reddere. 7. 1. 5
Debitum petere non potest a conjuge,
qui ejus sororem, vel consobrinam co-
gnovit; Possunt tamen in hoc Mendica-
ntes Privilegiati dispensare. 5. 7. 5
Delectatio venerea quid sit? Et an spon-
sis permitti possit? 1. 7. 6. An saltem
conjugibus in absentia alterius conju-
gis? *ibid.* & 7. 4. 1.
Delectatio venerea deliberate quæsitæ,
aut admixta non patitur materia par-
vitatem. 7. 1. 10. Dari tamen potest
in re ex objecto venereæ materiæ par-
vitas excusans a mortali. 7. 1. 12
Delectatio venerea conjugis in absentia
alterius conjugis num sit culpa lethali-
lis? 1. 7. 6. & 7. 4. 1. In viduis, &
probabilius etiam in sponis ea est
mortalis, non secus ac in solutis. *ibid.*
Oscula etiam, & tactus inhonesti in-
ter conjuges carent culpa, si ad copu-
lam debito sine petendam ordinentur;
Si vero ad meram delectationem, non
vacant veniali culpa. *ibid.* Quando-
nam a mortali excusentur, si subest
periculum pollutionis? 7. 4. 4. Num
citra mortalem culpam possit conjux
seipsum turpiter tangere sine periculo
pollutionis? 7. 4. 5. Delectationes mo-
rosee, si habeantur a conjugatis, num
habeant malitiam adulterii in confes-
sione explicandam? 7. 4. 8
De consuetudine nonnulla impedimenta ma-
trimonii non obligant. 5. 1. 4
Deus in quo sensu dicatur non posse dis-
pensare in jure naturæ? 3. 3. 6
Disparitas cultus quodnam matrimo-
nium

nium dirimat? 5. 9. 1
 Dispensare ex gravi causa in Sponsalibus solus Pontifex potest, non vero Episcopus. 2. 9. 4
 Dispensare. V. Pontifex. V. Episcopus.
 Dispensatio in lege quid ferat? Et quid sit legis irritatio, Abrogatio, Derogatio, Interpretatio? 6. 1. 1. Est actus jurisdictionis dispensatio; unde lex divina nequit subesse hominis dispensationi, sed solum interpretationi. ibid. Quomodo a Privilegio differat? Et a Licentia? 6. 1. 2. Dispensatio in lege, & in voto, aut juramento in quo differant? 6. 1. 3. Dispensatio regulariter stricte interpretanda, secus vero potestas dispensandi generaliter concessa. 6. 1. 4. In tribus impedimentis jure naturæ matrimonium dirimentibus Pontifex dispensare non potest. 6. 1. 5. In reliquis potest. ibid. Num possit dispensare in radice matrimonii invalide contracti, etiam in ordine ad effectus civiles? 6. 1. 7. Probabilius ne indirecte quidem id potest. ibid. Num possit Episcopus in aliquo urgentissimo casu dispensare in aliquo impedimento dirimente occulto, si bona fide fuerit invalide contractum matrimonium? 6. 1. 8. Num etiam in casu necessitatis, antequam matrimonium contrahatur? ibid. Mendicantes Privilegiati solum dispensare possunt in foro conscientie ad debitum petendum, quando id conjugibus non licet. ibid.
 Dispensatio in lege Superioris, ut sit valida, causam justam requirit. 6. 2. 5. Hinc invalide Episcopus in lege jejuni, & Pontifex in votis, aut juramenti dispensat, si causa justa non detur. ibid. Sufficit tamen, ut causa probabiliter existimetur justa. ibid. In lege propria valide, sed illicite Superior sine justa causa dispensat cum suis subditis. 8. 2. 2. At secummet tum illicite, tum invalide. ibid. Num peccet graviter, qui sine justa causa dispensationem concedit, petit, acceptat, aut ea utitur? 6. 2. 3. Causa justa ad dispensandum in impedimentis matrimonii est exhibitio copiosæ eleemosynæ ad pias causas erogandæ. 6. 2. 4. Recensentur plures causæ, ob quas peti potest dispensatio in impedimentis cognationis, & affinitatis. 6. 2. 5.

Cur sine nota acceptionis Personarum Ecclesia facilius dispensat cum Nobilibus, quam cum Plebeis? ibid. Major causa requiritur, ut fiat dispensatio in cognatione spiritali, quam in naturali. ibid. Duplex causa existimatur justa, ut peti possit dispensatio in impedimento Voti. 6. 2. 6. Quænam possit esse causa, ut in impedimento impediende Sponsalium fiat dispensatio? ibid.

Dispensationem in impedimentis Matrimonii petere num teneatur, qui consanguineam, aut aliter impeditam defloravit promittendo illi matrimonium, nulla facta mentione de petenda dispensatione. 1. 2. 3

Dispensatio surreptitia quænam sit? 6. 3. 1. Rescripta Gratiz per surreptionem obtenta sunt irrita; non vero rescripta justitiæ. ibid. Quænam taciturnitas veri, aut expressio falsi reddat dispensationem surreptitiam, & irritam? 6. 3. 2. Num si dubitetur de surreptione, dispensatio censenda sit irrita? 6. 3. 3. Num totaliter sit irrita dispensatio, si surreptio cadat solum circa partem petitionis? 6. 2. 4. Ne dispensatio sit surreptitia, quando duo dantur impedimenta, debet ne in eadem petitione utrumque exponi? 6. 3. 5. Si impedimentum sit ex duplici titulo, debet ne uterque titulus exponi? 6. 3. 6. Gradus explicandus ad obtinendam dispensationem sufficit, si sit remotior, si tamen matrimonium non sit contrahendum inter Patrum, & Nepotem. 6. 3. 7. Num explicanda sit copula, si ea præcesserit? 6. 3. 8. Quid pro foro externo? ibid. Dispensandi potestas num expiret morte concedentis? 6. 3. 9. Num si ea concedatur ad beneplacitum concedentis? 6. 3. 10

Divortium ex mutuo consensu quadrupliciter fieri potest. 8. 1. 1. Quid requiritur, ut maritus de consensu uxoris Sacris Ordinibus initiatur? 8. 1. 2. Adulterium dat jus ad divortium, & probabilius etiam brutalitas, & sodomia. 8. 2. 2. Num possit conjux innocens propria auctoritate facere divortium ob alterius adulterium? 8. 2. 3. In multis casibus non potest adulter dimitti. 8. 2. 6. Conjux innocens concedere potest jus petendi debitum con-

conjugi adultero, non tamen incestuoso. 8. 2. 10. Quandonam possit conjux innocens, aut adulter Sacros Ordines suscipere, vel ingredi Religionem? 8. 2. 11. Quænam sint causæ, propter quas fieri potest divortium ad tempus? 8. 3. 1. Votum castitatis utriusque conjugis consensu emissum num det jus ad divortium? 8. 3. 6. Filii post divortium sequuntur partem innocentem, nisi ea sit infidelis. 8. 3. 7. A quo tamen sint alendi? 8. 3. 8

Dolus dans causam contractui Sponsalium adhibitus a decipiente probabilis non reddit illum irritum, sed irritandum ad arbitrium decepti. 2. 8. 3. Quod si dolus incidat in contractum, valida sunt Sponsalia. 2. 8. 5. Vitium occultum quandonam debeat a Sponsis manifestari, ne contractus sit irritus, aut irritandus? 2. 8. 6

Dolus dans causam contractui illum irritat solum, si error sit circa substantiam contractus: At contractus bonæ fidei si hoc dolo circa accidentia celebrentur, sunt irritandi. Et quidem etiam contractus Sponsalium, non tamen matrimonialis. 5. 2. 7

Dolus, qui versatur circa causam finalem, reddit irritam facultatem a Superiore obtentam; secus vero circa impulsivam. 4. 4. 10

Domicilium, & quasi domicilium quomodo acquirantur, ita ut in primis diebus, quibus acquiruntur, possit matrimonium contrahi coram Parocho ejus loci. 4. 4. 8

Donatio, & promissio (non secus ac votum) metu gravi extorta non est jure naturæ irrita, sed solum irritanda. 4. 3. 5. Tenetur tamen refarcire damnum, qui metum intulit. ibid. Promissio usurarum non est invalida, quia coacta, sed quia deficit titulus legitimus. ibid. Etiam contractus onerosus coactus est validus, sed irritandus ad arbitrium metum passi. ibid. Quid si metus sit levis, aut si sit reverentialis, vel preces sint importunæ? 4. 3. 7

E

Ecclēsia non potest immutare materiam, & formam Sacramentorum a Christo Domino institutum. Potest so-

lum immutare leges contractus matrimonialis. 3. 1. 8

Ecclesia quandonam polluat per effusionem seminis, vel sanguinis? 7. 1. 4

Episcopi residentia cum sit de jure divino, quomodo in ea potest Pontifex dispensare? 6. 1. 6. Num possit Episcopus in casu urgentissimo dispensare in aliquo impedimento dirimente occulto, si bona fide sit contractum matrimonium? 6. 1. 8. Num etiam antequam matrimonium contrahatur, si urgeat necessitas? ibid.

Episcopus non potest in Sponsalibus dispensare, potest tamen Pontifex ex gravi causa. 2. 9. 4

Episcopus potest universum in casu necessitatis dispensare in lege Pontificis, aut Concilii; & ideo potest in voto simplici castitatis urgente necessitate dispensare. 6. 1. 8

Episcopus probabilis non potest impedimenta dirimentia matrimonium statuere. 5. 1. 1. Num possit Episcopus pro sua Urbe quicquid potest Pontifex pro toto Orbe? 5. 1. 2

Error communis sine titulo colorato in Parocho intruso num satis sit, ut hic valide matrimonio assistat? 4. 4. 12

Error, seu ignorantia invincibilis eorum, quæ si supervenirent contractui Sponsalium, illa dirimerent, satis est ad ea dirimenda, quamvis præcederent contractum. 2. 8. 1

Erroris impedimentum dirimens matrimonium quando habeatur? 5. 2. 1. Error personæ jure naturæ matrimonium irritat. 5. 2. 3. Alios contractus irritat solum error circa substantiam. ibid. Quomodo fuerit validum matrimonium Jacob cum Lia, quæ putabatur esse Rachel? 5. 2. 4. Error personæ incidens in contractum, seu Comitans pariter irritat matrimonium. 5. 2. 5. Error qualitatē dans causam contractui matrimonium non irritat. 5. 2. 6. Nisi apponatur qualitas per modum conditionis, aut transeat in errorem personæ. ibid. Quid de celebri casu proposito a Tabiena? 5. 2. 7

Eucharistiam in mortali volens suscipere quandonam possit, ac debeat repellī? 4. 5. 4

Excommunicatio non impedit, quominus valide Parochus matrimonio assistat.

stat, aut det Sacerdoti licentiam assendi.

4.4.9

F

Facultas concessa, ac potestas concedendi facultatem num expirent morte concedentis? 6. 3. 9. Quid si concedatur ad beneplacitum concedentis? 6. 3. 10.

Facultas data a Parocho Sacerdoti, ut matrimonio assistat, non sufficit, si de ea non habeatur notitia. 4.4.11

Fama, seu vox publica differt a Rumore; Hic habetur, quando minor pars viciniæ acclamat, illa vero, quando major. 2. 7. 4. Ob famam de impedimento dirimente dissolvuntur Sponsalia, non tamen matrimonium jam contractum. ibid. Sed ob solum rumorem huiusmodi sponsalia non dissolvuntur. 2.4.6

Filii volentes nubere tenentur consilium a Parentibus petere; esto non teneantur illud sequi. 4.3.5

Filii post divortium sequuntur parentem innocentem, nisi hæc sit Infidelis. 8. 3. 7. Sed a quo sint alendi? 8. 3. 8

Fornicatio, seminis effusio, distillatio non possunt ad vitam tuendam procurari; esto liceat ad talem finem amputare, verbi gratia, brachium. 7. 1. 6. Num liceat non impedire seminis effusionem in somnis inceptam? ibid.

Fornicatio Sponsi num det jus resiliendi a Sponsalibus? 2. 1. 1. Quid si deprehendatur, Sponsam, aut Sponsum ante Sponsalia incidisse in fornicationem? 2. 2. 2. Quid si uterque post Sponsalia fornicatus sit? 2. 2. 3

Fuga Sponsi quando dat jus resiliendi a Sponsalibus? 2. 3. 1

G

Gradus, qui explicari debet ad obtinendam dispensationem inter consanguineos, sufficit, si sit remotior; dummodo non sit contrahendum matrimonium inter Patrum, & Nepotem. 6. 3. 7

Græcus Sacerdos transiens per loca Latinorum potest in azyzo celebrare; & viceversa Latinus transiens per Græciam celebrare potest in fermentato.

Index Rerum Notabilium.

4.4.6.

Gratia concessa ad beneplacitum concedentis num huius morte expiret? 6. 3. 10.

Gratiæ Rescripta, non vero iustitiæ; per surreptionem obtenta sunt ipsore irrita. 6. 3. 1

H

Hæresis unius conjugis quando dat causam alteri faciendi divortium perpetuum? 8. 3. 3

Herimaphroditus quonam pacto matrimonium contrahere possit? 5. 10. 8. Quid si post conjugium, aut post Sacerdotium mutet sexum? ibid.

Homicidium quando est impedimentum dirimens matrimonium? 5. 8. 8

Honestatis publicæ impedimentum quando matrimonium dirimat? 5. 10. 4. Matrimonium ratum parit hoc impedimentum, etiamsi sit invalidum, sed non ex defectu consensus; Sponsalia vero quacumque ratione invalida illud non pariant. 5. 10. 4

Hostia non consecrata num possit dari peccatori occulto? 5. 1. 5

I

Ignorans invincibiliter onera annexa Ordini Sacro, si illum suscipiat, ad huc iis oneribus subiacere debet. 5. 5. 4

Ignorantia invincibilis legis potest excusare a culpa, & pœna, sed nequit efficere validum contractum, qui a lege irritatur. 4.4.4

Ignorantia, sive juris, sive facti, sicut excusat ab incurrenda censura, ita excusat a pœna privationis juris petendi debitum, & ab Irregularitate orta ex delicto. 7. 3. 6. Quænam dicatur ignorantia juris, & quænam facti? ibid.

Ignorantia V. Error & Dolus.

Impedimenta dirimentia matrimonium quænam sint? Et a quibus possint ea statui? 5. 1. 1. Possent a Principibus baptizatis statui hæc impedimenta, nisi ab Ecclesia id vetaretur relate ad matrimonium fidelium. 5. 1. 3. Per consuetudinem probabiliter possunt nova impedimenta induci, & inducæ tolli. ibid.

ibid. Probabilius non est sacrilegium, contrahere matrimonium cum impedimento dirimente. §. 1. 4. Recensentur quatuordecim impedimenta dirimentia.

Impedimentum erroris V. Erroris impedimentum.

Impedimentum conditionis servilis. V. Condicio servilis, & sic de aliis impedimentis.

Impedimenta matrimonii impediuntia quænam sint? §. 11. 1. In usu sunt hæc tria, Votum, Sponsalia, & Ecclesiæ vetitum. §. 11. 2. Quid veniat nomine Criminis, nomine Catechismi, nomine Temporis feriatarum? §. 11. 1. Quid nomine voti? V. *Votum castitatis.*

Impedimentum publicæ honestatis non trahitur a Sponsalibus disjunctivis. 1. 4. 3. Quid sit hujusmodi impedimentum? 1. 7. 4., & §. 10. 4. Num cesset hoc impedimentum, si mutuo consensu sponsalia dissolvantur? 1. 7. 4. Num ex matrimonio clandestino, quamvis irritum, illud oriatur? 1. 7. 5. Num per matrimonium contractum inter impuberes? **ibid.** Num oriatur tam ex Sponsalibus, quam ex matrimonio rato, si sint invalida ex defectu consensus? §. 10. 4.

Impedimenta, quæ Sponsalia irritant. V. Sponsalia contrahere.

Impotentia quandonam sit impedimentum dirimens matrimonium? §. 1. 4. Quid faciendum, si de impotentia perpetuitate dubitetur? §. 10. 5. Senes capulares num valide contrahant? §. 10. 8. Invalide contrahunt Eunuchi, Spadones, ac Maleficiati, quando eorum frigiditas fert perpetuam impotentiam. **ibid.** Quid de Hermaphroditis? **ibid.**

Impuberes quonam pacto possint Sponsalia dissolvere? 2. 7. 1. Quid de Impubescentibus, qui juramento Sponsalia confirmarunt? 2. 7. 4.

Infantes in Sacris ordinati ad quid tenentur post usum rationis? §. 5. 4.

Infideles conjuges, si ad fidem convertantur, num sint separandi? §. 9. 2. Si Infidelis plures conjuges habens ad fidem convertatur, poterit ne omnes illas deferere? §. 10. 2.

Infideles conjuges, si baptizentur, num, & quando recipiant Sacramentum matrimonii? 3. 1. 12. Infidelium etiam

matrimonium ex lege Christi Domini est indissolubile; nisi alter ad fidem veniat, nolente altero cohabitare sine injuria Creatoris. 3. 3. 3. Si uterque ad fidem convertatur, probabiliter ex dispensatione Pontificis poterit matrimonium dissolvere, antequam iterum consummetur. **ibid.**

Intentio habitualis non sufficit ad valorem Sponsalium. 1. 1. 7. Quando fit contractus per Procuratorem, tunc intentio in Principali est virtualis. 1. **ibid.**

Intentionem habens contrahendi matrimonium, sed non suscipiendi sacramentum, num valide contrahat? 3. 1. 9.

Intentionum contrariarum (puta contrahendi matrimonium, & non recipiendi Sacramentum) utra prævaleat? 3. 1. 9.

Judex, ut possit Sponsalia dissolvere ob impedimentum aliquod dirimens, factus est, ut unus testis juratus de tali impedimento deponat, aut detur de eo fama: Ut vero det jus alteri ad resciliendum, verbi gratia, ob fornicationem Sponsæ, requiruntur duo testes jurati, qui de tali delicto deponant. 2. 9. 2. Quamvis pro foro interno unus testis fide dignus sufficiat. **ibid.**

Judex, qui potest Sponsum injuste resciliendum cogere ad matrimonium contrahendum, est tam Judex Ecclesiasticus, quam secularis. 2. 9. 3.

Judex num possit damnare, quem privatim scit esse innocentem, si juridice est reus? 7. 3. 8.

Juramentum de non revelando impedimento occulto matrimonii secundum se non obligat. 4. 5. 3.

Juramentum confirmans promissionem differt a juramento illam non confirmante; hoc obligat, etiam si promissio non liget, non tamen illud. 1. 2. 6., & 2. 1. 3. Juramentum fictum ad quid obliget? 1. 2. 8.

Juramentum de solvenda pœna Sponsalibus appositum num obliget? 1. 6. 8.

Juramentum promissorium tria importat. Num in re gravi possit obligare sub levi? 1. 6. 3. Num sit gravis culpa juramentum de patrandi peccato levi? 1. 6. 4.

L

- L**eges contractuum servandæ sunt a contrahentibus advenis, prout obligant in loco, ubi fit contractus. 4. 4. 6
- Leges**, quæ non patiuntur Epichejam, quænam dicantur? 4. 4. 3. Hujusmodi est lex irritans matrimonium clandestinum. 4. 4. 3
- Leges universales** Ecclesiæ servandæ a Peregrinis, puta Gallus transiens per Hispaniam, ubi Tridentinum viget, debet coram Parocho, & testibus matrimonium contrahere; & Mediolanensis transiens Neapolim debet primis quatuor diebus Quadragesimæ jejunare. 4. 4. 6. Potest autem Peregrinus accommodare se legibus loci, puta Neapolitanus potest Mediolani iis diebus non jejunare. ibid.
- Legis** sine cessante in aliquo casu adhuc lex obligat, si casum illum comprehendat; secus vero si non comprehendat. 4. 4. 6
- Lex** Tridentini irritans matrimonium clandestinum debet esse recepta in loco, ubi matrimonium contrahitur, ut obliget: Aliæ vero leges Ecclesiasticæ obligant, quamvis in Curia Romana dumtaxat sint publicatæ. 4. 3. 5.
- Ligaminis** impedimentum dirimit matrimonium jure etiam naturali, & Divino. 5. 10. 2. Infidelis habens plures uxores, si ad fidem convertatur, debetne aliquam ex iis retinere? 5. 10. 2. Quænam certitudo requiratur de mortis conjuge, ut licite novum matrimonium contrahatur? 5. 10. 3.

M

- M**ancipium, V. *Conditio servilis*.
- Mariæ** Virginis matrimonium cum Divo Josepho ad finem vivendi in sancta societate caste, quoniam pacto licuit? 1. 3. 7. & 3. 1. 7
- Mandatum** Procuratori datum si tempore contractus matrimonialis sit revocatum, irritus est contractus, quamvis notitia revocationis non pervenerit ad Procuratorem. 4. 2. 6
- Matrimonialis** contractus jure positivo a Deo institutus fuit, & probabiliter quando Evam formavit ex latere A-

dam. 3. 2. 1. Invalide contrahitur, nisi conjuges obligent se ad tria illa bona Proles, Fidei, & Sacramenti, illicitæ vero, si præcisè intendatur delectatio venerea. 3. 2. 3. Christus Dominus hunc contractum elevavit ad rationem Sacramenti; & probabiliter post Resurrectionem. 3. 2. 6. Ex primæva institutione fuit unius cum una, & indissolubilis; permixtum deinde fuit Judæis, ut vir posset plures ducere uxores; & quod posset dare libellum repudiæ. 3. 3. 1. Baptizatorum matrimonium ex Christi Domini lege est unius cum una; nec potest solvi, nisi matrimonium ratum per Professionem religiosam, aut ex Pontificis dispensatione. 3. 3. 2. Probabiliter jure Ecclesiastico matrimonium ratum dissolvitur per Professionem religiosam. 3. 3. 7.

Matrimonii dissolubilitas, & Polygamia in quo sensu sint contra legem naturalem? 3. 3. 4

Matrimonii impedimenta, V. *Impedimenta*.

Matrimonii usus, V. *Altus Conjugalis*, & *Debitum Conjugale*.

Matrimonium per quem consensus constituitur? V. *Consensus*.

Matrimonium per Procuratorem, V. *Procurator*.

Matrimonium sumptum pro mutuo consensu est causa efficiens Matrimonii formaliter sumpti, seu vinculi conjugalit. 3. 1. 1. Matrimonium causaliter dumtaxat sumptum est Sacramentum. 3. 1. 4. Potest Matrimonium, ac vinculum perseverare sine obligatione reddendi debitum; quando scilicet jus in corpora est impeditum. 3. 1. 5. Semper datur obligatio servandi tria Matrimonii bona, videlicet Proles, Fidei, & Sacramenti. 3. 1. 7. In antiqua lege Matrimonium non erat Sacramentum pressè dictum. 3. 1. 8. Matrimonium baptizatorum non potest consistere, quin sit Sacramentum. 3. 1. 9. Matrimonium per procuratorem celebratum cur renovetur in præsentia contrahentium? 3. 1. 10. Est unum numero in utroque conjuge. 3. 1. 11. Si ex dispensatione Matrimonium contraheret fidelis cum infidelis, probabiliter fidelis susciperet Sacramentum; At si duo

duo fideles ita contrahunt, ut alter Sacramentum suscipere, alter nolit, neuter illud suscipit, & contractus est invalidus. *ibid.* Quenam sit materia, forma, & minister hujus Sacramenti? 3. 1. 13. Probabilis materia est mutua corporum traditio, & forma eorundem mutua acceptatio signis externis expressa; Ministri vero sunt ipsi contrahentes. *ibid.*

Matrimonium consummatum irritatur, si aut vir, aut femina sexum mutant. 5. 10. 8

Matrimonium ut rite contrahatur, decem conditiones a Tridentino requiruntur. 4. 4. 1

Matrimonium contrahere præcise ad finem recipiendi gratiam Sacramentalem, cum animo ingrediendi postea Religionem, non est licitum. 1. 3. 7

Matrimonium ratione metus invalidum num revalidetur per copulam subsequentem? 4. 3. 8. Et quid si copula etiam metu extorqueatur? *ibid.*

Matrimonium clandestinum, V. *Consensus matrimonialis clandestinus.*

Matrimonium inter consanguineos in quonam gradu sit irritum jure naturæ? In quonam vero jure Ecclesiastico? 5. 6. 8. Num possit Pontifex dispensare ex urgentissima causa, ut frater sorori nubat? *ibid.*

Metus levis non irritat Sponsalia, nec Matrimonium, nec Votum. 8. 2. 8. Probabiliter tamen potest a Sponsalibus rescindi, qui talem metum injuste ab altero Sponso passus est. *ibid.* Metus gravis iuste incussus Sponsalia non irritat, immo nec Matrimonium. *ibid.* Injuste incussus, sed non ad extorquenda Sponsalia, neque reddit ea irrita; esto reddat irritum matrimonium. *ibid.* At si injuste incutiarur ad extorquenda Sponsalia, probabiliter ea non sunt irrita, sed irritanda ad arbitrium metum passi. 2. 8. 9. Hic tamen indiget relaxatione juramenti, si Sponsalia juramento confirmantur. *ibid.*

Metus in quonam sensu dicatur cogere voluntatem, cum hæc violentia pati non possit? 4. 3. 2. Metus gravis injuste incussus ad matrimonium extorquendum reddit illud irritum, & probabiliter jure tantum Ecclesiastico. 4. 3. 3. Quid si sic extorqueatur votum,

aut alius contractus sive gratuitus, sive onerosus? *ibid.* Quid si metus sit levis, aut si sit reverentialis; aut si preces sint importunæ? 4. 3. 6

Metu gravi suscipiens Ordines Sacros num teneatur ad Castitatem, & ad Horas recitandas? 5. 5. 6

Minister Sacramenti Matrimonii quinam sit? 3. 1. 13

Mœchæ in quonam sensu dicatur, qui uxorem dimiserit? 3. 3. 3

Morbus superveniens quando dat jus resciliendi a Sponsalibus? 2. 6. 1

Mors conjugis quandomam dicatur esse certa certitudine sufficiente, ut possit novum matrimonium contrahi? 5. 10. 3

Muti, qui sunt furdi, ac cæci, nequeunt valide Sponsalia contrahere. 1. 5. 6

N

Naturæ juri tripliciter potest aliquid repugnare, puta simpliciter, ratione circumstantiæ, & ratione scandalæ. 3. 3. 4. In quonam sensu dicatur non posse Deus dispensare in jure naturæ? 3. 3. 6. Num jure naturæ repugnet Matrimonium inter consanguineos, vel affines in primo gradu linearæ rectæ? 5. 6. 10. & 5. 7. 4

O

Opinans; aut dubitans Matrimonium esse irritum, num possit debitum petere? 7. 3. 10

Opinans, nullum dari impedimentum jure Ecclesiastico dirimens Matrimonium, potest illud contrahere; Secus vero si detur opinio, & non moralis certitudo, quod nullum subsit impedimentum dirimens jure Divino. 7. 3. 10

Opinio probabilis de impedimento dirimente, aut de delicto Sponsæ num satis sit ad Sponsalia dirimenda? 2. 9. 1

Ordinis impedimentum dirimit Matrimonium contrahendum, non vero ratum. Idque etiam apud Græcos. 5. 5. 1. Probabiliter habens Ordines Sacros ad castitatem servandam obligatur, tum ex Ecclesiæ lege, tum etiam ex voto implicito, quod tenetur emittere; Si tamen nolit vovere, & fornicetur, adhuc peccat sacrilege, quamvis

vis non contra votum. 5.5.2. Quod si Matrimonium contraheret, adhuc illud esset irritum ex Ecclesiæ statuto. 5.5.3. Impubes si suscipiat Ordines Sacros, tenentur voto solemni Castitatis. 5.5.4. Infantes tamen, qui in Sacris ordinati sunt, ad quid tenentur post usum rationis? ibid. Invalide ordinatus nullam contrahit obligationem Ordini Sacro annexam. ibid. Qui invalide ordinatur ex defectu intentionis in Ordinante, non obligatur ad castitatem servandam, cum votum emiserit accessorie: Contra vero qui invalide Professionem religiosam emit, cum voverit principaliter castitatem. 5.5.5. Quid si quis suscipiat Ordines minores, putans esse iis annexum votum castitatis? ibid. Qui per metum gravem suscipit Ordines Sacros, num teneatur ad Castitatem, & ad Horas recitandas? 5.5.6. Uicula, & tactus impudici num Sponsis permitti possint? 1.7.6. Quid si subit periculum delectationis venereæ? ibid.

P

PARENTES nequeunt filios ad Matrimonium cogere; nec ad ejus validitatem requiritur illorum consensus. 4.1.4. Ab iis tamen petere consilium super hac re tenentur filii, quamvis non teneantur illud sequi. 4.1.5. Parochus non est Minister Sacramenti Matrimonii. 3.1.13. Non potest nisi Sacerdotem substituere, qui Matrimonio assistat. 4.4.8. Quinam Parochus a Tridentino requiritur, ut Matrimonio assistat? ibid. Parochus assistens Matrimonio, aut dans licentiam Sacerdoti, ut assistat, non exercet alium jurisdictionis, & ideo potest in aliena Parochia assistere. 4.4.9. Parochus, vel Episcopus solius originis non satis est, ut possit Matrimonio assistere. 4.4.8. Parochus non Sacerdos valide assistit, & dat licentiam assistendi Sacerdoti. ibid. Parochus excommunicatus vitandus valide assistit. ibid. Sacerdos invalide assistit, quamvis habuerit facultatem assistendi, si de tali facultate non sit conscius. 4.4.11. Parochus intrusus si ex errore commu-

ni sine titulo colorato assistat Matrimonio, probabile est, quod valide assistat. 4.4.12. Patrinus debet esse unus, aut una, vel unus, & una. 5.6.2. Polygamia, & Matrimonii dissolubilitas num sint solum ab extrinseco mala? 3.3.4. Pontifex dispensare non potest in Polygamia, ac in Matrimonii indissolubilitate; num possit dispensare, ut frater forori nubat? 5.6.6. Num ut Avus nubat Nepoti? 5.6.9. Num ut Pater filix? 5.6.10. Pontifex num possit dispensare in aliquibus impedimentis jure naturæ dirimentibus Matrimonium? Num in Episcopi residentia? Num ut Sacerdos simplex conferat Sacramentum Confirmationis? Num ut Missæ Sacrificium in una tantum specie offeratur? 6.1.6. Num possit dispensare in radice Matrimonii invalide contracti, etiam in ordine ad effectus civiles? 3.1.7. Pontifex potestatem habet indirectam in temporalia. 3.3.7. Pontifex prohibendo Matrimonium non eatenus illud irritat. 5.1.6. Pontifex potest dispensare in impedimento dirimente voti, adeo ut possit valide nubere Professus, & Sacerdos. 5.4.4. Qui de consensu uxoris Religionem ingreditur, ut illa possit in seculo remanere, tria requiruntur. 5.4.3. Pontifex dumtaxat potest ex gravi causa in Sponsalibus dispensare. 2.9.4. Principum magnorum nomine, cum quibus ex Tridentino dispensari potest in secundo gradu consanguinitatis, veniunt etiam Barones. 6.2.5. Privilegium, & licentia assistendi Matrimonio non habent vim, antequam eorum notitia perveniat; secus vero facultas absolvendi. 4.4.11. Privilegium in quo differat a dispensatione, & a licentia? 6.1.2. Privilegium privatæ personæ concessum nihil operatur, antequam de eo habeatur notitia. 4.4.11. Probatio requisita, ut possint dissolvere Sponsalia, sive propter impedimentum dirimens, sive ob defectum Sponsi, quænam esse debeat tam pro foro interno, quam pro externo? 2.9.1. Pro.

Proclamationes ad Matrimonium prae-
viz. V. Consensus secundum quid clau-
destinus.

Procurator ut nomine Principalis Ma-
 trimonium contrahat valide, quatuor
 requiruntur: praesertim ut mandatum
 tempore contractus non sit revoca-
 tum. 4. 2. 6. Non requiritur inter hu-
 jusmodi Procuratores sexuum diver-
 sitas. *ibid.* Si Principalis tempore con-
 tractus sit ebrius, adhuc validum est
 Matrimonium: Immo confertur tunc
 gratia Sacramentalis ebrio, nisi fuerit
 peccati obex. 4. 2. 7. Idem probabilius
 dicas, si ille tunc sit amens. 4. 2. 8.
 At verius non est validum Matrimo-
 nium, si Principalis fidei mandatum
 dederit Procuratori, & tempore con-
 tractus habeat verum animum con-
 trahendi. 4. 2. 9. Si detur mandatum
 contrahendi praemissis denunciationi-
 bus, validum est Matrimonium, quam-
 vis illae omittantur. 4. 2. 10.

Procurator, qui suscipit infantem in
 Baptismo, probabilius non contrahit
 cognationem. 5. 6. 5.

Professio religiosa dirimit Matrimonium
 ratum, non tamen consummatum. 5.
 4. 1. Si bona fide quis professionem
 emitat credens uxorem obtinisse, si hæc
 sit superstes, habet jus petendi debi-
 tum, & ille tenetur reddere, non ta-
 men potest petere. 5. 4. 2.

Professio religiosa probabilius jure Ec-
 clesiastico dissolvit Matrimonium ra-
 tum. 3. 3. 7.

Professionem religiosam invalide emit-
 tens tenetur servare castitatem, quam
 vovit; secus vero qui invalide Ordines
 Sacros suscipit. 5. 5. 5.

Promissio ficta Matrimonii ad quid ob-
 liget in conscientia? 1. 2. 2. Quid si
 sub spe Matrimonii fidei promittens
 fuerimam violaverit? 1. 2. 3. Quid si
 fidei promittens sit notabiliter dignior?
 1. 2. 4. Si fidei promittens non teneatur
 ducere Bertam, poteritne coram
 Iudice negare promissionem? 1. 2. 5.
 Num teneatur illam ducere vi jura-
 menti? 1. 2. 6. Quid si tam promissio,
 quam juramentum sit simulatum?
 1. 2. 6.

Promissio facta homini, si sit mere in-
 terna, non obligat. 1. 3. 1. Differt ta-
 men a proposito. 1. 3. 2.

Pars VII.

Promissio metu extorta, V. Donatio.

Promissio non acceptata regulariter non
 obligat. 1. 1. 4.

Promissio prodiga pretii facta meretri-
 ci non obligat; secus vero promissio
 prodiga Matrimonii facta plebejæ a
 viro nobili. 1. 5. 8.

Promissio Sponsalium censetur facta sub
 ea conditione, quod notabilis muta-
 tio non accidat. 2. 6. 4.

R

Rapina in quo differat a furto? 5.
 8. 5.

Raptus quandonam Matrimonium di-
 rimit? 5. 8. 5.

Residentia Episcopi, si est de jure Di-
 vino, quomodo potest in ea Pontifex
 dispensare? 6. 1. 6.

Restrictio non pure mentalis quando-
 nam liceat? 1. 2. 6.

Revalidatio Matrimonii irriti ob aliquod
 impedimentum occultum, quod proba-
 ri non potest, non requirit prae-
 sentiam Parochi, & testium. 4. 4. 7.

Quando Matrimonium sine praesentia
 Parochi, & testium revalidatur, non
 sufficit consensus conjugum conditio-
 natus: Non est tamen necesse, ut u-
 trique conjugi nota sit Matrimonii
 nullitas, quando novo consensu ab-
 soluto revalidatur, si ex hac noticia
 scandala oriantur. 7. 4. 14.

Rumor in quo differat a Fama, seu vo-
 ce publica? 2. 7. 4. Rumor de aliquo
 impedimento non satis est ad Spon-
 salia dirimenda; Fama vero sufficit.
 2. 7. 6.

S

Sacerdos Græcus potest licite uti Ma-
 trimonio olim contracto, sed inva-
 lide Matrimonium contrahit. 5. 5. 1.

Sacerdos Latinus transiens per Græci-
 am potest in fermentato celebrare. 4.
 4. 6.

Sacerdos mutans sexum retinet chara-
 cterem; sed consecrare nullatenus pot-
 est. 5. 10. 8.

Sacrificium Missæ num possit ex Ponti-
 ficis dispensatione sub una tantum spe-
 cie offerri? 6. 1. 6.

Sacrilegium probabilius non est, matri-
 mo-

Ee

- monium cum impedimento dirimente contrahere. 5.1.4
- Secretum naturale non obligat ad non revelandum impedimentum Matrimonii occultum. 4.5.3
- Seminis effusionem in somnis inceptam num liceat non impedire? 7.1.6
- Seminis effusionem, aut distillationem procurare ad vitam tuendam non licet; esto liceat ob talem finem partem corporis, puta brachium, amputare. 7.1.6
- Senes omnino impotentes num valide Matrimonium contrahant? 5.10.8
- Sensualitatis motus quondam permitti possunt? Et quando est solum culpa venialis illos non impedire? Quando vero mortalis? 7.1.7. Num sit lethale negative se habere circa illos? 7.1.8. Causam pollutionis, vel commotionis spirituum generationi deferentium non impedire, quando sit culpa lethalis? 7.1.9. Num detur materiae parvitas in delectatione venerea deliberate quaesita? 7.1.10. Num saltem in re ex objecto venerea detur parvitas materiae excusans a mortalitate? 7.1.11
- Societatis Jesu non professi emittunt vota simplicia, quae dirimunt Sponsalia etiam antecedentia, ac Matrimonium subsequens. 3.3.8. At non Matrimonium ratum; quod nec a voto solenni annexo Ordini Sacro dirimitur. 3.3.9
- Sponsalia quid sint? Et quam promissione constituantur? 1.1.2. Isthæc promissio debet esse deliberata, mutua, & acceptata, ac signo sensibili expressa. ibid. Sponsalia neque sunt Sacramentum, neque Sacramentalia. 1.1.6. Ad ea constituenda sufficit deliberatio, ac intentio virtualis, non tamen habitualis. 1.1.7. Nec sufficit voluntas promittendi sine voluntate se obligandi. 1.1.8. non requiritur tamen ad eorum valorem voluntas exequendi, quod promittitur. ibid.
- Sponsalia contrahere nequeunt, qui perpetuo impedimento laborant ad nubendum. 1.1.6. Votum castitatis est impedimentum irritans Sponsalia. ibid. & 2.3.1. Quid si promittatur matrimonium ab habente hoc votum sub conditione copulae? ibid. Num sit impedimentum irritans Sponsalia notabilis disparitas contrahentium? 1.5.7
- Sponsalia ficta. V. *Promissio ficta*.
- Sponsalia ante septennium num aliquando sint valida? 1.5.2. Cur professio religiosa ante praescriptam aetatem semper sit invalida, secus vero Sponsalia, & Matrimonium? 1.5.4. Quid si parentes pro filiis infantibus Sponsalia contrahant? 1.5.5
- Sponsalia impediunt & irritant Votum Castitatis antecedens, & Ordo Sacer. 2.4.3. Dirimit Sponsalia ingressus in Religionem solum ex parte ejus, qui remansit in saeculo. 2.4.4. Sponsalia jurata ingressum in Religionem non impediunt. 2.4.5. Nequit Religionem ingredi, qui post sponsalia sponsam desolavit. 2.4.6. Si Votum castitatis, vel ingrediendi Religionem, vel suscipiendi Sacros Ordines sponsalia subsequatur, alter remanet liber a sponsalibus; Vovens tamen probabilius remanet ligatus. 2.4.8. Sed votum profectum in Religionem post sponsalia emissum ex parte utriusque dirimit sponsalia. ibid. Sponsalia posteriora jurata non dissolvunt priora, nisi tantum ex parte innocentis. 2.5.1. Quinam moribus, aut simile vitium dat jus resiliendi a sponsalibus? 2.6.1. Quid si uterque conjux in paupertatem incidat? 2.6.2. Si superveniat affinitas, tenetur sponsus reus petere dispensationem, si alter velit. 2.7.2. Fama de aliquo impedimento dirimente sponsalia dirimit. 2.7.4. Quanam ignorantia, seu error, & quinam metus sponsalia dirimat? 2.8.1.
- Sponsalia Puberum mutuo consensu dissolvuntur. 2.1.1. Quid de sponsalibus Impuberum? 2.1.2. Quid de impubescentibus, si iuramento sponsalia confirmarint? 2.1.4. Num possint dissolvi sponsalia etiam ob sponsi fornicationem? 2.2.2. Num si uterque sponsus fornicatus sit? 2.2.3. Absentia sponsorum quando dat jus ad sponsalia dissolvenda? 2.3.1
- Sponsalia trahunt onus non apponendi matrimonio impedimentum, puta non suscipiendi Ordines Sacros. 1.6.1. Quan-

1. Quandonam impleri debeat promissio hęc matrimonii? *ibid.* Num possint Sponsalia obligare dumtaxat sub veniali? **1.6.2.** Et quid si sint gratuita, & non onerosa? **1.6.5.**

Sponsalibus num possit apponi poena luenda a resiliēte? **1.6.8.** Num vi iuramenti forte præstiti ad illam luendam teneatur, qui resiliit iuste? **1.7.9.** Quid de arrhis? **1.6.10.** Quid de pacto addito de habitando in determinato loco? **1.6.11.**

Sponsalium contractus conditionatus est irritus, non secus ac matrimonialis, si apponantur conditiones contra substantiam matrimonii. **4.6.2.** Et similiter in utroque contractu conditiones impossibiles habentur pro non adjectis. **4.6.10.**

Sponsalium effectus tam intrinseci, quam extrinseci quanam sint? **1.7.1.**

Sponsalium promissio obligat non ex sola fidelitate, sed etiam ex iustitia, dummodo sit mutua. **1.1.8.**

Sponsalium promissio cum animo ingrediendi postea Religionem, aut servandi castitatem num liceat? **1.3.7.**

Sponsalium signa externa quanam sint certa, quanam dubia? **1.4.2.** Sponsalia disjunctiva non trahunt impedimentum publicæ honestatis. **1.4.3.** Sex modis sponsalia contrahuntur. **1.4.5.**

Sponsi habentes impedimentum occultum, si non possint a matrimonio desistere sine magno scandalo, quid faciant? **4.5.5.**

Sponsalitia largitas, seu focalium in quo differat ab arrhis, & an istæ licite apponantur contractui sponsalium? **1.6.10.**

Sponsis num liceant oscula, amplexus, & tactus non impudici? **1.7.6.** Num liceat illis delectari de copula habenda? *ibid.*

Sponsus qui post sponsalia cum Berta contraxit cum alia matrimonio, hac mortua probabilius tenetur illam ducere. **2.5.2.** Si tamen non contraxit matrimonium, sed solum habuit copulam cum secunda, probabilius hanc ducere tenetur. **2.5.4.** Potest sponsus resiliere a sponsalibus, si sponsa permiserit se turpiter ab alio tangi, aut si deprehendatur ejus fornicatio ante

sponsalia. Si tamen hæc accendant sponso, non poterit eatenus sponsa resiliere. **2.1.2.**

Subarrhatio, & traditio sponsæ in domum, aut porrectio manuum num sint signa certa experientia consensus internum matrimoniale? **4.1.2.**

Surreptitia donatio. *V. Dispensatio.*

T

Taciturnitas quandonam habetur pro consensu? **1.4.4.** Si Parentes matrimonium contrahant pro filiis tacentibus, & non reclamantibus, aut Tutores pro pupillis similiter præsentibus, & non dissentientibus, taciturnitas præsumitur esse signum consensus. **4.2.3.**

Tempus feriarum quodnam sit, & quid in eo prohibeatur? **5.11.3.**

Testes ad validitatem matrimonii requisiti satis est, quod usum rationis habeant, quamvis non sint omni exceptione majores. **4.4.13.**

Titulus coloratus num requiratur, ut posito errore communi jurisdictioni conferatur? **4.4.12.**

V

Venditor rei habentis vitium occultum quomodo debeat se gerere cum emptore? **2.8.6.**

Vicarius Generalis Episcopi dispensare potest in proclamationibus, non secus ac Episcopus, nisi id illi veteretur. **4.5.1.**

Viti, seu metus quandonam ferant impedimentum dirimens matrimonium? **5.10.1.**

Vitium occultum quandonam a sponsis est detegendum, ne contractus sit irritus? **2.8.6.**

Votum castitatis annexum Ordini Sacro cur dicatur solemne; non vero quod emititur a non Professis in Societate Jesu, licet utrumque dirimat Sponsalia etiam antecedentia, ac matrimonium subsequens? **3.3.8.**

Votum castitatis emissum post matrimonium consummatum, invito altero conjuge, est irritum. **7.3.3.** Qui vivit castitatem ante matrimonium, vel post matrimonium ratum, non tenetur Religionem ingredi, ut votum servet.

vet. **7.3.4.** Votum castitatis a conjugio emissum de consensu alterius num det jus ad divortium? **8.3.6**
Votum castitatis reddit irritum contractum sponſalium ſubſequentem; Nifi fiat promiſſio ſub conditione, quod diſpenſatio obtineatur. 1.5.6. & 2.4.3
Votum emiſſum metu gravi injuſto ad illud extorquendum incuſo, neque jure naturæ, neque Eccleſiaſtico eſt irritum. 4.3.4
Votum ex errore emiſſum eſt nullum. Secus vero contractus ſponſalium. 2.8.4
Votum ingrediendi Religionem, aut Caſtitatis, aut ſuſcipiendi Sacros Ordines ſi antecedit ſponſalia, illa dirimit, etiamſi jurata, non ſecus ac votum profitendi in Religionem. 2.4.7.
Quod ſi hæc vota ſubſequantur ſponſalia, alter remanet liber; ſed vovens probabilius remanet a ſponſalibus ligatus. 2.4.8.
At votum profitendi in Religionem poſt ſponſalia emiſſum illa dirimit ex parte utriuſque. ibid. Qui credens uxorem obſiſſe, emittit votum ſolemne caſtitatis, ſi deprehendit, illam eſſe ſuperſtitem, tenetur debitum reddere, non poteſt tamen petere. 5.4.2.
Eſt impedimentum dirimens matrimonium tam votum ſolemne caſtitatis,

quam ſimplex in Societate Jeſu; 5.4.2. At eſt impedimentum impediens votum ſimplex ſive caſtitatis, ſive ingrediendi Religionem, ſi venon nubendi. **5.11.1.** Qui poſt tale votum nubit, ad quid tenetur? **5.11.4.** & **7.3.2.** Num poſſit hic aliquando petere debitum? **5.11.6.** Num licite matrimonium contrahere quis poſſit cum ea, quæ votum habet caſtitatis? **5.11.7.** Num poſſit ſine diſpenſatione in tali voto matrimonium contrahere, qui ſtimulis carnis valde urgetur, & in proximo eſt, ut cadat? **5.11.8**
Votum non obligat, quando ejus materia ita mutatur, ut ſi id a principio extitiſſet, votum non fuiſſet emiſſum. 1.5.6
Votum nubendi quando obliget? 1.3.3. Si quis duo voveat, & ducere uxorem, & ducere pauperem, ad quid tenetur? **1.3.5.** Votum nubendi, ſine animo conſummandi, per ſe loquendo non licet. **1.3.6**
Votum ſine plena deliberatione nec ſub veniali quidem obligat. 1.1.3.
Votum obligare poteſt in re gravi ſub veniali; non tamen ſponſalia. 1.6.2
Uſurarum promiſſio non eſt invalida, quia coacta, ſed quia deficit titulus legitimus. 4.3.5.

F I N I S.

ANT 1742164